

£ 27 5

109

134

Indice

1. Assuetudine quatuordecim circa articulum de casibus inhumanis gratia. A.
2. Pro Nativitate immaculata Conceptionis. L.
3. Summaria opinionum de Divina predestinatione ac reprobatione explicatio. L.
4. Disputatio de cultu adorationis imaginum.
5. Tractatus de veritate inveniendi Sacramenti novi & veteris testamenti.
6. Disputatio de communione utraque spiritus.
7. Quaestio de institutione divinitus sacramentorum.
8. In libro Lamentorum. L.
9. De iura punitiois hereticorum.
10. De iure iurisdictionis fundam. Doctoris Egidii Romani.



1842

Attest that the within and foregoing is a true and correct copy of the original as the same appears from the records of the Court of Sessions of the County of Middlesex in the year 1842.

In witness whereof I have hereunto set my hand and the seal of the said Court at the City of London this 10th day of January 1843.

John B. Esq. Clerk of the Court.

Attest that the within and foregoing is a true and correct copy of the original as the same appears from the records of the Court of Sessions of the County of Middlesex in the year 1842.

In witness whereof I have hereunto set my hand and the seal of the said Court at the City of London this 10th day of January 1843.

John B. Esq. Clerk of the Court.



ASSERTIONES

QVATVORDECIM CIRCA ARTICVLVM

DE CERTITVDINE INHAERENTIS GRATIAE

AD

SANCTAM SYNODVM TRIDENTINAM

AVTORE REVERENDO PATRE F. AMBROSIO

CATHARINO EPISCOPO MINORIENSE.



AD LECTOREM.

Quantum conferat plenior hic Assertionum Tractatus cum ad ueriores plurimarum scri-
pturarum intelligentiam, tum ad clariorem multarum & grauiusimarum questionum
resolutionem, tum deniq; ad notitiam uberrimae gratiae & bonitatis Dei erga pios
& iustos, unde & serenatio conscientiae multo ampliori & fiducia, non illa
haereticorum inanis, sed quae propria piorum est, multo fortior: Item ani-
mus et alacritas ad perficienda egregia opera multo promptior exori-
tur: pius, acutus, & candidi animi lector, qui non iuratis in-
uerba magistri, nec quicquam ueritati praeferre con-
sueueris; persucile recognosces.



*Scilicet per. Opuscula sui ex emplare
inter pro aliquo D. Catholico
ita cum. Vide*

INDEX ASSERTIONVM.

Assertio prima.

Non probari ex vllis scripturæ locis quæ producuntur, Neminem citra specialem & priuilegiatam reuelationem posse ex fide certum esse suæ adeptæ gratiæ & iustitiæ.

Assertio secunda.

Irrefragabiliter de scripturis sanctis hanc certitudinem gratiæ, ex fide venientem, comprobari.

Assertio tertia.

Quodd nullus verorum Patrum repugnat certitudini præsentis gratiæ quam asserimus.

Assertio quarta.

Innumera esse sanctorum Patrum testimonia pro hac certitudine gratiæ quam defendimus venientem ex fide.

Assertio quinta.

Quodd hac de re Scholastici Doctores variè & obscure docent: & D. Thomas & primi Scholasticorum potius negant certitudinem scientiæ (vt philosophi scientiam intelligunt) quam fidei certitudinem.

Assertio sexta.

Quodd nulla est ratio qua illa incertitudo quam aduersarii prædicant, suadeatur.

Assertio septima.

Multa esse argumenta quæ ad certitudinem adeptæ gratiæ faciunt: & in primis sacramentorum finis testificatus nobis à Deo.

Assertio octaua.

Manifestari hanc gratiæ certitudinem non solum à virtute sacramentorum testificata per IESVM CHRISTVM, sed etiam ab ipsa illorum virtute, experimento ac sensu interno à nobis percepta.

Assertio nona.

A virtute Synderesis & conscientiæ certo deprehendi posse hanc certitudinem quam probamus.

Assertio decima.

A natura & excellentiâ ipsius doni, quod est charitas, satis persuaderi eius quoque doni certitudinem.

Assertio undecima.

Ex ipsa charitatis natura, quam nos docent scripturæ, posse hominem Dei sanctum faciliè & certo nosse se esse in charitate.

Assertio duodecima.

Ab egregiis atque heroicis charitatis effectibus & operibus, his præsertim quæ habent promissionem, certo nosci posse in herentiam charitatis.

Assertio tertiadecima.

Quodd aduersus hanc certitudinem quam asserimus, nulla pontificia aut synodalis determinatio, nulla vniuersitatum seu Magistrorum censura militat.

Assertio quatuordecima.

Quodd qui contra hanc certitudinem quam defendimus, scriptis contenderunt, ita disputarunt vt nostris partibus (quod veritati magnopere attestatur) multo magis fauerint.

3

AD REVERENDISS. ET
ILLVSTRISS. D. D. MARCELLVM CRESCENTIVM
S. R. E. PRESBYTERVM CARDINALEM TITVLI S. MARCELLI
& in Concilio Tridétino sanctę Sedis Apostolicę Legatum

ET AD REVER. DD. CVM EO PRÆSIDENTES

Dominum Sebastianum Pighinũ Archiepiscopũ Sipontinum

& D. Aloisium Lippomanum Episcopum Veronensem

ET RELIQVAM SANCTAM SYNODVM

Fractis Ambrosii Catharini Politi Episcopi Minorienfis in Assertiones suas

De certitudine in hærentis Gratię.

P R A E F A T I O.



PROPTER QVOSDAM QVI NONVM
caput Decreti de Iustificatione sanctę Synodi Triden-
tinę in alium sensum accipiunt quàm Patrum mens-
urum fuerit & verba ipsa Decreti patiantur & Acta tes-
tentur, cum res ipsa non nullius momenti, sed ma-
ximè ponderis sit ac præiudicii (quod hi soli non cer-
nunt, quibus diuina gratia minus est curę) necessa-
rium mihi duxi, hac præfatione admonere lectorem, & ea rursum hic præ-
mittere; quæ in interpretatione meâ ad ipsum nonum caput olim sum
præfatus: quam interpretationem ad ipsos Reuerendissimos eius Concilii
Legatos, quorum alter nunc, Dei gratia, est Summus Pontifex noster
IVLIVS TERTIVS, & ad ipsam vniuersam Synodum destinaui.
Etenim in hunc modum scripsi: ANTEQVAM declarem verba De-
creti, præmitto primum, eam fuisse sanctę Synodi mentem, nihil se velle
decidere controuersum inter Catholicos, sed solummodo aduersus ea
quæ vel veteres, vel noui hæretici dogmatizarunt. Nam præter id quod
Bulla Summi Pontificis admonet, ad hoc esse conuocatum Concilium, vi
delicet ad extirpandas hæreses & erroneas doctrinas, non autem ad sta-
tuenda noua dogmata: certè ipsum Decreti progiium hoc euidenter de-
clarat, dum contestatur se prouidere contra erroneam de Iustificatione
doctrinam nostro tempore disseminatam. Non autem temerè & sine ma-
gna disceptatione atq; euidentissimis argumentis & autoritate vel scriptu-
rarum vel Ecclesię iudicanda erant: erronea quæ inter Catholicos hæc-
tenus & multo ante hæc tempora, salua charitate & pace, disputata sunt &
pertractata. Addo quòd & sæpius hoc protestati estis ambo Vos Præsi-
dentes, & specialiter in hac controuersia cum in conuentu patrum, tum
verò in congregatione Theologorum. Et ambos audiuius contestan-
tes, non videri libi questionem hanc discussam satis ad decisionem. Imò

ipsamet sacrosancta Synodus bis declarauit, huius rei definitionem tunc omittendam esse & in aliud tempus seruandam, sicut in actis poterit apparere. Denique ipsemet titulus noni capituli hoc manifestat abunde, qui sic habet: **CONTRA INANEM HAERETICORVM FIDVCIAM.** Non autem est inanis ea fiducia quā nos praedicamus, quae a serenitate conscientiae & ab operibus bonis cum testimonio sancti Spiritus & a virtute sacramentorum elicitur, sicut & ipsimet confitentur qui contra hanc certitudinem obloquuntur. Mitto quodd & ego cum sententiam meam exponerem in congregatione Episcoporum, plane sum contestatus, & clara voce dixi (nullo mihi contradicente) quodd admittebam illam adiectam particulam in eum sensum qui non faceret praesudicium eium doctrinae Catholicorum: quem sensum illam particulam etiam facere confessus sum & confiteor, & simul contestor quodd si aliter accipitur, defendi Decretum recte non potest. **H A E C** ego tunc, quae iterum atque iterum in Expurgatione nostra & Disceptationum libello recens fui & obieci, nemine vnquam Patrum reclamante, nemine obfistente: nouerat enim me vera eloquutum fuisse. Adieci & alia quibus luce clarius manifestum feci, positionem nostram nedum non aduersari villo sanctae ipsius Synodi decreto, verum contra potius eandem doctrinam exprimere quae ibi tacite continetur. Quodd autem cum quouis lutherano dogmate nihil habeat affine, etiam qui contra scripserunt ingenue tandem confessi sunt: quod tamen ab initio negabatur. Quamobrem iure meo possem contemnere quoscumque vel maleuolos vel imprudentes ac temere obloquentes in fratrem suum, & pro sua magistralitate, vt ita loquar, ne vel malignitate vel temeritate dicam, adeo facile pronuntiant, Hoc haereticum, hoc haereticum sapiens, illud scandalosum, illud erroneum, aut quidd tale: cum tamen suae sententiae rationem reddere, vbi vsus venerit, non sit illis in promptu, sed si exactius res tractetur aut subtilius disputetur, comperiunt postmodo ea se damnasae, quibus & scripturae sacrae ac sancti Patres & ipse Ecclesiae Spiritus ad stipulantur: sicut circa hunc articulum puto me dilucide, abunde, & euidentissimis rationibus demonstrasse: Vnde magna cum fiducia, iis tantis testimoniis fretus, huic nouum librum eo titulo, videlicet Assertiones inscripsi. Verum quoniam ante tantorum Patrum ac tantae Synodi splendorem & auctoritatem, superbum & inuidiosum est hoc assertionis vocabulum, sponte mea muto hic vocem, aut me ipsum potius interpretor, & protestor coram tantis Patribus: nihil me velle asserere nisi quod ipsi iudicarint merito asserendum: nec, vt verum & catholicum quicquam retinere, nisi quod ipsi tanquam tale probabunt: non dubitans nihil in eo confessu futurum tumultuosum aut absque maturatione consideratione & scripturarum scrutatione & testimoniorum collatione sanctorum Patrum decernendum. Liceat igitur mihi has vocare Assertiones ad illiusmodi magistros aspicienti, vt videant si quo modo valeant eas destruere. Propter hos enim licere mihi puto interdum paulo altius ac superbius in hac mea *παρομοίᾳ* loqui, vt vel comprimatur audacia, vel excitetur eorum doctrina, vt, si valent, citra iniuriam ea publicis

ce redarguant quæ priuatim vituperant. Narrabo factum incredibile quid-
 dem, sed verum & propositum oculis cunctorum spectandum. Quidam
 ex huiusmodi magistris ac censoribus doctrinarum non obscuri nominis,
 postquam de Opusculis nostris, cum essem Tridenti in Synodo, quinquaginta numero errores (sicut ille titulus prænotauit) excerptis, & in catalogum redegit vt publicè damnarentur (non attinet rei exitum hic enarrare) ille inquam idem Magister ac Censor, dum ibidem ageremus, & de peccato originali tractaretur, & bona & magna pars Synodi intenderet vt declararetur, B. VIRGINEM ab eo peccato in gratiam Filii & meritis eius fuisse præseruatam, curauit magnis laboribus ac sudoribus vsq; ad necem, edi librum quendam vt opponeret eum sanctæ Synodo. Libri autor, vt habet titulus, fuit celebris memoriæ vir Dominus Ioannes Cardinalis de Turrecremata cum adhuc esset in minoribus. Idem ergo Magister accusator meus indicem illi libro attexuit, & signauit ibi quinquaginta & octo errores in fide, quos (vt habet indicis titulus) incurrunt qui B. VIRGINIS conceptionem ab illo originali peccato præseruatam volunt defendere. Ego igitur cum hanc ipsam immaculatam Deiparæ conceptionem, Romanæ Ecclesiæ & totius christiani orbis ritum & cultum sequens defendam, iam centum & octo errorum per hunc virum reus deprehendor. Nam quinquaginta illi quos annotauerat, non attinebant ad hunc sanctæ conceptionis articulum. O quantam dicendi materiam hic locus mihi subministraret: sed parco illis, quos nolim irritare, sed conseruare cum eis omnem necessitudinem & fraternam charitatem & sodalitatem. Hoc tamen vnum attuli exemplum, quo liceat hoc hominum genus sectis addictum agnoscere. Nam per vnum multi loquuntur, vt si ille superet, omnes superasse videantur: sin autem ille merito succumbat, non sit totius generis ignominia & honoris iactura. Quorum tandem vt (si fieri potest) os claudam, quæcunque scripsi vnq; licet non sine doctorum virorum & criticorum examine in lucem venerint, & eos nam ac magnam partem probauerit celeberrima illa Vniuersitas Parrhisiorum: nunc tamen specialiter (quod feci semper) examini ac iudicio Apostolicæ Sedis & vestro subdo atq; suppono; & præsertim Assertiones has, quas non contra vllum mortalium, sed contra ipsum Diabolum Satanam scripsi, qui inuidiosè contra illud pretiosissimum Dei donum quod ipse amisit omnifariam molitur: quod est gratia & iustitia siue charitas Dei diffusa in cordibus nostris per Spiritum sanctum. Nec.n. nullius ponderis est quæstio hæc, aut nihil ad nos attinens: sed ea est, quam Diabolus vellet manere perplexam, & hac incertitudine miseris lacerare & ad desperationem ducere conscientias. Docuerunt enim quidam aliquando, nullum esse hoc donum verè in hærens nobis, sed tantum esse Spiritum sanctum quo agimur. Hic error primùm summopere placebat Diabolo: sed cum exploderetur ab omnibus, subornauit nouos hypocritas qui dicant, Esse quidem gratiam & inherentem charitatem in nobis siue iustitiam (nam apud B. Augustinū idem sunt) sed non per eam fieri nos iustos, sed per illam quæ fuit CHRISTI nobis imputatam per fidem.

Qui error à sancta Synodo iam reprobatus est. Nunc idem Diabolus Sa-
 ranas nititur hoc persuadere, Neminem huius doni habere posse certum
 diuini donec uiuit, nec via sacramentorum, nec quocumque inclyto opere
 & excelsio, etiam martyrii, nec Spiritus sancti testimonio: ut hoc pacto
 nonnulli facile credant id non esse quod nullus experitur ac sentit, si per-
 petuo cogatur quilibet christianus quantauis perfectionis, quantauis fi-
 dei & charitatis, vel dubitare vel formidare vel hesitare, vtrum Deus di-
 miserit sibi peccata sua, & consequenter, Vtrum acceperit vnquam gra-
 tiam, vel per Baptismum. Hoc autem agit ille Serpens, ut non dubito,
 quod vel à fide eius doni nos abstrahat, aut minus illud diligere compel-
 lat, ac per hoc tepescere faciat in operibus bonis, quibus & custoditur
 & augetur & sentitur. Siquidem (ut eleganter ait D. Gregorius) Si ne-
 scimus bona quæ agimus, minime seruamus. Quis enim bonum in se
 custodiat quod ignorat? Caterum nemo mihi molestus sit. Iterum di-
 cam, has tibi Assertiones meas. Reuerendissime & Illustrissime Doctores
 & Reuerenti. Præfidentibus tecum, & sanctæ Synodo reuerenti-
 ter offero dicoque illa cognoscat & iudicet. Ego autem
 & multi enim synchero & humiliter corde nihil volo assertum
 quod à vobis & sanctæ vestra animaduersione non sit probatum. Rogo autem & flecto
 genibus ad clementissimum PATREM, & precor
 & supplicans ut Spiritus veritatis & pacis
 vobis dirigat & conseruet vna
 omnes in CHRISTO. Amen.
 V. Dominò nostro.
 Amen.

A S S E R T I O N E S R. P. F.

Ambrosii Catharini, Episcopi
Minorien. circa articulum

DE CERTITVDINE GRATIAE

Ad sanctam Synodum Tridentinam.

A S S E R T I O I.

Non probari ex ullis scripturæ locis quæ producuntur, neminem citra specialem & privilegiatam revelationem posse ex fide certum esse suæ adæptæ gratiæ & iustitiæ.



A E C. A S S E R T I O, quia non aliter ostendi potest quam inductione eorū locorū quæ ab aduersariis positissimum allegantur, ideo ea linguam inducemus.

Primus locus
ex B. Iob
cap. 9.

Hæc Allegant primum illud ex Iob: Etiam si simplex fuero; hoc ipsum ignorabit anima mea. Quæ sententia vniuersi sicut trita est, ita etiam sanè fuisset vulgo intellecta. Putant enim ex his verbis nesciuisse Iob innocentiam propriam: quod adeo alienum est a veritate, ut (sicut D. Hieronymus, & vniuersi noster sancti eius libri Interpretes contestantur) tota altercatio Iob, cum amicis hæc erat, quod ipse se iustum, illi vero cum impium pronuntiabant. Vnde ipsemet in cap. xiii. inquit: Si iudicatus fuero, scio quod iustus inueniar. Et cap. xii. contra sui ipsius deorsos, de simplicitate sua testatur his verbis: Qui desiderat ab amico suo sicut ego, inuocabit Deum; & exaudiet eum. Desiderat enim iustus simplicitatem. Et alibi ait: Hæc passus sum absque iniquitate manus meæ, cum haberem mundas ad Deum preces. Et cap. xxiii. de iudicio Dei inquit: Nolo multas fortitudine contendere tecum, nec magnis iudicis suæ mole me premat. Proponat æquitatem contra me, & perueniet ad iustitiam iudicium meum. Et paulo post: Vigilam eius secutus est pes meus; uiam eius custodiam, & non declinavi ex ea. A mandatis laborum eius non recessi, & in finem meum abscondi uerba oris eius. Et cap. xxvii. ait: Donec deficiam non recedam ab innocentia mea. Iustificatio nem meam, quam cepti tenere, non deseram: neque enim reprehendit me cor meum in omni uis mea. Quid his verbis expressius ad statuendam innocentiam suam? Et ne quis dicat, quod Iob non loquebatur in his locis in personam suam, præter hoc quod absque ratione & pro voluntate hoc diceretur, habemus

B. Gregorium huic euasioni occurrentem, tanquam si eam præuidisset. Ille enim exponens hæc ipsa verba: Si fuero iudicatus; scio quod iustus inueniar, sic ait: Hoc ab eiusdem etiam B. Iob persona non discrepat; quando hoc ipse B. Gregorius. foris de seipso loquitur, quod de illo Veritas hostis eius interius dixerat: Vidisti seruum meum Iob, qui non sit ei similis super terram? Et quidem idem uir ualde est inferius quod de se memorat, quod quod de illo Dominus dixerat. Aliud est, n. iustum esse, aliud est ei similem non esse. Humiliter igitur de semetipso sensit; qui dum iustus sine cōparatione existit, non se præ ceteris, sed iustum tantummodo inueniri posse memoratur. Hæcille. Quia etiam in hoc ipso nonio capite, quod ait Iob: Et multiplicabit vulnera mea sine causa, Idem gloriosus doctor in hunc modum exposuit. Nequaquam B. Iob percussus est ut in eo percussio uitium tergeret, sed ut meritum auget. Vulneratum se itaque sine causa asserens, hoc de se foris loquitur, quod de illo Veritas in occulto testatur dicens: Commouisti me aduersus eum ut iustitiam gererem eum frustra. Vir ergo sanctus non superbe dicit quod ueraciter dicit: nec per hæc uerba a ueritate discrepat, per quæ a Iudice non discordat. Hæcille. Et super cap. xxvii. manifestissime probat apertis & clavis verbis, quod B. Iob attestatus ibi fuit innocentiam suam, quam toto tempore suæ uitæ seruauit: & quod nunquam consenserit ulli peccato, quod aut ferret iustitiam ac innocentiam. Quare ex his omnibus manifestissimum redditur, quod Iob conscius erat iustitiæ suæ: & propterea in citato loco aduersus nos, non conueniebat illi ut contrarium diceret, illudque pro regula etiam pronuntiaret.

Verus ergo sensus est, quod cum Deo loquens, id quod ipse sciebat de se, nolens superbe agnoscere, & quasi iudicio cum illo contendere: sed demittere & accusare seipsum, & illum tanquam iudicem deprecari: quod est iustorum proprium. Unde & præceptum legimus: Non te iustifices ante Deum: quoniam ipse agnitor cordis est. Hunc sensum elegit etiam B. Gregorius nobis expressit his verbis ad litteram: Plerumque si scimus bona quæ agimus, ad elationem ducimur: si ne scimus, minime seruamus. Quis, n. aut de uirtutibus B. Gregorius suæ conscientia non quantulumcumque superbiat? Aut super cap. 9. quis rursum bonum in se custodiat, quod ignorat? Iob. Sed contra: utraq; quid superest, nisi nisi uerba quæ agimus, sciendo nesciamus? ut hæc et uerba estimemus & minima: quatenus & ad custodiam sensisset animam scientia reuerentiam, & in timore non eleuati estimatio minorationis. Unde & alibi hunc sensum aperiens, & destruens omnes glossas quorundam ineptas, dixit capite xxv.

Haebent itaq; proprium sancti miri ut bona quidem que agunt videant, & tamen cum peregerint, ab eorum memoria oculis auertant: non quod non plane norint esse bona & acceptabilia Deo, sed ne elatione aliqua meritum amittant. Vnde & alibi: Sciendum uero est, quia quamuis de se humilia sentiat animus uisum florant, ea tamen que agunt, quoniam sine reuera conspiciunt, sed de eorum rectitudine non presumunt. Hæc sanctissimus ille Pontifex. Vnde patet, quod non ignorabat Iob simplicitatem suam, sed sciens illam, scire coram Deo nolebat: hoc est, nolebat temerarius iactare, aut, quasi suam, obicere illam in Deum illius autorem. Hic est proprius & egregius illius loci sensus: unde tanti abest ut id probet ad quod probandum assertur, ut & diametro aduersum concludat.

Illud profecto extra controuersiam esse debet inter scripturarum peritos, quod Iob certus erat suæ iustitiæ, quam in toto illo libro passim prædicat. Quo magis miror & obstupeſco, quod cum ille uir sanctus, tot locis adeo clare suæ simplicitati atq; innocentie astipuletur, ad nullum tamen eorum aspicientes qui contradicunt, in hoc uero tantum figunt intuitum: qui tamen tam facile eripitur eis & manibus, cum sensum tam præclarum nobis reddat, iuxta Magni Gregorii expositionem. Caietanus autem, quoniam manifeste perſpexit, quod B. Iob non ignorabat innocentiam suam, quam & passim vel in eodem capite declarat, in eo versiculo uoluit cum iis uerbis, negare solum erritudinem euidencie, non fidei. Ait enim: Constant est Iob in prima sententia, quod Deus afflixit eum non propter peccata eius. Inuo, ut recte inquit B. Hieronimus argumentum totius libri Iob id continet quod amici iacebant, illum propter suam crimina afflictum fuisse, ille negabat. Ex quibus omnibus late patere potest, ex his uerbis Beati Iob minime probari contra certitudinem gratiæ quam defendimus.

Secundus locus ex Ecclesiaste.

Secundus locus ex Ecclesi. cap. vii. nec minus ritus adducitur, ubi legitur: Nescit homo utrum amore in odio dignus sit. Qua sententia negari certitudinem præsentis gratiæ plerique uolunt. Nec perpexerunt si hoc negetur, simul certitudinem negari præsentis odii Dei. Nam sicut Sapiens dicit, Nescit homo utrum sit dignus amore, ita dicit, Nescit homo an sit dignus odio: Quod certe falsissimum est si sic simpliciter intelligatur. Nec obstat quod quidam dicere, Salomonem de iustis tantum locutum esse: Quoniam hoc & sine auctoritate dicitur, & con

tra proprietatem uerborum. Legimus. n. indefinite: Nescit homo: non autem: Nescit Iustus. Præterea, omnes locum quos legi (vidin. plurimos) illum locum secus expofuerunt: signanter B. Hieronymus ibi, & B. Bernardus in epistola. cxi. Est enim Beati Hieronymi expositio, quæ uult, non quod non possit sciri amor aut odium Dei, sed quod non potest sciri ex fortunis & infortunis quæ in uita contingunt: quoniam promiscue contingunt bonis & malis. Huic autem intelligentiæ fuere uerba ipsa uidentur, quæ sunt hæc: Sunt iusti atq; sapientes, & opera eorum in manu Dei sunt, & tamen nescit homo utrum amore an odio dignus sit, sed omnia in futurum seruantur incerta, eo quod uersa æque eueniant iusto & impio, bono et malo, immundo & immundo, immolanti uictimas & sacrificia contemnta: sicut bonus, sic & peccator: ut periturus, ita & ille qui uerum deierat. Hoc est pessimum inter omnia: quia eadem cunctis eueniunt: unde et corda filiorum implentur inualita et contemptu in uita sua: post hæc ad inferos deducuntur. Ecce ut clare ibi ratio reddi uidetur huius ignorantie, quæ est, quod indifferenter contingunt hæc externa bona & mala impiis pariter & piis. Hunc sensum Caietanus & rectiores qui studuerunt magis ex uerbis auctoris, quam ex commentariis hominum sensa erueret, facile comprobauit. Dicit tamen Augustinus in Soliloq. & B. Bernardus in serm. de septuagesima, & super uerbis B. Ioannis: Tres sunt qui testimonium dant in celo, etc. Et de Dedicatione v. Et in epistola. illa cxi. Item B. Gregorius super Ezechielem homilia octaua: intellexerunt locum illum, non de notitia præsentis gratiæ, sed de notitia prædestinationis & reprobationis: quem intellectum nullus posteriorum reprobauit: cuius tamen meminerunt Hugo Cardinalis, Dionysius Carthusianus, Ioannes Gerſon in sua mystica theologia.

Est nihilominus & alius intelligendi modus, certe non ineptus, uidelicet quod homo, ut est homo, non potest scire amorem uel odium Dei in se: quia de uita sua tura & iudicio Dei non est certus. Qui ergo hæc scit ex fide, scit non ut homo, sed ut filius Dei. Vnde scriptum est: A seculo non est auditum, & oculus non uidit, & in cor hominis non ascenderunt quæ præparauit Deus diligentibus se. Hunc sensum uidetur B. Bernardus de quodam in loco probare, sicut in subiectis opportunis inducemus: ad quem locum relego lectorem. Addo hic Rabbi Locum nemem, qui multo rationalibus

B. Hieronymus.

Eccles. cap. 9.

*B. Augustinus.
D. Bernardus.
B. Gregorius.*

locum illū contrariō modo interpretatur, videlicet id quod dicitur: *Et nescit homo; non pertinere ad iustos & sapientes, sed ad fecem vulgi.* Supponit. n. iustos & sapientes scire posse. Eūdem in scripturis sanctis hoc nomen HOMO, frequentissime significat hominem gratia destitutum. Vnde in psalmo: *Vi sciāt Gentes quoniam homines sunt.* Et alibi: *Dominus novit cogitationes hominum quoniam vane sunt.* Mille sunt loca huiusmodi, ne arguar quod auctoritate Iudei homini innititur: quāq; vbi agitur de sensu literalī, etiam ipsi Rabbini aliquem locum habent. Nam & B. Hieronymus & B. Thomas noster, & alii catholici non verentur illos interdum in auctoritate efferre: quin in hoc ipso loco etiam nostri, secuti sunt illius Rabbini sententiam.

Ex his autem suāsum suis esse arbitror; non solum illum locum (iuxta tres expositiones, quae reprobati non possunt) non aduersari nobis, verum etiam nec eum sensum posse recipere, secundum quem illum in nos detorqueat vī vidimus. Quapropter antiquiores de illo ne cogitarunt quidem. Gregorius. n. Neocesariensis Episcopus in sua paraphrasi ad eum librum, istum sensum penitus non attingit. Nec Olympiodorus quidem, qui in eundem librum edidit enarrationes. Ambo. n. loci Salomonem volunt de homine insipientē qui non habeat discretionem boni & mali: Quare nonnulli ex theologis qui de hoc articulo disputarūt in Synodo, vī perspicue veritatis compulsi, ingenuē confessi sunt tandem, illum textum ad rem propositam nihil facere.

Tertius locus ex psalmo.

Tertius ergo inducitur locus psalmi: *Delecta quis intelligit?* Quod verō nec ex hoc loco habetur incertitudo gratiae praesentis, ex multis reddam manifestissimum non proteruenti. Primum, ille locus iuxta B. Hieronymi & Augustini expositionē verificatur non de iustis, qui pauci sunt, sed de iniustis. Hi sunt. n. qui delicta non intelligunt. Ecce B. Augustinus sic ait:

B. Augustinus. *Quis. n. delicta intelligit? Si videantur tenebrae, delecta intelliguntur. Denique quando nos delicti penitet, in luce sumus. Nam quando quisq; ipso delicto involutus est, quasi obrebratus operitq; oculis, non videt delictum.* Hae illae. Beatus quoq; Hieronymus idem his verbis: *Delicta quis intelligit? Qui in delictis est, id est, in peccatis, iudicia Dei non intelligit, neq; sua peccata quandoq; in delictis.* Ecce quod locus ille, iuxta expositionem tantorum luminum, nihil facit con-

tra assertionem nostrā, sed pro illa potius.

Secundo, B. Bernardus intelligit eum locum, non de peccatis mortalibus, sed de pravis animi motionibus, quas etiam iusti sine culpa patiuntur, saltem mortali. Sic. n. exponit in Canticis: *Quantumlibet quis, secundum Salomonem, custodiat cor suum, & omnia quae intra se moventur vigilantissima intentione obseruet, etiam si diuturnum in his habuerit exercitium & frequens experimentum, non poterit tamen ad purum in se discernere & discernere ab invicem malum innatum & malum seminatū. Nam delicta quis intelligit? Nec multum refert nostrā scire unde inest nobis malum; dummodo inesse sciamus. Vigilandum potius & orandum, unde cumq; sit, ne consentiamus. Denique orat Prophetā contra utrumq; malum: Ab oculis meis munda me.* Haec D. Bernardus. Vnde satis apparet, quod non de peccatis grauib; loquitur, sed de his malis quibus non consentimus. Nescimus. n. quandoq; sint ne nata, id est, vī somitis erumpant, an verō seminata, puta a Diabolo, vel a prauitate propria: quod tamen scire (inquit) non multum refert. Certum est autem quod scire peccata, et praesertim graua, multum refert. Adde quod idem sanctus ibi adiungit, quod etiam ista mala ab his qui habent donum discretionis spiritu dignoscuntur: quanto autem magis nota sunt peccata mortalia, quae consensu contrahuntur!

Accedunt etiam periti linguarum, qui, sicut D. Bernardus, locum istum psalmi intelligunt de ignorantis & debilib; lapsibus & erroribus. Nam de mortalibus non puto intelligi posse: quoniam ista non laesent nos, vt aiunt B. Ambrosius & Augustinus. Vnde Apostolus ipse ait: *Manifesta sunt opera carnis.* Qua voce intelligit omnia mortalia. Ecce ergo vtrovis modo locus ille intelligatur, nihil ad rem propositam facit. Ex abundanti autem dico, si etiam de delictis intelligeretur quae auferunt gratiam, non propterea euincerent, neminem posse scire se esse in gratia: tum quia modus ille loquendi: *Quis intelligit?* non tam impossibilitatem sonat, quam difficultatem: quod & multis exemplis offendit contra hereticos B. Ambrosius, quae in promptu esse possunt in sacris literis exercitati: vt est illud de diuice sine macula: *Quis est hic, & laudabimus eum?* tum verō quia, vt demus importunis esse ignorantiam delictorum etiam mortalium, non tamen cogimur dare, inde inferri ignorantiam gratiae: quoniam haec delictorum ignorantia non oportet esse quouis tempore respectu praesentis.

D. Bernardus.

delicti. Potest. n. aliquo tempore inueniri homo certissime sciens actualiter se non cogitare malum, sed bonum, est forte ne sciat de tempore preterito: ne dicamus cum Luthero, quod nemo scire possit se non assidue peccare, propter occultissimum superbia vitium: aut quod iustus in quouis actu suo peccet mortaliter. Si igitur aliquo saltem horæ momento scire possum me non delinquere, quomodo propter ignorantiam preteriti villius delicti potest inferri incertitudo gratiae? nisi simul probareatur, quod stante delictorum ignorantia, non possent illa dimitti contritione & sacramentis. Quod si esset, id est, ut occulta dos nec ignorarentur manerent & non remitterentur, ad quid igitur in psalmo subsequeretur: *Ab occultis meis munda me, si occulta mundi dari non possent? Quod si mundari possunt occulta, quid obstat possibilitati certitudinis gratiae praesentis, si certi esse possimus de contritione & sacramento peccato, ut suo loco dicitur? Stat hic pro nobis Episcopi & Martyris autoritas D. Ioannis Rossensis, quem honoris gratia nominamus. Ille. n. aduersus Lutherum dicentem: Cum nemo sua peccata cognoscit, quomodo potest sese vere contritum asserere?*

D. Ioannes episcopus Rossensis.

Respondet his verbis: *Ignoratio peccatorum nisi bil obstat quo minus quisque uere contritus possit, nisi uel hiscauillum ex uocabulo quaerere. Neque. n. dubito quin Maria Magdalena uere contrita fuerat; quam si Christus interrogasset, An uere fuisset contrita, potuisset respondere, uere se contritam esse de peccatis. Nec tamen est credibile, quod singula peccata, quae prius tot uanitatibus admisit, integre uenerint in eius memoriam. Sed omittamus hanc, quae singulare poenitudinis exemplum fuerat: de communibus loquamur peccatoribus: Num aliquot ex his opinaris ad sacramentum absolutionis accedere cum uero dolore? Nam adeo stupidos arbitraris ut non sentiant An uere & non fidele dolent? Quod si conscientia fuerit eis iudex, quod uere dolent, cur (te quaeso) respondere non licet se uere dolere? Quid huic rei peccatorum obstitit ignorantia? cum pro cunctis dolore possint tam ignoratis, quam cognitis? Nam qui damni perpendit immensitatem, quam ex peccato conquisiuit, facile is odiet peccatum, & desiderabit tam in alijs, quam in se ipso: neque minus id quod occultum est, quam quod agnitus est. Haec ille. Ut cognoscant quid hoc argumentatur ut concludant ab ignorantia peccatorum incertitudinem gratiae, se hac parte cum Luthero sentire, & habere virum sanctum & in Ecclesia gloriosum hereticum respondenter, & plane confirmantem quae superius diximus: Itaque hic locus dignus*

certe erat ut praeitteretur, cum multis modis valeat declinari.

Quartus locus etiam nimis detritus est: *Nihil mihi conscius sum, sed non in hoc iustificatus sum.* Unde dicunt, quod B. Paulus dubitabat de semetipso & sua gratia. Quod ego cogitans, fatcor non admiror tantum, sed perhorresco: cum B. Paulus testimonium conscientiae suae suam esse gloriam testetur. Gloria nostra (inquit) est haec, testimonium conscientiae nostrae, quod in simplicitate cordis, et in sinceritate Dei, & non in sapientia carnali, sed in gratia Dei conuersati sumus in hoc mundo: An sunt verba haec, quaeso, hominis de sua gratia haesitantis, & non potius certo scientis, idque de propria conscientia? Respondent quidam, Hoc fuit dictum postquam scripsit priorem epistolam: tunc enim (aiunt) habuit reuelationem de sua gratia, quando dictum est ei: Sufficit tibi gratia mea: quod certe nimis ineptum est: quoniam reuelationem huius rei habuit ab initio: & in loco dictum non fundatur in reuelatione specialia, sed in testimonio conscientiae suae, & in experientia eius quod in corde suo sentiebat ex factis suis: sicut in omnibus suis epistolis passim de se praedicabat, videlicet Christum habitare in corde suo: & omnia sustinere propter Euangelium: & arbitrari cuncta tanquam stercora ut Christum lucificeret: & iam non se vivere, sed Christum in se: cuius stigmata gestabat in corpore suo: & propter quem crucifixus sibi erat mundus, & ipse mundo: & concupiuisse anathema esse a Christo pro fratribus suis: & tanto dolore alios parturire ut pareret Christo: & adimplere passionem quae decant in corpore Christi pro Ecclesia. Haecine sunt, quaeso, hominis ignorantis gratiam Dei in se? Legantur, obsecro, quae scribit in illa uetere eadem epistola prima ad Corinthios, ubi tanta passim proficitur, non dicam de sua gratia, sed de sua excellenti gratia, quam (nisi plenissime certus fuisset) non potuisset sine magno peccato & impudentia tam asseueranter asserere, ita ut ausus sit dicere, se ad eos uenisse, non iudicans se aliud scire, quam IESVM CHRISTVM & hunc crucifixum. Et: Imitatores mei esote, sicut et ego Christi. Et: Cum liber essem ex omnibus, omnium seruum me feci, ut Christum lucificerem. Et: Omnia omnibus factus sum, ut omnes facerem saluos. Omnia autem facio propter Euangelium, ut particeps eius efficiar. Et: Sic curro non quasi in incertum: sic pugno, non quasi aerem uerberans: sed castigo corpus meum, et in seruitutem redigo, ne cum alijs praedicauerim, ipse res

Quartus locus ex Apostolo.

probus efficiat. Verum, quod magis mirandum est, in eodem ipso capite ubi dixerat, Sed non in hoc iustificatus sum: adiunxit hæc verba: Puto quod Deus nos Apostolos nonnullos ostendit tanquam mortu destitutos: quia spectaculum facti sumus mundo & Angelis & hominibus. Nos sicuti propter Christum, infirmi, ignobiles, esurimus, sitimus, nudati sumus, colapsum cadimus, peregrini, laborantes manibus: maledicimur, & benedicimur: persecutionem patimur, & sustinemus: blasphemamur, & obsecramus. Legat cetera qui velit: nec ponderet quod vsus sit verbo PUTO, quasi magis opinionem, quam certitudinem volens exprimeret. Est enim eius mos, de certissimis ita dicere. Nam & alibi sic ait: Puto hoc bonum esse propter instantem necessitatem. Et iterum: Puto quod & ego habeam spiritum Dei. Adde & quæ cap. xv. ait expresse: Gratia autem Dei sum id quod sum, et gratia eius in me uacua non fuit, sed abundantius ego omnibus laboravi: non ego autem, sed gratia Dei mecum. Quid amplius poterat dici pro assertionem suæ gratiæ? Et profecto, sicut de Iob dixi, mirabile est, quod ad hunc unum locum intendentes ut statuatur Apostolum suæ gratiæ nescium; à tot aliis oculis avertant, ubi oppositum quammanifestissime probatur. Præterea, ipsimet confitentur quod B. Paulus sciebat se esse in gratia per reuelationem. Quomodo igitur potuissent tunc hæsitare diffidentia, & maxime habita reuelatione, idque ab initio suæ conuersionis, raptus in paradysum Dei, ubi audiuit arcana verba, quæ non liceat homini loqui? Unde non per hominem, neque ab homine, sed à IESU Christo factus est Apostolus & Magister gentium, plenus assiduis & plenissimis reuelationibus & consolationibus Spiritus sancti ac responsis Dei. Hinc igitur audebimus asserere de sua gratia dubitantem? Quamobrem qui de hac re scripserunt post recessionem Concilii, agnoscentes inceptam responsionis, recesserunt ab ea, consistentes quod B. Paulus, in citato loco, non voluit declarare se esse nescium aut dubium suæ in hærentis gratiæ, sed solum, ex eo tantum quod nihil sibi conscius esset, eam certitudinem se non habere: ut traderet regulam, quod propria conscientia non venit hæc certitudo. Quem sensum si retinent & obiciunt (quantum falsum existimo) nihil aliud colligunt, nisi quod nemo potest scire se esse in gratia ab eo quod nihil sit sibi conscius: non tamen per hoc negatur, ex aliis adiunctis multis & magnis argumentis posse constari hanc certitudinem.

Ad hæc, quando Apostolus tot & tan-

ta de seipso prædicat, non in reuelationibus innitur, sed in puritate conscientie, & in operibus insignibus: ut excludantur qui dicunt, quod de sua gratia certus erat à reuelatione speciali, & non à conscientia suæ vitæ: cum ipse passim contra prædicet de se ipso, non reuelationem, sed opera & conscientiam obiciens. Unde & testatur conscientiam suam in Spiritu sancto, quod operabatur anathema esse à Christo pro fratribus suis. Homo igitur quantus spiritui, quod est summæ charitatis, allerit de conscientia sua, idque in Spiritu sancto, erit nescius, aut dubitabit aliquando de sua gratia? Et hunc spiritum posse vel à natura vel à Satana prouenire contendit? Anathema mihi sit qui hoc dixerit.

At videamus nunc quomodo illi ex eis verbis eruant illum sensum, videlicet ex eo quod quis nihil sibi conscius sit, eum non esse consciū suæ gratiæ: certe non ob aliud, nisi quia adiecit: Sed non in hoc iustificatus sum. At hæc verba non significant se non scire iustificationem suam, sed hoc tantum, quod sua iustificatio non processerat à sua conscientia. Hoc est. n. quod ait: Sed non in hoc, idest propter hoc, iustificatus sum. Non enim quia nihil mihi sum conscius, ideo iustus sum aut iustificatus: sed contra potius, quia iustus sum, ideo nihil mihi conscius sum. Verum ut eius loci veram ac germanam intelligentiam aperiam, idest, eam quam non dubito esse veram, & in commentariis nostris exposui, quæso candide lector & amator veritatis attende. Ortum erat schisma inter Corinthios, quia plerique sibiipsis magistrum & duces seu caput constituebant, & secernebant ab aliis: ita ut alii dicerent: Ego sum Pauli: stoli, Nihil mihi alii, Ego sum Apollos: alii, Ego sum Cepha: quod non aliud erat, quam iudicium ferre de ministris Dei et Christi. B. igitur Paulus volens eos ab his temerariis iudiciis auocare, dixit: Sic nos existimet homo ut ministros Christi, & dispensatores mysteriorum Dei. Hic iam queritur inter disceptatores ut fidelis quis inueniatur. Mihi autem pro minimo est ut à vobis iudicer, aut ab humano die: Sed neque meipsum iudico. Hactenus horum verborum clarus est sensus, ut dicat se & Apollos & Cepham esse Dei ministros: à ministris autem queritur ut sint fideles Domino. Quod autem aliter alij vestrum inquit, de me iudicent, atque ideo me spernant, pro minimo duco: quia dies humanus, idest, lumen humanum, non est idoneum ad iudicandum corda hominum, & consequenter ad iustificandum illos. Iustificatio enim in scripturis sepe

Nota germana
intelligentiā lo-
ci illius Apo-
stoli, Nihil mihi
alii, Nihil mihi
alii, Ego sum
Cepha: quod
bi cōsciū sum
& cetera.

NOTA

videtur A. E.

numero pro ostensione ac pronuntiatione de aliquo q̄ sit iustus accipitur, cum id in controuersiam vertitur. In hanc significationem dicitur: *Humilem & pauperem iustificare*. Et: *Noli iustificare impiam*. Vnde & Dominus Phariseos vituperat, q̄ iustificarent semet ipsos coram hominibus, facientes se iudices iustitiæ propriæ, & insultantes aliis. Hoc autem cauens Apostolus, postq̄ dixit quod non curabat ab aliis iudicari & pronuntiarī peccator: ne dicerent, Ergo tu iudicas te ipsum; Respondet: *Sed neq̄ meipsum iudico*: hoc est, non propterea me iudico, quia vestris iudiciis non conturbor. *Nihil. n. mihi conficius sum*: id est, conscientia mea non me reprehendit in aliquo: nec propterea me absoluo: quia non est serui, etiam quammaximè innocentis & innotentiam suam agnoscentis, se absolvere: sed Domini & iudicis, à quo venit perfecta iustificatio: id est, vera pronuntiatione de sui serui iustitia: cui pronuntiationi omnes acquiescent. Quoniam verò Iudex non statim pronuntiat, sed expectat dies suos, id est expectamus omnes tempus illud, quando quilibet vel iustificabitur, vel damnabitur à iusto Iudice. Et hic est sensus verborum quæ sequuntur: *Sed non in hoc iustificatus sum*: hoc est, non in hoc quia nō me reprehendat conscientia propria, etiam si non decipiatur, aduenit iustificatio vt pateat iustitia mea ceteris. Nemo. n. seipsum iustificat: quia nullus est prō se ferre sententiam, sed cuiusmodi iustificatio, hoc est, pronuntiatione de eius iustis iustitia, à vero & competenti iudice Christo est. Vnde recte sequitur: *Qui autem me iudicat, Dominus est*. Hoc est, non ego cum omni bona & pura conscientia mea possum me legitime ostendere & pronuntiare vt sit euidens omnibus. Nec item vos contra potestis me condemnare. Vnus. n. est omnium Iudex Dominus, qui iustificat ita, vt nemo contra eius iudicium condemnetur: itaq̄ nolite ante tempus iudicare: donec veniat Dominus, qui & illuminabit abscondita tenebrarum, & manifestabit consilia cordium, et tunc laus erit unicuiq̄ à Deo. Hoc est, tunc verè erit iustificatus quilibet non à semetipso vel ab alio, sed à Deo, eius sententiam nullus poterit non probare. Hæc mihi videtur vera & sine vilo scrupulo procedens huius loci intelligentia, cui quæ sequuntur Apostoli verba & latissima de semetipso testimonio de conscientia gratiæ suæ, valde assipulantur. Quare B. Am

nihil. n. mihi conficius sum; sic ait: *Aperium est quia conscientiam puram habens, sollicitus de se non erat*. Quomodo verò sollicitus de se non erat, si à conscientia non serenabatur, & formidabat suam aliquam mortalem culpam? Nam alia culpe, quæ humana fragilitate contrahuntur, non ita sollicitant: tum quia vix vitantur, aut omnino impossibile est eas vitare, tum verò quia continuè Christi sanguine & bonis operibus purgantur & abluuntur. Exponens autem Idem Doctor quod sequitur: *Sed non in hoc iustificatus sum*: adiecit: *Nunc se humiliat, et loquitur ut homo, qui possit culpam incurrere*. Ac si manifestius dixerit, Reuera Apostolus à serenitate conscientia suæ instructus, non erat de se sollicitus, quia non secebat se mortalem culpam non habere: & tamen voluit homines aduersarios & male de ipso iudicantes loqui vt homo, id est, vt quilibet alius homo, qui posset culpam incurrere. Et verè se omnes debemus dicere, propterea quod à scientia quantacūq̄ innocentia nostræ non solum non sumus iusti, sed nec possumus pronuntiare re nos esse iustos, & hoc pacto iustificare nosmetipsos: quia vnus est Deus qui verè iustificat, tum infundendo iusticiam, tum pronuntiando nos iustos. Et hoc est id quod dans gloriam Deo, subiunxit: *Qui autem me iudicat, Dominus est*. Ait ergo D. Ambrosius, quod quæ adiecit Apostolus: *Sed non in hoc iustificatus sum*, tanq̄ homo dixit, id est, tanq̄ in hac humana miseria constitutus, qui posset incurrere peccata leuia & quotidiana: cui sensus sequentia verba ipsius B. Ambrosii consentiunt. Theophilactus illud accepit dictum à Paulo, non Theophilactus tanq̄ in persona sua, sed quasi inducens aliorum personam. Photius autē nostrum sensum egregie probans, sic ait: *Vt etiam sciatis ibena Græcis q̄ neque ipse possunt diiudicare meipsum: nullus enim mihi conficius sum: quod maximum est ac inexcusabile testimonium: quandoquidem nullus nouit quæ sunt hominis nisi spiritus hominis qui in ipso habiat: quancūq̄ hæc in me sunt, inquit, non ob id iustificatus sum: adhuc enim communi Iudice opus est, illis à causa discedente, in certamine ac timore adhuc sum tanq̄ nondum iustificatus etc.* Hæc ille. Deniq̄ nemo antiquorum Patrum (quantum ego legesim) vnquam in hanc adeo absurdam cogitationem & repugnantem cunctis ipsius Apostoli de seipso testimonio, videlicet q̄ ipse metuerit ne aliquo peccato mortali esset obnoxius coram Deo. Vnde & D. Augustinus hunc locum tractans in libro de penitentia, sic ait: *Quomodo dubitaret Paulus se peccare*

peccare, qui sciebat Spiritum Dei se habere, & in
terrenam mundanissimam ei servare? Quod ergo dixit:
Non in hoc iustificatus sum, propter levitiam, &
quæ humana fragilitas vitare non potest;
intelligit ea verba dixisse: quod & B. Ber-
nardus etiam in sermone LVI. super Cana-
tica confirmavit, cuius hæc verba sunt: Hæc
ergo Paulus sciebat se una lege teneri, quam carni
sue immobiliter inflexam tolerabat innoxius. De cætero,
inquit, nihil mihi confusus sum. Verum quis similis
Paulo? qui videlicet interdum huic non consentiat pec-
cato? Hæc ille. A quibus nec abhorret B.
Gregorius hunc Pauli locum tractans in li-
bro v. moralium cap. xxxiii. Erat ergo sermo
ibi de iustificatione perfecta, quæ nec ve-
nialia admittit: de qua dicitur (vt scipe B.
Augustinus interpretatur) Non iustificabitur in
confessu tuo omnis vivens. Et hæc Apostolus
iustificationem noluit sibi arrogare, vt sancti
Patres senserunt.

Producta sunt & alia loca de scripturis sa-
cris, quibus voluerunt probare suam quam
defendebant incertitudinem: quæ possem,
si cum petitis scripturam tantum agerem,
sine detrimento prætermittere: verum quo-
niam possent imperitis facere phantasmam,
breuiter afferam & explicabo.

Produxerunt ergo primum ex Prouer-
biis: Quis potest dicere mundum est cor meum, purius
sum à peccato? Sed quid hoc ad rem proposi-
tam? cum (vt B. Hieronymus ait) ibi solum
remittitis iactantiam prohibeatur, non aus-
tem negetur conscientia iustitia. Verum
hebraica veritas hunc sensum magis de-
clarat. Legitur. n. teste Caetano & aliis: Quis
dicit mundum cor meum, purgavi à peccato meo?

Quem locum ille exponens eleganter ait:
Quasi dicat; Nullus. Non est. n. hominis operatio pur-
gare cor, & purgare illud à proprio peccato. Produ-
xerunt & ex eodem libro: B. homo qui semper
est pauidus. Item de Ecclesiastico De propitiatus
peccatorum noli esse sine metu, neq; adicias peccatum
super peccatum. Hæc duo loca sic interpretan-
tur, quod quilibet, qui remissa sunt peccata,
debet pauere & metuere, id est, dubitare
aut formidare ne sint sibi peccata remissa.

Cui intellectui, nec verba ipsa seruiunt:
quia ibi metus & pavor præcipitur, non du-
bitatio. Metus autem non est de re præter-
rita, sed de futura: & aliud est pauere ac
metuere, aliud est dubitare. Obstat præ-
terea ipsa perspicua veritas, quæ rem mira-
sic absurdam damnat. Quid. n. dici po-
tuit aptius ad excruciantas miseris peccato-
rum animas? Quando pacatas conscientias

habebunt christiani, si verum sit eis remis-

simum peccatum perpetuo debeant dubitare,
ac per hoc metuere damnationem, tanq[ua]m
promeritam & imminentem? Non sic ait qui
dixit: Venite ad me omnes qui laboratis et onerati estis,
& ego reficiam vos: tollite iugum meum super vos, &
invenietis requiem animabus vestris. Requiem, in-
quit, quæ non habet metum: & perfecta
charitas foras mittit timorem. Denique hic
intellectus derogat mirum in modum sacra-
mentis, sicut laus inferius demonstrabo.
Verus ergo & peruius illius præcepti sensus
est, q[uod] homo de propitiatus peccato non
debet securitatem nancisci ad peccadum vl-
terius, tanq[ua]m dicens, pepercit mihi Do-
minus: parcat etiam si iterum peccauero.
quod sequentia verba satis declarant. Ver-
um hoc apertius secundum graecam lectio-
nem, quæ sic habet, sicut noui interpretes
reddiderunt: Super data venia ne sis securus ut pec-
cata peccatis amplius accumules, nec dicas, misericor-
dia Dei plurima est: copie peccatorum meorum igno-
scet. Græco namq[ue] in fonte sic habetur:
τοῦ ἐξιδόσω μὲν μὴ ἀφοβῶς γίνου, νεώτερος
γὰρ ἀμαρτίας ἐστὶ ἀμαρτίας. καὶ μὴ εἰς τὴν ὁ-
δὴν πρὸς αὐτοῦ πολὺς, τὸ πλῆθος τῶν ἀμαρ-
τιῶν μὴ ἐξιδόσω.

Quod ad verbum sic verti potest: De propi-
tiatione ne sine timore sis, si ad addendum peccatum ad
peccatum, & ne dicas, Misericordia ipsius multa est:
multitudo peccatorum meorum propitiabitur. Vnde
dixit Dominus: Ecce sanus factus es, noli amplius
peccare, ne deterius tibi aliquot contingat. Et in hæc
sensum beatificatur homo qui semper est pa-
uidus. Vide lector vt clarè appareat vndiq[ue]
veritas.

Sed adhuc insurgunt, quia dictum est
Nabuchodonosor: Peccata tua elemosynis redi-
me: forsitan ignoscet Deus. Ergo sub dubio po-
nitur remissio peccatorum. Nos verò re-
spondemus: Primum quod nō omnes sunt
peccatores mortaliter, vt quæc illis esse du-
bia peccatorum remissio. Deinde, q[uod] sunt
insignia quædam peccata, quale illud Na-
buchodonosor, quæ difficile veniam con-
sequuntur, de quibus ait Dilectus: Est pecca-
tum ad mortem, non pro eo dico ut oret quis. Ex pro-
pterea dixit Daniel Nabuchodonosor: Fors-
itan ignoscet Deus: cum ipse illi surripuerit di-
uinum honorem, quem sibi iusserat exhibe-
ri. Sic B. Petrus dixit Sinaoni Mago pro-
pter excellens simoniacum scelus: Penitentiam age
si forte remittatur tibi hæc cogitatio cordis. Sic &
B. Paulus orandum iussit pro his qui resiste-
bant veritati; si quando daret Dominus eis
penitentiam. At communiter peccatoribus
non sic dicitur, sed absolute pronuntium

B

Alius locus ex
Daniele.

Alia loca ex
Prouerbijs &
ex Ecclesiastico



penitentia: nec septies tantum, verū septuagies septies. Vnde idem B. Petrus dixit: Baptizetur unusquisque vestrum in nomine IESV Christi in remissionem peccatorum vestrorum, & accipietis donum Spiritus sancti. Verum vniuersa scriptura clamat, & certam nobis Dei misericordiam reproinit. Vnde D. Bernardus hos meticulous mirifico sermone corripit in hunc modum: Apostolus dixit, quod ignorantiam dei quidam habent. Ego autem dico, omnes ignorare Deum, qui nolunt conuerti ad Deum. Neque enim ob aliud proculdubio reuocant, nisi quia grauem, & seuerum imaginantur qui pius est: durum & implacibilem qui misericors est: ferum & terribilem qui amabilis est: & mentitur iniquitas sibi, formans sibi idolum pro eo quod non est ipse. Quid timeatis modice fidei? Vt peccata nolit remittere? Sed affixit ea cruci cum suis manibus. Quia teneri & delicati estis? Sed ipse nouit signum nostrum. Quia male affueti & ligati peccata de consuetudine? Sed Dominus solui compedibus. Fortē ne irritatus immanitate & multitudine criminum curā fletur porrigere manus adiutorij? Sed ubi abundauit delictum, superabundare gratia consuevit. An de vestro mento solliciti estis non cibo, ceterisque corpori vestro necessariis, & propterea cunctis animi relinquere uestra? Sed scit quia his omnibus indigetis. Quid uultis amplius? Quid iam impedit a salute? Sed hoc est quod dico, Deum ignoratis. Sed nec creditis auditui nostro. Velle uos uel expertis credere: quia nisi credideritis, non intelligetis. Hæc ille. Quibus profecto sententiis de medijs scripturis excerptis, horum doctrina qui tantum nobis obuiant trepidationem, obruitur & conculcatur.

Secundo loco produxerunt ex vulgaribus sententijs: Si dixerimus quia peccatum non habemus, nos ipsos seducimus, et ueritas in nobis non est. Et Iob: Si uoluerō me iustificare, os meum condemnabit me. Et, Non iustificabitur in conspectu tuo omnis uiuens. Verum hæc & si quæ sunt talia, si quid aduersus nos probarent, etiam illud probarent, quod nullus potest esse iustus perfecte iustus, hoc est, absque omni penitus delicto, quia nemo penitus est inculpabilis propter inhabitans peccatum & venialia delicta: vel quod quicumque est iustus, non debet de sua iustitia gloriari quia si non acceperit, ut qui gloriatur, in Domino no gloriatur. Sic exponit B. Augustinus frequenter & B. Hieronymus: Et D. Ioannes Chrysostomus in homilia propria sua per his verbis: Quis gloriabitur mundum se habere cor? Iuxta hos autem sensus nedum nobis

non obstant adductæ sententiæ, sed etiam seruiunt. Augustini autem uerba ibi adducuntur, ubi eius sententiæ, pro nostra assertionem de testimonio Patrum citantur.

Producunt & illud ex Iob: Si uenerit ad me, Locum item ex non uidebo eum. Quod cum recipiat varias doctorum interpretationes, secundum nullam earum nos ferit. Beatus Thomas i. 2. q. 1. 2. art. 5. ex illo textu hoc solum accipit, quod Deus non potest cognosci notitia quæ est euidentiæ aut scientiæ: quod nullus negat. B. autem Gregorius exponit, quod per dona gratiarum, quæ gratis dantur, non cognoscitur Dei amor. Caietanus autem, quod non cognoscitur per afflictiones, quas Deus ingerit. Igitur locus ille non pertinet ad propositum, modo sane intelligatur.

Afferitur & locus ex Ioanne ubi Dominus ait de Spiritu sancto: Spiritus ubi uult spirat, & uocem eius audis, sed nescis unde ueniat, aut quò uadat. Et ex ea sententiâ (quam tamen aliter nobis non exponunt) elicitur nullum esse posse certum suæ gratiæ: cum ex vi uerborum debuit potius oppositum colligi. Nam qui audit uocem spiritus, opinor quod nouit eam, licet ignoret unde ueniat: hoc est, licet ignoret ipsam uocis originem: quia Deum sensibus non apprehendimus aut scientiâ, ut exponit D. Thomas. Et licet ignoret quò uadat, hoc est, finem eius, qui est gloria & uita æterna, quam nemo uidit unquam: experimeto tamen sancti Dei agnoscunt uocem Spiritus. At eius principium & finem, qui Deus est, experimeto nondum cognoscunt, sed fide solum tenemus. Beatus Bernardus hunc locum sic exponit, ut uelit dicere, quod notitia uisitationis Spiritus sancti, aut eius recessionis non apprehenditur sensu. Alibi tamen, hoc est, sermone LVIII. aliter exposuerat: sed ita ut nihil obsistat nobis, sed potius pro nobis assilatur, sicut & inferius manifestabo.

Sint ergo hæc satis pro prima nostra assertionem, ut relinquamus etiam idonè persuasum, quod in uniuersa scriptura nullibi euincitur neminem posse ex fide certum esse de adepta gratiâ, cum ea quæ potissimum ad hoc facere uidebantur, offensum sit aut nihil facere, aut etiam oppositum comprobare. Nunc addo aduersus disputatores, quod ad omnia loca hæc quæ producant ut ignorantiam gratiæ persuadent, una communis responsio uiget. Quoniam cum tadem nobis aduersarij quæ scire possumus nos esse in gratiâ saltem certitudine probabili & coniecturali, quæ satis sit coram Deo ut

NOTA

etiam ad illum orantes posimus asserere quod tales sumus: imo (ut quidam ex illis scripto falsus est, ac luculenter ostendit) possumus esse certi de hoc certitudine plus coniecturali & probabili, denique tali quae omnino omnem hesitationem atque formidinem excludat: profecto necesse est illis fieri, has enunciationes, quas tamen a scripturis accipi arbitrantur, esse simpliciter falsas, videlicet: Nemo scit utrum sit dignus amore, id est, utrum diligatur a Deo, & hoc ipsum ignorare animam iusti. Si n. scit, & quidem tanta certitudine, falsum illud redditur ita simpliciter dictum: Nemo scit &c. Et, Omnis anima hoc ignorat: & Debere hominem metueret ac dubitare de propitius peccatorum, hoc est, an sibi sint remissa peccata. Et alia huiusmodi, quae tamen ipsi longis disputationibus conprobare nituntur, inconstanter tamen loquentes.

At hoc est illorum qui non innituntur veritate, cui omnia consonant.

ASSERTIO II.

Irrefragabiliter de scripturis sanctis hanc certitudinem gratiae ex fide uenientem comprobari.



PRIMO HAEC assertio suaderi potest inductione & offensione multorum qui in scripturis non solum iusti declarati sunt, sed etiam conscientiarum suarum. De Adam n. & Heua non pos-

to esse dubitandum quin certo cognouerint iustitiam & gratiam suam, quam etiam senserunt se perdidisse. Et ego etiam certo credo eos ex fide cognouisse se relictos; non dico in illam originalem iustitiam, sed in gratiam: sicut B. Augustinus testari videtur esse quasi communem sententiam: et in lib. Sapientiae cap. viii. in fine, & cap. x. berberatur: imo in lib. Genesis cap. iii. si diligenter & secundum Dei sapientiam consideretur: de quo ego satis in loco proprio. Deinde Abel iustus etiam suae iustitiae testimonium habuit in sacrificio sancto. Inde Seth, & Enos, qui incepit inuocare nomen

Domini. Et ipse Henoch de seipso habuit testimonium placere Deo. De Noe, qui saluatus est per arcam cum filiis & nubibus suis, & factus est heres iustitiae: De Melchisedech, qui sacrificauit Deo sacrificium sanctum. De Abraham similiter, & Isaac, & Iacob, qui benedicti sunt, & in semine illorum constituta est benedictio gentium: De Ioseph similiter, qui seruatus est ab excidio Aegyptii: Et Ioseph, qui tanta passus est iniquitate a fratribus. De Moise item, & Aaron fratre, & Iosue, & Phinees. De tot saluatoribus quos dedit Deus populo suo; Gedone, Barac, Sampson, Iepse: De Samuele, le, David, & Salomone, Ezechia, Iosia regibus. De Iob, de Elia & Eliseo. De Iosia, Jeremia, Ezechiele, & Daniele, & duodecim Prophetis. De Ektra, Neemia, Zorobabel, & utroque Thobia. De Sara, Rebecca, Anna matre Samuelis, Iudith, Ester, Susanna, & multis mulieribus sanctis: De tribus illis pueris, qui in camino ignis laudabant & benedicebant Deum: De Machabeis, & de Iesu & Onia sacerdotibus: & aliis quos scriptura cum magna laude commemorat. De istis inquam omnibus quid dicemus? An quod non essent certi de sua iustitia coram Deo, cum tot signis esset illis probata, & tanta familiaritate cum Deo ipso? Dicent fortasse. Habuerunt isti omnes specialem de sua gratia reuelationem. Admittamus quod aiunt (quamquam hoc de omnibus probare non possunt). Quare ab eis, sequestrata omni reuelatione, nonne poterant a puritate conscientiae, & ab ardore fidei interius fragrantem, & ab operibus eximius, quae illi faciebant (an debeo dicere) etiam firmius scire internam charitatis Dei virtutem; quam a speciali reuelatione? Sunt enim nonnulli & lucidiora ac firmitiora testimonia quae a conscientia operum admixto spiritu habent sancti, quae a reuelationibus istis peculiaribus, in quibus potest facilis admisceri deceptio. Imo harum reuelationum probatio sepe nimis fit ab humilitate & charitate ac timore sancto & aliis virtutibus, quae quidem adfuerunt, & seipsas in Dei lumine ostendunt, non est periculum de illusione: sicut spirituales viri nouerunt & confitentur.

Præterea, quando Moses ille fidelissimus & sanctissimus inter homines, tanto spiritu charitatis orabat pro populo, dicens: Aut dimitte illis, aut dele me de libro vitae. Nonne habebat certissimum suae charitatis sensum, etiam omni seclusa reuelatione? Et de

NOTA

Rege Ezechia quid dicent? Siquidem ipse orans Dominū ausus est dicere: *Obsecro Domine, memento quomodo ambulauerim coram te in ueritate & in corde perfecto, & quod placuit est coram te fecerim*: Haec autem quomodo non temerarie dixisset coram Deo, nisi certus fuisset suae iustitiae? Nec potest illa oratio uirtus petari (ut ausi sunt quidam) cum eam probauit Dominus, & exaudiuerit. Nec de speciali eius reuelatione, quae in scriptura apparet, neque ipse in uerbis suis ostendit se reuelatione inniti.

Venio ad viros noui testamenti. Primum de Ioanne Baptista neminem credo posse venire in dubitationem quin semper fuerit certus suae gratiae, cum etiam in ipso matris uero repletus esset Spiritu sancto. Non negauerim illum à multis reuelationibus certatorem reddidit: Et nihilominus asseruimus meo periculo, quod ardore fidei & plenitudine gratiae hoc certissime nouerat. De Apostolis quoque noui dubitet? Quibus tamen ante aduentum Spiritu sancti speciales reuelationes fuisse factas nulla scriptura commemorat; nisi cuncta Domini uerba fuisse reuelationes speciales & internas quisque existimet. Etiam quando de se ipsis audiebant à Domino quod complacuerat Patri dare eis regnum; nisi uelinus diuinare; hoc non speciales reuelationis lumine accipiebant, nec alio lumine credebant; quam lumine communis fidei, quia etiam ipsum filium Dei credebant. Imò quia hoc primum credebant, iocirco & illud ex illo credito consequebantur esse credendum: quod similiter de ceteris debemus dicere, quibus Dominus significabat remissionem peccatorum & salutem. Et certe quia tam passim multis Dominus non solum familiaribus, uerum etiam penes cunctis aliis quos à morbis sanauit remissionem peccatorum & nouam gratiam significauit, non uidetur congruum ut huiusmodi significationes debeant computari inter reuelationes quas uocant priuilegiatas. Imò quod in illis legimus factum sensibiliter, intelligere debemus fieri assidue in Ecclesia per sacramenta spiritualia.

De B. autem Petro legimus ternam sui erga Christum amoris confessionem, etiam à Domino commendatam, cui propterea credidit oues suas. Vana uero sunt quorundam commenta, qui eundem uolunt in tertia responsione subdubitalisse: quum idem bis prius confitebatur; etiam tertia illa vice; aduocato Domino ipso teste, confirmauerit.

Quid dicam de Dilecto discipulo? Quid item de Vase illo electionis, qui passim suam gratiam predicabat, & postremo loco ait: *Bonum certamen certavi; cursum consummaui, fidem seruauit: in reliquo reposita est mihi corona iustitiae, etc.* Aient: Illa sciebat à reuelatione speciali. Imò ipse ex euidenti factorum & operum suorum illud se asserere ostendit, non autem totam specialem reuelationem inuixit. Clara haec sunt, & quae nulla tergiversatione ualeant euitari. Vnde B. Gregorius de ipso Paulo testatur ex eo loco his uerbis: *Securum se dormire iam nouerat, qui dicebat: Ego, n. iam delibor, & tempus meae resolutionis instat. Bonum certamen certavi etc. Quia, n. contra multas transgentias sine defectu decertauerat, de mansuris nimirum gaudiis sine dubitatione praesumebat.* Ecce quam manifeste declaratur gloriosus Pontifex unde erat illa Apostolo securitas ac praesumptio, nimirum à certamine, quod se certasse sciebat; et non à reuelatione, in qua magis potuisset inueniri deceptio.

Sunt uero praeter exempla sanctorum virorum, multae Scripturarum sententiae, quibus clarè nostra positio manifestatur.

Est autem in primis testimonium ipsius Domini dicentis: *Qui facit ueritatem uenit ad lucem ut manifestentur opera eius, quia in Deo sunt facta. Lux autem absque dubio Christus est Iudex omnium.* Qua uero confidentia aut fiducia ad illum quisque ire potest ut manifestentur opera sua, nisi sciuerit ea esse bona & acceptabilia Deo, quod est idem ac si dicatur, *Quia in Deo sunt facta? At qui facit iustitiam iustus est, ait Dilectus.*

Est ite quod ipse dixit: *Cum feceritis haec omnia, dicite, serui inuitiles sumus: quod debuimus facere fecimus.* Quis autem potest dicere feci quod debui, nisi qui uerè fecerit, & amplius qui etiam sciuerit se fecisse? Qui autem hoc sciuit, nonne certus fuit suae gratiae, cum nemo sine gratia Dei possit facere quod debuit? Quare locus ille duos iungat, Lutheranus, qui negat hominem implere posse mandata, & illum qui huius rei noticiam non concedit.

Est tertio, quod ipse mandat nos vigilare, & praecinctis lumbis quasi ardentibus lucernis stare, ac similes esse hominibus expectantibus Dominum suum quando reuertatur à nuptiis, ut cum uenerit & pulsauerit, confestim aperiantur ei. Quid est vigilare, nisi intendere toto animo ad ea quae Dei sunt? Qui uero uigilat, scit proculdubio se uigilare: Et qui lumbis praecinctis expectat, cum desiderio stat & spe. Hoc autem est pro-

ATC

B. Gregori

NOTA

NOTA

Luc. 12.

primum eorum qui toto corde seruiunt Deo, & diligunt ad eum: quod quidem esse non potest, nisi confici fuerint interim iustitiae suae.

Est & quarto apud B. Ioannē ubi Dominus ait: Mandatum novum do vobis ut diligatis invicem, sicut dilexi vos, ut & vos diligatis invicem. Et addit: in hoc cognoscet omnes quod discipuli mei estis, si dilectionem habueritis ad invicem. Vide signum discipulatus. Discipulus enim Christi ille est qui sequitur & imitatur Christum: quod sine eius gratia fieri non potest. Signum ergo certum discipulatus est dilectio, hoc est, opera dilectionis. Hoc signo testatur Dominus quod omnes cognoscant eos esse discipulos suos, id est, quod habeant signum certum huius rei, quo clare id cognoscere possint. (de certa. n. notitia loqui Dominum credibile est, quemadmodum semper facere consuevit.) Si igitur opera charitatis, quae faciunt veri Christi discipuli, id efficiunt ut ipsi cognoscantur ab aliis quod tales sint, quanto ergo magis a semetipsis cognoscatur esse tales, cum melius propriam ipsi conscientiam suam novuerint? Et ne quis diceret, hoc signum esse fallibile, occurrit hic B. Thomas, & post illum Caietanus, dicens:

Ecce infallibilia apud omnes nationes signa discipulorum Christi: ecce insignia propria Christianorum, quae uti nunc hodie apparent.

Est & quinto apud eundem de efficacia advenientis ac manentis Spiritus sancti super eos, ubi sic legimus: si diligis me, mandata mea serva: & ego rogabo Patrem, & alium Paracletum dabit vobis, ut maneat vobiscum in aeternum, Spiritum veritatis, quem mundus non potest capere, quia non videt eum, nec scit eum. Vos autem cognoscetis eum, quia apud vos manebit, & in vobis erit. Et paulo post: in illa die vos cognoscetis quia ego sum in Patre meo, & vos in me, & ego in vobis. Et adiecit declarans haec: Qui habet mandata mea et servat ea, ille est qui diligit me. Qui autem diligit me, diligitur a Patre meo, & ego diligam eum, & manifestabo (sive insinuabo) ei meipsum. Quia his verbis potest dici clarius? Manifeste. n. loquitur Dominus de notitia quam superueniens Spiritus sanctus & manens ingerit in cordibus eorum qui dilexerint & servaverint mandata Dei. Vide amplius hoc B. Iudae Apostolo & fratri suo declarans, ait: si quis diligit me, sermonem meum servabit, & Pater meus diligit eum, & ad eum veniemus & mansionem apud eum faciemus. Haec proculdubio dixit ut declararet quo pacto se esset illis insinuaturus, nimirum per advenientem quendam novum & mansionem. Qui igitur tantos habebit in

se hospites manentes, nunquam eorum certum sensum habebit? Et ipsimet hospites volent semper latere vel non sentiantur? Hoc si quis asserat, certe veritatis conculcat verba dicentis, Et manifestabo ei meipsum. Et: Vos autem cognoscetis eum, quia apud vos manebit et in vobis erit. Sentitur ergo praesentia spiritus: sensu dico spirituali per fidem certam, non carnalē. Unde & D. Augustinus super illis verbis, Vos cognoscetis eum, quia in vobis manebit, & in vobis erit. Ergo, inquit, insensibiliter videtur: nec si non sit in vobis, potest esse eius scientia. Sic, n. a nobis videtur, & in conscientia nostra. Nam faciem videmus alterius, nostram videre non possumus: conscientiam vero nostram videmus, alterius non videmus. Hec D. Augustinus. Caietanus autem ibi sic ait: Ratio cognitionis redditur, manifestio: ut intelligamus spiritum veritatis manentem in animis Apostolorum, iam facere officium suum, faciendo eos cognoscere ipsum. Ipse. n. Spiritus testimonium reddit spiritui nostro quod filij Dei sumus: unde notitia ab experientia in seipsis significatur.

Admirator sum (ne quid dissimule) quodam ex scholasticis, qui, ne cogerebatur ferti certitudinem gratiae, quia putabant obstat illam sententiam Ecclesiasticam. Nescit homo etc. hunc locum B. Ioannis penitus destruit, dicens, quod homo potest scire Spiritum sanctum manere in corde suo, non per gratiam gratum facientem, sed per gratias gratis datas. Et hac techna novi disputatores se putant explicare, quum magis se inspicent. Nam quis unquam ex patribus sic interpretatus est? Nonne Christus manifeste se ipsum interpretatus est ibi, loquens de Spiritu qui ignem charitatis afferebat in corda? cum hic sit Spiritus ille, quem mundus non potest accipere, & de illo Dominus loquens praedixit? Piget vero me atque tederet de huiusmodi, quae luce clariora sunt, disputare. Sed nunquam tanti viri haec absurda dixerunt, nisi decepti fuissent a positione falsa, quam pro vera accipiebant, propter scripturam male tamen intellectam: id est, propter illud quod dixit Ecclesiasticus, Nescit homo etc. Vide bone lector quam lit verum quod dici solet, Ex vno absurdo recepto, multa sequi.

Est & sexto apud Matthaeum & Lucam verbum Domini aientis: Omni habenti dabitur, et abundabit. Quae verba, iuxta B. Augustini interpretationem, hunc habent sensum, & quidem illustre, quod homini qui accipit Dei dona, & illis bene vivit, amplius etiam donatur. Hoc autem amplius est ut & quod habet se habere cognoscat & gaudeat, & amplius in dies proficiat. Unde idem Doctor apud B. Ioannem capite xiii. sic ait:

Habebant Spiritum sanctum discipuli & non habebant. Habebant minus: dandum erat amplius quod non habebant. Habebant occulte: dandum eis erat manifeste: quia hoc ad maius domum Spiritus sancti pertinebat ut eis innotesceret quod habebant. De quo munere loquens Apostolus ait: Nos autem non spiritum huius mundi accepimus, sed spiritum qui ex Deo est, ut sciamus quae à Deo donata sunt nobis. Hæc Augustinus.

Accedit & pro hac veritate irrefragabilis Apostoli traditio ad Romanos cap. viii. vbi ait: Quicunque spiritus Dei agitur, ij filij Dei sunt. Non. n. accepistis spiritum seruitutis iterum in timore, sed accepistis spiritum adoptionis filiorum Dei, in quo clamamus Abba Pater. Ipse enim Spiritus reddit testimonium spiritui nostro quod sumus filij Dei. Hic locus Apostoli nescio qua tergiversatione possit eludi, quo minus probet gratiæ certitudinem in filiis Dei, qui ipsius spiritu aguntur, mortificantes opera carnis. Hic. n. plene atq; explicitè dicitur spiritum illis testificari quod sunt filij Dei. Si testificatur illud Spiritus, Aut ergo possunt hoc testimonium sentire in seipsis & accipere, & agnoscerent illud esse testimonium Spiritus, Aut non. Si non possunt, frustra igitur attestatur illis Spiritus sanctus. Et quomodo in eo Spiritus sancti testimonio fiducialiter clamare possunt Abba Pater, sicut ait Apostolus? Si autem possunt sentire testimonium hoc in seipsis, & accipere, & agnoscere esse testimonium Spiritus, quomodo non erunt certi suæ adoptionis & gratiæ? Nunquid. n. testimonium Spiritus potest mentiri, quod vel cogitare est blasphemia? Nunquid ergo accipiens testimonium illud poterit absq; impietate & perfidia dubitare de illo, aut deceptionem suspicari? Hoc in loco dixerunt quidam, Non poterit certo scire quod illud esse testimonium Spiritus. Nos autem respondimus, hoc perinde esse ac dicere Spiritum non testificari. Qui. n. testem nescit, nescit & testimonium. Ad quid. n. testificatur Spiritus nisi ad notificandum? Sed nunc quid notificabit per testimonium quod an sit ipsius ignorantur? Hanc vero fugam B. Ambrosius in epistola ad Horontianum lib. 5.

NOTA

ambrosius in epistola ad Horontianum lib. 5. sic ait: Testimonium autem hoc est Spiritus sancti, quod ipse est qui clamat in corbus nostris Abba Pater, sicut ad Galatas scriptum est. Sed & illud grande testimonium quod sumus filij Dei. Hæc ille. Ecce quàm explicitè ac disertè duo testari Spiritum sanctum docet, videlicet & seipsum esse qui loquitur & clamat, & hoc grande testimonium nobis reddere quod sumus filij Dei: Quid hic fingi potest contra tui Patris auctoritatem in re præ-

sertum tam clara? B. Bernardus, ut suo loco dicemus, hoc testimonium vocat reuelationem quam facit Spiritus. Si reuelatio est, & ex lumine superno, quomodo non persuasio & certitudo? Cogita hæc frater charissime, & noli esse indocilis ac proteruius.

Verum dicent aliqui, Qui sic certiores sunt à Spiritu, non propterea habent certitudinem fidei, sed à coniecturis & signis humanam quandam certitudinem & probabilem: quidam tamen dixit leuem & puerilem coniecturam. Quoniam verò sic dicentes, iniurias faciunt Apostolo, quem vanas & pueriles coniecturas nos docuisse fateri eos oportet: & præterea confusionem faciunt, vocabulq; abutuntur: oportet hæc diligentius explicare. Et primum nosse, quum ab initio hæc quæstio fuit proposita, simpliciter à nonnullis posita fuit. Quærebatur. n. simpliciter, An quis posset scire aut certus esse quod esset in gratia, multis hoc negantibus simpliciter, aliis verò contra asserentibus: & non explicabatur satis de quo genere scientiæ aut certitudinis esset quæstio. Sed inter disputandum, ut sit cum veritas discutitur, tandem huc ventum est ut cum iam non negaretur aliqua certitudo, quæ nam esset illa certitudo disquireretur.

Primum ergo sciendum est, nullo modo, naturali cognitione siue intellectus siue sensus, haberi posse, quæq; adeptum esse gratiam aut stare in ea. Nam nec sensus nec intellectus suapte natura & lumine potest in hanc ascendere cognitionem, nisi fidei lumine fuerit illustratus. Descendit ergo de supernis (ut diximus) notitia hæc, non ascendit: & à lumine Spiritus venit, cum Spiritus sanctus testatur animæ meæ, & suam illi reuelat salutem: sicut rogat quilibet in Ecclesia, dicens: Dic anima mea, salus tua ego sum. Ex quo patet secundum ad rem propositam, videlicet hoc testimonium fide accipi. Si enim Deo nobis testanti credimus, fideles sumus: si non resistimus, increduli iudicamur. Si ergo hoc testimonium homo accipit fide, certus redditur: quia & veritas in eo est, & firmitas adhesionis gignitur, ac per hoc non potest dici opinio. Opinio. n. non habet certitudinem, sed formidinem: nec à diuino testimonio gignitur opinio, sed vera fides. Restat ergo ut sit certitudo fidei. Possunt fides, mus igitur certi esse de iustitia nostra, & quidem certitudine fidei, ut locus ille Apostoli absq; dubio inuictissime probat. Vnde Caietanus in comment. super ea verba: Ipse. n. Spiritus testimonium reddit spiritui nostro etc. eleganter

B. Ambrosius
in epistola ad
Horontianum
lib. 5.

Opinio.

Fides.

in hunc modum scripsit: Testimonium hoc quod Spiritus sanctus reddit simul cum spiritu nostro de hoc quod sumus filij Dei, internum esse significatur, ex eo quod ab utroque: interno spiritus perhibetur, non alijs, sed nobis ipsis. Et quoniam testimonium hoc non est de possibili,

Nota diligenter hoc uerba Caietani pro certitudine gratie ex fide.

sed de facto, hoc est, non est de hoc, An scilicet possimus esse filij Dei, sed est de hoc quod sumus filij Dei: idem donum speciale est. Non testimonium quod possumus esse filij Dei, inter testimonia communia fidei comprehenditur. Testimonium autem quod ego sum filius Dei, speciale donum est. Et quoniam nullius testimonij effectus est uidere seu scire rem testificatam, sed credere (non enim inducitur testimonium, sed lumen aut ratio euidenciam faciens ad hoc ut uideatur aut sciatur res: sed testimonium inducitur ad hoc ut credatur res testificata, ad hoc ut uideatur esse credendum sic esse quod testificatur) ideo ex hoc testimonio Spiritus sancti & nostri quod sumus filij Dei, non intelligas me uidere aut scire, sed credere quod sum filius Dei, sed uidere mihi esse credendum quod sum filius Dei. Hæc ille: quibus nihil expressius dici poterat nec euidencius ad probandum, quod de spiritu nostro & charitate infusa certificamur testimonio Spiritus sancti, unde refulat non naturalis, sed solummodo cognitio fidei: credere enim est actus fidei. Et certe non potest aliud fingi, nec ulla responsio ad hoc recte dari. Non est enim hæc certitudo ad reuelationem speciali. Nam ibi Apostolus manifestissime loquitur de communiter iustificatis, iis tamen qui non secundum carnem ambulant, sed secundum spiritum.

Nec ualet si respondeatur ut quidam argutule magis quam vere, uidelicet illud testimonium Spiritus quod fide apprehenditur, non reddere certum hominem de sua gratia, quia (ut ipse idem Caietanus ibidem subiungit) Spiritus in hac sua testificatione quod sumus filij Dei, uirtut quibusdam medijs, quæ ipse assumit simul cum nostro spiritu ad significandum quod sumus filij Dei. Hæc autem media regulariter duo sunt. Alterum est amor Dei promptus ad obsequendum Spiritui sancto: alterum experta continuatio diuine gubernationis. Sed quia in his duobus medijs quibus uirtus Spiritus sanctus ad persuadendum nobis, potest hominem decipi, quia potest sibi uideri amare cum non amet: & simpliciter potest uideri sibi expertum se esse benigne in se Dei providentiam, in quo & falli potest: redditur propterea hoc testimonium ita incertum, sicut & media ipsa per quæ illud fit, sunt incerta. Hæc autem argutule dicta sunt, perplexæ tamē: & minime secum constantia sunt. Resoluiamus ergo nos, ut duo appareant manifeste: Alterum, hunc sensum aperte esse contra ipsam Caietani doctrinam ibi: alterum uero, quod hic sensus (ut dixi) perplexus est & senectipsum expugnans, & itcirco longe abest a vera intelligentia. Et quo ad primum attinet, recenset uerba Caietani quibus ille innuitur, nempe hæc: Media autem quibus uirtus Spiritus sanctus, quæ assumit Spiritus sanctus simul cum nostro in testimonium quod sumus filij Dei, sunt regulariter duo. Alterum est amor Dei promptus ad obsequendum Spiritui sancto, quem efficit Spiritus sanctus in ijs qui spiritu Dei aguntur: alioqui non agerentur spiritu Dei, nisi forte ad momentum: Alterum est experta continuatio diuine gubernationis, custodiendo a damnabilibus, illustrando, inspirando, excitando, mouendo, fouendo, et huiusmodi. Nam cum experimur tam promptè nos diligere Deum, et talitantiq; cura gubernari a Deo, testimonium ad Spiritum sanctum & nostro habemus sufficientissimum ad hoc ut credamus quod sumus filij Dei. Hæc ille. Ex quibus colligo, posse hominem experiri se promptè diligere Deum & magna cura gubernari ab illo: Et eum qui hæc experitur, testimonium habere a Spiritu sancto & suo sufficientissimum ad hoc ut credat se esse filium Dei, & clarè uidet i sibi esse credendum, nempe filium Dei se esse. His igitur stantibus, in hunc modum texo argumentum. Quicumque habet a Spiritu sancto testimonium sufficientissimum ut credat ex fide, & clarè uideat hoc esse credendum, uidelicet se esse filium Dei, & hoc testimonium ille fide recipiat, certus est fug gratiæ, quicquid sit de medijs quibus uirtus Spiritus sanctus ad certificandum. Etenim ad inducendam infallibilem certitudinem factis mihi est quod ipse Spiritus testificatur, & quod ille cui testificatur, id credat ex fide. At istud est quod a nobis ponitur, & ab Apostolo reuelatur, uidelicet Spiritum multis filiis qui ipso Dei spiritu aguntur testificari hoc, & illos etiā id credere. Quid igitur obstat quin audacter dicamus eos quicumque sint illi, certos esse Spiritum Dei se habere in seipsis inhabitantem per gratiam? Testimonium enim hoc Spiritus sancti purum est, & non conditionale, quasi testetur nobis quod filij Dei sumus si promptè diligimus, aut si uerè Deo efficit cura de nobis. Hoc enim nunquam nobis quicquam probaret, quia non possumus (ut isti uolunt) unquam scire, an uerè diligamus Deum, & an ille de nobis sollicitetur quasi de filiis. Inane igitur esset hoc Spiritus testimonium conditionale, nempe conditione nunquam adueniente in hoc seculo. Unde & contra Apostoli uerba est, quæ Spiritus testimonium declarant esse purum & absque ulla conditione, quod sumus filij Dei. Et ex his patet perplexitas contradi-

centium, qui dum permittunt Spiritum sanctum

Caietanus.

ATO

atum testificari, ac ipsum Spiritus testimoniū fide accipi, atq; simul sciri Spiritum sanctum esse qui nobis testificatur, cum his tamen nō consentitur certam esse notitiā rei testifica-
te à Spiritu sancto, sed solum probabilitatem quandam: quæ certè secum nequeunt consistere. Adde q̄ cum in oratione, sicut ait B. Thomas, proficemur fidē nostram; & in ea dicamus ex spiritu Pater noster, nam tales quærit Pater qui adoret eum in Spiritu & veritate) quomodo poterit esse in eo dicto deceptio? Quod ergo subdit Apostolus: Ipse, n. Spiritus reddit testimonium etc. exponit Spiritus sancti, ne forte quis dicat q̄ in nostra confessio-
ne decipimur. Hæc ille. Quid clarius? Non hic patitur esse deceptionem. S. Doctor in eo qui credit Spiritui cōtestanti. Vidē quantum interest tractare scripturas, & docere scholastica. Nam sæpe cogimur veritati attestari quam ignorabamus. Sic D. Thomas hoc in loco ex verbis Apostoli huic certitū dini quam probamus coactus est attestari. Nicolaus Gortan similiter de hoc teste Spiritu sancto & de eius testimonio in eo loco pulcherrimè enarrat. De ipso quidem teste, quod est omni exceptione maior: de testimonio autem, quod certificat hominem qui eo spiritu agitur. Et post hæc addit: Qui habet tale testimonium saluabitur, non damnabitur. Et concludit: Ecce ergo spiritus obligans, agens, adoptans, & testificans. Obligatio debitorum, agens reddit nos obediētes & promptos, adoptio amantes & deuotos, testificatio gaudentes & securos. Hæc ille. Et propterea nō ab re dixi, aliud esse scrutari scripturas, aliud in scholis disserere. Hic mitto alios, præsertim Patres veteres, qui hunc locum non aliter acceperunt. Multa enim seruantur inferius producenda.

Est autē alius in Apostolo locus vnde superiora cōfirmantur, vbi ait: Quis, n. nouit hominē quæ sunt hominis, nisi spiritus hominis qui est in eo? Sic quæ sunt Dei nemo nouit nisi spiritus Dei. Nos autem non spiritum huius mundi accepimus, sed spiritum qui ex Deo est, ut sciamus quæ à Deo donata sunt nobis. Ecce quomodo vult vt à nobis cognoscantur Dei dona, quorum maximum est charitas. Neq; verò me later B. Thomā in Summa hoc in loco nobis occurrere, eo quod agari ibi Apostolus (vt putat) de donis gloriæ, quæ per fidem certissimè cognoscimus, non de dono gratiæ in hærentis. At hæc solutio nō dat quietem, vnde nec ipse B. Thomas in ea persistit: quia spiritus Dei datur nō tam ad cognoscenda gloriæ dona, quam ipsa dona gratiæ quæ præsupponuntur ad glo-

riā: Potuisset ergo dicere B. Thomas, aliud esse scire donum gratiæ, aliud verò q̄ illud donum sit in me, aut in illo signatum: & primum dixisse Apostolum, non secundum. Verum nec hoc satisfacit. Primo quidem, quoniam verba illa: Accipimus Spiritum qui ex Deo est, non significant eos fidem solum accepisse vt per illam cognoscantur Dona: sed q̄ acceperint præcipuè charitatem, & quidem eximiam charitatem. Spiritus enim charitas est: & illa voce nunq̄ significatur sola fides. Scrutentur scripturas, & probet quod dicimus. Qui ergo dicit se accepisse Spiritum, ipsam certè charitatem se accepisse asserit: quod non potest asserere qui ignorat se accepisse. Deinde verba illa Apostoli: vt sciamus quæ data sunt nobis: de donis gloriæ præcisè non possunt intelligi, cum illa donata non essent manentibus in hac vita, nisi in arrha, quod est donum gratiæ: quod cognito, & illud gloriæ futurum simul cognoscitur. Sensus ergo Apostoli verus est, nimirum ex notitia doni præsentis; quod vocat Spiritum Dei, quem accipiunt christiani, haberi notitiā supernorum, quæ nos manent. Ad hoc n. vt ea noscāmus, accipimus spiritum gratiæ velut arrham. Verum est tamen q̄ B. Paulus ibi videtur loqui de illa Spiritus abundantia, quam habuerunt ipsi principes & duces nostri Apostoli Christi. Sic illum locū exponit B. Augustinus apud Ioannem cap. xiii. & alibi. Sic pleriq; alii veterum. In eundem etiam modum Caietanus, cuius hæc verba sunt: Vt sciamus quæ à Deo donata sunt nobis. Ecce effectus Spiritus quem accepimus, non impetus, non furor, non eclassis, nescientium quid patiantur, aut agant: sed ut sciamus. Non dicit ut credamus: quia Spiritus sanctus in fufus Apostolis causauit in illis notitiā certam donorum Dei in eisdem. Hæc ille. Neq; somnianda est hic alia reuelatio specialis. Illa n. est prophetica nō manens. Hæc verò notitia de qua Apostolus, est à Spiritu immanente in homine per donum illud celeste.

Est item & grauis illa eiusdem Apostoli in quosdam reprehensio, vbi ait: Vosmetipsos tentate si estis in fide: vosmetipsos probate. An non cognoscitis vosmetipsos quod IESVS Christus in vobis est? nisi forte reprobi estis. His autem verbis cum de fide viuā loqueretur Apostolus, vt solebat quorū absolutè fidem dicebat, videtur non solum fateri, posse hominem nosse in habitantem in se Christum per spiritum suum, verū etiam q̄ hoc ipsum debeat scire, cum hoc scire eius intersit, nisi forte sit reprobis: Vnde vult q̄ homo probet, ten-

D. Thomas
NOTA

Nicolaus
GORTAN.

Caietanus.

D. Bernardus
in serm. 17
in Cantica.

recepit semetipsum, & hanc inde notitia emanat. B. autem Bernardus iuxta Apostoli doctrinam dixit, periculosissime hoc nesciri. Non me latet quid hoc in loco dicat quidam scholasticorum. Sunt n. qui volunt locū illum intelligi de coniecturali notitia, & non fidei certa: quod est diuinare, & contra morem scripturarum, quæ de fidei notitia in huiusmodi semper loquuntur. Alii ergo intelligunt de fide informi, quam sciri posse per suum actum consistit, cuius oppositum dicunt esse de charitate. Et quidā huius differentiæ rationē assignat, quæ assensus (inquit) intellectus ex nulla diuina acceptatione dependet, & ideo notissimum unicuique persuasum habere Evangelium. Gratia uero Dei & amicitia in diuina beneuolentia & acceptatione consistit, quæ nobis est ignota. Hæc ille. Quæ aut falsæ sunt, aut nihil resoluunt, aut ego non intelligo. Inepre. n. primò dicitur, gratia Dei & amicitia in eius beneuolentia & acceptatione consistit. Si n. gratia pro habitu quem habemus à Deo accipitur, quo pacto dicitur consistere in acceptatione Dei? Nunquid n. per habitus meremur, ut oporteat Deum acceptare illos? Et quomodo acceptantur ab eo qui donat? Profectò in beneuolentia Dei nò minus habitus fidei quam charitatis consistit: quoniam ex ipsius beneuolentia nobis etiā fides contingit. Oportet ergo pro clariore intelligentia videre quid fidei appellatione & charitatis intelligat, utrū actum, an habitum. Nam si de habitu sermo est, iterum distinguere oportet, an de habitu infuso, an uero de acquisito, ut quæritur. An habitum fidei infusum à Deo possumus noscere per actum suum. Quod si asseritur, in promptu est ulterius quærere, quoniam genere notitiæ talis habitus cognoscatur. Nam si ex aliqua coniectura solum quæ certitudinem non constituat, non stabit ea differentia quam ponunt inter fidem & charitatem: quoniam etiam charitatis habitum pari modo ex coniecturis possumus cognoscere, ut ipsi fatentur. Sin autem volunt habitum fidei infusum certo cognosci certitudinem fidei per actum suum: charitatis autem non sic, ut certe videtur ex doctrina B. Thomæ deduci, sicut ibidem manifestè Caietanus declarat: tunc obstat ratio: quoniam non videtur quod per actum fidei magis ego nosse possim habitum sine infusus desuper, an uero acquisitus, quam per actum charitatis nosse se ipsum dilectionis habitum similiter an sit infusus necne. Ratio uero illa, quod actus Charitatis ideo ignoratur an sit ex habitu infuso, quoniam nescitur an sit acceptus Deo,

quod requiritur ad hoc ut noscatur esse ab habitu infuso, nihil valet: quoniam ex fide recipimus actum charitatis acceptum esse Deo: & prius natura est esse actum charitatis, quam quod sit acceptus. Nec enim per hoc est actus charitatis, quia Deo acceptus: sed id est acceptus, quia est actus charitatis. Vnde ad noscendum actum charitatis, non oportet ex eo quod sequitur cognoscere, cum illud exequatur necessariè.

Sed dicent, non est alia nia ad cognoscendum, quia per actum tunc cognoscitur habitus, cum talis est actus qui nequeat nisi ab habitu illo produci. Sed actus charitatis possunt produci à dilectione Dei acquisita, aut per motionem Dei gratuitam absque habitu: Non igitur per hoc nosci possunt. Sed nos id falsum esse dicimus quod sumitur. Et nihilominus respondemus, non secus esse de habitu fidei: quoniam actus fidei homo potest & pari modo producere, videlicet vel ab habitu acquisito, vel à gratuita motione diuina. Ergo vndique notat hæc doctrina, nisi dicatur & quod per actum fidei noscitur infusa fides, & similiter per actus charitatis infusa charitas: Quoniam fides & charitas innoquant hominem & transmutant in aliam superiorem naturam. Et est summe inconueniens tales habitus adeo nobiles & supernaturales, quibus in alios quodammodo transferimur, nobis esse ignotos, & non habere illos actus suos proprios, eorum naturæ facultatem similiter excedentes: cum alioqui superuacui videri possint. Imò reuera ipsa viuā, nō mortua fides per opera probatur, & per patientiam passionum, non incerta probatione, sed certa. Sicut aurum (inquit Princeps Apostolorum) quod per ignem probatur. Et nisi velimus proteruiter repugnare, illa Apostoli efflagratio cum tanta energia ut seipsos Corinthii tentent & probent ad cognoscendum an in seipsis Christus inhabitet, profecto non videtur velle eos opinionem tantum exulpere à tentatione & probatione illa quæ requirebat, sed notitiam certam ac firmam, quam heroica opera reddunt, ut B. Anselmus, quem paulo post citabimus, eo in loco eleganter enarrat. Propter quod & B. Iacobus dixit: Ostende mihi fidem tuam absque operibus, & ego ex operibus ostendam tibi fidem tuam, hoc est, fidem viuam, non mortuam. Nam & in ipsis operibus ex viuā fide factis quiddam viuum conspicitur: quod melius ille nouit qui intus sentit. Vnde & B. Ambrosius egregie hoc in loco dixit: *Quia habet fidei sensum in corde suo, hic scit Christum in se esse.*

B. Ambrosius.

Quid amplius desideramus? Et quidem veterum Patrum nullus est qui locum illum interpretetur de fide informi. Petrus Lombardus proculdubio de fide & bonis operibus interpretatur.

Est & alius Apostoli locus in eadē Epistola secunda ad Cor. cap. i. ubi ait: Gloria nostra haec est, testimonium conscientiae nostrae. Ecce in quo erat B. Pauli gloria, nimirum in testimonio conscientiae. Nec solum quia nihil sibi conscius erat mali, fed quia simul conscius erat multorum bonorum quae fecerat, nimirum qui in simplicitate cordis, & sinceritate Dei, & non in sapientia carnali, sed in gratia Dei conuersatus erat in hoc mundo. Vis de lector quanta conscientia de sua innocentia Apostolus contestatur. Et ne quis notitiam ex reuelatione somniaret, testimonium conscientiae propriae & acta sua manifesta, non Dei reuelationem proferat. Verum de hoc erit sermo inferius, ubi de virtute conscientiae tractabimus a scripturis & doctoribus sanctis.

In eodem capite in fine ait Apostolus: Qui confirmat nos vobiscum in Christum, & qui unxit nos, Deus: qui & signauit nos, & dedit pignus Spiritus in cordibus nostris. Cum ergo dicat Apostolus, quod Deus signans nos dat pignus Spiritus, siue potius arrham Spiritus, velim cogitari ad quidnam illud detur nisi ut certus fiat homo & securus de fide dantis, qui etiam sua die verē exhibebit quod promissit. Qui autem pignus vel arrham accipit, si nescit se accepisse, quomodo certus erit promissionis? Et tamen arrha ob hoc ipsum accipitur, ut accipiens certus sit & securus promissionis a certitudine arrhae iam acceptae. Vnde hoc videns ipse Caietanus, ibidem in hunc modum scripsit: Ecce tertium donum ab eodem Deo. Et fuit Signauit, pro obsignauit, tanquam imprimendo sigillum. Et hoc ad firmitatis signum spectat. Apostolica gratia tum in virtute miraculorum, tum in dono linguarum, tum in imitatione charitatis & patientiae Christi, velut sigillum erat in testimonium verorum ministrorum Euangelij. Et dedit pignus etc. Ecce quartum donum, quo presententur se habere certitudinem futurae felicitatis aeternae, habendo in propriis cordibus spirituale arrham. Arrha. n. tam spissis, quam negotiatoribus datur in securitatem contrahus. Certitudo ergo spei tanta diffusa est in coru cordibus, ut cognoscant se habere arrham Spiritus sancti de aeterna felicitate. Haec ille: Si igitur per arrham nascitur spei certitudo, quae est futurorum bonorum, necesse est ut & ipsius arrha sit certitudo, & cognoscat homo (ut ait Caietanus) se illam habere arrham in corde suo. Alios qui quomodo per id quod est incertum cer-

nificari quidpiam possit? Quod si arrham quis nescit se certo habere, oportet eundem etiam certo nosse se habere charitatem, quae est arrha ipsa. Vide si quid potest fortius quinere certitudinem quam probamus.

Sunt & pro hac veritate testimonio illius Dilecti discipuli, qui audent dicere: Et scimus quia verum est testimonium eius. Ipse ergo in sua prima Epistola cap. 2. sic ait: In hoc scimus quid cognoscimus eum, si mandata eius obseruamus. Qui dicit se nosse Deum, & mandata eius non custodit: mendax est, & in eo veritas non est. Qui autem seruat uerbum eius, in hoc charitas Dei perfecta est. In hoc scimus quoniam in ipso sumus. Haec Dilectus. Quibus quid copiosius dici poterat, ut intelligamus quod possumus certi esse nos esse in Christo, & quod ipse diligit nos? In hoc, inquit, scimus quod cognoscimus eum, & quod in ipso sumus, si seruamus mandata eius. Non dicit, coniciimus: non dicit, opinamur: sed scimus. Quod verbum, extra controuersiam, certitudinem importat. Si igitur hoc verum est, sicut oportet nos confiteri ob testimonium tanti Apostoli, quod per obseruantiam mandatoru scimus nos esse in Christo, hoc nobis Spiritu testificare, etiam illud absque ulla dubitatione consequitur, scire nos posse an eius mandata obseruemus: quod tamen isti negant. Si enim scire non possumus an eius mandata seruemus, nec illud item scire possumus an sumus in illo. Quemadmodum enim quod sumus in illo, ex obseruantia mandatorum est: ita scientiam hanc quod sumus in illo, de scientia illa quod eius obseruamus mandata gigni oportet, quam Deus in nobis confirmat Spiritu suo. Vnde ipse idem confirmans ait: Scimus quod translati sumus de morte ad uitam. Ecce certitudo adeptae gratiae. Et ne quis diceret hoc Dilectum ex reuelatione speciali sciuisse, adiecit subito causam firmitatis notitiae, dicens: Quoniam diligimus fratres. Vnde bene dixit B. Gregorius: Probatio dilectionis, exhibitio est operis. Neque uideo quid hic responderi possit, nisi per glossas quasdam sinceritatem scripturarum destruentes. Dicunt enim quidam esse certitudinem non fidei, sed moralem. At Caietanus claritatem apostolicę sententiae videns, hunc locum tractando, sic ait: Est sermo de notitia affectiua, quam efficit fides infusa, quae per dilectionem operatur. Dicendo itaque: Et in hoc scimus quod cognouimus eum (proculdubio Deum lucem) perinde est ac si dixisset: Et in hoc scimus quod ambulamus in luce, si mandata eius obseruamus. Haec ille. Et paulo post: Intendi si quidem Ioannes ad litteram monstrare signum infallibile internae lucis diuinae in uos

Caietanus.

Caietanus.

bis esse, si mentiam eius seruauerimus. Et propterea dicitur: Et in hoc scimus scientiam experimentalis. Hæc Caietanus. Nota signum infallibile interne lucis diuinæ in nobis esse, & scientiam affectiuam ac experimentalē, quam tamen ait ex fide infusa oriri. Et recte id quidem dicitur quoniam sic loquuntur passim scripturæ, ut ea nos scire dicant quæ magna fide tenemus.

Est & alius locus eiusdem Apostoli clarissimus, ubi ait: Filii, non diligamus uerbo neque lingua, sed opere & ueritate. In hoc cognoscimus quæ ex ueritate sumus, et in conspectu eius suademus corda nostra. Nota uerba candide ac prudens lector. Eui denter enim per hæc docemur, ex eo nos habere notitiam quod sumus ex ueritate, dum opere & ueritate proximum diligimus. Ne autem existimes hanc notitiam non esse certam, adiecit: Et suademus corda nostra, hoc est, ut Beatus Augustinus recte exponit, suademus binus cordibus nostris in conspectu Dei. Quid est autem illud quod suademus cordibus nostris in conspectu Dei, nisi quod sumus in ueritate, idest, in CHRISTO qui est ueritas? Suadere autem nobis ipsis in conspectu Dei quod sumus in ueritate, quid aliud, nisi habere de hac re certissimam persuasionem ipso Deo præsentē ac sua luce testificante? id quod alio modo dixit Apostolus Paulus ubi docet, Spiritum sanctum confiteri cum spiritu nostro quod filii Dei sumus. Et tunc est quies animo, gaudium, & pax in Spiritu sancto: quæ nobis præcatur idem Apostolus. Est uero hæc notitia proculdubio a lumine fidei, in quo non potest subesse falsum. Quapropter Caietanus ea uerba: In hoc cognoscimus etc. diligenter ita exponit: Apparet quod non de notitia euidētie, sed de notitia fidei dixit in hoc cognoscimus. Ex illa enim oritur ut suadeamus intimis nostris non fide, non blandiendo, sed in conspectu Dei. Hæc ille.

Et elegans scholias tes dominus Ioannes Gagnæus insignis doctor ad eundem sensum declarauit his uerbis: Si non uerbo tantum & lingua, sed corde & opere fratres diligimus, persuasissimam & confidentem & securam reddemus conscientiam nostram coram Deo. Hæc ille. Videant igitur qui aduersantur quo pacto suam incertitudinem defendat contra tanta tamque præclara lumina, & scripturarum testimonia. Sed attendamus ad reliqua. Pergit. n. Dilectus & ait: Charissimi, si cor nostrum non reprehenderit nos, fiduciam habemus ad Deum, & quicquid petierimus accipiemus ab eo, quia mandata eius custodimus, & ea quæ sunt placita coram eo facimus. Nota quid est quo creatur fiducia. Certè non illa inanis hæreticorum fides, sed conscientia pura;

quæ sanè tunc pura est, quum cor nostrum (legitimè tamen exploratum, ut suo loco dicemus) nos non reprehendit, idest, quum synderesis non extimulat neque damnat per conscientiam. Cetera igitur fiducia surgit hoc ipso quod cor nostrum non reprehendit nos. Admisce enim se illi, Apostolo teste, Spiritus contestificans de amore Sponsi. Et est tanta fiducia ut possimus oratione quæcumque petierimus imperare. Cuius ratio est, quia si cor nostrum non reprehendit nos, certum est quod custodimus mandata eius: & quis diligit Deum, diligitur ab eo; qui & insinuat seipsum illi. Et ideo quæcumque petierit, Ioan. 12. impetrabit. Clara hæc sunt, nisi uelimus torquere scripturas. Sed qui torquere uoluerit intelligat quàm acerbè aliquando torquebitur ipse: & quod uult ignorare, perperuo ignorabit.

Neque dicat mihi quisque, Potest homo esse peccator, & tamen non reprehendi à conscientia propria. Quis.n.poterit hoc coram Deo asserere, se in Deum peccasse, & intus non fuisse reprehensum? Alioqui frustra hoc nobis signum declarasset Dilectus. Non ignore, postquam callum obduxit conscientia, & obsecratum cor, & lumen illud quod in nobis effudit Deus factum est tenebræ, eo nos tandem perducere dicamus nonnunquam bonum malum, & malum bonum. (Sed non peruenit illuc repente absque medio peccati & conscientia peccati & consuetudine peccandi ac voluntate spontanea, & libidine atque delectatione absque timore. Alioqui nunquam Deus subtraheret lumen suum quo certi ualeat quidnam bonum, quidquid malum sit. Concludimus ergo, id quod ait Dilectus: Et in hoc scimus quod manet in nobis, ex spiritu quem dedit nobis, non aliud esse quàm quod dixit B. Paulus, Rom. 8. ipsum Spiritum internè iis qui diligunt in ueritate, testificari eos esse Altissimi filios: de cuius testimonio fide accepto qui negauerit uenire certitudinem, profecto nescio quid huic ualeat esse certum.

Additur & alius locus ex Apocalypsi B. Ioannis, ubi ait Dominus: Vincenti dabo manna absconditum, & nomen nouum, quod nemo nouit nisi qui accipit. Manna autem illud absque dubio uidetur esse quoddam gratiæ augmentum, in quo homo certior redditur diuinæ gratiæ & amicitie, quam cum Deo nanciscitur quicunque superat tentationes, & hoc pacto quasi per ignem probatus elucet: unde uenit illa pax, de qua ait Propheta: Pax multa diligentibus legem tuam, & non est illis scandalum. Illa est pax Dei, quam Apostolus testatur

Caietanus.

Gagnæus.

NOTA

exuperare omnem sensum, siue omnem mentem: quam pacem Christus solus donat, & mundus dare non potest: cui attestatur mundissima conscientia, ex qua claritas & certitudo redditur diuini doni. Quis ergo dicere auit hominem hoc tanto donatum munere per victoriam retentionum, non cognoscere gratiam Dei in semetipso, cum & fide & experientia certo norit à semetipso nihil fieri potuisse? Profecto ista sunt prorsus inopinabilia. Verum hunc locum disputator qui postremo scripsit, hoc pacto declinat, quod manifestum illud non significat gratiam vel augmentum gratiae, sed gloriam duntaxat, quod est premium victoriae. At B. Thomas. 1. 2. q. 112. art. 5. de gratia illum locum exponit. Et reuera si vox illa MANNA consideretur more scripturae, non potest aliud significare nisi quod de celo descendit & pluit in terras.

Nec dicat hic mihi quisque, haec quidem signa esse & coniecturas asistentis gratiae, non tamen quae certum penitus hominem redclant: aut, hanc certitudinem, quaecumque illa sit, imperfectam esse, vt ibidem ait B. Thomas. Nam & nos pariter fateamur haec esse signa & coniecturas, sed quae accedente superiore lumine non opinationem, sed fidem gignant, quae habet certitudinem non euidendiae, sed fidei: non venientis à lumine naturali solum, sed à diuino, quod nunc (vt docet Apostolus) est imperfectum. Videmus. n. per speculum in enigmate: & quum venerit quod perfectum est, enacuabitur hoc imperfectum. Est. n. fides argumentum non aparentium. Argumentum autem hoc à posteriori est: vnde & coniecturam possemus dicere, cum videamus nunc per speculum in enigmate, id est, non euidenter, sed obscure. Quia tamen ab infallibili testimonio venit vera fides, iccirco certitudinem affert. Et fateatur in huiusmodi dispositione atque discretionem super obiecto non iam in Ecclesia constituto & firmo, posse esse deceptionem: quoniam potest quis credere se ex Deo habere, quod tamen non habet ab eo. Fateor hoc: nec inde sequitur, Si potest esse deceptio, ergo est deceptio: quoniam potest & hic assensus à fide procedere. Nec item sequitur, Ergo non potest esse vera certitudo in iis qui non decipiuntur. Quemadmodum quia in syllogizando ex principiis potest esse deceptio, non iccirco conuincitur esse in omni syllogismo deceptionem, ita vt etiam recte & scientifice syllogizans non possit certitudinem assequi recte syllogizante conclusionis. Occurrunt & aliae plurimae scripturarum

cum veteris, tum noui testamenti sententiae, quibus abunde probatur haec gratia certitudo. Non citabo autem alium particularem locum, sed in primis integrum librum psalmorum, qui nihil aliud est quam colloquium & oratio ad Deum, vbi multa dicuntur quae certo significant certam orationis & supplicantis notitiam suae iustitiae. Haec sibi quotidie sumit Ecclesia orans. Quod autem à nullo ea dici possint orando cum veritate, & in spiritu certitudinis de seipso, profecto durissimum est, & grāde iudicium faciens fidei nostrae. Si quis illud non sentit, fatagat vt sentiat quando canit & saepe repetit Deum exaudiat illius orationem suam, & deprecationem suscepisse. Alibi ait: Iudica me secundum iustitiam meam, & secundum puritatem manuum mearum in conspectu oculorum eius. Et: Custodi animam meam, quoniam sanctus sum. Et alia plura huiusmodi. Ne vero quis ad respondendum promptulus neget haec loca ad vllum mortaliū pertinere, B. Augustinus occurrit, qui passim deelar esse non solum ipsius Christi, sed etiam sanctorum voces. Vnde verba illa: Custodi me Domine, quoniam sanctus sum, sic exponit: Cum audio sanctus sum, vocem Domini agnosco, & hic separo meam. Certè inseparabiliter à corpore suo B. Augustinus loquitur cum sic loquitur. Et audeo ego dicere, Quo in psalms. niam sanctus sum? Si sanctus tanquam sanctificans, & nullo sanctificante indigens, superbus & mendax. Si autem sanctus sanctificatus, secundum id quod dictum est: Sancti estote, quoniam ego sanctus sum: audeat & corpus Christi, audeat & unus ille homo clamans à sinibus terrae cum Capite suo & sub Capite suo dicere, sanctus sum. Accepit. n. gratiam sanctitatis, gratiam baptismi & remissionis peccatorum. Et haec quidem fuistis, ait Apostolus, sed abluti estis, sed sanctificati estis. Si ergo sanctificatos dicit, dicat & unusquisque fidelium, sanctus sum. Non est ista superbia elati, sed confessio non ingrati. Si enim dixeris te sanctum esse ex te, superbus es. Rursus fidelis in Christo & membrum Christi sive non dixeris esse sanctum, ingratus es. Et paulo post: Etenim ex alio latere incipis iniuriam facere ipsi Domino nostro IESU Christo. Si enim Christiani omnes & fideles baptizati in illo, ipsum induerunt, sicut Apostolus dicit, Quotquot in Christo baptizati estis, Christum induistis. Si membra sunt sancti corporis eius, & dicunt se sanctos non esse, Capiti ipsi faciunt iniuriam, cuius membra sancta sunt. Tam uide ubi sis, & de capite tuo dignitatem cape. Etenim crastis aliquando tenebrae, nunc autem lux in Domino. Paulus Epist. 5. sis aliquando, inquit, tenebrae: sed nunquid tenebrae remanserunt? Ad hoc illuminator venit ut & tenebrae remaneretis, an ut in illo lux fieretis? Haec ille, doctè quidem ac sanctè ad rem propositam.

Vt autem

NOTA

NOTA

Vt autem fortius eam adhuc confirmet, affert in super librum illum integrum Canticum canonicorum, ubi ferè à primo verbo usque ad postremum passim hæc certitudo nobis insinuat. Loquitur. n. sponsa: Osculatur me osculo oris sui. Et: Trabe me post te. Et: Introduxit me Rex in cellam suam. Et: Nigra sum, sed forma mea. Et: Falcite me malis, stipate me floribus, quia amore languet. Et: Dilectus meus mihi, & ego illi. Hæc & alia huiusmodi multa, quæ absque dubitatione congruunt animæ vehementer Deū diligenti, haud quidem possent ei convenire absque amplissima certitudine sue gratiæ presentium cum audiat versa vice sponsi vocem suavisissimi erga se amoris plenissimam. Nullus hic fingendi aut respondendi cuiusquam, nisi admodum inepte, relinquatur locus.
 + + +

A S S E R T I O I I I.

Quid nullus ueterum Patrum repugnat certitudini presentis gratiæ quam asserimus.



PERFECTO NOBIS erat in animo omittere plura quæ allata fuerūt aduersus hanc certitudinem quam probamus, eius esse generis illa existimantes, quæ hominem vel mediocriter instructum mouere nō possent. At postquam illa etiam editis libris quidam attulerunt quasi contra nos militantiā, cogimur ea in medium adducere, ac simul ostendere potius illorum opinionem, quam sententiam nostram prorsus infringere.
 Producent ergo in primis B. Bernardus in sermone de verbis illis Dilecti: Tres sunt qui testimonium dant in celo etc. ubi hæc leguntur: Quis uero scit hominem si est dignus amore uel odio? Quod si (ut certum est) certitudo nobis omnino negatur, etc. Hec ille. Ecce, inquit, quod omnino certitudinem negat ille sanctus Abbas, quam vos defenditis. At si præcedentia & sequentia verba eius sancti Abbatis adduxissent, facile declarabatū illum minime loqui de certitudine presentis gratiæ, sed de ea quæ est prædestinationis ac saluiss. In hunc. n.

modum scribit: Quando enim sine testimonio electos suos deserat Deus? Aut certe quamam eis esse poterat consolatio inter spem & metum solitudinis anxiosa fluctantibus, si nullum omnino electionis sue habere testimonium mererentur? Non it Dominus qui sunt eius: & solus ipse scit quos elegerit à principio. Quis uero scit hominem si est dignus amore uel odio? Quod si (ut certum est) certitudo nobis omnino negatur, nunquid non tanto delectabiliora erunt, si qua forte electio nis huius signa possumus inuenire? Quam. n. requiem habere potest spiritus noster dum prædestinationis sue nulum adhuc testimonium tenet? Hæc ille. En ut manifeste totus ille sermo declarat de certitudine electionis & prædestinationis eum sensisse. Et mirum est quomodo ea quæ inferius pro certitudine presentis gratiæ in eodem sermone tam planè assertuntur non animaduerterunt. Ait. n. Seruus peccati est qui peccatum datem gratiæ facit, ut si deinceps continere poterit, & iugum abiecit miseræ seruitutis, certissimum sit testimonium redemptionis, quam operatur sine dubio sanguis Christi.
 Et paulo post: Sanè nouum superuenisse spiritum certissimè conuersatio noua testatur.
 NOTAT

ta verba. Non ait certum, sed certissimum testimonium. Non ait certe, sed certissimè testatur: ut agnosceas tantum abesse ut certitudinem quam defendimus neget, ut etiam pro ea magnifice, nomine superlatiuo usus, constet, quod omnem penitus formidinem & hæsitacionem tolleret.

Non hic addam quod frigide aduersarii ad hæc respondeant, ne & mihi & lectori simul pariam tedium. Quis non perpendat quod si B. Bernardus circa presentem gratiam negasset omnino certitudinem, quemadmodum sonant superius citata verba de incertitudine prædestinationis, nunquid postmodò eam in eodem sermone tanto spiritu confirmasset? Citarunt de eodem ex epistola c. vii. ubi videtur similiter nobis huius rei certitudinem adimere. Quo in loco etiam falluntur mirifice. Ipse. n. postquam manifestissimè dixerat, ab homine presentem gratiam sentiri posse, quæ tamen non erat perfecta notitia perfectioris gratiæ diuini amoris, quia à percepta gratia non sequitur certò futura gloria: declarans hoc ipsum sic ait: De qua tamen percepta sumus ex parte notitia interior quidem gloriatur in spe, nondum tamen in securitate. Ac si apertius dixerit, tamen si quis sentiat in se presentem gratiam, nō propterea habet suæ felicitatis noticiam, nisi ex parte pro presenti tantum tempore. Et ideo non potest gloriari tanquam habeat perfectam felicitatem: sed gloriari potest in spe, nondum in re, quando erit securitas. Hoc est quod dixit: Gloriatur in spe. Certe non potest

Certitudinem
prædestinationis
negat D.
Bernardus.

NOTAT

gloriarī quīq; in spe, nisi qui habet interim arrham, & se habere illam sentit. Hæc est gratia siue charitas, qua tamen interim non est securus de premio: siquidem perseveranti datur corona. Perseuerantia autem adhuc manet in incerto, quamvis interim sit in gratia. A negatione igitur securitatis perperam concluditur præsentis gratiæ negatio, cum præsens gratia neminem faciat esse de sine se curum. Idem Abbas in eadem epistola longo sermone manifestat quod dico. Nam de homine iustificato sic ait: *Audit se uocari, cum timore concutitur. Sentit & iustificari, cion amore persanditur: & de magnificatione diffidet? Ponderentur, quaslo, verba. Sentit, inquit, se iustificari. Quomodo ergo quod sentit non certo cognoscat? Et multo post, de homine à vitis ad virtutes conuerso, quàm clarè & quàm magnificis verbis testatur illum habere Spiritum testificantem sibi quod est filius Dei, ita vt dicat iustificationem esse ipsam testificationem. Habes (ait) o homo huius æreani indiciem Spiritum iustificantem, eòq; ipso testificantem spiritui tuo quod filius Dei et ipse sis. Et post pauca. Nemo itaq; se amari diffidat qui iam amat. Libenter Dei amor nostrum quem præuenit subsequitur. Nam quomodo redamare pigebit quos amauit et necdum amantes? Amauit inq; amauit. Habes, n. dilectionis pignus Spiritum: habes & testem fidelen IESVM, & hunc crucifixum. O geminum, ipsūq; firmissimum Dei erga nos amoris argumentum. Christus moritur, meretur amari: Spiritus afficit & facit amari. Ille facit cur ametur: iste ut ametur. Ille suam multam dilectionem in nobis commendat: iste & dat. In illo cernimus quod amemus: ab isto sumimus unde amemus. Charitatis igitur ab illo occasio: ex isto affectio. Hæc ille. Quid his verbis fortius ad certitudinem quam prædicamus statuendam? Qui enim Dei geminum ac firmissimum testimoniū habet, quomodo poterit (nisi perdidit sit) dubitare?*

Fortè dicent aliqui: Ecce ipse B. Bernardus argumentum vocat: ergo non est fidei certitudo. Quasi verò & Apostolus nō desclaret, fidem esse argumentum rerum non apparentium. Et quid est quod ait, firmissimum argumentum? Nunquid quod firmissimum est, infirmabitur per illorum cōmentata? Nec tamen nos statuimus certitudinem absolutæ euidentiæ, sed eam quæ est ex fide asserimus. Hoc quia nō intelligunt quidam, conturbantur dum audiunt nos dicere certō sciri. Non autem ita turbarentur si dicere mus certō credi: nescientes q̄ quæ certō credimus, ea etiam scire dicimur in scripturis vt est apud B. Ioannem in Euangelio, & passim in epistolis: & hoc quia fides nostra habet

certitudinem. Aliū verò dicere, D. Bernardum ibi constituere non fidei certitudinem, sed eam quæ habetur à reuelatione: non attendentes q̄ reuelatio de qua ibi B. Bernardus, non specialis erat, de qua ipsi intelligūt: sed ordinaria, & de lege communi, quàm fides iustorum suscipit. Quare tanq̄ spiritu præuidisset hanc fugam, ibidem sic dixit: *Iustus autem quis est, nisi qui amanti se Deo vicem repperdit amoris? Quod non sit nisi reuelante spiritu per fidem: quæ sanè reuelatio non est aliud quàm infusio gratiæ spiritualis, per quam, dum sacra carnis resistuntur, homo ad regnum præparatur, quod caro & sanguis non possident: simul accipiens in uno spiritu & una de se præsumat amatum, & unde redamet, ne gratis amatus sit.* Hæc ille, & alia plura pro hac veritate, quæ miror, imò obstupesco vel non flectere intelligentes, vel latere posse legētes.

Tertius locus citatus est ex Epistola eiusdem S. Abbatis xlii. vbi ait: *Prauum est cor hominis & imperscrutabile, ita ut nemo sciat quæ sunt in homine, nisi spiritus hominis qui in eo est. Sed nec ipse se plenè. Nam cum Apostolus diceret: Mihi pro minimis est ut à vobis iudicer, aut ab humano die, adiecit: sed nec ego meipsum iudico. Quare? Quoniam non possum, ait, ratam vel ipse de me proferre sententiam. Ego, n. nihil mihi conscius sum, non tamen in hoc iustificatus sum. Non ex toto credo me vel ipsi conscientie mee, quippe cum ne ipsa quidem queat me cōprehendere totum. Hæc ille: Ecce, inquit, quomodo Apostolus non erat certus de corde suo, iuxta D. Bernardi doctrinam: nec ex toto credebatur conscientia suæ, cum nemo possit eam cōprehendere. Attendatur primò hic fallacia consequentis manifesta, quæ est, A negatione vnius causæ negare effectum qui ab aliis causis potest produci. Nam & si demus à notitia suæ conscientie non posse quenq̄ cognoscere gratiam suam (quod tamen nō damus, quia repugnat scripturis & sanctis patribus, sicut iam diximus, & suo loco amplius dicturum sumus) minime tamen sequitur, aliis modis cognosci non posse: puta à virtute sacramentorum, ab excellentia operum charitatis & eius efficacia. Deinde cognoscat vigilans lector, B. Bernardum non negare posse sciri præsentiam gratiæ à vi mundæ conscientia, sed solum non posse hominem ex toto cognoscere semetipsum, ac propterea non ex toto iudicare, idq; bō minutula quædam latentia peccata & naturale vitium immanēs, quæ gratiam & iustitiam minime tollunt. Vnde in ipsamet Epistola paulō superius sic ait: *Beati qui in veritate dicere possunt: Gloria nostra hæc est, testimonium conscientie nostræ. Non potest dicere nisi humilis, qui (iuxta vulgare) & oculis campi**

D. Bernardi
uerba diligenter
notanda.

metuere, & solatium aures soleat habere suspectas. Hactenus expendamus quod ait: Humilis potest dicere: Gloria nostra hæc est. testimo-
nium conscientie nostræ: & qui potest hoc dicere, beatus est. Sed nemo beatus qui non est verè mundus corde: Qui ergo hoc dicit, se mundum corde esse per in habilitatem fidei & gratiæ spiritum cognouit. Quapropter. S. Abbas in eadem epistola ita magnificat testimonium conscientie, vt clarè dicat hominem qui post penitentiam peccatorum etiam postmodum ab eis se abstinere, virtutis bene conscium, securè posse iam se ipsum deferere & quodammodo perdere, vt alios lucrificat. Et de humilitate inquit: Bona humilitas, quæ & in præsentiarum ab huiusmodi mordacibus curis mentem facit esse quietam, & à minacibus penis in futuro securam reddat conscientiam. Eo igitur quàm manifestè redditur probatum; D. Bernardum non solum non oppugnare nostram sententiam, sed contrariam opinio-
nem potius tellere, penitusque destruere vel in ipsis locis in quibus tamen nititur ipsi aduersari. Quid igitur erit in aliis multis, vbi penitus ab hoc sancto viro confodiuntur? Id in sequenti Assertionem patebit.

B. Hieronymus.

Instant & ex D. Hieronymo super Michæam, vbi verba illa: Dominus querit à te utiq; facere iudicium; et sollicitum ambulare cum Deo tuo etc. Sic interpretatur: Præcipitur ut parat finis ambulare cum Domino Deo nostro: nulla hora dormire, nullo tempore securi esse debemus, sed semper expectare patrem familias uenientem. Et diem fornicare iudicij, & in nocte huius seculi dicere: Ego dormio, & cor meum uigilat. Hæc ille. Ecce, inquit, nullo tempore securi esse debemus. At hoc est quod præcipitur præstare iustis & suam iustitiam non ignorantibus quò adhuc amplius iustificentur: ne in sua iustitia securi, ab illa excident vel ipsa securitate dormiendo & nò ambulando cum Deo suo. Securus n. is dicitur qui tranquillusest, non amplius cogitans de periculo, quasi seorsum à cura: id quod prohibet scriptura. Et reuera hic locus egregie in illos militat. Nam qui in nocte huius seculi dicere potest: Ego dormio, & cor meum uigilat, certus est suæ gratiæ, iuxta ipsius B. Hieronymi sensum. Dormire quippe in nocte huius seculi, quid est aliud quàm non curare temporalia? Vigilare autè corde est frangere pro futura gloria: quod iustorum proprium est, iuxta Domini præceptum aientis: Vigilate sicut expectantibus Dominum suum quando reuertatur à nuptijs.

Produceunt rursus eundè super illud Ioe-
lis cap. 3. Qui scit se conuertatur, & ignoret, Deus?

Idè, inquit B. Hieronymus, ambiguum ponitur & incertum; ut dum homines sunt dubij de salute, fortius agant penitentiam, & magis ad misericordiam pronocent Deum. Quis autè ex hoc loco queat elicere regularem propriæ iustitiæ incertitudinem, cum de magnis peccatoribus aperte loquatur, quibus erat dubitatio etiam facultas penitentia? Nec tamen ibi dicitur, post ac tam dignam penitentiam manere adhuc incertitudinem illam? quin potius contrà docet ipsa historia.

Produxit præterea quidam B. Augustinum tamq; aduersum nos pronunciantem & ait: Neque natus aperte à nobis sit fortissimus ille hæreticorum malleus Augustinus. Passim quidem est assertum neminem in hac uita posse se cerò asseuerare esse iustum. Et quod magis urget; lib. 1. de pecc. meritis & remiss. cap. 9. & 10. manifestè assertum, occultissimam esse gratiæ spiritualis communicationem & remissionem peccatorum: neq; esse quippiam tam occultum, neq; tam inueritum. Hæc ille. Nos autem responдемus, nedum non passim, sed nullo in loco asserere illum Doctorem, qd nemo in hac uita queat asseuerare se esse iustum: cū alibi ipse eum qui baptis-
mum suscepit hortetur vt dicat: Custodi animam meam, quoniam sanctus sum. Quin potest se sanctum dicere, cur non ite iustum? nisi forte sit sanctitas absq; iustitia. Hoc autem est quod ait passim B. Augustinus, Ne B. Augustini nimen natura esse iustum, sed gratia. Et ne doctrina. minem tanta pollere gratia vt uiuat omnino absq; vilo peccato, tamen absq; crimine. Et quicquid talis fuerit, eum vetat posse gloriari quasi non acceperit, aut quasi sit perfecta iustitia: quam si cum rigore expenderet Dominus, nullus esse posset in iudicio tutus. Oportet ergo semper hominem quantum iustum et sanctum imperfectionem suæ iustitiæ recognoscere & coram Deo fateri. Nam hoc perfectorum est proprium; agnoscere scilicet & confiteri imperfectiones suas: quicquid verò iustitiæ habent, predicare donum Dei esse, & cum Apostolo dicere: Gratiæ Dei sum id quod sum. Hæc est passim B. Augustini doctrina, quam & nos vtro prædicamus, quia à nobis sit. Quod verò ille bonus pater addit, Beatum Augustinum in citato loco affirmare occultissimam esse gratiæ spiritualis communicationem & inspirationem, nihil penitus aduersum nos facit: nam ibi de ipsius rei natura est sermo. Donum enim illud gratiæ est ex se nobis occultum, & eius insusceptio seu inspiratio occulta: quoniam & hæbitus est supernaturalis, & insensibiliter infunditur, ita vt sola fide apprehendatur, nò sensu. Et hoc nos docebat Apostolus aliens

Quæ sunt Dei, nemo nouit nisi Spiritus Dei. Nos autem non spiritum huius mundi accepimus, sed Spiritum qui ex Deo est, ut sciamus quæ à Deo donata sunt nobis. Ecce quod plane exponitur eius doni natura, quod non potest nisi Dei spiritu cognosci. Hoc ipsum ille gloriosus doctor tradidit, nisi velit quis proteruire.

Illud verò quod adiecit de remissione peccatorum quasi dictum ibi à B. Augustino, & quod addidit, Neque esse quidpiam tam occultum & tam incertum: ille pater de suo attexit. De his.n.apud B. Augustinum ibi nullum verbum penitus. Quare & nos grauiamur & lector, quia sic minus fideliter citantur auctores.

Verum instat disputator adhuc, quoniam idem Doctor super psal. 50. interpretans illi versiculum: *Incerta & occulta sapientie tue manifestasti mihi*: de remissione peccati exponit, ut nihil sit occultius atque incertius quicquam. Quo in loco prouoco primum ad pium lectorum vt meminerit Apostolici symboli, ubi inter primarios fidei nostræ articulos remissio peccatorum annumeratur. Et isti volunt nihil esse nobis illa occultius neque incertius. Responderebunt fortasse, In genere quidem & in vniuerso certum esse: at in particulari in illo vel in illo esse occultum. Ego verò mitto quod possem respondere, male scilicet persuaderi certitudinem vniuersaliter, si in nullo particulari queat offendi. Illud nunc meo iure ab his viris exigo, vt secum saltem consentiant. Nam cum nobis iam dederint, certum hominem esse posse suæ gratiæ, atque ita certum vt nullus sit locus dubitationi aut formidini: quo pacto nunc autoritate tanti viri moliantur euincere tantam huius rei incertitudinem vt nihil sit illa incertius? Quod.n. ita est incertum vt nihil sit eo incertius, profecto neque coniecturam vllam, neque probabiliter, nedum certitudinem, quam isti tamen consenserunt, admittit. O lux veritatis, quæ sepe numero iis absconderis qui te non vident, sed ubi illi te esse volunt, sibi præstirunt.

Nunc pro intelligentia verborum B. Augustini recolat lector quod iam dixi, peccata adeo insignia, quæ vel sui atrocitate ac malitia, vel quia securè mente pessima & malignissima absque vllò Dei timore patratur, nulla ex se misericordiam Dei merentur. De his ergo loquitur D. Augustinus, quorum anteque appareat penitentia & contritio, incerta est remissio & diuinum beneplacitum miseretur. Tunc ergo est incertitudo hæc, quando nondum humiliatio, nondum contritio excitatur, nondum lacrymosa confessio, non-

dum sacerdotis absolutio, nondum fructus penitentia apparet. Alioquin post hæc omnia transacta asserere adhuc esse occultissimam & incertissimam remissionem peccatorum vt nihil sit incertius vel occultius, pace omnium dixerim, non solum est falsum, sed perniciosum, sed hereticum dogma, vt pote contra illum articulum remissionis peccatorum, & derogans virtuti sacramentorum, & sanguini Domini nostri IESU Christi, & ad nihil aliud valens, quod illaqueandas infirmorum & simplicium conscientias. Et nisi calori disputationis quo solent accendi contradicentium animi, id ascriberem, longe duriore oburgatione rem tantam prosequeretur.

Quod autem quem exposui sit illius gloriosus doctoris sensus, patet primum ex eo peccato cuius facta est Davidi remissio, cum tam insigne fuisset adulterium simul & homicidium excogitatum viri optimi ac fidelissimi. Verè poterat ille Rex tantis donis honoratus ac sublimatus, tam ingratus Deo, habere incertam miserationem diuinam. Patet idem ab exemplo de Niniuitis, quorum iam complexæ erant iniquitates, & iam euersio ciuitatis decreta. Denique patet ex verbis ipsiusmet doctoris, quibus quid senserit declarauit, nempe his: *Sed quia magna peccata erant Niniuitarum, dixerunt, Quis nouit? Hoc incertum præfecerat Deus seruo suo David, etc.* En vt manifestè seipsum declarat, à magnitudine scelerum incertam reddi remissionem. Ob hoc dictum fuit Simon mago à B. Petro: *Pœnitentiam age, et roga Deum, si forte remittatur tibi hæc cogitatio cordis tui.* Et Daniel Nabuchodonosori iuxta editionem nostram: *Peccata tua elemosynis redime, & iniquitates tuas misericordias pauperum: forsitan ignoscet Deus delictis tuis.* Alioquin dum hominum peccata sunt vulgaria, patet misericordia Dei supra modum, sicut iam diximus. Stat.n. ille ad osium & pulsatur, cuius miserationes sunt super Apocalyp. 3. per omnia opera eius. Et ipse miris & multis psalm. 144. modis clamat: *Conuertimini, et agite penitentiam ab Ezech. 18. omnibus iniquitatibus vestris, et non erit vobis in ruinam iniquitas.* Proicite à vobis omnes præuarias iniquitates vestras in quibus præuicacati estis, et facite vobis cor nouum et spiritum nouum. Et quare moriemini domus Israel? Quia non moriemini moriens dicit Dominus Deus. Reuertimini et uiuite. Sed volumen inferum conficerem, si verba Domini per prophetas suos enuntiata recensere velim, quibus Dei misericordia propensissima offertur peccatoribus.

Illud obiter gratia lectoris qui paulò circūspectior fuerit, animaduertendū adiciō, vtū satisfaciatur B. Augustini expositio ad illum locum. Mihi quidem, vt verum fatear, longe

magis placet D. Chrysostomi interpretatio. Et certe ad verba illa psalmi: *Incerta & occulta sapientie tue*, satis frigide talis sensus aptatur. Lōge melius meo iudicio B. Gregorius, qui locum illum ita exponit, vt iustificæ aduersarij confutetur. Proponit ergo primum verba psalmi: *Incerta et occulta etc.* tum ait: *Equidem ante aduentum Christi incertum fuit si grauior lapsi possent habere veniam: & peccatorum remissio complures latuit: sed* Dauid qui Redemptorem mundi ut peccata tolleret futurum prædiceret, de peccatorum indulgentia non dubitauit. Et tandem inquit: *Hæc sum incerta & occulta diuine dispositionis consilia omnibus gentibus per Dei sapientiam reuelata.* An non Nihilistis incerta erant, qui penitentiam agentes, super prædicatione tonæ hesitantes dicebant: *Qui scit si conuerteris tu? ignoscet Deus?* Hæc D. Gregorius: *ex quibus patet, emere incertitudinem quam illi prædicant, merito explodi tempore gratiæ quum redemptio & propitiatio nostra apud Patrem adfuerit.*

Erant mei consilii pleraque eorum quæ aduersus hos ex illorum commentis produxi-
mus; præterire, ne me et lectorem simul ni-
hilum fultidum, vtiã antea dixi, ac tædio affi-
cerem; præsertim cum in subsequenti asser-
tione satis superque satis de Patrum doctrina
parebit, quæ in illos ita militabit, vt nullus
eis relinquatur fugæ aut tergiversationi lo-
cus. Sed propter ingenio tardiusculos, et quæ
in refellendis huiusmodi argutis nonnum-
quam lectu digna indicantur; illud interim
vigilans lector attendat (et inde poterit penè
omnes cautiones istorum retundere) A

securitate quam sancti Doctores negant esse posse in via, non sequi incertitudinem præsentis gratiæ. Nam qui præteritum gratiam sentiant, non propterea sunt securi de gloria, quam possint ab ea excedere. Ob eam causam dictum est ab Apostolo: Tu fide stas, non li altum sapere, sed time etc. Ex: Vide ne cadas. Illud quoque considerandum, est sancti Patres dicant non posse hominẽ penitus intima sui cordis penetrare, non inde sequi vti scire non possit quæ actu cogitet & quæ velit, & vtrum quid concupiscat contra legem Dei, & vtrum corripito & humiliato sit corde: quæ satis sunt ad notitiam superuenientis Spiritus & gratiæ. Alioqui quia fronte orantes illi tres pueri rogassent scilicet orationes suas factas in animo contrito, & spiritu humilitatis? quia oratione in sanctissimo altaris sacrificio omnes sacerdotes videntur.

Non est omnimodum quod idẽ Reuerendus pater ex B. Gregorio contra positionem nostram adduxit. Ille n. cui dam Cubicular

rit Augustæ, quæ ab eo postulauerat vt ex
reuelatione significaret, Vtrum sibi essent di
missa peccata, his verbis respondit: Rem dis
ficilem etiam & inutilem postulasti. Difficilem quidem; B. Gregorius
quia ego indignus sum cui reuelatio fieri debeat. Inutilem in Reg. lib. 6.
verò, quia securus de peccatis tuis fieri non debes, nisi
cum iam in die uite tue ultimo plangere eadem peccata
minime ualebis. Quæ dies, quouque ueniat, semper
suspecta, semper trepida metuere culpas debes, at
que eas quotidianis fletibus lauare. Certe Paulus
Apostolus iam ad tertium cælum ascenderat: in parâ
disum quoque ductus fuerat, arcana uerba audierat, que
homini loqui non liceret: & tamen adhuc trepidans dice
bat: Castigo corpus meum, & seruiui subijcio, ne forte
illius prædicans, ipse reprobis efficiar. Adhuc timet qui
iam ad cælum ducitur, et iam timere non uale qui adhuc
in terra conuersatur? Pende dulcissima filia, quia
mater negligentiæ solet esse securitas. Habere ergo in
hac uita non debes securitatem per quam negligens reddâ
ris. Scriptum est. m. Beatus uir qui semper est pauidus.
Et rursum scriptum est: Seruite Domino in timore, et exul
tate ei cum tremore. In paucis ergo huius uite tempore
mentem uestram necesse est ut tremor teneat, quatenus
per securitatis gaudium sine fine postmodum exultet.
Hæc ille. Vnde contra nos illud primum
colligi uidetur, neminem posse in tota uita
esse securum sibi esse dimissa peccata, cum iu
beamur omnes metuere ultimum illum diem,
qui debet omnibus esse suspectus, & semper
trepidum metuere culpas & assidue lauare la
tymis. At hoc non esset si possemus certi
esse de gratia, per quam proculdubio culpa
remittitur. Tu uero acute lector animadu
erte, ut illius sapientissimi doctoris prudentiam
simul ac doctrinam intelligas. Scripserat ad
B. illum Pontificem mulier in Imperatoris cu
ria Augustæ cubicularia, quæ vt tenor li
rarum uidebatur porrigere) magna peccat
rix fuerat. Sed quia recens illam ceperat
penitere, quasi esset altera Magdalena opta
bat oraculum, & postulabat curiosè à san
ctissimo viro vt impetraret à Deo reuelatio
nem, an essent sibi dimissa peccata. Cui Pon
tifex refert & difficilem illam postulasse & inu
tilem respondit. Probat autem inutilem, quia
non intererat eius fieri securam de peccatis,
nisi tum demum cum in extremo confutis
vltimus flere non datur. Quoniam uero res
missio peccatorum est duplex, prima quæ res
mittitur offensæ tantum, altera quæ etiam pe
næ: non hic intelligendum est de remissio
ne offensæ solum, sed etiam penæ: quæ res
missio fit satisfactione per lacrymas, oratio
nes, ieiunia & elemosynas. Non interest
autem in diebus penitentiæ vt imperfecta ani
ma sciât perfectam remissionem penarum,

Rom. 11.
1. Cor. 10.

Note

Daniel 3:

ne veluti prorsus secura ab opibus satisfactio-
nis quiescat: quod est eorum proprium, qui
adhuc perfectam charitatem non habent, sed
eum timorem qui penam habet. Talis erat
ea mulier, vt ex ipsius D. Gregorii verbis ap-
paret. Volebat. n. secura fieri de penis, vt
cessaret ab operis satisfactio, & expulso ti-
more penarum ociosior fieret, ac minus ti-
meret offensam quam par esset. Itaq; hanc
ad peccandum dispositionem ab illa amoue-
re volebat sapientissimus Pontifex. Quod
aut de perfecta remissione esset sermo, inde
patet, quoniam ad exemplum Magdalene
volebat audire, dimissa sunt tibi peccata:
quod certe de perfecta remissione intelligen-
dum. Quod item non veller eam dubitare
de remissione offensæ seu culpæ, sed solum
ne cessatione penitentis in alia peccata prola-
beretur, illud est argumento, quod exem-
plo B. Pauli illam hortatur ad sui corporis
castigationem. Certum est enim Beatum
Paulum non castigasse corpus suum propter
antiqua peccata, quæ certo sciebat deleta esse
penitus baptismo, sed ne caro lasciuens ad
noua pertraheret, vnde reprobis fieret. Pro-
pterea & timorem suadet, qui est de futuro,
& adiecit scripturam: Beatus homo qui sem-
per est pauidus. Et: Seruite Domino in ti-
more, & exultate ei cum tremore. Quæ præ-
cepta proculdubio ad eos pertinent, qui iam
sunt iusti. Nam reuera non beatificatur ho-
mo qui semper pauet & dubitat de remissio-
ne peccatorum, sed is qui veretur omnia ope-
ra sua, ne quid in eis insit quod displiceat
Deo in cursu vitæ huius laboriosa: quod
proprie est iustorum. Et hoc est seruire Do-
mino in timore, & exultare ei cum tremore.
Nam qui dubitat, hæret, & penam habet, &
non exultat. Et verè mirum est quàm in vni-
uersa disputatione sua non sibi consent ad-
uersarii. Modo enim volunt hominem esse
dubium & timentem ac pauidum ne forte pec-
cata sibi non sint dimissa: Modo concedunt
iustos merito posse absq; dubitatione esse de
hoc & securos & pacatos & absq; formidine:
ita vt quicquid dicant, contra seipsos dicant
tandem: quia contradictoria dicunt.

Illud insuper mirandum est, quomodo ii
qui de superiore epistola D. Gregorium con-
tra nos producant, non eundem pariter con-
tra se adducant in epistola sequenti, vbi ad
personam, quæ dignos iam fructus egerat
penitentiae, sic ait: Duo sunt compunctionis gene-
ra, sicut scitis. Vnum quod æternas penas metuit: aliud
quod coelestibus premiis suspirat: quia Deum sitiens ani-
ma, prius timore compungitur, post amore. Ant. n.

B. Gregorius
in Reg. lib. 6.
epistola 23.

semetipsam in lacrymis afficit: quia dum malorum suorum
recolit, pro his perpeti supplicia æterna pertimescit.
At uerò cum longa maioris anxietate fuerit formido cõ-
sumpta, quedam iam de presumptione uenit: securitas
nascitur, & in amore coelestium gaudiorum animus in-
flammat: Et qui prius flebat anteq; duceretur ad supa-
plicium, postmodum flere amarissime incipit quia differ-
tur a regno. Contemplatur etenim mens qui sunt illi Ange-
lorum ebori, quæ ipsa societas beatorum spirituum, quæ
visio internæ charitatis Dei: & amplius plangit quia a
bonis perennibus deest, quàm flebat prius cum mala
æterna metuebat: sicq; fit ut perfecta compunctio in
dinis trahat animam ad compunctionem dilectionis.
Hæc ille: vbi planissime se declarat, & (quod
sæpius probat) confirmat ab homine facien-
tē iustitiam auferri prorsus penarum metum,
quia perfecta charitas foras mittit timorem, &
formidinem consumit. Neq; metuit lucem
(vt ait Dominus) sed venit ad lucem vt maneat. 1000. 3.
festentur opera sua, quia in Deo sunt facta.
Et hic est qui semper est pauidus, nō iam me-
tuens penam, sed offensam. Nec propterea
se facit securum dum est in via, quandoqui-
dem quid sit cras futurum nescit. Talis enim
securitas cum superba sit & stulta, facili ho-
minem ad casum ducit. Vnde ipse B. Grego-
rius super Iob verè dixit: Sepe mens dum de uirtu-
tis suæ securitate resoluitur, insidiane aduersario inopia
natæ culpæ telo perforatur. Quapropter oportet
semper timere timore illo sancto, qui perma-
net in seculum seculi, & non diffidere de bo-
nitate Dei, qui omni ingemiscenti pronus
est ad parcendum. Vide igitur prudens le-
ctor sanctissimi Pastoris prudentia, & quàm
salutari discretionē aliter ad-
moneat recenter a peccatis
surgentem, aliter eos
qui iam digna peni-
tentis opera per-
fecerunt.

ASSERTIO IIII.

Innumera esse sanctorum Patrum testimonia pro hæc
certitudine gratiæ quam defendimus uenientem ex fide.



OT SVNT PATRVM
sanctorum sententiæ, etiam
præter eas quas superius ob-
iter recitauimus pro nostro
dogmate, vt mirer quomo-
do præterite multos ponerint: præsertim
cum tales sint vt videantur ad destruendas om-
nes aduersantium vel columniosas obiectio-

nes, vel ineptas tergiversationes de industria composuit. Primum autem a nostris, hoc est, a latinis incipiam.

B. Ambrosius.

B. Ambrosius in serm. 2. de fermento, postq̄ exposuit fermentum illud de quo Dominus in parabola, esse ipsum Dominum, adiecit: Quisquis illi fermento adiderit, efficitur et ipse fermentum, tam sibi anlis, quam idoneus uniuersis, & de sua certus salute, & de aliorum acquisitione securus. Hec ille. Vnus est verbo SALUTIS, proculdubio ad id aspiciens quod habemus interim dum sumus in spe: Spe. n. salui facti sumus. Quid hic dicent qui negant certitudinem, quam citra ullam dubitationem tantus doctor affirmat? Plerq̄ alia ex hoc auctore grauissima testimonia possem producere: sed quia iam superius nonnulla adducta sunt, & inferius adducuntur, volo hoc solum interim satis esse, quo nescio quid clarius dici possit.

B. Augu.

Est verò D. Augustinus, qui in locis innumeris ita potenter probat positionem nostrā, vt iustum volumen ex omnibus simul collectis possemus conficere. Quare nunc de multis aliqua excerpemus. Tractans acutissimus ille doctor illud psalmi: Exultabunt sancti in gloria, lætabuntur in cubilibus suis, sic exponit: Quid est in cubilibus suis? In cordibus suis. Audi Apostolum Paulum exultantem in cubili suo. Nam gloria nostra hæc est, testimoniam conscientie nostræ. Rursum timendum est ne quisquam apud seipsum fiat sibi placens, & quasi de conscientia sua superbus gloriatur. Debet enim quisq̄ cum tremore exultare, quia donum Dei est unde exultant, non meritum suum. Pterea sunt multi sibi placentes, & iustos se esse arbitantes, et procedit aduersus illos alia pagina dicens: Quis gloriabitur castum se habere cor? Aut quis gloriabitur mundum se esse a peccato? Est ergo quidam modus gloriandi in conscientia, ut noueris fidē tuam esse synceram, ut noueris spem tuam esse certam, noueris charitatem tuam esse sine simulatione. Sed quoniam multa sunt adhuc, quæ possunt forte offendere oculos Dei, lauda eum qui tibi ista donauit, tunc persciet quod donauit. Propterea cum dixisset: In cubilibus suis, ne quasi sibi placentes uiderentur, adiungit statim: Exultationes Dei in faucibus eorum. Sic lætabuntur in cubilibus suis ut non sibi tribuant quod boni sunt, sed illi tribuant a quo acceperunt quod sunt, a quo uocantur ut perueniant ad quod nondum sunt, & ad speciem perfectionem, cui gratias agunt quod inchoauit. Hec ille. Quibus non video quid clarius dici possit ad probandum quod possumus certificari non solum de fide nostra syncera, verum etiam de spe certa, & charitate non simulata. At hoc est quod defendimus.

Addo item eundem Patrem nobis attestantem, & ita attestantem vt obstruat penitus os

aduersariorum. Verba eius sunt hæc: Si quis in serm. 6. spiritum Christi non habet, non se fallat, hic non est de uerbis Apostoli. Ecce adiuuante ipsius misericordia spiritum Christi stoli prope si habemus, & ipsa delectatione iustitiae, integra fide; nem.

catholica fide, spiritum Dei in nobis esse cognoscimus: Nota diligenter. Nota uerba lector, integra fide, catholica fide. Sileant ergo qui tanta promptitudine negant esse fidem certitudinem, aut non mereri nomen fidei, aut esse fidem moralem vel humanam, quam non dicent esse integrā, ac multo minus catholicam. Vocauit autem hoc in loco catholicam fidē acutissimus Doctor, non quod obiectum sit catholicum, sed quod ab his quæ catholica fidei sunt, educatur.

Ipse idē Doctor tractatu 75. in Ioan. suū per illis uerbis: In illo die uos cognoscetis etc. sic tandem ait: Tunc erit ut possumus uidere quod credimus. Nam & nunc est in nobis, & nos in illo: sed hoc nunc credimus, tunc etiam cognoscemus: quāuis et nunc credendo nouerimus, sed tunc contemplando noscimus. Quandiu. n. sumus in corpore corruptibili quod aggrauat animam, peregrinamur a Domino. Per fidem enim ambulamus, non per speciem. Ecce q̄ clarē fidei notitiam explicat, quia noscimus Deum in nobis & nos in illo: & eius fidei, de qua Apostolus inquit quod per eam ambulamus in patriam. At hæc uera fides est & diuina, non humana aut moralis, quæ sit alia quā fides uera sicut isti uolunt.

Iterum in lib. xiii. de Trinitate, de hac fide loquens, ait: Fidē ipsam uidet quisq̄ in corde suo esse si credit, uel non esse si non credit. Et quidem de integra fide loquebatur, quæ habet comitem charitatem. De ea enim sancti Patres intelligunt, quim simpliciter de fide loquuntur, Nam & ipsemet de charitate sic ait: Qui diligit fratrem, magis nouit dilectionem quā diligit, quā fratrem quem diligit. Neq̄ hic oportet dictum restringere ad actum dilectionis quo ad substantiam facti tantum, ut quidam uolunt. Nam de dilectione quā Dominus præcipit loquebatur manifeste, quæ est actus proprius productus a gratia. Mitto alia ex diuinitis tanti uiri testimonia: si enim non satis ea sint quæ iam citauimus, nihil quod uulterius adderem sufficeret: quanquam superius alia produximus, & inferius producemus.

Acedit B. Gregorius, qui item locis innumeris hoc nobis probat. In principio. n. B. Gregorius. sui Dialogi sic ait: Mens quæ diuino Spiritu impletur, habet euidentissima signa sua, uirtutes scilicet & humilitatem: quæ si utraq̄ perfectè in una mente conueniunt, liquet quod de presentia sancti Spiritus testimonium ferant. Quid his uerbis abundius? Siquidem res quæ ab euidentissimis signis deprehenditur, certò deprehenditur. Nam si ab eis non

NOTA

certo deprehenditur, euidentissima signa non sunt.

Idem gloriosus pontifex passim in suis moralibus huic attestatur veritati. Quapropter lib. 3. cap. 23. in hunc modum scribit: Iustus quasi leo confidens absque terrore erit. In occursum bestiarum ideo Leo non trepidat, quia preualere se omnibus non ignorat. Unde iusti viri securitas Leoni comparatur, quia contra se cum quolibet insurgere conficit, ad mentis suae confidentiam redit, & scit quia cunctos aduersantes superat: quia illum solum diligit, quem inuitis nullo modo amittit. Haec ibi: & in eodem libro talia multis locis. Idem in homilia super Ioannem, sic ait: Qui uere Deum diligit & eius mandata custodit, in eius corde Dominus uenit, & mansionem facit: quia sic cum diuinitatis amore peneat, ut ab hoc amore tentationis tempore non recedat. Ille ergo uere amat, cuius mentem delectatio praua ex consensu non superat. Nam tanto quisque a superno amore disiungitur, quanto infirmitas delectatur. Unde & adhuc subditur: Qui non diligit me, sermones meos non seruat. Ad uosmetipsos ergo fratres charissimi inuorsus redite. Si Deum uere amatis exquirite: nec tamen sibi aliquis credat quicquid sibi animus sine operis attestatione responderit. De dilectione conditoris lingua, mens, & uita requiratur. Nunquam est Dei amor otiosus: operatur enim magna si est. Si uero operari renuit, non est. Haec ille. Unde satis superque colligere potest non somniculosus lector, hominem non solum certiores reddi posse de amore, quo uere erga Deum afficitur, sed & hoc ipsum debere a semetipso exquirere & probare. Quod si ita esse existimet, potest non temere certo credere se in lumine fidei existimare, modo lingua, mens, & uita tali existimationi respondeant.

Idem tractans ea uerba Iob: Annunciat de amico suo, & possessio eius sit, & ad eam possit ascendere: in hunc modum exponit: Amicus ueritatis est rectus amator actionis. Unde & ipsa Veritas discipulis dixit: Vos amici mei estis, si feceritis quae precipio uobis. Amicus quippe amicus cussos dicitur. Unde non immerito qui custodire uoluntatem Dei in praeceptis illius nititur, eius amicus uocatur. Hinc est quod rursus eisdem discipulis Veritas dicit: Vos autem dixi amicos, quia omnia quaecumque audiui a Patre meo, nota feci uobis. De hac igitur luce aeternae patrie amico suo Deus annunciat, quod possessio eius sit, ut nequaquam infirmitatis suae fragilitate desperet, nequaquam hoc quod creatus, sed quod recreatus est penset: sed tanto certius sciat quia illius lucis claritatem possideat, quanto nunc uitiorum pulsantium tenetibus uertus calcet. Nota uerba, TANTO CERTIVS SCIAT, inquit, ut veram certitudinem in duabus illis uocibus possis agnoscere. Scire enim per se certitudinem importat: quanto igitur magis cum certo scire aliquem pronunciamus?

Et alibi super illis uerbis: Vos dixi amicos, quia omnia quaecumque audiui a Patre meo nota feci uobis: sic ait: Omnia quae nota facit seruis suis sunt gaudia internae charitatis & festa supernae patrie: quae quotidie mentibus per inspirationem suae amoris imprimit. Dum enim audita coelestia superna amamus, amata iam nouimus, quia ipse amor notitia est. Haec ille. Quae eius uerba etiam citat S. Thomas in comment. in Ioan. cap. 1. Sunt & aliae plurimae huius sancti Pontificis sententiae pro hac nostra ueritate, quas nos breuitatis gratia hic omittimus: nam & multas iam adduximus, & occurrerit per commodum alibi differentes, inferius commemoremus.

Est praeter enarratos iam doctores B. Cyprianus, qui plerisque in locis hanc seruorum Dei certitudinem, ueluti propriam Christianorum conditionem extollens, procul omni dubio uidetur asserere. Extinuit ad Demetriarum, quod agnosceret quid inter sit inter uere iustos & iniustos, quod maxime in ferendis patienter aduersis conspiciatur, in hunc modum scribit: Non ergo idcirco compares uobis & aequales sumus, quia in isto adhuc mundo & carne constituti, mundi & carnis incommoda uobiscum pariter incurrimus. Nam cum in sensu doloris sit omne quod punit, manifestum est eum non esse participem penae, quem uideas tecum aequaliter non dolere. Viget apud nos spei robur, & firmitas fidei: & inter ipsas saeculi labentis ruinas, erecta mens & immobilis uirtus, & nunquam laxata patientia & de Deo suo semper anima secuta, sicut per Prophetam Spiritus sanctus loquitur, & hortatur, spei ac fidei nostrae firmitatem caelesti uoce corroborans. Vide reliqua, quae longum esset recensere, unde hanc certitudinem & securitatem facile potes elicere. Tum audi eundem B. Martiensem de effectu sanctissimi sacramenti loquentem in tractatu de cena Domini, ubi post multa praecleara & huic nostrae doctrinae confirmantia, de sacerdote digne celebrante, ut pote expertus, in hunc modum testatur: Vnde de quomodo his qui Christi commemorant passionem inter sacra officia, quasi per quosdam canales de interioribus fontibus egrediantur torrentes, & super omnes delicias lacrymis nectareis anima delectatur, quantum suauitatem animae inquirenti ubi sit Deus suus, suspiria contemplationis eliciant. Non illos imbres procellosae tempestatis depouunt: ros matutinus est de celestibus stillans, et quasi una Etio Spiritus mentem delinies. Gemunt illos pietas excruciat, & inter diem & noctem retro & ante se affectio intuens, inter data & condonata se diuidens, gratias agit tam uberis beneficij largitori, & se sanatum & sanctificatum agnoscens, fletibus se abluat, & lacrymis se baptizat etc. Et paulo inferius. In huius praesentia non superuacue mendicant lacrymae ueniam, nec unquam patitur contriti cordis balocaustum repulsam. Haec ille.

Vide quā confidenter dicat: Et se sanctam et sanctificationem agnoscens. Id. n. propriē agnoscitur, quod familiariter repræsentatur. Mitto hic quæ de effectu baptismi expertus protulit de semetipso: nam ea suo loco pferemus: Est & sanctissimus Leo Papa, qui in serm. de festo pascale secundo sic ait: In Evangelio Dominus dicit: In hoc cognoscet omnes quod mei discipuli estis, si dilectionem habueritis ad inuicem. Et in epistola eiusdem Evangeliste legitur: Charissimi diligamus inuicem, quoniam caritas ex Deo est: & omnis qui diligit, ex Deo natus est & cognoscit Deum: & qui non diligit non nouit Deum: quoniam Deus Caritas est. Discunt ergo se fidelium mentes, et intimos sui cordis affectus uera examinatione diiudicent, ut si repositum aliud in conscientis suis de fructibus caritatis inuenerint: Deum sibi inesse non dubitent. Et ut magis magnitudinem hostis sint capaces, fiant perseueranter in misericordia operibus ampliores. Hæc ille. Non dubitet, inquit. Qui uero certus esse non potest, profecto dubitare debet. Sola enim certitudo rationabiliter dubitationem non admittit.

Adde & aliud eiusdem grauissimum testimonium in Sermon. viii. de Epiphania, ubi sic scribit: Qui autem experiri cupit an in ipso Deus habitet, de quo dicitur: Mirabilis Deus in sanctis suis: si uero examine cordis sui interiora discutat, & sagaciter querat quæ humilitate resistat superbie, quæ beneuolentia obliuiscatur inuidie, quā non capiatur adulantium linguis, quāq; bonis deleatur alienis: an pro malo non cupiat malum reddere, malitias multas obliuisci iniurias, quā imaginem sui Conditoris amittere, qui omnes ad cognitionem sui generalibus incitans donis, pluit super iustos & iniustos, & solum suum oriri facit super bonos & malos: ac ne multis laboret sollicitæ discretionis in speculatio, ipsam matrem uirtutum omnium caritatem in secretis sue mentis inquirat: & si in ea dilectionem Dei & proximam toto corde intente repererit, ita ut etiam iniustis eadem uelit tribui quæ sibi optat impendi: quisquis huiusmodi est, Deum reitorē sui esse non dubitet, quem tanto magnificentius receperit, quanto magis non in se, sed in Domino gloriatur. Hæc ille. De quibus uerbis plus manifeste conceditur unicuique christiano non quolibet suæ gratiæ notitia, sed notitia experimentalis, modo ea obseruet quæ sanctus ipse Pontifex monstrat. Etenim ipsius uerba hæc sunt: Qui autem experiri cupit, an in ipso Deus habitet etc. Ecce & experimentum vocat. Et ut claudat os dicentis experimentum fallax, adiecit, Non esse dubitandum. Notet hæc amator ueritatis, & quiescat.

B. Anselmus.

Est & D. Anselmus, qui illud B. Pauli ad Roman. ipse Spiritus perhibet testimonium etc. in hunc modum exposuit. Per hoc quod Spiritus sanctus caritatem nobis infundit, qua nos facit imitatores esse diuinæ bonitatis ut diligamus inimicos nostros, & be-

neficiamus iis qui oderunt nos, sicut Pater celestis qui facit Solem suum oriri super bonos & malos, & pluit super iustos et iniustos: euidentia testimonia declarat mentis nostræ nos esse filios Dei, cuius bonitatem, pro modulo nostro sequimur. Hæc ille. Vbi nota uerba: euidentia uocat Spiritus testimonium. Quo modo autem euidentis, si de testimonio hæsit? Et quomodo non hæsit de testimonio, si non sim certus de teste? Quod si de teste non hæsit, quomodo ergo non faciet certum dinem fidei?

Idem in ea uerba: Ut sciamus quæ a Deo donata sunt nobis etc. Spiritus Dei, inquit, mentem quam replet illuminat. Spiritus autem mundi excocat: quem qui habent, non intelligunt Dei dona quem perceperunt. Sed nos per spiritum eius nouimus et dona eius nos habere, & ab eo accepisse. Item super ea uerba: An non cognoscitis uosmetipsos quia Christus IESVS in uobis est? sic ait: Qui fidei sensum in corde habet, hic scit Christum IESVM in se esse: et uos ita scitis eum in uobis esse, nisi forte reprobi estis. Hoc est enim reprobum esse, nescire fidem professionis suæ. Et uos cognoscitis, quia per sensum fidei & affectum dilectionis ac strenuitatem rectæ actionis est Christus in uobis, nisi forte reprobi estis, id est, ab eo quod prius accepitis retro conuersi, & ab eo reiecti.

Est & Venerabilis Beda, qui per omnia sequitur B. Augustinum in Evangelio, & in prima epistola B. Ioannis, ubi clare eandem confirmat sententiam.

Est & B. Bernardus plurimis in locis, de experientia magis loquens quā de libris. In Sermon. s. dedicationis, dum tractaret discipulorum Domini questionem: Quis poterit saluus esse? Et responsum ipsius Saluatoris dicens: Apud homines hoc impossibile esse, non apud Deum, adiungit hæc uerba: Hæc tota fiducia nostra, hæc unica consolatio nostra, hæc tota ratio spei nostræ. Sed de possibilitate iam certā, de uoluntate uel agimus? Quis scit si est dignus amore uel odio? Quis cognouit sensum Domini, aut quis consiliarius eius fuit? Hic iam fidem planè nobis subuenire necesse est: hic oportet succurres reuerentiam, ut quod de nobis latet in corde Patris, nobis per ipsius spiritum reueletur, & spiritus eius testificans persuadeat spiritui nostro quod filii Dei sumus. Persuadeat autem uocando & iustificando gratis per fidem, in quibus nimirum uelut medius quidam transitus est ab æterna prædestinatione ad futuram magnificationem.

Ecce ut explicat certitudinē, quia Spiritus sancti testimonium operari persuasionem in spiritu nostro affirmat: & hoc esse fidem quam manifestissime declarat. Onerosum uero est & meram tergiversationem sapiens, fidem hanc humanam seu moralem intelligere, ac per hoc non ueram fidem, & quæ non mereatur fidei nomen, ut audent quidam scribere.

ATOM

1. Cor. 2.

NOTA

2. Cor. 13.

ATOM

Beda.

D. Bernardus

NOTA

Idem super psalmū, Qui habitat, ser. 16. volens ostendere eos qui a quo animo tribulationes ferunt habere certum testimonium assilētiæ diuinæ, sic ait: Vnde scimus q. nobiscum sit in tribulatione? Ex eo utiq. q. in ipsa tribulatione nos sumus. Quis n. subsisteret? Quis subsisteret? Quis persisteret sine eo? Addo eūdem in Cant. ser. 59. vbi ait: Nos scimus qui translati de morte ad vitam per uiuificantem Spiritum, certo & quotidiano experimento, ipso nos illuminante, probamus nota & gemitus nostros ab ipso venire, & ad Deum ire, illius inuenire misericordiam in oculis Dei. Quando enim sui Spiritus uocem irritam faceret Deus? Vide lector ut poterit certitudinem asseueret. Certo experimento, inquit, & ad probationem vocis Spiritus iustitiae, quæ irrita esse non possunt.

Et Cant. 37. post multa ad hanc rem pertinentia, ait: Omnis in uobis qui hæc sentit intra se altitari, scit quid loquitur Spiritus, cuius uox atq. operatio minime inter se nunq. dissentiant. Propterea ergo intelligit quæ dicuntur, quoniam quæ foris audit, intus sentit. Et post alia multa etiam clariora pro hoc testimonio, sic ait: Hæc ergo in uobis gemina præcunte notitia, iam ea quæ foris supercreuerit scientia minime inflat, utpote quæ nihil asserere ualeat terreni comodi uel honoris quod non sit sanè inferius spe concepta, lætitiæq. spei iam altius radicata in animo. Spes autem non confundit, quia charitas Dei diffusa est in cordibus nostris per Spiritum sanctum qui datus est nobis. Ideo illa non confundit, quia ista infundit certitudinem. Per hanc n. ipse Spiritus testimonium perhibet spiritui nostro quod filii Dei sumus. Quid his uerbis fortius? Nota singula, Quæ foris audit, intus sentit. S E N T I T, inquit, ut certitudinem significet. Et geminam notitiam vocat, ut firmam ostendat: quia in ore duorum uel trium stat omne uerbum: ita ut non ualeat uir Dei de spe concepta confundi, quia charitas certitudinem infundit. Hæc adeo aperta sunt, ut qui super his facere questionem uelit, proteruum se & contentiosum ostendet.

Ad hæc ipse idem gloriosus Abbas in epistola 107. loquens de peccatore uerè conuerso, tot & ita tamq. clarè effatur pro illa gratiæ certitudine quā defendimus, ut proteruus sit qui ausit contra quicq. mutare. De illo n. ait, quod ad tantam uisitationis se dignationem respirans, sole illucescente iustitie, incipit præter spem gloriari in spe gloriæ filiorum Dei, quam propius reuelata facie in nouo lumine speculatur, & dicit: Signatum est super nos lumen uultus tui Deus: dedisti letitiam in cor de meo. O Domine quid est homo q. innotuisti ei? Confidit enim amari, quoniam sentit se amare; imò quia amari præsentit, non redamare confunditur. Et paulo post ad

hanc certitudinem probandam adducit Spiritum testificatorem spiritui hominis ad Deum conuersi, quod est filius Dei, cuius iustificationis est diuini consilii reuelatio. Et concludit his uerbis: Nemo itaq. se amari diffidat qui iam amatus. Libenter Dei amor, nostrum quem præuenit subsequitur. Amavit inq., amauit. Habes n. dilectionis pignus Spiritum: habes & testem fidelem IESUM, & hunc crucifixum. Et post pauca: In illo cernimus quod amemus: ab isto fumimus unde amemus. Et infra: Quisq. accipit in sua iustificatione ut incipiat & ipse cognoscere, sicut & cognitus est. Nimirum notitia quam uolunt affectuam: Vide si placet longum ibi pro hac hostia ueritate deuoti Abbatis sermionem. Sed multo latius & passim in Canticis hanc diuinæ gratiæ certam notitiam prædicat. In sermone octauo quid de spoliis osculo tractat, sic ait: Scientia ergo quæ inflat eam sine charitate sit, non procedit ex osculo: sed nec qui zelum Dei habent & non secundum scientiam, sibi illatenus arrogent illud. Virumq. n. munus simul fert osculi gratia & agnitionis lucem, & deuotionis pignus quædam. Est quippe Spiritus sapientie et intellectus, qui inflat apes ceram portantis & mel habet omnino & una de accendat lumen scientiæ, & unde infundat saporem gratiæ. Neuter ergo se osculum percepisse puet, suæ ueritatem intelligit nec diligit, suæ qui diligit nec intelligit. Sanè in osculo isto nec error locum habet, nec tepor. Hæc ille ibi. Et amplius. Felix osculum per quod non solum agnoscitur Deus, sed & diliguntur Pater, qui nequaquā plene cognoscitur, nisi cum perfectè diligatur. Quæ in uobis anima sensu aliquando in secreto conscientie sue Spiritum Filij clamantem Abba Pater, ipsa, ipsa paterno se diligi presumat affectu, quæ eodem se spiritu quo & Filius affectum sentit. Confide quæcumq. es illa, confide nihil hesitans. In spiritu filij sciam cognosce te Patris, sponsam filij & sororem. Hæc ille. Quæ proculdubio iugulant aduersarium sensum, qui non sine hesitatione ac dubitatione testimonium Spiritus uult esse recipiendum.

Verum ut dem cæteris locum, asserat hic noster sanctissimus Abbas postremum testimonium de serm. 69. ubi cum quæstionem proposuisset, Vtrum uerba illa sponsæ: Dilatus meus mihi, & ego illi, quæ proculdubio de Ecclesia verificantur, possint & de aliis quæ particulari anima verificari in sensu etiam eminenti, quem priore sermone exposuerat tractans efficaciam mansionis Spiritus sancti in anima sancta: Et cum indixisset fieri orationes ut Deus illi ueritatem huius rei reuelaret; tandem in hunc modum pronunciauit: Quanta pates ex hac mansionis inter animam et Verbum familiaritatis gratia oriatur, ut quanta de familiaritate sequatur fiducia? Non est, ut opinor, quod non talis anima

NOTA

ATOM

NOTA

NOTA

NOTA

ATOM

NOTA

ma dicere ueretur: Dilectus meus mihi, quæ ex eo quod se diligere & uehementer diligere sentit, etiam diligere nihilominus uehementer non ambigit, ac de sua singulari intentione, sollicitudine, cura, opera, diligentia, si uero diu: suo incessanter et ardentur inuigilat quemadmodum placeat Deo, æque hoc omnia in ipso indubitanter agnoscat, recordans promissionis eius: In qua mensura mensi fueritis, remetietur uobis: nisi quod redditionem gratie prædens sponsa ad suam magis cautæ est trahere partem, sciens se potius præueniãt a Dilecto. Inde est quod illius opera præfert: Dilectus, inquit, meus mihi, & ego illi. Ergo ex proprijs, quæ sunt penes Deum agnoscat, nec dubitat se amari quæ amat. Ita est: Amor Dei amore anime parit, & illius præcurrens intentio, intentam animam facit, sollicitudinis sollicitam. Nescio enim qua uicinitate nature, & cion semel reuelata facie gloriam Dei speculari poterit, mox illi se conformari necesse est, atque in eandem imaginem transformari. Igitur qualem te paraueris Deo, talis oportet appareat tibi Deus. Cum sancto sanctus eris, & cum uiro innocens & innocens eris. Quidni æquæ & cum amante amans, & cum uacante uacans, & cum intento intentus, & sollicitus cum sollicito? Denique ait: Ego diligentes me diligo: & qui mane uigilauerint ad me, inuenient me. Vide quomodo non solum de amore suo tunc certum reddat siquidem tu ames illi, sed et de sollicitudine sua quam pro te gerit, si te senserit sollicitum sui. Vigilas tu, uigilat & ille. Consurge in nocte in principio uigiliarum tuarum, accelera quantumvis etiam ipsas anticipare uigilias, inuenies eum, non præuenies. Temere in talis negotio uel prius aliquid tribuis tibi, uel plus: & magis amat & ante. Si hæc omnia scit, imò quia scit, miraris quod illa maiestatem quasi cætera non curantem soli sibi intendere gloriatur, cui soli ipsa, postpositis curis omnibus, tota se deuotione custodit? Sermo finem desiderat, sed unum dico spiritalibus qui in uobis sunt, mirum quidem, sed uerum: Animam Deum uidentem haud secus uidere, quam si sola uideatur à Deo. Ea ergo fiducia dicit illum intendere sibi, seque illi, nihil præter se & ipsam uiuens. Bonus est Domine animæ quærenti te: oculus curris, amplecteris, sponsum exhibes qui Dominus es: imò qui es super omnia Deus benedictus in secula, Amen. Hæc ille gloriosus Abbas. Notet, obsecro, uerba benignus lector qui diuinæ charitatis certitudinem diligit & Spiritus sancti manifestationem, ut posset ipse dicere certo sensu & experimento: Dilectus meus mihi & ego illi. No ret, inquam, tanti Abbatis uerba, sentit se diligere: Etiam diligere uehementer non ambigit: Indubitanter agnoscat: Agnoscat nec dubitat se amari quæ amat. Scit, Certa redditur. Hæc & alia uerba, quæ ora, nisi peritiam, non occultant? Verum adhuc maiora seruantur huius sancti uiri testimonia, quæ nobis passim seruiunt in alijs assertionibus.

Caietanus.

Nolo silentio Caietanum præterire, non

ut scholasticum, sed ut illum qui postquam cepit scrutari scripturas, ab ea doctrina, quam in scholasticis uersans tradiderat, recessit. Ipse. n. ubique clare & cõstanter nostre sententia stipulatur. Nam ad uerba illa Domini apud Ioannem cap. 14. Quia apud uos manebit, et in uobis erit, hanc expositionem attexit: Ratio cognitionis redditur mansio, ut intelligamus Spiritum ueritatis manentem in animis Apostolorum iam facere officium suum faciendo eos cognoscere ipsam. Ipse. n. Spiritus testimonium reddit Spiritui nostro quod filij Dei sumus. Unde notitia ab experientia in seipsis significatur. Dat. n. Deus etiam hoc, ut sciamus quæ à Deo nobis donata sunt. 1. cor. 2. Hæc ille. Deinde sua per illis uerbis: Et manifestabo ei me ipsum, sic ait. Ecce effectus in quo quilibet participabit promissionem redditus IESU. Apostoli dixerat quod uisuri essent ipsum & cognituri etc. cuilibet diligenti ipsum promittit non quod se manifestabit, sed quod se insinuat. Dicit illo. n. græca significat uelut tacite & clam indicare: quoniam IESVS cuilibet diligenti se indicat seipsum intus interna illustratione et inspiratione diuersimodè: pro ut electi experiantur, accipientes manna absconditum, quod nemo nouit nisi qui accipit. Hæc ille ibi. Quæ uero in comm. epist. ad Rom. de testimonio illo Spiritus pro nobis scripsit, iam superius recitauimus. Non tamen hic pigebit afferre quid in comm. epist. B. Ioannis cõmentus est tractans ea uerba: In hoc scimus quoniam cognouimus eum. Ait. n. Est sermo de notitia affectiua, quam efficit fides infusa. Audin tu qui hunc uerum autorem habes? Sed audi quod subdit paulo post. Intendit siquidem Ioannes ad literam non strare signum infallibile internæ lucis diuinæ in nobis esse, si mandata eius seruauerimus. Et propterea dicit: Et in hoc scimus, scientia experimentalis. Vide quid clare notitiam hanc affectiuam & experimentalem uenire à fide infusa affirmat, & ab infallibili signo: & tamen isti fidem humanam & moralem nobis obtrudunt quæ dubitationem secum ferat & periculū fallaciæ. Et cap. 3. ea uerba: In hoc cognoscimus quod ex ueritate sumus, sic exponit: Ioannes hoc in loco dicit quod in hoc, scilicet in dilectione exhibente opus, cognoscimus quod sumus ex ueritate. Ecce testimonium internæ nostræ naturæ manifestatum ab ipso Ioanne, quo quisque potest seipsum seruare. Et in conspectu eius suadebimus corda nostra: pro, cordibus nostris. Ex eo quod non dicit quid suadebimus, subintelligenda est res cognita. Est est sensus, quod diligendo opere, non solum cognoscimus nos esse ex ueritate, sed hoc ipsum, quod est nos esse ex ueritate, suadebimus cordibus nostris non sile, non blandiendo, sed in conspectu Dei. Unde apparet quod non de notitia euidenti, sed de notitia fidei dicit: In hoc cognoscimus. Ex illa. n. oritur ut suadeamus intimis nostris coram Deo, quod sumus ex ueritate, quod accendatur ad opera cumulanda, ad

NOTA

ATOM

NOTA

NOTA

confidendum in Deo. Audin fidei noticiam, quā superius etiā nominauit infusam? Nunquid infusa fides est fides humana vel moralis? Deniq; verba illa cap. 5. Scimus q; ex Deo scimus, exponit: Scientia experimentalis cognoscimus quod fides ex Deo. In persona non solum Apostolorum (qui uirtute Dei utentes miracula faciebant) sed etiam in persona omnium electorum uerificatur SCIMVS, diuersimodè tamen: quoniam illi certa experientia, reliqui autem electi communiter certa fide. Hæc ille, & restet: quia inter noticiam perfectorum & imperfectorum magna differentia est. Non sic enim directè & internè testimonium Spiritus sancti noticiam ingerit. Hæc libuit producere ex hoc Doctore, quoniam eius autoritas apud nos detrahens magna est, cui nec nos inuidemus, nec detrahere volumus: sed libenter concedimus, modò salua sit fides, & ne iuuenes auctoritate hac seducti, impingant in errores damnabiles: cui ego periculo occurrere pro virili sum ausus.

Venio nunc ad Græcorum testimonia pro hac sententia. Est in primis Beatus pater Dionysius Ateopagita, qui in lib. de diuinis nominibus, cap. 7. ita feliciter scribit: Profectio si scientia, cognoscitur & cognitorum coniunctrix est: ignorantia uerò mutationis semper & ex se ignoranti sue diuisionis est autor, eum qui in ueritate credit, iuxta scripturæ fidem nihil remouebit à ueræ fidei autore: in quo constantiam immobilis idemitas tibi habebit. Nouit. n. penitus is qui ueritati coniunctus est, quā bene se habeat, etiam si plures illum corripiant quasi amentem & extra se factum. Fugit enim (quemadmodum & par est) illos quomodo uelut ex errore per intemeratam fidem ueritatis unitus extra se sit, cessansq; patitur. Porro nouit ipse seipsum ueraciter non (quod illi aiunt) insanire: sed ab instabili ac uariabili circa latissimam erroris uarietatem motu, per simplicem et semper secundum eadē et eodē modo se habentem ueritatem, euasisse liberum. Ita deniq; nostras diuinæ sapientie Principes ac Duces, pro ueritate moriuntur, omni die testimonium perhibentes (ut dignum est) & uerbo & omni opere, singularis christianorum ueræq; scientie omnibus, hanc esse & simpliciorum & diuinorum, imò ipsam esse solam ueram & unicam & simplicem diuinam notionem. Hæc ille magnus theologus, cuius verba procudubio commenti sum istam moralem siue certitudinem siue fidem prorsus exterminant. Ipse. n. ait: Non uenit enim penitus is qui ueritati cōiunctus est, quā bene se habeat, etiam si plures illū corripiant. Non satis fuit illi dicere, Nouit: sed dixit, Penitus nouit. Nouit, inquit, q̄ bene se habeat. Non autem bene se habet qui sine charitate Dei est. Et adiecit, quod illa talis coniunctio quā habet sanctus Dei cum ve-

ritate, unde ipsa sui ipsius noticiā uenit, sit per intemeratam fidem. Nunquid fides humana & moralis apud uerōs theologos meretur fidei nomen? Quanto ergo minus nomen intemeratæ fidei?

B. Athanasius illud Apostoli ad Rom. 8. Spiritus testimonium perhibet etc. his uerbis exponit: Paracletus ipse suo testimonio gratiam astruit, quæ nobis est data. Non enim ultrò Abba illud sine alterius assentione pronunciamus. Sed Paracletus est dominus, & ipseniet per spiritum instruxit, idest, per gratiam, uirtute precando dicamus Abba Pater. Hæc ille. Quibus uerbis manifestum redditur, quod instructio iustorum, qui dicunt Abba Pater, à Spiritus sancti dono est: quod donum est gratia, quā habentes, habent in ea testimonium sui status. At Dei Spiritus non mentitur, nec fallere nouit.

B. Basilii in libro regularum, quas breuius appellat, cum sibi proponeret interrogationem, qua ratione persuaderi possit animæ cupiā à peccatis eam liberā esse & expurgatam, postq̄ nonnulla certa huius rei signa præscripsisset, in hæc uerba concludit: Quam docuim; igitur quis uel suis uel in alienis peccatis eo modo, quemadmodum supra initio diximus, animo affectum se esse animaduertit, tunc sine dubio credat se liberum esse à peccato. Hæc ille. Nunquid docet hæc sitare de propria innocētia, uisiti uolunt: an potius omne dubium ab animo excutere? Verba clarissima sunt, quibus vir tantus monet ut perspectis illis quæ ipse indicat signis, sine dubio christianus uir se liberum à peccato credat.

Idem B. Pater super psal. 32. in hunc modum scribit: Propheta hic iustos adhortatur istam sententiam dignitatem, quod talis domini serui esse meruerint, & exultare in illius famulatio ad seruitutem cum gaudio inenarrabili & tripudij cordis, uelut per numinis aspiratione subsistentis ac sensu diuinæ dilectionis. Lege reliqua & illud præsertim ubi ait: Iusto autem quod in ipso insideat inhabitetq; Spiritus, perpes super peti ei diuina celestiq; letitia. Inter præcipuos uerò Spiritus fructus charitas, gaudium, pax numeratur.

Cyrrillus quoq; lib. 10. cap. 3. in Ioannem exponens illa Domini uerba: Ad eum uenimus & mansionem apud eum faciemus, sic ait: Cum non rectè à discipulo intellecta uerba sua Christus uideret, petit rursus quod dixit, dilucidèq; docet, non solum cognitione ista communi amicis se suis manifestaturum, sed excellentiori quodam fulgoris modo. Nam rudiores ab impiorum idolorum cultu ad cognitionem Dei uocati, solummodo per fidem discunt q̄ unus Deus qui nos creauit colendus sit. Qui uerò omni uirtute mentem suam purgando apti iam ad maiora facti sunt, Spiritus illuminatione recepta, oculis animi habitationem in ipsis Deum uis-

debunt

Nota

B. Athanasius

B. Basilii

NOTA

NOTA

ATOX

Cyrrillus.

NOTA

debant. Non est communis sanctorum cognitio, sed eximia et certa, longēq; à communiore illa differens. Hec ille. De cuius præclara doctrina etiam illud patet, esse in huiusmodi notitia latitudinem. Nam eorum qui summe Deum diligunt, obediētes humiliter mandatis eius, non communem quandam iustorum habent suæ gratiæ noticiam, quæ potest facile obumbrari atq; subobscurari, sicut & D. Gregorius eleganter docuit: sed eximiam & certam, & ab illa, quæ bonorum communis est, longē differētem. Quo etiam in loco illud animaduertendum, quomodo huius tantæ noticiæ ratio est mansio Spiritus sancti in cordibus huiusmodi electorum. Non est igitur specialis & privilegiata reuelatio, quæ immanens non est.

D. Chrysostomus
mus.

D. etiam Chrysostomus multis in locis hanc gratiæ certam noticiam egregie asserit. Et quidem super eodem cap. 8. ad Rom. ita scribit: Quando Spiritus infatur, quenam relinquatur nobis ambiguitas? Quod si homo quispiam uel Angelus aut etiam Archangelus aut alia certe huiusmodi quædam potestas aliquid promitteret; merito quispiam dubitaret. Suprema uero illa Essentia, quæ et hoc ipsum quod promittit atq; adeo etiam orare iussu, testimonium nobis perhibente, quisnam de dignitate hac deinceps dubitare poterit? Hæc ille. At iuxta istorū doctrinam quisq; dubitare deberet, si non certo sciretur esset ne Spiritus testis. Multa quoq; alibi sparsim scripsit hic gloriosus Doctor, quibus hæc gratiæ certitudo facile potest persuaderi. Vnū modū asseram. Ipse ad verba illa Apostoli: Probet autem seipsum homo etc. sic ait: Hoc est quod in secunda epistola ait: Vosmetipsos tenete si estis in fide: ipsi uos probate. Non quemadmodum nunc facimus temporis gratia accedentes, ut in solemnitatibus sumus etc. Et postq; ostendit quod homo debet semper probatus accedere, & tunc securè accedet omni tempore, & non solum quando uiget solemnitas, in hunc modum docet. Solemnitas est bonorum operum demonstratio, animæ puritas, uitæ certitudo: quæ si habueris, semper celebrare poteris solemnitatem, & semper accedere. Propterea inquit: Probet autem seipsum homo, & sic edat. etc. Ecce quā manifestè ponit à probatione sui ipsius venire posse certitudinem de propria conscientia, de puritate animæ, & de uitæ & operibus bonis. At hinc profectò certissimo argumento colligitur gratiæ certitudo.

Origenes.

Origenes itidem cap. 8. ad Rom. sic ait: Ipse Spiritus adoptionis, per quem quis adoptatur, reddit testimonium & confirmat spiritum nostrum quod filij Dei sumus, postq; à spiritu seruitutis in adoptionis spiritum uenerimus: cum iam nihil meti timoris, id est, nihil peccatorum gerimus, sed propter amorem Patris cuncta per-

secimus. Hæc ille: quibus similiter probatur nos à Spiritus interio testimonio certam habere nostræ à Deo acceptæ gratiæ noticiam, cū dicat illo nos testimonio confirmari. Opinio enim formidinem, non confirmationem secum gerit: certitudo autem est quæ confirmat.

Theophilactus quog; in eisdem Apostoli locis, idem quod B. Chrysostomus docet, & fauet plurimum huic nostræ sententiæ: Eius uero uetum testimonium in posterioribus assertionibus.

Theodoritus super illis uerbis: Probet autem Theodoritus.

seipsum homo, ait: Tu tuipsum arbitrer esse, & eorum quæ in uita gessisti index: non indigens conscientiam tuam scrutare, & tunc Dei dona securè suscipere. Neq; enim sufficit rectè de sacramento isto sentire, nisi puram à peccato mentem asseras. Hæc ille. Quomodo autem posset homo huic præcepto obtemperare, ut puram asserat à peccato mentem, si hoc scire non posset? Alioqui dubius exponeret sese in nouum peccati periculum. Ipse uero manifestè ait, hominem si non indoligenter conscientiam suam scrutetur, idoneum sui ipsius esse indicem, ut queat Dei dona securè suscipere. Et hæc satis, ut unum spiritum omnium patrum esse, quæ hac certitudo gratiæ comprobatur, prouidens lector aperte agnoscat.



ASSERTIO V.

Quod hæc de re scholastici Doctores uariè et obscurè docent: & B. Thomas & primi scholasticorum potius negarunt certitudinem scientiæ (ut philosophi scientiam intelligunt) quàm fidei certitudinem.



BEATVS THOMAS quæstionem proposuit his uerbis: Verum quis possit scire se habere gratiam. Tum de more argumetur pro ea parte cui non sollet subscribere: & continenter assertit p parte opposita scripturâ Ecclesiasticâ: Nemo scit etc. Postmodo quæstionem distinguendo resoluit (ad quod maxime est attendendum) his uerbis. Tripliciter aliquid cognosci potest. Vno modo per reuelationem. Et hoc modo potest aliquis scire se habere gratiam. Reuelat. n. Deus hoc aliquando aliquis B. Tho. 1. 2. bus ex speciali privilegio, ut securitatis gaudium etiam q. 112. art. 5.

in hac vita in eis incipiat, & confidentius & fortius magnifica opera prosequantur, & mala praesentis uitae sustineant; sicut Paulo dictum est 2. ad Cor. 12. Sufficit tibi gratia mea. Alio modo homo cognoscit aliquid per seipsum, & hoc certitudinaliter: & sic nullus potest scire se habere gratiam. Certitudo n. non potest haberi de aliquo nisi possit iudicari per proprium principium. Sic n. certitudo habetur de conclusionibus demonstratiuis per indemonstrabilia uniuersalia principia. Nullus autem posset scire se habere scientiam alicuius conclusionis si principium ignoraret. Principium autem gratiae & obiectum eius est ipse Deus, qui propter sui excellentiam est nobis ignotus: secundum illud Iob. 36. Ecce Deus magnus vincens scientiam nostram. Et ideo eius praesentia in nobis & absentia per certitudinem cognosci non potest: secundum illud Iob: Si uenerit ad me, non uidebo eum: si autem abierit, non intelligam. Et ideo homo non potest per certitudinem iudicare utrum ipse habeat gratiam, secundum illud 1. ad Cor. 4. Sed neque me ipsum iudico: qui autem iudicat me Dominus est. Tercio modo cognoscitur aliquid coniecturaliter per aliqua signa. Et hoc modo aliquis cognoscere potest se habere gratiam, in quantum scilicet percipit se delectari in Deo, & contemnere res mundanas: & in quantum homo non est conscius sibi alicuius peccati mortalis. Secundum quem modum potest intelligi quod habetur Apoc. 2. Vincenti dabo mamam absconditum, quod nemo nouit nisi qui accipit: quia scilicet ille qui accipit, per quandam experientiam dulcedinis nouit, quatu non experitur ille qui non accipit. Ista tamen cognitio imperfecta est. Vnde Apostolus dicit 1. Cor. 4. Nihil mihi conscius sum, sed non in hoc iustificatus sum. Quia ut dicitur in psalmo: Delicta quos intelligis? Ab occultis, etc. Haec D. Thomas: ex quibus clare apparet ab illo S. Doctore unum tantum modum certitudinis excludi, quo negat haberi posse notitiam suae gratiae, hoc est, illum qui uenit a principiis demonstratiuis, unde scientiae certitudo euidentis exoritur. Non ergo negat certitudinem fidei.

Verum hic se opposuit quidam suis scriptis dicens propterea omisisse B. Thomam ibi hoc membrum de certitudine fidei, quoniam habebat pro re certissima & quae cadere in disputationem non posset. Quasi magis possit cadere in disputationem, an per viam scientificam haberi possit huius rei certitudo: quod est inopinabile. Et tamen ausus est asserere B. Thomam satis negasse certitudinem fidei, cum negauerit certitudinem scientiae. Maior n. est, inquit, fidei certitudo, quam scientiae. Quo dicto nescio quid absurdius cogitari queat. Quis enim nesciat eorum propriam esse fidem, quorum non est euidentia vel scientia? Ita ut, iuxta D. Thomae doctrinam, si quae prius credo, postmodo demonstratio ne accipiam, fides cesset. Et nota candide

lector, egregium genus argumenti, scilicet a negatione scientiae negari fidem, aut fidei certitudinem. Vnde plane consequeretur nos non scire certitudinem fidei Trinitatem, neque exordium mundi, neque Christi incarnationem, neque mortuorum resurrectionem, & cetera quae sunt propriae fidei: quoniam his de rebus non habeo scientiae certitudinem, quae est minor certitudo. Haec ex huius magistri doctrina. Nec praueiderat, quod & si simpliciter certitudo fidei sit maior quam scientiae, non tamen quo ad nos: id quod oportebat considerare: saltem admonitus concessisset veritati.

Sed ad rem nostram. De sancto Doctore iam illud explorato competum ostendimus, illum certitudinem fidei non exclusisse: sed aut omisisse (quod Thomae non concederent) aut certe sub postremo membro inclusisse: ubi plane confitetur posse hominem per coniecturas & signa habere suae gratiae cognitionem, quam tamen imperfectam vocat, nec nos negamus: non quia sit prorsus incerta, sed quia comparatio hanc certitudinem cum illa certitudine quae habetur ex propriis principis, iam non dicitur certitudo, sed coniectura & notitia per signa. Est n. fides (ut sepius dictum est) argumentum non apparentium. Vnde restat considerare, utrum illa signa & coniecturae sint adeo euidentes, quales esse nonnunquam possunt, ut nobis afferant certitudinem possitis fidei principis. Nihil enim prohibet esse quaedam signa certa & euidentia, unde & certitudo ex eis accipitur, sicut dicit Euangelista Lucas de Domino, quod praebuit se discipulis post resurrectionem viuam in multis argumentis apparens eis. Graeca vox est *Τεκμηρίον*, quae significat non quolibet, sed euidentia signa ad probationem, unde certo coniicitur & colligitur veritas: & tamen non est certitudo euidentiae aut scientiae, quae est a priori, quam solum D. Thomas excludit. Nam hanc, voce secundum philosophos propriae accepta, certitudinem vocat. Ecce eius verba: Certitudo enim non potest haberi de aliquo, nisi possit iudicari per proprium principium. Quid ad mentem eius aperiendam dici poterat clarius? Itaque idem S. Doctor dum proponit signa quae gratiae cognitionem faciunt, non vult istam cognitionem non esse certam certitudinis fidei, sed non esse certam absolute ea certitudine de qua ipse locutus erat, quae solum habetur a notitia principiorum. Nam sic fit scientia vera, ita ut demonstratio quae est a posteriore non dicatur proprie scientiam facere. Et valde atque attente est considerandum, quod non dicit ibi hominem

Notandum.

NOTA

non cognoscere illa signa in seipso certitudinaliter certitudine interni sensus & experientia, cum dicat quod percipit homo se delectari in Deo, & contemnere res mundanas, & se non esse conscium peccati mortalis. Nota quod ait: Percipit: & non ait: Opinatur: quod formidinem importat. Et licet hoc certum percipiat, & inde trahat hanc consequentiam, Ergo ego sum in gratia (scilicet a maiore quae est ex fide: quia natura non producit tales effectus) attamen dicit quod etiam ex hac experimentaliter signorum notitia quam supponit percipi, & ita sine dubio esse certam (certum est n. quod in nobis experientia percipimus) non habetur certitudo gratiae, nempe illa certitudo de qua ut philosophus erat ipse loquutus. Quia certitudo hanc experientialis non a priori, sed a posteriori concludit gratiam existentem: & ideo non est dignatus vocare certitudinem huiusmodi imperfectam notitiam, docens philosophice, si cum probatum est abunde ex eius praemissis. Ipse n. definiuit cognosci certo illud solummodo, quod a principiis demonstratiuis eductum fuerit. Et hoc esse verum, manifestatur a solutione tertii argumenti. Argumentatus enim fuerat S. Doctor, quod debemus potius scire certo gratiam, quae est lux, quam peccatum, quod est tenebrae. Respondet autem dicens: Peccatum habet pro obiecto bonum commutabile, quod nobis est notum. Obiectum autem vel finis gratiae est nobis ignotus propter sui luminis immensitatem, secundum illud 1. Timoth. ultimo: Lucem inhabitat inaccessibilem. Ecce igitur quam clare apparet non de certitudine fidei posse intelligi: quia manifeste secundum lumen fidei potest Deus cognosci & sciri, etsi inhabitet lucem inaccessibilem. Merito igitur fidei certitudo quae coniecturalis est & per signa, non excluditur: quia in huiusmodi cognitionis modo qui est evidentiæ (quem solum modum D. Thomas excludit) non concluditur.

Vocat ergo cognitionem hanc imperfectam, sicut Apostolus: Nunc ex parte cognoscimus, & ex parte prophetamus. Et: Videmus tanquam per speculum in enigmate: quod & ipse idem B. Thomas expresse docet in com. Ioan. cap. 14. ubi ait: Distinguenta est duplex cognitio mysteriorum divinitatis. Vna est imperfecta, quae habetur per fidem: alia vero perfecta quae habetur per speciem etc. Ecce quomodo notitiam, quae habetur per fidem, vocat imperfectam.

Addo quod ibi in responsione ad primum & ad quintum non negat posse scire hominem Dei gratiam in se experimentaliter. At experientia reddit nos certos eius quod exper-

mur, unde possumus educere certitudinem fidei nos esse in gratia, cum id quod manifeste experimur, certo arguit adesse gratiam posita maiori ex fide. Verbigratis: In illo Abraham egregio & singulari facto immolationis vniuersi filii sui Isaac, ipse Abraham ex eo quod certo fecit, & certo sciebat se fecisse propter Deum, potuit nouisse timorem Dei, & ita charitatem Dei in se habitantem, sine qua illud facere non valuisset. Hoc D. Thomas minime inficiatur. Posse autem ex eius doctrina colligi sententiam nostram multis modis, equidem minime dubito. Sed sparsim suis locis singula memorabuntur.

Quod vero B. Thomas ad secundum respondens argumentum admittere videtur, posse quidem certo scire hominem se habere fidem: charitatem autem & gratiam non: & tamen argumentum quo concludit de charitate, militat etiam de fide (Nemo enim certitudine scientiae, videlicet ex principiis propriis, potest certo scire se habere fidem, cum ignoret Deum causam & auctorem & obiectum ita fidei sicut charitatis) non tam pertinet ad me, quam ad eos qui volunt in cunctis ipsum B. Thomam defendere. Ego enim si per actus fidei potest certo cognosci habitus fidei, non intelligo quomodo minus per actus charitatis quam certo cognoscere charitatis habitum: sicut naturaliter non minus scio quod diligo, quam quod credo. Sed non hic locus hac de re longiore sermone disserendi. Satis nunc sit, ex resolutione B. Thomae & argumentis eius nihil aduersus nos, sed pro nobis potius concludi.

Adduxerunt & contra nos Alexandrum de Hales super 2. distinc. 12. q. 20. qui tamen si diligenter consideretur, pro nobis militat in quaestione sequenti. Ipse n. postquam concluderat quod homo per viam naturalis scientiae non poterat cognoscere suam gratiam, ponens secundam quaestionem, Vtrum saltem experimentaliter posset, in hunc modum concludit: Concedendum quod per scientiam experientialem possumus scire nos habere gratiam. Habemus in illo psalmo: Cum inuocarem etc. ubi fit quaestio: Multi dicunt, Quis ostendit nobis bona? id est, homines quae sunt a fidelibus, unde certi sunt quod sunt accepti Deo, ex bonis quae faciunt. Et Propheta respondendo colligit tria, ex quibus colligitur experimentum, per quod sciunt quod sunt accepti Deo, & quod habent gratiam: Primum est: Signatum est super nos lumen vultus tui Domine. Secundum: Dediti letitiam in corde meo. Tertium: In pace in idipsum dormiam & requiescam. Haec sunt tria ex quibus colligitur experimentum, per quod anima sancta experimentaliter cognoscit se habere gratiam.

ATQVE



NOTA

NOTA

tiam, scilicet lumen, lætitia, & pax. Lumen apud uim rationalem: pax est apud irascibilem: lætitia apud concupiscibilem. Quando, n. ista tria sunt in anima sancta, secundum illas tres uires, uerè certum est experimentum quod anima habeat gratiam. Et benè dico, uerè, quia per hoc differt anima sancta ab heretica. Vnde nunquam habet uerum lumen in rationali, nec ueram in irascibili pacem, sicut habet anima Christiana perfecta, quæ habet lumen radiantis ueritatis super uim rationalem, in quo mirabiliter deletur ratio. Hæc ille. Ex quibus facile quorundam argumentantium cauilli sol uuntur. Manifestè enim uult, notitia experimenti quæ certitudinem facit, hominem scire posse suam sibi in hærentem gratiam: & sic hæc de re respondere pagano & infideli confideret. Hæc autem experimenti certitudo proculdubio esse non potest nisi ab interiori fidei lumine, quo illustramur & probamus in corde nostro uera esse ea quæ dicunt scripturæ, uidelicet illud lumen, illam lætitiā, illam pacem non posse dari a mundo, sed esse Spiritus sancti fructus habitantis in cordibus fidelium.

B. Bonduen
CHIA.

Attulerunt & Beati Bonauenturam: adduxerunt & Scotum, quem tamen ipsius sectatores nostras partes tutari scripserunt. Certè ex illius doctrina hæc certitudo euincitur. Nam eo supposito quod ex fide habemus, Legitimè paratos ad sacramenta obtinere gratiam per illa: est doctrina Scoti manifesta, Legitimè eos esse paratos qui non ponunt obicem. Eos autem non ponere obicem confitetur, qui habent uoluntatem suscipiendi gratiam sacramenti, & non habent ullam actua lem uoluntatem peccandi. Loquens. n. de secunda uia qua per sacramenta obtinemus gratiam, hæc in 4. dist. 14. art. 3. ait: Ad secundam autem non requiritur nisi uoluntaria susceptio baptismi et sine fitione, hoc est, cum intentione suscipiendi quod confert Ecclesia, & sine actu uel uoluntate peccati mortalis. Et paulò post: sed non habens tale actum qui sufficiat ad meritum de congruo, sed tantum habens uoluntatem suscipiendi sacramentum Ecclesie, & sine obice peccati mortalis actualiter sibi facit uel in uoluntate inherens, recipit non ex merito, sed ex pacto diuino effectum istius sacramenti, ut sic parum attritus etiam attritione quæ non habet rationem meriti ad remissionem peccati, uolens tamen recipere sacramentum penitentiae suscipit dispensatur in Ecclesia, & sine obice in uoluntate peccati mortalis in actu, in ultimo instanti illius prolationis uerborum, in quo scilicet est uis sacramenti istius, recipiat effectum sacramenti, scilicet gratiam penitentialem, non quidem ex merito, quia dispositio interior non erit sufficiens per modum meriti, sed ex pacto Dei assistentis sacramento suo ad effectum illum ad quem instituit sacramentum. Alioquin non appareret quomodo sacramentum

penitentiae esset secunda tabula si nunquam per ipsum, ut sacramentum est, posset recuperari secunda gratia amissa, sed tantum per attritionem tanquam per primam dispositionem, & per contritionem tanquam per dispositionem completiuam. Hæc ille. Quod autem nemo seipsum, etiam diligenter explorans, possit certò scire se non posuisse obicem, perinde est ac si quis dixerit, Nemo potest scire utrum uiuat. Mitto quod supponit Apostolus uerum manifestam, spiritum hominis nosse quæ sunt interna hominis. Sed si Scoti autoritas quaeritur, ipsum in eodem lib. dist. 5. art. 1. ait: Si ex bonitate ministri dependeret baptismus, nunquam posset aliquis esse certus se uerè recepisse baptismum: quod est inconueniens. Et si obijcias quòd nec modò potest esse certus, quia nescit dispositionem suam propriam: hoc non obstat, quia satis potest nosse certitudinaliter, sicut respiciuntur certitudo, quòd ipsum intendit recipere baptismum: & hoc sufficit ex parte eius. Hæc ille. Et Gabriel manifestè hanc ex ipsius Scoti doctrina conclusionem facit, quod si satis esset ad preparationem ad sacramentum penitentiae non ponere obicem, seu, quod est idem, non sufficere accedere, quod ad hoc pertinet, homo posset esse certus adeptus gratiæ: quia homo potest scire certo se obicem non posuisse. Solum tamen hoc restat quoniam ministri intentio requiritur, quæ (ut aiunt) non certo scitur, sed tantum probabiliter presumitur. Et hoc dictum pro suis meritis accipitur & tractabitur in alia assertionem ex doctrina sanctorum Patrum & B. Thomæ nostri. Nunc illud satis, quòd Scotus in hoc nobis assistat docentibus posse hominem nosse legitime se præparatum accedere ad sacramenta, præsertim baptismi, ex quibus absque dubio confertur gratia preparata.

Gabriel Biel.

Sunt et alia loca apud Scotum similiter nostræ sententiæ attestata, ut est quum (iuxta Philosophi doctrinam valde rationabilem & omnem non proteruum intellectum uincientem) Absurdum esse ait latere nobiles habitus habentes illos. Quapropter uult hominem habentem fidem scire notitia fidei se habere fidem, & similiter charitatem posse per actum interiore & exteriori ostendi. Et de charitate quidem hæc eius sunt uerba: Scotus in 3. Charitas potest ostendi & actu interiori quo inuenit homo se promptum ad diligendum Deum, & exteriori quo feruet in actibus extrinsecis pro aliquo dilecto: Sicut aliqua scientia ostenditur actu in interiori intelligendo, & exteriori in bene docendo. Et de fidei notitia in eodem lib. dist. 23. hæc amplissima uerba effudit: Sed quid dices de fide infusa quòd non possit demonstrari in se, cum Augustinus 13. de Trinitate cap. 1. dicat, quòd homo fidem suam tenet firmissima scientia & certissima,

Scotus in 3.
dist. 24.

eāq; in se uidet : quia rerum absentium fides est presens : & rerum quæ foris sunt, intus est fides : et rerum quæ non uidentur, uidetur fides. Respondeo q; accipiendo fidem prout dicitur habitum generatum inclinantem in aliquid non euidens ex se tanq; in uerum, & hoc determinat ut assentiri illi tanq; uero : q; potest aliquis scire se habere fidem, generaliter loquendo de fide : sicut potest scire se habere scientiam, arguendo habitum esse in se ex ipsis actibus : sed quod aliquis sciat uel scire possit se habere fidem certam determinat inclinantem in uerum, ita q; sciat fidem esse ueram, et illud in quod inclinat esse uerum, ita q; facit assentire uero & non solum inclinari in aliquid tanq; uerum secundum primum modum : sic nullus scire potest in hac uita nisi reueletur sibi. Probatio huius, quia nō possum scire me assentire uero, nisi prius sciam esse uerum illud cui assentio : Scire aliquem articulum esse uerum impossibile est pro statu isto de lege communi. Ideo sicut credo Deum esse Trinum & Vnum, & non scio nec scire possum illud pro statu isto : sic credo me habere fidem infusam inclinantem in illud sicut in uerum quod est in se uerum. Hac ille : quibus quomodo responderit disputator posterior tacet recitare. Prouocat enim simplex ad æquitatem, ne rigorose uerba Scoti accipiamus. Quomodo uero iuxta æquitatem ipse exponat non asseram, ne in friuolis & nimium manifestis tempus teram : quoniam illa expositio manifeste repugnat dictis ipsius Scoti ibi. Quod uero in primo dist. 7. doceat nō posse nos scire q; habeamus charitatem ex eius actibus : uel de scientia loquitur quæ sit supra fidem, ut superiori loco de ea loquitur, uel si placeat fatebimur illum sibi ipsi aduersum : quod non est nouum. Et hæc de Scoto satis.

B. Bonauen-
tura.
Scotus.

De B. Bonauentura certū est, dum negat certitudinem, de certitudine euidentiæ manifeste loqui. Concedit tamen quandoq; certitudinem & notitiam, quam uocat affectiuam, hoc est, experimentalem, quam proculdubio ipse erat expertus.

Ioānes Bacho.

De Ioanne Bachon ord. Carmelitarum certum est eum stare a nobis : nec autoritate tantum sua, sed rationibus inuictis. Vocat autem hanc notitiam gratiæ, cognitionem non naturalem, sed quæ sequitur fidem. Vnde & certitudo fidei dici merito potest. Miratus autem ego sum vehementer hos nouitios scriptores & assertores incertitudinis gratiæ, quo nam iudicio alter hac parte hunc doctorem reprobaueit, alter uero probaueit : nisi ut intelligat lector prudens signum esse magnum non competere ueritatis, quum qui idem defendunt, non tamen secum satis constant. Nec enim in hoc tantū non conueniunt, uerum etiam in multis, sicut suo loco monstrabimus.

Non est autem ocium nec operæpretium aliorum scholasticorum explorare sententiās, pus Rossensis etiam si forte nobis aduerterentur : quoniam duo adfunt nobis præsidia quibus defendimur. Primum est multo maior ueterum sanctorum Patrum autoritas & concordia, quæ propulsantur. Sic enim sanctæ memoriæ D. Ioannes Episcopus Rossensis & martyr dixit, qui aduersus Patrum sententiās non esse admittendas argutias scholasticorum assueuerat. Alterum uero est, quod satis patet eorum error in fundamento. Ipsi enim ad eam opinionem adducti sunt maxime propter illam scripturam : Nescit homo utrum amore etc. At nunc persuasum puto esse omnibus, exceptis proteruis, quod ille locus & recitat istam expositionem, & alias recipit, quas superius enarraui, mus : quod nonnulli ex aduersariis nequaquam ualuerunt insistere.



ASSERTIO VI.

Quod nulla est ratio quæ illa incertitudo quam aduersarij prædicant, suadeatur.



AVDEO NOS AD rationum momenta tandem peruenisse. Hic potissimum dari mihi attentum lectori uelim. Prima ratio & fortissima mus aduersus certitudinem pugnantium

Prima ratio
aduersantium.

Achilles hic erat : Certitudo hæc quæ proponitur si in ueritate daretur, noxia hominibus esset. Faceret enim, inquit, rem pigrioremq; in operibus bonis, minusq; timentem Deum. Deniq; faceret phariseum & arrogantem, ut qui in semetipso confideret. Quare si hoc præstaret Dominus Deus, perinde esset (sic quidam eorum dixit) ac si petenti panem uel piscem uel ouum, pro pane lapidem, pro pisce serpentem, & pro ouo scorpionem porrigeret : quod est impium cogitare de Deo. Nos autē hoc totum quod isti ab hac certitudine produci aiunt, audacter pernegamus. Nam si uerum esset, non ita passim & tam multis, imo uero cunctis q; a Christo absoluti sunt a peccatis in Euangelio

Responsio.

gelio memorantur, hoc manifestasset. Sic enim cuidam dixit: *Ecce sanus factus es: uade & noli ulterius peccare.* Et Peccatrici dixit: *Remittuntur tibi peccata tua, & fides tua te saluum fecit.* Et idem Seminifug, & Chananee, & Adulteræ, & Cæco nato similitur suam restitutam sanitatem enunciauit. Et Nathanaeli dixit: *Ecce uerè Israelita in quo dolus non est.* Et cuidam per Apostolum Dilectum dixit: *Tene quod habes, ne alius accipiat coronam tuam.* Qui.n.dixit, Tene quod habes &c. ponit eum aliquid habere quo possit obtinere coronam. Istud autem quid est nisi gratia? Certum etiam est, Dominum sepe numero discipulis suam ipsorum gratiam aperuisse etiam ab initio, quibus dixit: *Nolite timere pusillus grex: quoniam complacuit Patri uestro dare uobis regnum.* Et septuagintaduobus discipulis dixit: *Gaudete, quia nomina uestra scripta sunt in caelis.* Zachæo item dixit: *Hodie salus huic domui facta est.* Similiter de Beata Maria Magdalena, quam bonum opus operatam esse palam testatus est. Sæpius etiam testatus est discipulis suis quoddam præter unum tantum mundi essent, cum tamen eos erudiret quasi pueros & nouitios usque ad illud tempus. Consideretur ergo quam pie fecisset Deus si hæc faciens, esset pro pane lapidem, pro pisce serpentem, & pro ouo porrigere scorpionem. Orat etiam Psaltes aïens: *Dic anime meæ, Salus tua ego sum:* non aliud volens, quam diuinum intus diuinæ gratiæ responsum. Et in hunc modum orare facit Ecclesiastam Deus. Est autem omnino falsum quoddam notitia charitatis diuinæ oriatur per se negligentia, aut excludatur timor ille sanctus in Deum, efficiaturque ob id homo arrogans & pharisaus: cum hæc notitia potius oppositum operetur. Probat. n. hoc à ratione charitatis & eius præstantia. Qui.n. cognoscit se habere charitatem, scit illam esse diuinum donum, ac per hoc agnoscit donatorem: & propterea ardentius erga illum afficitur, quàm si nesciret se amari ab eo. Innaturale. n. prorsus est ut qui sentit se amari, minus extimuletur ad respondendum in amore, quam qui id non sentit, aut de eo est dubius, aut formidat. Qui hoc negat, abeat, neque iam mecum disputet. Testimonium enim ego illi perhibeo de ignorantia prauæ dispositionis: siquidem semen amoris est ipse amor. Quin nostra erga Deum charitas in hoc fundatur, quia ipse prior dilexit nos & illud scimus, ut ait discipulus ille dilectus. Nam B. Augustinus teste, non est nostrum proprie amare Deum, sed redamare. Quis autem unquam redamabit qui se amari nesciat? Et nunquid

non magis & magis ad redamandum excitabitur, qui etià magis magisque amari se nouerit? Quis, modo sanæ mentis fuerit, dubitare potest? Dixit enim Dominus: *Cui minus dimittitur, minus diligit.* Pari modo qui minime dimissum sibi cognouerit, minus habet causam diligendi. Si igitur qui nouit se amari uehementius ad amandum excitatur: etiam magis ad operandum quæ gratia sunt amico animabitur, cum operis mercedem maiorem speret. Quare nec segnis redditur nec piger: sed contra potius, testante B. Gregorio: Si amor est, magna operatur.

Ad hæc, Si magis excitatur ad amorē, etià magis excitabitur ad timorem, dico timorem sanctum & pium: non autem timorem penę seruilem, quem assidue charitas mittit foras, illumque sanctum & pium parit, conseruat, & nutrit. Quapropter magis timet offendere Deum, quem tam beneficum erga se expertus est: magis quoque timet amittere ipsam charitatem quam habet, sciens et æstimans magnitudinem doni. Non fecus atque qui scit se habere thesaurum, magis metuit ne perdat eum, ac propterea maiori studio & uigilantia custodit eum, quam si nesciret, aut si dubitaret: præsertim existimans quod etiam querēs illum, nunquam tamen ita sit inuenturus ut se inuenisse cognoscat. Quis enim diligentem curam ad eam rem custodiendam adhibeat (ut ait B. Gregorius) quæ se possidere ignorat? Sed ille, ille inquam serio custodit, qui nouit quidnam sit quod custodiat, & se possidere intellegit. Audit enim uerbum Dei dicentis: *Tene quod habes, ne alius accipiat coronam tuam.* Non. n. putandum est illi soli dictum ad quem sermo primum dirigebatur: sed omnibus dictum, qui similiter experimento agnoscerent in se gratiam Dei. Viuis est enim sermo Dei, & semper loquitur.

Nec propterea sit arrogans aut pharisaus homo gnarus suæ gratiæ: imò potius arrogans & pharisaus ille proprie efficitur, qui charitatem non habet. Charitas enim eum in quo est, inflari non sinit si bene illa utatur. Scientia, inquit Apostolus, inflat: charitas autem ædificat. Alioqui quāto quis esset in charitate præstantior, tanto minus deberet scire de sua charitate, ne inflaretur. Sed quia tanto magis quis nouit se Deum diligere, quanto magis eum diligit: tanto plus habebit de phariseo, quanto plus diligeret, si uera isti dicunt: quod est absurdissimum. Pharisei. n. non à charitate vel eius notitia, quam non habebant, erant presumptuosi ceterorumque contemptores: sed ab operibus mortuis, &

Luc.

à falsa proprium virum perfusione: quoniam, ut ipsemet Dominus testatus est, confidebant in semetipsis & spernabant ceteros. Nec dicat mihi argutor quis, quod charitas quidem non inflat, sed charitatis agnitio ipsa est quæ inflat. Imò nec ipsi charitatis agnitio: quoniam si quis se amari nouit, & hinc amat (ut est omnis qui est in gratia) considerans se non esse priorem in dilectione, sed preueniendum à diligente, magis humilis fiet coram dilectore, cui acceptum refert omne datum optimum, & omne donum perfectum.

NOTA

Ad hæc, qui nouissime scripserunt, tandem victi rationibus confessi sunt, viros perfectos posse merito habere certitudinem suæ gratiæ coram Deo, ita ut nec dubitent, nec hæsitent, nec formident: quanquā hanc certitudinem moralem vel humanam vocent. At hoc ipsum cur concedunt, si interest eorum non esse certos, ne esserantur ac superbiant?

Ad hæc, si propter metum inflationis notum deberet quis certus reddi suæ adeptæ gratiæ, multo minus certior reddi deberet de aliis donis gratuitis, quæ non faciunt ex se hominem dilectorem Dei sicut charitas, quale est donum scientiæ, quæ inflat. Item donum fidei, donum prophetiæ, & alia quæcunque huiusmodi. Et tamen omnes fidentur hæc dona certo à possidentibus agnosci. Experientia. n. certos facit possessores.

Denique hoc itorum argumentum refellat. B. Thomas in litur. à D. Thoma, qui sic ait: Reuelat Deus suam gratiam aliquibus ex speciali priuilegio, ut securitatis gaudium etiam in hac uita in eis incipiat, & confidentius magnifica opera prosequantur, & mala presentis uitæ sustineant. Hec ille. Ex quibus clare patet, tantum abesse ut hæc notitia gratiæ sit noxia, ut etiam speciali priuilegio detur (iuxta B. Thomæ doctrinam) ad securitatis gaudium, ad operandum confidentius non qualiacunque, sed magnifica opera: denique ad toleranda istius erumnose uitæ incommoda.

B. Augustinus Addo & B. Augustini testimonium iam superius citatum, qui de Apostolis planè dixit, ad maius donum Spiritus hoc pertinere. ut eis innotesceret quod habebant. Quare mirabor si quis ad hæc aduertens ausit dicere non expedire homini habere notitiam huius doni celestis, quod est charitas, aiente B. Augustino scire hoc ad maius donum Spiritus pertinere, & B. Bernardo quod periculosissime ignoratur: quod & B. Gregorius prius docuerat. Et ideo probamus sapientius esse credere, quod inter cetera multa dona hoc quoque munus addiderit clementissimus atque optimus Pater celestis, ut amici sui etiam cognoscant

in se ipsis hoc donum, quo nullum est præstantius. Denique, si hoc donum agnoscere, quo diuinæ naturæ consortes reddimur facit hominem pharisaicum & arrogantem, cur exclamans Beatus Leo nos adhortatur, inquit: Agnosce O christiane dignitatem tuam, et dicit B. Leo in sermone confors factus naturæ noli in ueterem utilitatem dege mone denari neri conuersatione redire etc. Vide igitur prudens uitate Christi lector, quæ facile ruit hæc prima & potissima aduersariorum ratio, ut posset ex opposito in illos ratio consari.

Secundo, dixere quidam, quod hoc donum gratiæ suæ charitatis nullo modo sciri certo potest vlla via. Nam ex se quidem sciri nequit. Est enim, ut ait D. Augustinus, donum ipsum immanifestum & occultissimum. Item nec à priori discitur, id est, à principis indemonstrabilibus. Cum enim, ut B. Thomas docet, à Deo procedat, Deus autem ipse non videatur, non est dubium quin à priori sciri non possit. Beatus etiam Paulus hoc elegantius probare videtur, dum indicat hoc donum descendere à voluntate Dei. Nemo autem potest eius voluntatem nosse, nisi Spiritus qui est in illo & illius profunda scrutatur reuelauerit. Porro manifestum est à priori non esse huius doni notitiam. Sed nec à posteriori, id est, ab eius effectibus suæ actibus: quoniam nullus est (aiunt ipsi) charitatis suæ gratiæ actus, qui non valeat etiam naturaliter procedere à potentis vel habitibus acquisitis, saltem cum speciali auxilio Dei.

Quoniam verò huiusmodi ratio non solum est fallax atque inefficax, verum etiam periculosa, & manifeste contra rationes, contra scripturas & verbum Dei, paulo diligentius consideranda est. Primo. n. dicimus verè hoc donum absque reuelatione sciri non posse. Sed non requiritur reuelatio specialis ad priuilegiata: sed satis est si vel fides infusa, vel Spiritus sanctus intus inhabitans suis charioribus actibus assidue cõtestetur. Præterea, id quod aiunt, omnem actum qui potest à charitate proficisci, prodire etiam posse à naturali potentia vel habitu acquisito, profecto superuacuum reddit hoc Dei donum, id est, habitum charitatis. Habitus enim propter actus sunt. Gratis igitur venit Dominus IESVS ad acquirendum nobis illud donum. Quod si quis dixerit, facilius prodibit actus per charitatem, non euitabit hac responsione damnatum Pelagii dogma, qui hoc solum aiebat operari in nobis charitatem & gratiam ut quod ma damnatum alioqui naturæ viribus potuissent, facilius possumus adiuuante gratia. Quare falsum omnino & hereticum puto, asserere non esse

NOTA

actū aliquem charitatis, qui non possit aliūde naturaliter prodire. Homo.n.abscq; gratia & charitate Dei infusa non potest Deum super omnia diligere, & proximum sicut seipsum. Nec potest verum sustinere martyriū propter Deum & Christum, idest, vero & syncretis illius amore. Nec item alios multos effectus parere, qui a sola charitate producuntur, quale est gaudium, & pax interna quæ exuperat omnem sensum, & quam mundus dare non potest. Illa profectō tametsi imperfecta pax, cui nihil deest nisi possessio sperati boni, fructus est Spiritus sancti, & non naturæ. Tale est gaudium verum & spirituale, quod nemo nouit nisi qui accipit, & nemo illud dare potest nisi Christus p̄ spiritū suum. Hæc est proculdubio omnium Patrū & scripturæ sanctæ doctrina, vt suis locis abūdius ostendemus.

Interim respondeant mihi, quæso, ex vera exiſtimatione, & non ex contradictione: Quis alieno & inimico propriæq; vitæ persecutori benefaciet ex corde? aut bene optabit ex vlla naturæ potentia aut virtute quæſita? Et quis optabit, aut non metuet mortem subire pro illo & illius salutē? Dominus ipse dixit: In hoc cognoscent omnes quod discipuli mei esis, si dilectionem habueritis ad inuicem. Perpendamus, quæso, quid dicat Dominus, & videamus tantæ virtutis notam. Ipse enim non solum eos qui habent dilectionem ad inuicem ex charitate, ab eius fructibus nosse talē in se amorem prædixit, verum etiam alias gentes infallibili hoc signo idem esse cognitas. Vnde Caicatanus ibidem sic scribit ad literam: Ecce infallibilia signa discipulorum Christi: ecce insignia propria Christianorum, quæ unnam hodie apparent. Beatus Thomas ante illum ibidem sic scripserat: Quod & si Apostoli multa dona à Deo acceperint, nulla tamen fuerunt infallibilia signa discipulatus præter hoc unum eharitatis donum, undē mutua inuicem dilectio. Nam reliqua bona poterant esse communia bonis et malis.

Ad hæc, Dominus instituens discipulos suos dixit: Diligite inimicos vestros, benefacite his qui oderunt vos, & orate pro persecutibus et calumniantibus vos: ut sitis filij Patris vestri qui in cælis est. Ecce quam manifestē Dominus ostendit hæc opera & hos actus esse proprios filiorū Dei. Et superius expressē docuit non esse ethnicorum & hominum peccatorū. Hoc vidēs B. Thomas eleganter dixit: Dilectionis amici potest esse alia ratio quam Deus. Sed dilectionis inimici solus Deus est ratio. Et B. Gregorius lib. 22. Mor. cap. 10. dixit: Omnipotētis Dei nos esse discipulos sola celsitudo charitatis probat. Hinc est, n. quod per semetipsum Veritas dicit: In hoc cognoscent omnes quod discipuli

mei esis, si dilectionem habueritis ad inuicem. Quæ mirum dilectio si cor nostrum veraciter replet, duobus modis ostendi solet, scilicet, si & amicos in Deo, & inimicos diligamus propter Deū. Et alibi super Buāg. hom. 38. Ille ergo, inquit, securē amat, qui propter Deum illum amat à quo intelligit se non amari. Hæc ille. Verum & de hoc suo loco dictū sumus fultus.

Tertio, fuerunt alii qui perspecto superioris iam à nobis consuetæ positionis periculo, moderatius loquuti non probarunt quod actus charitatis parum differant ab actibus naturalis amoris, cum naturalis amor sit amor sui vsq; ad cōtemptum Dei: charitas autē amor Dei vsq; ad contemptum sui, sicut locuti sunt sancti Patres à scripturis diuinis edocti: sed dixerunt quod omnes actus qui imperantur à charitate secundum huius substantiam, non tamen secundum suas circūstantias, possunt prodire naturaliter vel ab habitibus acquisitis: sicut patet de actu martyrii qui videtur esse excellentissimus. Nam visi sunt aliquot ex hæreticis huiusmodi extrema etiam libenter pati: & similes facultates suas in pauperes liberaliter profudisse, & talia multa fecisse, quæ similiter à nostris sunt. Et ideo propter hanc actū similitudinē nō potest certō & infallibiliter discerni verus charitatis habitus à falso. At nos contrā audacter asserimus posse hominem absq; deceptione ex multis signis à Deo nobis assignatis, pro aliquo saltem tempore, colligere suæ gratiæ certitudinem ab ipsis actibus & effectibus, qui vel sunt charitatis, vel eos consequenter & necessariō subsequitur charitas. Neq; nos mouet insistantia quæ de hæretico adducitur, qui (vt voluit) patitur martyrium propter Christum & Ecclesiam, eo nomine quod se putet esse in vera Ecclesia. Vnde aiunt isti: Cur pari errore duci non possit aliquis in vera tamen Ecclesia existens, si tibi persuadeat se propter Christi martyrium perpeti, & nihilominus vanæ alicuius laudis cupiditate illectus, vel phantastica quadam impulsus apprehensione, siue quauis alia de causa præter spiritum charitatis ad supplicium feratur? Respondeo, multa inuolui in proposito casu, quæ omnino extricari est necesse vt vera pateat ad obiectionē hæc solutio. Dico ergo de hæretico, in quo non potest esse vera charitas, si exactē suam ipse scrutaretur conscientiam, non posset ei videri se pro Christo pati & Ecclesiam. Nam certō scire posset, si ad lucem veritatis rediret, se sua sponte ab Ecclesia segregatum, & proprio iudicio, vt ait Apostolus, condemnatum. Qui si fortē ita sit executus, vt cautes

Caicatanus.

D. Thomas

B. Gregorius

ATOR

ritam habens conscientiam hoc sibi etiā videatur, quid, obsecro, ad nos de huiusmodi obstinatis & prorsus a Deo derelictis? Nunquid propterea alicuius momenti erit hoc argumentum? Hæreticus potuit in eo statu errare, imò de facto errauit putis se pati ex charitate. Ergo similiter errauit christianus, aut etiam errare potuit, si tamen debite suam exploret conscientiam? Certe illud falsissima & theologo indigna consequentia colligitur. Non inficior posse & catholicos ob inanem gloriam penas martyrii sustinere: sed hic finis eos non latebit. At qui persufus est Spiritui Dei verus christianus, veram nouit Ecclesiam, & hoc ex fide. Nouit verum Pastorem & vocem eius: quia ex fide hanc habet discretionem. Vnde Dominus aiebat: *Qui ex Deo est, verba Dei audit. Et: Quæ meæ vocem meam audiunt & sequuntur me.* Nec est vllum in hac sequela periculum: quia lumen vident, & non possunt errare. Vnde ipse dixit: *Qui sequitur me, non ambulat in tenebris, sed habebit lumen vite.* Et alibi: *Qui ambulat in die non offendit: quia lucem huius mundi videt.* Et scriptura ait: *Pax multa diligentibus legem tuam, & non est illis scandalum.* Qui autem tales sunt, certitudine plena quæ est experientia ducuntur, certissimi se vero Christi amare, & non cuiusque alterius rei cupiditate cum gaudio ad martyrium & alacres currere: aut oblatum fortiter sustinere, nihil dubitantes, nihil hæsitantes aut trepidantes, sed exultantes & gaudentes. *Ibam. n. Apostoli* (vt scriptura inquit) *gaudentes a conspectu concilij, quia digni habiti sunt pro nomine IESU contumeliam pati.* Experiebantur. n. vim & efficaciam illius diuinæ pollicitationis: *Ego dabo vobis os & sapientiam, cui non poterunt resistere omnes aduersarii vestri.* Nolite in illa hora cogitare quid, aut quomodo loquamini. Dabitur enim vobis in illa hora quid loquamini. Itaque non potest à similitudine actus esse deceptio. Etenim tantum interest inter actum veri martyris sustinentis pro Christo clarè cognito, & actum falsi martyris patientis pro sibi conficto & falso Christo, quantum inter profundissimas tenebras & splendidissimam lucem. Alioqui valde miserum esset, hominem extrema pati pro Christo, & hoc ipsum eum latere. Quo dogmate quis non detereretur à martyrio? Quis. n. velit cuiquam cum dispendio vite seruire, & ignorare aut dubitare vtrum illi, an potius hosti seruiat?

Quarta ratio.

Quartò, argumentati sunt quidam summes hoc tanquid dignitatem, videlicet Lumen fidei non extendi ad huiusmodi particulare & contingens & consistens in aliquo facto nostro. Id se manifestissime probare opinantur

exemplo hostiæ quæ ostenditur adoranda. Fides. n. adorantium & credentium esse corpus Christi in hostia consecrata, non respicit illam vel illam particularem hostiam, sed vniuersaliter dicit: In hostia ritè consecrata est corpus Christi, vt docet B. Thomas. Ita ergo ad rem propositam. Fides dicit quæ ritè baptizatus accipit gratiam. Quod autem hic vel ille sit baptizatus ritè, id non dicit fides, & consequenter non dicit talem esse in gratia. Similiter & de cæteris sacramentis, vnde assistentia gratia colligi posset. Hæc illi. Et nos contra asserimus eos euidenter falsum asserere quasi dignitatem, videlicet quod ad particularia & quæ in facto consistant, non valeat extendi fidei lumen, vt illud credamus ex fide. An nō, quæso, tenemus credere Christum crucifixum fuisse à Iudeis, & Iudam illum tradidisse, & Antichristum venturum, & alia innumera particularia facta & contingentia? Verum aiunt: Ista continentur in scripturis iam reuelata. Non debuit ergo assumi illa vniuersaliter, fidem non posse extendi ad particularia facta: sed adiungi debuit illa exceptio, præter illa particularia quæ habemus in scripturis reuelata: & tunc apparuisse non ideo fidem ad particularia facta minime extendi quia particularia sint (vt videbatur velle) sed quia non reuelata in scripturis: quod tamen etiam falsum esse multis instantiis euincitur. Nam cum Abraham multa particularia fuissent particulariter à Domino reuelata antequam fuissent scripta & Ecclesiæ nota, nonne prius ea recepit fide? Cui dubium? Hoc ipsa scriptura testatur: *Credidit, inquit, Abraham Deo.* Vnde & fidelis vocatus est: quod & de aliis facile persuaderi potest. Porro de hostia consecrata verum est quod fides non respicit illam vel illā hostiam: quoniam incertum est de consecratione. At si omnibus certum esset illam vel illam hostiam esse ritè consecratam, omnes proculdubio qui de consecratione certi essent, sicut sunt ipsi sacerdotes qui consecrant, hac certitudine constanter illis de facto, proculdubio tenerentur ex fide recipere ibi esse corpus Christi. Neque huiusmodi negauit B. Thomas, neque negare potuisset. Illud verò ridiculum & omnino explodendum, quod olim extendebatur quidem infuse fidei lumen ad particularia non contenta in scripturis, nunc verò non: vt sit alia fides veterum Patrum à nostra: quod est absurdissimum.

Verum ad rem redeundo, Possent fortasse hoc pacto argumentari. Huius particularis, videlicet quod tu sis in gratia, non est vlla.

Responsio.

*Duobus modis
potest iustus
scire ex fide
se esse in gra-
tia.*

reuelatio diuina. Fides autem innititur diuinae reuelationi: Ergo &c. Respondemus, hoc primum fidentes, duobus modis posse quempiam scire ex fide se esse in gratia Dei. Et vno quidem modo directe siue immediate à reuelatione interna per testimonium Spiritus sancti, cui assentiuntur qui in seipsis vocem Spiritus audiunt contestantis eorum spiritui quod filii Dei sunt. Hoc testimonium recipientes, certi sunt notitia fidei quod sunt in gratia Dei, & securè possunt dicere, Pater noster: quia hoc illis reuelat Deus, vt iam diximus auctoritate Apostoli & Christi, cum dixit: *Qui diligit me, diligetur à patre meo, & ego diligam eum, & manifestabo ei meipsum.* Quæ postrema verba exponens Caietanus, & accipiens Manifestabo, pro, *insinuabo*, sicut significat græca vox, sic ait: *IESVS cuilibet diligenti se indicat seipsum intus interna illustratione & inspirazione diuersimodè, pro ut electi experiuntur, accipientes manna absconditum, quod nemo nouit, nisi qui accipit.* Hæc ille. Quare secundum hunc modum agnoscendi gratiam, dicimus hominem certo posse scire se esse in gratia: quia hoc particulariter ei reuelatur. Falsum est igitur assumptum illud, nullam esse huius veritatis reuelationem.

Alter verò modus sciendi præsentiam gratiæ suæ non est ex hoc interno Spiritus testimonio & directa illustratione, sed ex aliis certis reuelatis, iunctis his quæ sensu & experimento sentiuntur, certo concluditur. Verbi gratia, Beato Ioanni Baptiste fuerat reuelatum: *Super quem uideris Spiritum descendentem etc. hic est qui baptizat.* Non enim cognoscebat de facie Christum. Postea uidit eum venientem, & Spiritum descendentem super illum. Hoc autem non ex noua reuelatione accepit, sed certo sensu discreuit. Concluit autem ex priore reuelatione illum quem baptizauit, esse Christum: quod & ex fide credit. Et ita anteq̃ esset clarum in Ecclesia quæ erat tunc in Iudæa, *IESVM* Mariæ filium esse Christum, multi particulariter à scripturis educte illud poterant, & credere ex fide. Vnde & non credentes conuicti sunt de perfidia. Poterant. n. id ex factis illius colligere, præsuppositis tamen scripturis sanctis, quæ illum designabant, per ea quæ ante oculos videbant ab eo admiranda fieri. Licet enim non haberent particularem internam reuelationem directe & immediate sibi indicantem & dicentem: Hic est Christus, qualē habuit B. Ioannes Baptista: habebat tamen Mosē & prophetas qui prænuñciauerant de eo multa, quæ propriis oculis videbant in ipso *IESV* impleri: & credentes ipsi Mosē, sicut tenebā

tur, inde colligere facile poterant, ipsum esse Christum, & hoc à lumine fidei, quod habebant de scripturis sanctis & Mosē. Quod si verum non esset, non potuissent à Domino accusari tanq̃ perfidi, & increduli. Nec dixisset Dominus: *Si crederetis Mosi, utiq̃ crederetis et mihi: Moses enim loquutus est de me.* Et iterum: *Si ne de fide non uenisset, & loquutus eis non fuisset, peccatum non altera de causa haberent, uidelicet incredulitatis & perfidiæ.* Et: *Si non fecissem signa, quæ nemo alius fecit, peccatum non haberent.* Et ergo quomodo vna de fide. Quomodo ex particularis conclusio non immediate reuelata, ex ipsis tamen iam reuelatis, & adiunctis his quæ sensibilis erant euidentia, concludi potest vt & ipsa quodam modo reuelata creditur: quoniam in suo principio vnde deducitur, reuelata est. Et tamen vt res propius inspicatur, & redarguatur is qui prior hac de re scripsit, & quasi dignitatem constituit, Fidei lumen non extendi ad hæc particularia: Fingatur sacerdos aliquis peritus legis, qui puerum baptizauerit. Hic profecto ex fide tenetur credere infantem illum baptizatum gratiam adeptum esse. Nec ipse disputator id insiciatur, cum per se sit clarissimum: quia si sacerdos ille id non crederet, perfidus haberetur velut quæ fidei articulo resisteret. Non. n. crederet Verbo Dei: *Qui crediderit & baptizatus fuerit, saluus erit.* Aut rationē reddere cogetur cur non crederet, postquam certo sciret se infantem ritè ac iuxta morē Ecclesiæ baptizasse. Et tamen hoc huius fidei obiectum est particulare, & non reuelatum in se ipso, sed in sua vniuersali.

Ad hæc, Ponatur iterum sacerdos ritè consecrans hostiam, & hoc certo sciens, & propterea certo credens ibi esse corpus Christi. Quæro de illo sacerdote, habet ne hoc certum fidei certitudinem, an non? Si primum asseritur, habeo quod peto: quoniam de re particulari, Ecclesiæ non reuelata, est fides. Si negatur: tunc pono eundem non credere ibi esse corpus Domini, tamen certo sciat se ritum Ecclesiæ in consecrando seruasse. Et quæro, est ne iste hæreticus non credens? Si negatur, nihil moror. Si conceditur, & non potest esse hæreticus nisi qui non credat aliquid ad fidem pertinens: Ergo necessario credens, illud ex lumine fidei credit. Et plane stultum est ponere, sacerdotem non obligari ad credendum in ea hostia esse corpus Christi, eo quod de seipso non certo sciat (vt aiunt) vtrum sit verè sacerdos, vtpotē non consecratus fortè ab homine potestatem habente, aut ordinandi intentionem. Hic certe caullus est merus & nimis periculosus ac stultus.

periculosus, cum satis apparetur cognosciturum Ecclesiae seruatum esse, secundum egregiam B. Thomae doctrinam, de qua suo loco dicemus. Absit ergo (nisi forte p. aliud manifeste appareat aliquid quod scrupulum iniiciat) vt aliquis sacerdos possit dubitare de adepti ordinis ministerio ac potestate, ac propterea non teneatur credere ex fide, sub hostia quam ipse nouit rite a se consecratam, corpus Christi verissime esse.

Ad haec, quid dicent de Apostolis, qui certo sciebant se rite a Christo fuisse ordinatos? Nunquid non illis erat necesse ex fide credere in illa hostia quam consecrabant, esse corpus Christi? Ad hunc igitur modum dicimus hominem adultum baptizatum posse certo scire ex lumine fidei se adeptum esse gratiam, cum possit certo scire se sine fictione ac dolo ad baptismum accessisse. Non .n. potest hic fingi quicquid a baptizando requiri, quod praestare non possit, aut quod ita difficile sit praestare, vt impossibile seu difficile sciri sit an ipse praestiterit, nisi vero eousque velimus facere homines lapides, aut belluas, vt nequeant de sua intentione iudicare. Hoc sane ita est dictum absurdum, vt non solum responsum nullum, sed derisoriis explosionem iam mereatur. Sic .n. & fides nostra facile iri deretur, quae in omnibus supponit aliquam notitiam sensus. Scimus nos teneri ad credendum determinata ab Ecclesia, & cuncta quae in scripturis habentur. Quod autem ab Ecclesia sit aliquid determinatum, in facto consistit, & non a fidei lumine apprehenditur. Et similiter ea quae leguntur in scripturis verti possent in dubium, an scripturae verè sic habuerint, aut si falso aliquid additum sit. Posset ergo aliquis nos eludere, & negare hoc esse determinatum aut scriptum in sacris literis. Si autem illi ostendas ex verbis concilii aut scripturarum, posset obicere: Quid scio ego an haec sint verba concilii & scripturae, an vero sint adiecta, an scriptor errauerit, an tu & ego bene legamus, an Diabolus fascinet oculos nostros, & an illi qui visi sunt esse Episcopi & sacerdotes in concilio vere tales fuerint, aut Papa verus Papa? Et sic his multis aliis modis euadendo nihil haberemus ex fide firmum.

Quod vero quidam attulerunt, non posse nos esse certos an satisfecerimus praecepto praeparationis nostrae, qui nec scimus quid ad praeparationem requiratur, cum variae sint circa hanc rem doctorum sententiae: omnino falsum & periculosum est, & seipsum destruens. Sugillatur enim diuina prouiden-

tia, quae requirat aliquid a nobis, & illud non sit manifestum, in re praesertim tanta ubi agitur de salute. Vere non valeo interduco stomachari dum haec audio, maxime cum a quibusdam effertur tanquam irrefragabilia argumenta. Et tamen nunc iam in ipsa iustificationis doctrina patefactum est satis, aut potius quod parebat declaratum est, quid praeparationis exigat a nobis Deus ad primam iustificationem in baptismo: quae tam clara sunt, & adeo facta facilia, vt merito censere possimus non esse hominem mentis tam stupidae, qui cum haec fecerit, ignoret se illa fecisse. Obstinatos potius crediderim illos appellandos qui velint haec defendere, videlicet q. nemo certo posset nosse de conscientia sua, vtrum sincere, an fecte accedat ad sacramentum. Nam vere haec doctrina videtur mihi (vt iam dixi, & saepius dicendum est) non aliud quam haecatio animarum, & conscientiarum cruciatus, vt etiam ad infaniam infirmi & pusillanimes redigantur, vnde vel periculosa seruitutis oritur, vel contemptus perniciosus.

Quinto instant: In his quae sunt fidei non potest subesse falsum. In hoc autem quod tu vel ille stis in gratia potest subesse falsum, quia potest cuilibet homini videri se esse in gratia, cum non sit. Non ergo ex fide sciri hoc potest. Ego vero huiusmodi argumentum in aduersarios conuertens, primum dico: Nonne vos asseueratis hominem ex speciali diuina reuelatione posse certo scire se esse in gratia? Modo quero a vobis, Nonne etiam in huiusmodi specialibus reuelationibus potest esse deceptio? Certe multi de facto fuerunt decepti. Imo vos ipsi disputatores hoc in exemplum adduxistis, ne quis a lumine dei putet se certo scire posse praesentiam diuinam gratiam, cum multi qui se habere reuelationes praetendebant, elusi sint a Diabolo. Itaque hoc eorum argumentum non tam contra nos concludit non posse haberi hanc certitudinem a communi lumine fidei, quam contra illos qui neque a speciali reuelatione possint haberi. Vtrocumque modo potest esse deceptio. Quod si dixerint, ubi vera fuerit reuelatio, non poterit subesse falsum. Ex nos similiter dicimus: si vere fuerit testimonium Spiritus, & vera baptizati poenitentia, quae facile nosci potest, etiam non poterit subesse falsum.

Ad haec, Vna est instantia, quam superius aduersus haec omnia argumenta adduximus. Certum est .n. apud B. Augustinum & Thomam, quod homo habens fidem cognoscit certitudine fidei se habere fidem, & quidem

NOTA

Responso.

illam infusam: Quomodo vero hoc, cum quod ego habeam fidem infusam non sit mihi reuelatum ab Ecclesia, & sit quoddam factum particulare, & pari modo contingens (sicut habere gratiam) & tale sit in quo possit homo etiam errare? Nam & hæretici dicunt se credere & certo scire quod credunt. Multis ite quos propria conscientia (malè tamen explorata) decipit, videtur quod credant, & rectam fidem habeant. Valide igitur retunduntur hæc argumenta, quæ non solum contra veritatem manifestè concludunt, verum etiam contra eam ipsam, quam ipsi argumentatores fatentur B. Thomæ doctrinam.

Ut ergo latere deceptionem in argumentis intelligant, istud est animaduertendum. Quando dicunt: In eo quod proponitur ex fide credendum non potest subesse falsum, rectè dicunt. Et cum subsunt: sed in eo quod alicui apparet se esse in gratia potest subesse falsum. Negatur si supponatur illi verè hoc apparere ex lumine fidei, sicut asserimus posse contingere. Quemadmodum nihil prohibet ponere aliquè, cui verè lumen fidei illuceat, & de illo dicere: Hic si crediderit luminì, non potest decipi: & in eo particulari sic circumstantiato (vt ita dixerim) non potest subesse falsum. Alioqui nullum verum sciri ab illo posset per syllogismum: quia posset esse deceptio in rationatione, cum & multi decipiantur paralogizantes. Similimodo nec posset esse villa scientia de particularibus & contingentibus, quæ aliter se possunt habere, cum scientia sit vniuersalis, & eorum quæ sunt æternæ veritatis. Et tamen rectè dicitur etiam particulariū esse scientiam, in quantum in ipsis inuenitur atque inspicitur ipsum vniuersale & necessarium. Sic igitur ista quæ sunt facta particularia & contingentia, & si possint sapientia natura recipere fallacias ac deceptiones, & subesse in eis falsum: in quantum tamen subsunt luminì fidei, certissimæ & infallibiles sunt veritates: quia testimonium habent diuinum. Hoc igitur debebat probare, nimirum ad hæc obiecta particularia non extendi communis fidei lumen, sed solum reuelationis specialis, & tunc obtinuissent. At hoc probari non poterat, cum sit manifestè falsum, & certis retundatur exemplis, sicut superius ostensum est.

Sexto insatur: Si posset sciri gratiæ præsentia absque reuelatione, frustra igitur quibusdam ex privilegio ac prerogatiua hoc reuelasset Deus: vt de B. Paulo dicitur & de aliis. Respondemus, Absque reuelatione non posse sciri assistentiam gratiæ in nobis, imò

nec gratia ipsa an sit, potest sciri absque reuelatione: quoniam lumine naturali est impossibile percipi hoc quod supernaturaliter infunditur, & est supernaturale donum. Et Apostolus propheta: A seculo non audierunt etc. Et Apostolus: Nobis autem reuelauit Deus per Spiritum suum, Spiritus. n. scrutatur omnia, etiam profunda Dei. Nos autem non spiritum huius mundi accipimus, sed Spiritum qui ex Deo est, ut sciamus quæ à Deo donata sunt nobis. Si ergo quacunque tenemus fide, à reuelatione accipimus: & è conuerso quacunque à reuelatione habemus, fide apprehendimus: primò falsum redditur quod quidam aiunt, videlicet certitudinem gratiæ haberi posse ex reuelatione, non tamen certitudinem fidei, cum omne reuelatum accipitur fide. Nam cum multa peculiariter essent præfide patribus reuelata, atque ipsi ea credidissent, cõmendati sunt de fide: vt Abraham & ceteri prophetae & multi sancti & nouissime B. Petrus præ ceteris Apostolis, qui Paris cælestis reuelationem suscipiens, à Domino ita est de fide commendatus, vt beatificari meruerit quia credidit. Et Virgini immaculatæ nonne dictum est: Beata quæ credidisti? Quare & David: Credidi, propter quod loquutus sum. Et postmodum B. Paulus: Habentes autem eundem spiritum fidei, sicut scriptum est: Credidi, propter quod loquutus sum: & nos credimus, propter quod & loquamur: scientes quod qui suscitauit IESVM, et nos cum IESV suscitabit. Malè igitur & imperitè potest negari fidei certitudo si reuelationis certitudo statuitur: si quidem reuelatio fide suscipitur. Est tamen duplex reuelatio diuina: quædam specialis & privilegiata, quæ nullis subiaceret regulis: quædam verò communis, quæ certas sequitur rationes, vt quæ communiter datur venientibus ad Christum vt iustificentur, aut manentibus in Christo, vt amplius iusti fiant. Quæ reuelatio sequitur sacramentorum susceptionem, aut heroicorum operum patratiorem: vnde certus sit homo suæ gratiæ.

Verum aiunt: Quid ergo oportuit speciali & privilegiata reuelatione facere hos certos, qui alia & communi uia iam certi erant? Respondemus primò, illis viris illustribus, quibus reuelata est ex privilegio eorū gratia, non solum reuelatam esse secundum præsentem iustitiam, quam aliis modis in se agnosce-re poterant, verum etiam secundum prædestinationis beneplacitum, sicut ipse B. Thomas declarat, & ipsius argumentis cõcedunt. Et propter hoc, nihil prohibet quin illud quod vna via intelligo, alia, vel etiam eadem via possum clarius intelligere. Alioqui frustra ostensus fuisset B. Petro Christus in monte gloriosus

Sexta ratio.

Responsio.

1. ad. 2. 3. 4.

gloriosus, vt agnosceret eum esse filium Dei verum & viuum, cum ipse iam accepisset hoc à paterna reuelatione & credidisset, ac tam gloriosa confessione professus esset. Similiter cum Dominus iam multa suis discipulis dixisset de se & regno suo, cur addidit Spiritum sanctum mitti oportere, quillius ea suggere-
ret, nisi vt quod alias norant, firmitus teneret? Infirmissimum certe est hoc argumentum, quo tamen etiam posteriores qui scripserunt nituntur, vt facile declarent quale sit totum ædificium, cuius talia sunt fundamenta. Sciebat proculdubio & B. Paulus à scripturis sanctis Antichristum venturum, & tamen de eodem habuit speciales reuelationes, quibus etiam idem rescuit, sed clarius, & cum circumstantiis quibuscumque, quas non ita à scripturis valuisse eruere. Innumera hæc possent afferri huiusmodi exempla ad hoc argumentum euer-
tendum. Itaque solutio argumenti hæc tandem sit, nihil prohibere, imò nec insolitum esse, scientibus aliquid aliqua via, illud idem etiam specialiter reuelari, vt vel aliquid amplius no-
rint, vel vt illud idem clarius accipiant, ac fir-
mius retineant.

Septima ratio.

Septimo, dicit aliquis. Ea quæ habentur ex fide non certo sciri, sed credi. Multo enim aliud sonare videtur eis hoc verbum, *Credere*, q̃ hoc quod dicimus, *scire*. Non ergo dici potest sciri gratiam certitudine fidei, cum fides non pariat scientiam. Non melius tet multos hoc argumento illaqueari. Atten-
dunt enim morem loquendi philosophorū, aut etiam idiotarum qui dure accipiunt, dum audiunt certo sciri posse hoc donum Dei, quod in seipsis non sentiunt: quibus non videretur ita durum, si audirent posse rationaliter certo credi. Nam cum scientiam audiunt, euidentem notitiam intelligunt, quam fidei lumen non gignit. Quamobrè debent considerare, aliter à theologis & scripturaru scrutatoribus, aliter à philosophis & vulgo sapientum solere easdem voces accipi. Nam quod ea sciri etiam dicantur quæ fide credimus, scripturæ passim nos docet. Apostolus de Abraham ait: *Plenissime sciens quod quæ promissit Deus, potens est & facere*. Et Iob: *Scio q̃ redemptor meus uiuit, & in nouissimo die etc.* Et Dominus: *Quo ego uado scitis, & uiam scitis*. Et Beata Martha: *Scio q̃ resurget in resurrectione in nouissimo die*. Et iterum: *Scio q̃ quæcumq̃ poposceris à Deo, dabit tibi Deus*. Et B. Paulus: *Vt sciamus quæ à Deo nobis donata sunt*. Et iterum: *Scio cui credidi*. Et Dilectus: *Scimus q̃ cum apparuerit, similes ei erimus*. Et: *Scimus q̃ translati sumus de morte ad uitam*. Hæc & alia multa testimonia ex iis sunt, quæ pro-

bant ea sciri quæ absq̃ vlla prorsus dubitatione credimus. Verum hoc non est genus illud scientiæ quod quidam mente concipiunt: ideòq̃ paulo duriore sunt ad concedendum certo sciri posse gratiæ assistentiam, quam ad cōcedendum certo credi. Sed voces in quælibet disciplina ac doctrina perinde sunt accipiendæ atq̃ quælibet earum postulat. Nos autem secundum theologiam & sacras scripturas loqui & respondere oportet.

Octauo, argumentati sunt hoc pacto: *Octaua ratio.*

Quandocumq̃ aliqua conclusio educitur à duabus præmissis quæ sint variz qualitatibus aut quantitatis, siue modi aut dignitatis, ipsa conclusio sequitur debilior & indigniorem partem. Verbi gratia: Si vna præmissarum fuerit negatiua: sit conclusio negatiua. Si particularis: etiam conclusio particularis. Si contingens: conclusio etiam erit contingens, quamuis altera sit necessaria. Simili modo, cum ista cōclusio quod ego sim in gratia, colligatur ex duabus præmissis quarum vna sit certa certitudine fidei, altera autem certitudine naturali, puta experientia, non potest dici absolute talem conclusionem certam esse certitudine fidei, sed experimentaliter aut naturali: quoniam illa fidei certitudo maior est & dignior. Et nos iterum dicimus, Cum duobus modis possumus habere notitiam nostræ inherenti gratiæ, & vno quidem modo ex lumine directo afflante animam, & testificatē spiritui nostro q̃ sumus filii Dei absq̃ rationi natione syllogistica, iuxta B. Pauli Apostoli doctrinam: absq̃ dubio argumentum non tendit aduersus hunc sciendi modum, sed aduersus alterum quo arbitramur nos posse scire media via sacramentorum, aut aliorum à nobis factorum quæ habent testimonium Dei, quod vel per ea consequimur gratiam, vel ipsa certa sunt signa & proprii effectus gratiæ. Verum si aduersus hunc modum cognoscendi gratiam procedit argumentum, facilis est resolutio. Fatemur. n. q̃ quoties ex duabus præmissis infertur aliqua cōclusio quantificata, aut qualificata, aut modificata, (vita loquar) ipsa conclusio qualitate & quantitate & modum sequitur debilioris propositionis præmissarum. Quo concessio, negatur istud esse verum vt certitudo sensitiua & experimentalis sit minor aut debilior certitudine fidei quo ad nos. Hoc inde manifestè apparet, quoniam eorum quæ sensu percipimus, nō est fides. Vnde & de B. Thoma Apostolo dicitur: *Aliud vidit, aliud credidit*. Quia ergo de certitudine non simpliciter & secundum ipsius rei naturam agimus, sed de

certitudine quo ad nos: ideo certitudo fidei cedit certitudini sensus in nobis. Non quasi ista dignior sit aut maior, sed quoniam quo ad nos ratione certitudinis quæ videtur euidentiam importare, minor est fidei certitudo (vt docet B. Thomas) propter debilitatem intellectus nostri. Cognoscimus enim nunc ex parte, & in enigmate. His addo, Si aliter dicimus, nihil ferè haberemus certum certitudine fidei: quia etiam ipsos fidei articulos, & quacunque sunt determinata ab Ecclesia, syllogisticè cognoscimus atinere ad fidem, & ex lumine fidei esse recipienda. Sumimus enim semper aliquid quod sensu apprehenditur, aut etiam intellectu extra fidem: quemadmodum potest facile inductione patere. Astipulatur & huic sententiæ nostræ Scotus, qui dixit: Si vna præmissarum sit propositio naturalis, & altera fidei: quæ ex illis conclusio inferitur, erit fidei.

Non inus tamen inficias, Quantumuis certi esse possumus nostræ gratiæ certitudine fidei, non tamen eam nos certitudinem asserere in conclusione quæ est in maiore tum quia semper principia certiora sunt quæ conclusiones: tum quia minor non est certa ex fide, sed experientia, quæ fallax est. Attamen si minor omnino certa supponitur, & de qua oritur dubium nequaquā posuit, iam certa redditur conclusio, & eius certitudo innititur in lumine fidei. Sic accidit in scientia particulari: Nam posito aliquo ad sensum certotriangulo, ab ipsa scientia de vniuersali quæ habet tres, continuo scio de ipso sub sensum posito quæ habet tres, & potest dici conclusio scientiæ: quanquā contingentium & particularium proprie non sit scientia, sed sensus. Verum quatenus in eis est aliquid vniuersalitatis & necessitatis, scientia est. Etenim dum est triangulus, oportet habere tres &c. Et ita cogitandum est in proposito. Nam quanto fuerit certior, aut minus certa propositio minor, tanto ipsa conclusio vel certior vel minus certa reddetur: quia certitudo maioris assumptæ per ipsam minorem ingreditur in conclusionem.

Nono obijciunt: Si tu certus es te esse in gratia, & hoc certò habes ex fide, posces ergo absque vilo scrupulo iurare te esse in gratia. Nemo vero sapiens iurabit se esse in gratia, quia temerarium esset, vt ait summus Pontifex Innocentius: Ergo &c. Respondeo, verū quidem esse quod nemo sapiens iuraret se esse in gratia: quia simpliciter nemo sapiens, etiam si notitiam suæ gratiæ haberet ex speciali reuelatione Dei, deberet tamen vel iurare vel

asseuerare, nisi forte vbi expediret vel oporteret: alioqui proculdubio esset iactantiæ. Quamobrem B. Paulus iureiurando quædam affirmat de se ipso, vnde manifestè eliciebatur eum esse in gratia: quia sic expediebat, & sic ad corroborandum testimonium fieri oportebat. Præterea, potest in multis contingere vt interno lumine afflati gratiam suam tunc credant, nec tamen certò constituent se ex fidei infusæ lumine illud habere: quare nec auderent illud iureiurando asserere. Est & in multis infirmitas fidei, qualis in eo quæ rogatus an crederet, respondit: *Credo Domine, adiuua incredulitatem meam*. Vnde nō ab re rogabant discipuli: *Domine adauge nobis fidem*.

Eisdem fere modis respondebitur ad argumentum quo obijciunt: Si habes ex fide te esse in gratia, tenebris pro hac veritate etiam sustinere martyrium. Falsum enim (vt iam diximus) assumunt. Neque enim pro omni notitia quæ ex fide habeo, teneor sufferere martyrium: sed pro his quæ vniuersaliter docet Ecclesia tanquā articulis notis, & merito ab omnibus suscipiendis, & quæ possum certò scire me habere ex fide. Imo fieri potest vt quædam ex fide habeam, quæ tamen aliis nō sint pandenda, & peccarem si ea patefacerem. Vt ille qui dicebat: *Secretum meum mihi*. Nonne Dominus aliquando iussit discipulis ne de se prædicarent? Et illis tribus præcepit ne quam viderant in monte gloriam suam vlli dicerent antequam ipsæ resurgeret à mortuis.

Addo tamen quod si hoc, idest, me esse adeptum gratiam, esset aliquo modo reducibile ad catholicam fidem, nihil prohiberet fateri martyrium esse pro huiusmodi veritate subeundum. Quidam enim diaconus Sanctus nomine (vt Ecclesiastica narrat historia) pro hac sola controuersia martyrium sustinuit atrocissimum quod se Christianum profiteretur. Et tamen secundum istos hoc scire ex fide non poterat. Male igitur fecit, qui tamen de hoc genere martyrii collaudatur.

Denique adoriuntur nos tandem nonnulli & dicunt: Tu ergo quid de te dicis? Certus ne es te esse in gratia Dei? His ego audacter respondeo: Scio me aliquando fuisse, cum de sacro fonte baptizatus infans inter christiana nos descriptus sum. Et pro hac veritate si ad questionem deduceretur, & ad rem catholicæ fidei pertineret, spiritu Dei me adiuuante, etiam martyrium sustinere nō dubitarem. Hoc idem nunc facerem, si modo recēs ascerderem de fonte baptismatis, & scirem quæ scire deberem de fide & quæ scio nunc, videlicet ritè baptizatos accipere gratiam, & mihi con-

Eusebius celsus
riensis.

Responsio.

D. Thomas,

Scotus.

ad hunc

Nono ratio.

Responsio.

scius essem carere me omni dolo. Etenim tuncquē roganti ac torquenti, intrepidē respondē me esse gratiā cōsecutum: neq; vllō modo vererē nē in ea confessionē aut mendax, aut elatus essem, aut arrogans, aut superbus, qui nihil meum pradicarem, sed quod fuisset meae gratiae diuinæ. Potius si non confiterer, ingrātum me esse reputarem, sicut B. Augustinus & Ambrosius me docue-
re. Item si tunc protinus accederem ad san-
ctissimū Eucharistiæ sacramentum, cibatus
eo cibo multo magis me esse gratiā adeptū
mihi certissimē persuaderem, & hoc a fidei
lumine propter verba Christi: *Qui manducat
me, habet uitam æternam*. Sic enim testatur D.
Ambrosius.

Sed inferunt: Eiusmodi certitudo non est
certitudo fidei catholice. Nec hoc dicimus
nos, sed quod ex hac certitudine quod ego
sim baptizatus, & baptismo obicem non po-
suerim (quæ res est mihi euident) iuncta hac
fide catholica quod quilibet sic baptizatus cō-
sequitur gratiā: consequor certitudinem
me esse adeptum gratiā. Non est autē cer-
titudo fidei catholice, quia conclusio ipsa nō
est fidei catholice. Sed iterum dicunt: Tu
nescis an ritē fueris baptizatus, quia ignoras
intentionem ministri. Huic obiectioni ad-
satisfactionē suo loco respondebitur. One-
rosa enim est & superfluitiosa ac permolesta
nimis noua hæc hominum doctrina, quam
certē Patres antiquiores ignorauerunt.

Si quis adhuc vrgeat & roget: Quem e-
go teipsum facis nunc? Nunquid talem vt
certō possis statuere esse in gratia? Respō-
deo: Nunquid ego sum regula cæterorum
& mensura? Quid si hoc in me ob meum al-
quem torporem non sentiam? Tales nē igi-
tur oportet esse reliquos omnes, & eos potius
stimuli qui charitatis spiritu feruentes omni
studio diuina mandata exequuntur? Ve-
rū quia etiā atq; etiā instant, & me cō-
gunt esse insipientem, eis liberē respondeo:
Si ego diligere Deum puro corde, & eius
mandata pro mea facultate implerem, sicut
multi fecerunt, absq; dubio haberē in me Spi-
ritus sancti testimonium de amore suo. Et
iterum vt insipiens dico, quando renuncia-
ui omnibus quæ possidebam, & vota perfec-
tioris status iustitiæ sincerē ac simpliciter vo-
ui, absq; dubio me a Domino Deo benedic-
tionem accepisse credidi & credo. Et post-
modo in omni tepiditate & ingratitude
mea quoties accedo ad illud superueneran-
dum Eucharistiæ sacramentum, etiā si for-
tē non sim tunc in gratia propter illam ingra-

titudinē meam ac tepiditatem, attamen quia
doleo me offendisse Deum & mandata eius
contempsisse, & piget tepiditatis meæ, & nō
sentio quicq; malæ voluntatis in corde meo
aduersus fratrem meum, sed ex animo cogno-
sco me remittere omnibus quicq; in me deli-
querunt siue detractoribus, siue calumniato-
ribus meis, & ex corde etiā pro illis oro, spe-
rans de bonitate & misericordia Dei, qui mi-
hi quoq; remittet peccata: dum sic, inquam,
formatus actualiter (quod sæpenumerō acci-
dit) aut saltem virtualiter (quod per Dei gra-
tiam nunq; non contingit) ad illam superbes-
nedictam hostiam accedo, dico me certō &
absq; vlla dubitatione credere propter verba
Christi, quod aut denuō accipio, aut iam ac-
ceptam cōseruo gratiā Domini mei in me
metipso: de qua re etiā sæpenumerō doleo
& illi gratias dignas vt oporteret nō ago. Sed
in eo verbo rursū recreor, quod frequens
erat in ore magni Antistitis D. Ambrosii, vi-
delicet Habemus bonum Dominum. Isti aus-
tem ostentant eum nobis nimis durum & aus-
terum, & a nobis etiā exigent aut ea quæ
nescimus, aut quæ præstare non valeamus.
Ecce fui insipiens: illi me coegerunt. Inter-
pretentur autem alii meam confessionem vt
volunt. Ego ob id non abiciam gratiā &
dona Dei, quæ confiteri, teste Raphae-
le Archangelo, honorificum est.

Et hæc satis quantum attinet
ad rationes aduersa-
riorum aduers-
sus nos.



A S S E R T I O. VII.

Multi esse argumenta quæ ad certitudinem adeptæ
gratiæ faciunt: & in primis sacramentorum suis testi-
ficatus nobis a Domino.



HÆC A S S E R T I O
manifestari pōt du-
plici modo. Et pri-
mo quidem ab ipso
sine in genere, ad
quem ordinata sunt
omnia sacramenta.
Altero vero sigilla-
tim descendendo ad
singula. Clementissimus enim Dñs Deus &
Pater celestis volēs hominem lapsū in ami-
citiā & gratiā suam restituere, cum nō
deceret illum post peccatū ad priora prin-
cipi

status dona erigi decreuit hac via, hoc est, mediis sacramentis munera illi suæ gratiæ impartiri. Antea. n. quā peccasset, quia supra humanam cōditionem in familiaritatem Angelorum euectus erat, & immediatē per angelicas inspirationes de diuinis instruebatur, non erat illi opus his sacramentis, quæ sunt sensibilia signa venientis de cælo gratiæ.

Cur instituta
sacramenta.

At postq̃ ab eo tam felici gradu cecidit, & restitutus est sibip̃si & naturæ suæ humanæ quæ per sensus eruditur, instituit Dominus sacramenta, vt per illorum mysteria agnosceret homo peccatum suum, humiliaretur, & subderet intellectum suum in obsequium fidei, exercens ipsam fidem in sacramentis dum credit promissionibus diuinis, vt isto pacto ea quæ non videt, illi fiant visibilia, ipsa nimirum dona & virtutes quas Dominus in sacramentis infundit, quæ in seipsis absconditæ nobis sunt. Homo igitur per sacramenta ista miro eruditur modo, vt quod sensibilibus ter videt in se fieri, illud etiā effici spirituales liter ab ipso Deo firmissime credat. Nam lumine fidei inditum, illud quod latenter in nobis à Deo agitur, verū esse ostendit. Ne igitur putaret homo se in incertum currere, aut pugnando aerem in vacuum verberare, accipit sacramenta à Domino instituta, & Christi sanguine magno testimonio comprobata, vt sint ei certissima diuinæ fidelitatis, ac per hoc suæ gratiæ signa. Hoc, n. significat vox ipsa, Sacramentum, nimirum sacræ & occultæ rei signum, illud per sensibilia indicās, p̃ res. i. & voces, quod insensibiliter Dominus operatur in nobis. Hæc est doctrina omnium Patrum & catholicorum doctorum, non illius aut illius, sed omnium. Vnde tanq̃ rem vehementer absurdam reicit D. Augustinus,

B. Augustinus

si quis ita sacramenta acciperet vt ex illis certitudo adeptæ gratiæ non proueniret, cum ab ipso Deo ob hoc ipsum inuenta & præcepta sint, vt qui ea suscipit, per visibile signum certus fiat inuisibilis susceptæ gratiæ. B. Thomas magis vocat signum demonstratiuum eius quod in nobis efficitur. Quomodo autem esset demonstratiuum signum si nulli rem præsentem demonstraret, aut si nullus accipere posset demonstrationem, quam Deus per sacramentum facere intendit?

Dicent, Scimus q̃ ex parte quidem sacramenti fit significatio atq̃ offensio, licet is qui suscipit non accipiat eius significationē. Hoc certe dici posset si poneretur defectus ex parte suscipientis. Nō. n. tūc sugillaretur Deus si ponenti obicem non fieret demonstratio. At posito eum qui suscipit, bona fide & cum

synceritate suscipere, quid vetat ne sacramentum sit certum signū adeptæ gratiæ? Nōne si secus dicimus exanimis testimonium Dei in nobis & ad nihilum redigimus? Audiat, quæso, æquus arbiter, aut iudex prudens rem iustificam. Deus significat & demonstrat nobis per sacramenta se conferre nobis gratiam, & tamen nemo accipit, imō nemo accipere potest significationem & demonstrationem, nisi fortē probabilitatem & opinionem quandam humanam, aut (sicut quidam ex disputatoribus dicere ausus est) leuem & puerilem. Itaq̃ hoc pacto in opinionē atq̃ humanam probabilitatem redigimus nostram fidem, & si illi credimus, etiā in leuem ac puerilem probabilitatem. Beatus Thomas huius argumenti vim sentiens, pro vehemēti absurdo accipit dicere, piē accedentem ad sacramentum non posse habere certitudinem suæ salutis per hoc quod non posset illi esse notū an sacramentum suscepit. Et verē sic est. Sed de hoc fustius disputabo inferius.

Nunc solummodo producam circa hoc querelam Domini. Ipse enim cum Dei cōsiliū manifestaret, q̃ scilicet via sacramentorum volebat Deus hominem erigere in salutem, videns duritiam nostri cordis ad credendum efficaciam illorum, his verbis conqueritur. Amen amen dico vobis quia quod scimus loquimur, & quod vidimus testamur, & testimonium nostrum non accipitis. Quodnam, quæso, erat quod loquebatur tunc Dominus? nisi quod qui natus erat ex carne, caro erat, quæ inepta inueniebatur ad regnum Dei possidendum. Vnde oportebat renasci & accipere Spiritum, in quo Christus testificatur homini renascenti ipsius, quam ipse sciebat & prædicabat, & illi attestabatur signis & prodigiis magnis. Verum hoc illius testimonium quod fide suscipitur nolebant Iudæi suscipere. Quapropter subiunxit: Si terrena dixi vobis & nō creditis, quomodo si dixerō, vobis cœlestia credetis? Hæc nimirum terrena sunt, quæ sunt in terris, & in terris aguntur. Est. n. in terris peccatum, est & agentia gratiæ. Hoc certē possumus agnosce re ex nobisipsis, quoniam natura sumus mali, nisi velimus nosmetipsos decipere. Hoc etiam quod dictū à Domino suscipere debemus, quoniam terrenum est, & cognosci facile potest: neq̃ enim situm est in cælo, sed in membris nostris. Est & aliud terrenū quod agitur in terris. Hoc autem est renouatio, ac ipsius regeneratio, quā nos deberemus fide accipere: quia fit in nobis per sacramenta testante primū ipso Christo ac deinde Spiritu suo sancto. Et cum huius rei sensum ex

B. Thomas.

Iacob.

parte habeamus, conqueritur Dominus pau-
cos esse qui hæc (vt oportet) animaduertant
& cogitent. Sed contra sunt plurimi qui (sicut
ait Frater Domini) comparantur homini
consideranti in speculo vultu natiuitatis suæ.
Considerauit enim & abiit, & statim obliu-
is est qualis fuerit. Tales profecto sunt qui in
seipsis virtutem facientiorum non conside-
rant nec exerceant, vt absidue seipsos contem-
plentur, & quales sint agnoscant. Ecce pri-
ma ratio, quæ probat certitudinem gratiæ à
suscceptione sacramentorum, quæ sunt certissi-
ma gratiæ signa, quæ nobis per illa con-
ferrunt.

De Baptismo.

Verum quoniam non absq; doctrina erit
de singulis disserere sacramentis, & vt etiam
superiore assertionem fortius cõprobemus:
primum de baptismo considerandum propo-
no. Sit homo qui accedat ad baptismum sine
vlla fictione credens promissionibus Chri-
sti, & cum animo apprehendendi gratiam &
iustitiam, & ambulandi in præceptis Dei, sicut
illi præcipitur: quod totum homo sibi ipsi
consciens non ignorat. De hoc sic baptizato
quæro: Nõne sciet se assumptum esse gra-
tiam? iaro nõne tenetur hoc ipsum ex fide
credere, cum dixerit Dominus: Qui crediderit
& baptizatus fuerit, hic saluus erit. Et cum non
requiratur ad suscipiendam baptismi effica-
ciam (D. Ambrosio teste) neq; luctus neq;
placatus, nec opus aliquod, sed solum ne ac-
cedens ponat obicem, & ne fictè accedat, nõ
quid ignorabit homo si non fictè accedat, se
non fictè accedere, sed cum fide nouam pro-
fessionem facere? Dicunt, Nemo scire pos-
test an ea afferat quæ necessaria sunt vt quis
ad baptismum disponatur. Cur ergo baptizan-
dus in sacramenti collatione rogatur de singu-
lis quæ requiruntur, & respondet sigillatim in
omnibus assertiue? Interrogatus. n. Quid pe-
tis? Responder: Fidẽ. Interrogatus: Quid
tibi prestat fides? Responder: Vitam æternã.
Erit interrogatus: Credis in Deũ Patrem
omnipotentem &c. Responder: Credo. Et
sic de singulis. Si hæc non potest scire sibi
inelle, cur interrogatur? Et cur permittitur
respondere perinde ac si norit, vt ritè vel recite
valeat baptizari? Imò dicat mihi aliquis,
Nunquid baptizari deberet interrogatus an
crederet, si responderet, Opinor me credere
re, non autem diceret assertiue, Credo? Eu-
nuchus ille baptismum petens à Philippo au-
diuit: Si credis ex tuo corde, licet. Non ait: Si
opinaris te credere: sed, si credis ex toto cor-
de. Nec ille respondit: Nescio an credam,
tamen opinor me credere, sed dixit: Credo si-

lum De esse IESVM Christum. Cum ergo no-
uerit homo se cuncta fecisse quæ iussus est fa-
cere, idq; sine dolo, poterit ne iste baptizatus
dubitare de gratia in baptismo recepta, & nõ
certò sciet (modo credat verbo Domini) ac-
quisitionem suæ gratiæ? An non hic mihi li-
cet dicere, oportere eum esse in fidelem pro-
fusus qui hoc non crediderit? Imò licet hoc di-
cere, quia & hoc prius B. Pater Augustinus
dixit: Loquens. n. de oratione dominica, &
de verbis: Dimitte nobis debita nostra, sic ait: Non
ea dimittis precamur quæ iam in baptismo dimissa sunt no-
bis, quæ nisi dimissa credimus; de ipsa fide dubitamus.
Audimus quid dicat tantus doctor? Dubitare
re (inquit) dimissa esse nobis peccata in bap-
tismo, esset dubitare de ipsa fide, & ideo pecca-
tum infidelitatis esset orare pro peccatis bap-
tismi ipsum præcedentibus. At istud neces-
se esset fieri, si sola esset probabilitas de effectu
baptismi in particulari, & non certa & cons-
tans fides.

B. Augustinus

Attamen videamus, obsecro, qd hic à quis-
busdam respondeatur. Nescimus, inquit,
an satis præparati accedamus, cū baptismus
teste Apostolo Petro, requirit penitentiam,
& nemo quæ scire quam penitentiam, & p-
pterea ignorat vtrum verè peniteat, sicut Do-
minus requirit. At si vera hæc sunt, certè mi-
serissima omnino est Christianorum cõditio.
Nunquàm. n. tutò quisquam accederet, cum
scire non posset vtrum id expleuerit quod ab
eo requirit Deus. Quod si dicant: Satis est
si probabiliter arbitretur se præparatũ illis
ego obiciam. Nūquid ergo tali probabiliter
hoc putanti debet gratia denegari quum sus-
cipit sacramentum? Si id admittat, & tam
duram & miserã Christiani conditionem po-
nunt, valeant, & quibuscũq; litigent querat.
Non est. n. hæc doctrina Patrũ, nec quidem
B. Thomæ, sed illi directò opposita. Est au-
tem palam fugillare Dominum qui præcipiat
vt nos præparemus, & tamen non indicet no-
bis modũ preparationis: aut si forte indicat,
nunq; tamen possumus certò scire, an eo mo-
do quem exigit, simus legitime præparati.
Hoc certè est crudele, & longè distans à
Domini clementia ac pietate summa erga ge-
nus nostrum.

Illud verò penitus intolerabile, quod quis-
dam ex recentioribus qui hæc de re copiosissi-
mè pertractauit, ausus est respondere, aiens:
Non esse certum hæc sacramenta, videlicet
baptismi & penitentię, conferre primam gra-
tiam, & pari modo de ceteris: quanq; opposi-
tũ huic sententiam multo probabiliorem ipse
credat. Cur igitur nos hac afficit molestia

opponens nobis quæ ipsæner non probat, & quæ verè heresim supiunt? Quid est. n. quod dicit Dominus: *Nisi quis renatus fuerit ex aqua & Spiritu sancto etc.* Et Beatus Paulus qui baptismum vocat Lauacrum vitæ, per quod mundatur Ecclesia, & Christum induit, & per quod salui facti sumus, vt potè per lauerum regenerationis & renouationis Spiritus sancti? Et cur damnata fuit illa Lutheri positio quæ ait: *Hæretica est, sed vsitata sententia, Sacramenta nouæ legis conferre gratiam non ponenti obicere?*

Cauiillus de intentione ministris sacramenti

Verum est alius huiusmodi cauiillus: Esti certò sciamus preparationem nostrā, tamen an baptizans habuerit intentionem baptizandi nescimus: quæ tamen requiritur ad sacramentum. At si ad istum modum responderet licet, nullum certè erit tam efficax argumentum cui non facile respondeatur. Sed dicant nobis; obsecro, primum: Apostoli qui creduntur à Christo fuisse baptizati, nunquid poterant dubitare ne fortè defuisset baptizandi intentio? Aut etiam qui ab ipsis Apostolis baptizabantur, quos ex fide recipere tenebantur veluti Apostolos Dei & Spiritu sancto plenos, eodem Spiritu sancto testificante in signis & prodigiis: nunquid illi saltem poterunt nō certi esse de suo baptismo, quin ritè processisset? Quid igitur illis obstabat ne de sua gratia certi essent? Si fateantur hos fuisse certos, quid ergo vltèrius requirunt super pernam & peculiarem reuelationem ad certitudinem? Sic enim ex vi sacramenti nemo certò sciret se esse baptizatum, & ita se initiatum esse in Christo & esse Christianū: cum tamen certò sciant omnes quacūq; aliam suā conditionem, videlicet vtrum serui sint an liberi, & cuius nationis, cuius item patriæ, cuius dignitatis & gradus, cuius officii, cuius artis. Solus ne christianus in foribus hærebit, & in dubium vocabitur an sit christianus: & consequenter vtrum sit sacerdos aut Episcopus, idq; propter alienam fraudem, quia scilicet potuit iniator nō habere intentionem?

Audiant hæc piorum aures, & meditentur an ferre valeant vocem prædicatoris talia prædicantis. Ponamus multos venire ad baptismum, quemadmodum nūc vsū venit in nouo Orbe: & baptizatus concionator sit, aut doctor, qui dicat eis: Audi te charissimi, & attendite. Nemo vestrum quantacūq; deuotione & fide ad baptismum venerit, potest nisi opinatiue aut morali quadam & humana, idest, fallaci certitudine probabiliter scire se esse christianum. Potest enim esse vt nullus vestrum sit christianus, quia neq; de se certus est an voluerit verè baptizari, aut

an posuerit obicem: neque certus esse potest de me, vel de alio baptizante, an cum intentione baptizauerimus. Nihilominus bono animo estote, quia opinabile & probabile est sic esse, non tamen fide certum. Prædicetur, inquam, hoc Indis, Turcis, Iudeis, & aliis qui velint ad fidem conuerti, & dicatur eis: Venite ad Christum, recipite Spiritum & lumen gratiæ. Ne quis tamen vobis imponat, scitò, te q; nunq; scietis an eum in hac vita receperitis. Solum habere poteritis quandam opinionem probabilem, fallacem tamen, quæ nunq; faciet vos certos in tota vita vestra. Si hæc tranquillam mentem pensare, & non affectibus obscurare velimus iudicium ad perniciem, nōne iure ac merito fatebimur eos qui talia sint audiri, vtq; esse credituri, mox indignatione successos aut cōquestum iri (si iam essent baptizati) se à Deo esse delusos, & ita blasphemare Deum, qui eorum iustificationem & ingressum in Christum, & consequenter totam salutem sic incertam constituerit, & posuerit in aliena vel sinceritate vel fraude? Aut si hoc pacto ad baptismum inuitarentur; nōne mox retrocederent & dicerent prædicatori vel catechistæ, Vale? At nō sic prædicabat ipse Dominus IESVS, quin potius in hunc modum: *Venite ad me omnes qui laboratis & onerati estis, et ego reficiam vos. Tolle iugum meum super vos, et inuenietis requiem animabus vestris etc.* Quis autem potest inuenire requiem animæ suæ, nisi primum certò nouerit diuinæ gratiæ se factum esse participem, & perfectam valeat tandem sperare & obtinere salutem & requiem? Hæc. n. diuina gratia est artha futura quietis & pacis. Testamentum enim ipsius, testamentum est pacis. Sed, vt dictum est, iniiciunt scrupulos de intentione ministri. At quis priscorum sanctorum Patrum venit ynq; in istam cogitationem? Nōne Apostolus ex ipso baptismo certam infert iustificationem & salutem? At in scribens ad particulares homines: *Sed abluti estis, sed iustificati estis.* Nullum hñc adiicit dubitationis scrupulum. Et Ecclesia sancta Dominica in albis, Missam pro renatis sic introinat: *Quasi modo geniti infantes, lac sine dolo concupiscite etc.* quæ verba minime ipsa diceret, nisi esset certa de illorum renouatione, & aliā quidem certitudine quādam humana. Isti autem certitudinē humanam in rebus fidei cōmentis sunt, & certitudinem in eo admittunt quod probabilibus, nō certis colligitur signis & coniecturis. Verum cur non potius hñc iterum audiamus B. Augustinum sic de homine baptizato statuentem? *Audeat unus ille*

Fructus sermonis prædicantis gratiæ incertitudinem.

B. Augustinus

homo clamans à finibus terre cum capite suo et sub capite suo dicere: Quoniam sanctus sum. Accepit. n. gratiam sanctitatis baptismi & remissionis peccatorum. Vide Apostolos ait: Sed ablutistis, sed sanctificati estis. Si ergo sanctificatus dicitur, dicat & unusquisque fidelium, Sanctus sum. Non est ista superbia elati, sed confessio non iniquitatis. Recole reliquos, bone lector, quæ superius iam recensimus de thesauris tanti Doctoris, quibus nescio quid clarius aut quid fortius pro certitudine gratiæ positi afferri. Quis enim cum Deo loquens veraciter dicat, Sanctus sum, nisi suæ sanctitatis certitudine habeat, & hoc ex fide? Aliunde quippe in hoc statu haberi non potest: & quæ in Dei cultu loquimur sunt fidei nostræ protestationes, ut recte docent D. Augustinus & Thomas.

NOTA

B. Ambrosius.

Addo & D. Ambrosium in libro v. de sacramentis, cap. x. qui de anima per baptismum tota testatur, tam videre se ab omnibus peccatis esse mandatum, & dignam quæ ad altare Christi posita accedere. Quid fortius, quid apertius desideramus? Videt, inquit, se inuictam ab omnibus peccatis. Vnus est verbo significante sensum certam nobis notitiam præbentem. Sed & sequenti cap. eundem hominem baptismum & cibatum pane vitæ in hunc modum alloquitur. O homo, faciem tuam non audeas ad celum attollere: oculos tuos in terram dirigebas, & subito accepisti gratiam Christi, omnia tibi peccata dimissa sunt: ex malo seruo factus es bonus filius: & deo præsume non de operatione tua, sed de Christi gratia. Gratia enim saluati estis, Apostolos ait. Non ergo hic arrogantia est, sed fides: predicare quod acceperis non est superbia, sed deuotio. Ergo attolle oculos ad Patrem qui te per lavacrum genuit, ad Patrem qui te per Filium redemit, & dic, Pater noster. Bonæ præsumptio, sed moderata. Patrem dicis quasi filius: sed noli tibi specialiter aliquid vendicare: solius Christi specialis est Pater: nobis omnibus in commune est Pater: quia illum solum genuit, nos creauit. Hæc ille. Vide ut uno & eodem testimonio & nobis assiluit, volens hominem præsumptione bona, non mala, de sua per sacramentum adeptæ gratiæ præsumere: & aduersariis etiam resistit, qui humanæ arrogantia & superbia tribuunt, si quis firmiter persuasam habeat se esse in gratia. Occurrit. n. ille validissimis sententiis aiens: Ideo præsume, non de operatione tua, sed de Christi gratia. Gratia, n. saluati estis. Non ergo hic arrogantia sed fides: prædicare quod acceperis non est superbia, sed deuotio: non mala præsumptio, sed bona. Et cur non dixisti Beate Ambrosii, sicut quidam volunt: Time, quæ ue, dubita. Non est certum an acceperis gratiam, quia nescis de tua mente, & an forsitan cum debita fide accesseris, aut satis deuotè sita cur exigit sacramentum. Et hæc etiam si scia-

ueris, nescis tamen utrum is qui te baptizauit, baptizandi te habuerit intentionem. Hinc doctrinam ignorauit B. Ambrosius, quia sciebat ipsam ministri intentionem satis exprimi in obseruatione ecclesiastici ritus, qui est manifestus, quicquid sit de interna fide aut voluntate, aut alia ministri intentione. Nam intentionem bonam, ut docet B. Thomas, Ecclesiæ sufficit: modo ille solum faciat quod de more facere consuevit Ecclesiæ. Et ideo nec B. Ambrosius, nec veteres sancti Patres considerantur huiusmodi cauillationes, quæ certe non erant considerabiles. Benignus est Deus, nec agit nobiscum cauillationibus istis, equis immensa bonitas nunquam pateretur cuiquam inmerito ex aliena fraude venire detrimentum. Audi angustior veritatis B. Chrysostomum verè auream sententiam, & intellige quid solum requiratur à ministro Dominus, ut conferat sacramentum, nempe linguam & manus: quod faciens, satis illud facit & facere intendit quod fieri mandat Ecclesiæ. Ut verò habeat mentem bonam non fraudulentam, id ab illo ad hunc effectum minime exigitur, ne sit in eius potestate subtrahere diuinæ & præstiosæ dona vocatis à Deo & Christi fidem confitentibus. Si humanæ leges non admittunt, quæ ex aliena fraude dampnum patitur, quid credendum de equissima prouidentia Dei optimi maximi? Sed audi ipsum Chrysostomum hoc totū pauca & aureis verbis perstringens.

B. Thomas in 3. part. q. 64. art. 8.

A. T. O. M.

tem: Neque Angelus neque Archangelus quicquam in his quæ à bonis. 8. super Deo data sunt efficere possit: sed Pater et Filius, et Spiritus Ioannem, Iussus sanctus omnia facit, Sacerdos et lingua et manus præbet. Neque enim iustus est propter alius malitiam, ad salutem nostram accedentes offendi. Hæc ille. Desiderabit forte aliquis etiam B. Augustini testimonium hac de re certius. En illud profero, quod & posterior incertitudinis defensor producit, & ingenuè confitetur aduersum se & dicta metro pugnare. Disserebat ille acutissimus Doctor in Donatistas negantes in ministro improbo & prauo facultatem conferendi sacramenta. Aiebant. n. Conscientia dantis attenditur, quæ abluat accipientis. Augustinus vero hac sola, ut potè inuictissima ratione dictum expugnat, videlicet quod si dantis conscientia attenditur, salus spiritualis incerta reddatur, nec quisquam posset esse securus quæuis daret operam sedulam ut à bonis baptizaretur ministris. At hoc, videlicet auferre certitudinem & securitatem à baptizatis, tanquam ingens & detestandum absurdum reiecit Augustinus, & illorum insanum dictum diuinis verbis retundit. Cum. n. illi instarent: Conscientia dantis attenditur, qui abluat accipientis: ipse

NOTA

Augustinus li. 1. cap. 3. contra Iulianum Petilianum.

Eodem lib.
cap. 7.

contrā: Respondent (inge) fideles hunc in modum:
Sepe mihi ignota est humana conscientia, sed certus sum
de Christi misericordia. Et cum audierint: Qui fidem
a perfido fumpserit, non fidem percipit, sed reamē
Respondent, Non est perfidus Christus a quo FIDEM
PERCIPIO, non reamē. Et cum audierint: Om
nis res origine & radice consistit, & si caput non ha
beret aliquid, nihil est: Respondent, Origo mea Chri
stus est, radix mea Christus est, caput meum Christus
est. Et cum audierint: Quae potest esse peruersitas, ut
qui suis criminibus reus est, alium faciat innocentem &
Respondent: ME INNOCENTEM NON
FACIT nisi qui mortuus est propter delicta nostra,
& resurrexit propter iustificationem nostram. Non. ū.
in ministerium per quem baptizor credo, sed in eum qui
iustificat impium, ut deus mihi fides ad iustitiam. Hæc
D. Augustinus. Quibus si quid expressius
aut clarius quisq; desiderat, eat libere & quæ
rat. Non adducam ea quæ cauillatores, imo
destructores quidam sententiarum, hoc in lo
co respondent (quorum certe me miseret)
ne peritum lectorem maximo tedio afficiam,
& stomachum prouocem. Tantum dicam,
Si vera esset contraria eorum doctrina, pro
fecto multum interesset id quo quisque bap
tizaretur. Et B. Perus non circumspecte fe
cisset non baptizando, sed iubendo ab aliis
baptizari Cornelium & familiam eius. Reli
qui quoq; Apostoli debuissent sua manu pos
tius baptizare, quam per alios, præsertim cū
illis dictum fuit: Baptizantes eos, etc. Et tamen
B. Paulus gloriatur, apud Corinthios se vix
pauca contulisse baptismum, quod & de aliis
credendum est. Illorum autem fuisse illud
propriū, vacare s. orationibus & predicationi
ni, testatur ipsa scriptura. Neq; vlla dignus
fuisse reprehensione Valentinianus Impera
tor, qui vt baptizaretur a B. Ambrosio suū
differens baptismum, interim improuissus de
cessit non initiatus: quod tamen illum irratio
nabiliter fecisse, quamuis amanter, idem B.
Ambrosius non ob aliam causam testatur, nisi
quia ministri qualitas non erat cōsideranda:
quæ tamen stante hac istorum positione ma
gnopere considerari deberet, vt quis certior
fieret adepta salutis.

NOTA

Vis lector magis persunderi, & probare
satis esse (vt inquit B. Thomas) quod exte
rius sit, quicquid sit de sensu baptizatis? Sit
Arianus, qui tamen baptizet iuxta formam
Ecclesie, In nomine Patris & Filii & Spiritus
sancti: animo tamen teneat suam heresim.
Profecto nemo dixerit hunc sic ab eo tinctū
non esse assequutum sacramentum. Sed po
ne illud eum expressisse baptizando, quod
animo sentiebat, & verba commutauisse. Hic

omnes dicunt non conuulisse sacramentum.
Id verò quamobrem, nisi quia non facit ex
terne quod facit Ecclesia?

Dices, Ratio est, quia non seruauit formā.
At quid est non seruasse formam, nisi id non
fecisse quod facit Ecclesia? Fingen. rursus
catholicum baptizantem habere intus omnē
bonam intentionem pro salute pueri, non ea
tamen facere quæ facit Ecclesia, sed per erro
rem aliquem non vti propria materia aut for
ma. Hunc dices habere intentionem facien
di quod facit Ecclesia: sed hanc intentionem
sufficere ad baptismum quis asserat, cum re
uera non faciat quod facit Ecclesia? Sicut
ergo iudicari non potest quicquam habere
bonam intentionē faciendi quod facit Eccle
sia, cum id externē non facit, nec prodest illa
intentio quæcūq; fuerit: ita e conuerso non
potest iudicari quicquam non habere inten
tionem faciendi quod facit Ecclesia, si exte
rius id facit & obseruat quod Ecclesia facere
consequitur. Iudicat. ū. Ecclesia ab exterioribus
etiā de internis animi. Et in sacramentis,
quæ tanti præiudicii sunt, satis habet si exte
rius omnia recte fiant seruata forma ac ma
teria. Nam impossibile est non habere quen
quam intentionem faciendi quod facit Ecce
lesia, si ea obseruat externē vt minister, quæ
cūq; illa iubeat obseruari. Alioquin ad ludæis
& a paganis baptizari, merito essent rebap
tizandi: quia ipsi non credunt apud nos Dei
ecclesiam esse. Et quomodo possunt habere
intentionem conferendi sacramentum ad fa
litatem, id quod habet Ecclesia, cū non agno
scant veram ecclesiam, & se in eo mysterio
nihil facere credant? Nec possunt facile ve
nire in eam considerationem, & secum dice
re: Si forte ex meo facto aliquis salutis esse
ctus consequatur, ego intendo illum. Nam
qui certo credit nihil se agere, haud facile de
opposito cogitat vel formidat. Saltem Ecce
lesia debet ab his baptizatos sub ea conditio
ne rebaptizare: Si non es baptizatus &c.
quod tamen non facit.

Hæc adieci, ne quis dicat me contradicere
Cōcilio Florentino & scholasticis, qui ad
sacramentorum collationem requirunt inten
tionem ministri. Nos. n. non excludimus mi
nistri intentionem, vt quidam indocti arbi
trātur, sed declaramus qualis intērio sufficiat
iuxta traditam a B. Thomas doctrinam, cui
mirifice ratio suffragatur, ne si aliud dixeris
mus, incerti simus de confectione effectus
sacramenti: quod ipse B. Thomas & ome
nes sancti Patres merito (vt diximus) pro re
absurdissima penitusq; explosenda accipiūt,

ne sit posita in manu falsi & iniqui sacerdotis sic eludere, & acti tunc momentū irritare. B. Aug. in Donatistas q. regrebat functionē ministrī ad effectū baptismi, hoc scipue vñ argumēto, q. absurdū nimis esset fidem nram ex meritis aut glorie sacerdotū pedere. Eius verba hęc sūt:

B. Augustinus in Epist. l. 66.

In eis q. primō initiati sunt iudicē religio baptismatis iudicatur infirma, q. si q. gbus accipitur peccatores putatur: toties renouari necesse erit traditū sacramētū, quōties indigēsus fuerit inuētas collati baptismi administratores: et fides nostra nō ex nostrē voluntatis arbitrio, neq. ex diuini muneris gratia, sed ex meritis sacerdotū, et clericorū qualitas te pēdebit. Faciāt mille cōsilia Epī uestri: huic uni sententia respōdeat, et ad quod uolueritis cōsentimus uobis. Hęc ille. Quā certe rō pariter in hos militat q. ad effectū baptismi cō intentionē requirū quod nō liceat euidenter ex ipso facto agnoscere. Pēderet. n. nra salus a uolūtate ministrī: quod tanq. iniquū ac iniustū reprob. sanctus ille Pater. Si igit. intentio ministrī ipso facto manifesta est, & q. baptizet, bene sibi cōfiscus, nō hæsitat quin sincero animo ad sacramētū accedat, qd. huic obflabit quo minus nouerit certissime se cōsecutū esse gratiā? Non. n. requiritur vt absq. peccato accedat, cū ad abluenda peccata maxime sit hoc sacramētū institutū, modo peccādū nō habeat uolūtatem, ne quis hīc mihi obiiciat: Delicta q. inuēligit. Nec uilla cōfessio requiritur, nec luctus, nec plāctus, sed sola fides. Nā hoc ipso, ait B. Ambrosius, implet cōfessionē omniū peccatorū, q. baptizari petit vt iustificetur. Hoc aut. nō est aliud q. qd. Scholastici dicūt, satis esse uenienti ad baptismū & ad uerū eius effectū cōsequēdū, nō ponere obicē p. uoluntatē peccādū, & simpliciter uelle effici mēbrū Christi, & ambulare in uis eius. De qua re q. nescit iudicare in semetipso, quid sciet? Quā propter idem gloriosus doctor B. Aug. cōfidenter dixit hominē baptizatū, si dubitet an in eo baptismō sint sibi dimissa peccata, de ipsa fide dubitare. Est. n. hæc notitia & certitudo, nō sciētiæ, sed fidei. Hoc ipsum cōsideris gloriosus martyr & Ep̄s Roffensis, aduersus Oecolampadiū scribēs idē testatur his uerbis: Instruūtur eadē initiati q. in corū cordibus operētur sacramenta quæ suscipiūt: ut exēpli gratia, cū baptismū q. accipiat, instruitur ut credat q. per ipsum sacramētū denuo renascitur, et q. animus eius ab omni sordē peccatorū abluatur penitus. Verum istā renascētū aut ablationem haud aliter uidet aut noscitur nisi per fidē: et tamē rectē et utiliter initiatum est. Nihil ergo pugnat rectē et utiliter initiatum esse, et tamē ignorare qd. inuēsecus aut in ipso sacramēto aut in sue mētis penetrabilibus per sacramētū, Dei spiritus operatus sit, nisi pro notitia fidē intelligas. Credunt nimis oēs qui cū fructū aliquo sacramētum istud suscipiūt, se renascētū gratiā assecutos. At: aliquo sensu, uel animi

sui potentia, renascētū ipsam deprehendere nemo unq. potuit, nisi indicante Spiritu sancto. Hęc ille. Et paulo post: Ad hoc passim ista sunt sacramēta, ut per eorū usum citra ulla dubitationē cōsidamus gratiā nos esse assecutos. Verumtamen ad uerūq. cōsequat, ut nō sint nobis penitus incognita. Secūmū aliquē certū modū a nobis cognoscūt, fide uidelicet, quæ multo certior cognitio est q. per argumēta, ut postea passus disturi sumus. Et superius dixerat de initiatis: Credūt (ut diximus) sibi diuinitas uā cū sacramētis ipsi conferri gratiā, cuius gratiæ signa efficacia nō ambigūt ipsa sacramēta et cūq. suis instructio ribus fidē habēt. Vidēt igit. et sciunt oīa quæ uisibiliter ministrātur: At qd. inuisibiliter et diuinitus per assistētiam Spūs in aīo geratur, sola fide cōcipiūt. Hęc ille: gbus certe uerbis excludit illa fides humana uel moralis quā isti noui discipulatores inuenierūt, cui annectāt dubitationē uel formidinem. At hic doctor fidē declarat quæ sit multo maior cognitio q. quæ per argumēta habeatur.

De sacramēto itē cōfirmationis docet B. Th. si hoc sacramētū adultus, et in peccato existēs (cuius tū cōfessio nō habeat, uel et nō pfectē cōtritus suscipiat) grām & remissionē peccatorū accipiet. Quid igit. obstat ad certitudinē suæ gratiæ hōi, pfectum illi q. omnino purē & innocenter accedat? Pfecto hīc nihil respoīderi pōt, nisi ad ministrī intencionem recurrat: de q. re iā satis superius dictū est. Et utinā prudēt cogitaretur q. fuisse absurdū grām sacramētorum positam esse & pendere ab illa occulta ministrī intentione, & non ab illa quæ facto ipso quære euidenter ostendit.

Quid aut. dicemus de sacramēto Eucharistiæ? Ait Aplus: Probat aut. scriptum bō, et sic de pa. De Eucharistia ne illo edat, et de calice bibat. s. ad grām cōsequēdā, ut ea uel cōferretur, uel ageatur. Non. n. ad frustratorū effectū nō instruit Aplus: nisi uelimus eē pterui, & cōtra mētē & interpretatiōnē omniū ueterū & pferim B. Thomæ, sustinerē cōmēta quorūdā nō illustrū magistorū. His sic stātibus in hūc modū argumēt. Aut pōt hō seipsum pbare, aut nō. Si negat: scipit ergo Aplus impossibile. Si cōcedit, uidelicet posse hominē seipsum pbare: habeo qd. uolebā: q. tūc securē accipiet sacramētū. Sin aut. nō pōt scire an se pbauerit, & consequēt. an satisfecerit pcepto Aplī: ergo nullus possit accedere ad sacramētū, sed peccaret accedēs: q. obiceret se periculo. Nesciret. n. an satisfecerit pcepto Aplī, & ideo pceptū hoc redderet uanū & ingerēs pplexitatē: qd. fuerit impiū ē. Hoc argumētū nō pōt quouis mō, nisi subdole & cauallosa tergiversatione uitari. Færēt. n. qdam nouitiū magistri paulo arguētores, q. poterit qdē hō accedere ad sacramētū, & non peccabit, q. nō indigēt: nō tū recipiet grām,

NOTA

De confirmat
tione.De Eucharis
sistia.

D. lo. Ep̄s Rof
fensis de sacra
mēto Eucharis
tiæ lib. 1.
cap. 6.

NOTA

ed q̄ nō dignē accesserit. Volūt ergo hominē scire posse q̄ nō indignē accedit: an verō dignē accedat scire neminē: & hoc pacto nō indignē accedetē, neq̄ cōfeg grām, neq̄ peccare mortaliter. At hoc nō est aliud q̄ negare Apli doctrinā, aut q̄si minus idoneā blasphemare. Christus, n. dicit: Si q̄ mādūcauerit carnē meā, et biberit meū sanguinē habet uitā eternā. Et Apostolus volēs admonere hominē vt mādūcet illā nō frustra sed ad vitā eternā, sicut pposuit Dñs, dixit: Probet autē seipsū hō, et sic de pane illo edat, et de calice bibat. Nota verbū: ET SIC: ac si dixerit. Et sic securē sumat, q̄ cibi sancti consecrēt effectū. Nō est, n. credibile B. Pauli vel le hominē q̄ post pbationē a se inductā ad sacramētū accedat, frustra accedere, ac ppter peccatū remissionē nō accipere si forte in peccato inueniāt, cū sit absq̄ dolo. Illud, n. non eēt mādūcare dñicā carnē. i. corpus & sanguinē Dñi iuxta intellectū Spūs, ad quē nos debemus attēdere. Aduerte lector ad id qd̄ dico.

D. Thomas in 3. par. 4. 79. art. 3. *verbis. Potest hoc sacramētū remissionē peccati operari dupliciter. Vno mō nō perceptū actū, sed uoto: sicut cum q̄ iustificatur a peccatis prius. Alio mō etiā perceptū ab eo q̄ est in peccato mortali, cuius cōscientiā et affectū nō habet. Forte, n. primō nō fuit sufficēter contritus, sed deuo-*

te ac reuerenter accedet, cōsequitur per hoc sacramētū gratiā charitatis, quae cōtritionē perficit et remissionē peccati. Hæc ille. Nec putet aliquis aliter alios doctores & veteres Patres illi locū B. Pauli esse interpretatos. Oēs, n. in eādē venere sententiā. Denique nouū omnino dogma & irrationabile ē pr̄sus, inuenire mediū inter dignē & indignē sumere, id est, nec indignē, nec dignē. Nam nō indignus p̄ digno a Salvatore recipi. Quod si verē dignitas desideratur, nullus vnquā inueniretur dignus. Si verō satis ē illa dignitas quā a nobis diuina clemētia exigit, p̄fecto nō alia inueniē p̄ter eam quā tradit Apostolus illis verbis: Probet autē seipsum homo etc. Satis autē se pbat vt dignē suscipiat si cū fide & deuotōne libiq̄ nihil cōscius accedat. Nec dubitan dū qm̄ hō bñ explorās cōscientiā suā, & pbās se legitime p̄ cōfessionē peccatorū suorū humiliatus corā sacerdote Dei, & discēdens absolutus possit certō scire se sine peccato esse, & per hoc dignē ad sanctiss. sacramētū accedere. Vnde Theophilactus exponens illud: Probet autē seipsum hō, sic ait: Hūc locū velut maximē necessariū perficit et absoluit, ac summā bonorū mōstrat, cū pura cōscientiā accedat ad mēsam. Vnde inquit: Nō aliū tibi iudicē attribuo, verum teipsum tibiip̄s cōmendo. Iudica igitur et explora cōscientiā tuā, et sic accede: nō quādo fuerint feriae, sed quādo te purū atq̄ dignū inuenieris. Hæc ille. En q̄ clare testat q̄ hō seipsum explorās & de-

scutiēs, pōt seipsū purū, & consequēter dignū tāto mysterio dephēdere & iudicare. Iam vidimus & B. Chrysostomū certitudinem vitæ atq̄ animæ puritatem requirere. Sed dicit forte aliquis: Quis scit an sacerdos cōsecrauerit: imō an sit verē sacerdos q̄ cōsecrauerit? Ego verō nihil posse hoc dictō scādalosus p̄dicari existimo. Fraudabor ergo p̄missionē diuinā pp̄ fraudē & sacrilegiū alienum? Quæ lex humana vnq̄ id pateretur? Nunqd̄ ergo Deus hōine seuior aut impudēior? Sane ipse sacerdos q̄ sacrificat & sumit, nōnne certō scit se sacrificalle, cū ouert intētionē suā? Sed aiunt: Nescit sacerdos vtū ipse ritē fuerit cōsecratus. Si hoc recipiē, cuncta p̄culdubio subuertunt fidei nr̄æ mysteria: nec sciemus an habeamus verū summū Pontificē, & vtū in alijs quo sint vlli sacri ordines, et ita hierarchia eccl̄e clesiastica dubia erit & pedēs in incerto: & sic faciemus Deū (quod horreo dicere) minus p̄uidū p̄ Eccl̄a suā ad has incertitudines tollendas, q̄ fuerit humana prudentia, quæ nouit supplere potestātē vbi potestas desuit, vt quæ non essent ritē facta, ritē tñ facta hñentur: vt hñtur in lege Barbarius Philipp. ff. de off. p̄s.

Venio ad faciē p̄riæ. Ecce penitet delinquentē: nō audeat suspicere in celū, tūdit peccatus, lacrymat, idq̄ in cubiculo ne videat ab hominibus. Testat illi cōscientiā q̄ malet mortem millies incurrisse q̄ Deū offendisse: orat Patrē supplex vt sibi parcat pp̄ Christi: pponit se nunq̄ peccaturū, ad quod implorat diuinū auxiliū: cōfiterur aperte omnia peccata sua sacerdoti cū ingēt lacrymarū copia & pudore: idq̄ facit vt Deo obediat & eccl̄æ, paratus oē genus satisfactionis sibi impositū etiā cum magna facultatum suarum iactura, humiliter & prōptē suscipere. Dico igitur de iis de gbus nō nisi duri atq̄ p̄terui negare possunt quin verā habuerint cōtritionē, q̄ isti tales p̄scrūm recipiunt notitiā certā q̄ Deus exaudiuit eos. His, n. competit vt orantes dicant: Discedite a me omnes qui operamini iniquitatem: quoniam exaudiuit Dominus uocē fletus mei etc. Non sum igitur cum illis qui negant hominem posse esse certū contritionis suæ: alias, qua fronte dicebat Dauid: Cor contritum & humiliatum Deus non despicies? Et Ananias vnus ex tribus pueris, cur orans diceret: In anima contritus & in spiritu humilitatis suscipiamur: quoniā nō est cōfusio cōfidentibus in te: et nūc sequimur te toto corde etc. Præterea, Nōnne solet hō q̄ confitetur peccata sua interrogari a sacerdote, an penituerit eū peccatorū suorum? Itē, Nunqd̄ habeat p̄positū nō peccandi vltērius, & p̄ peccatis Deo satisfaciēdi? Quo anuere, nōnne statim absoluit simpliciter a sa-

De Sacramento penitentiae.

Theophilactus

NOTA

cerdote dicente: Ego te absoluo &c. Quæ ergo ratio ut debeat dubitare peccator audies se absolui, si talem se agnoscat, qualem se esse facerdoti, imò vero ipsi Deo, respondit, cuius locum sacerdos tenet in eo munere, cum non aliud ab eo Deus requiratur ad impendendam absolutionem? Alioquin certe dicendum esset falsum esse & fallacem illam sacramenti formam: quod est blasphemum.

Quod si quis dixerit: Nemo peccator potest certo scire an verè penituerit. Si ita est, cur igitur de hoc interrogatur? Dicent forte: Ut dicat non quasi ipse certo norit, sed quod probabiliter sentit. At contra hoc testatur responsio quæ assertionis est, non opinionis aut probabilis. Et talis reuera requiritur ab eo, non autem ut dicat peccator: Dubito an me penituerit: aut, Opinor me penituisse. Quare nec sacerdos dicit: Dubito non quid te absoluum: aut, opinor quod te absoluo: sed ait etiam ille assertivè: Ego te absoluo: quod intelligitur verum esse & ratum, modo ipse peccator non sit mètus Spiritui sancto. Verum non me coarctans ad tanta contritionis signa, sed aspiciens ad bonitatem Dei & amplissimam eius misericordiam, qui non est eo vix seuerus ut à peccatore tanta postulet, quæ præstari ab omnibus nequeant, aut præstata cognosci non valeant quod præstata sint. Credo n. proculdubio Deum parcere homini non ponenti obicem, id est, non habenti malam actuale voluntatem, & petenti ab eo cum fide & fiducia misericordiam, ut dignetur sibi dare bonam voluntatem, & cor mundum in eo creari. Credo, inquam, procul omni dubio ab iis qui tales sunt recipi gratiam. Quod verò dixerunt quidam, Non ponenti obicem conferri gratiam, esse scotisticam opinionem, quæ non potest generare fidei certitudinem, sed opinionem tantum: primum non putò appositè dictum hanc opinionem esse scotisticam. Nam & B. Thomas in quarto tenet illam. Addo quod si admittitur vera, potest etiam multis certa esse fidei certitudo. Nihil enim phibet quod est multis opinio, imò quod putatur esse falsum à quibusdam, non solum esse verum, sed etiam nonnullis esse certum ex fide. Sic Apostoli multa certa habebant ex fide, quæ tamen à multis non recipiebantur quasi ex fide: & à nonnullis repudiabantur quasi falsa, qui nihilo secius fideles erant: quoniam illa nondum erant definita tanquam ex fide, ut patet de discretionem ciborum. Ego autem qui teneo hanc opinionem veram, non habeo eam ut opinionem. Non enim sola

moueor B. Thomæ aut Scoti autoritate: sed ratione, quæ mihi certo videtur è scripturis educi, & ex principis fidei nostræ, quæ innitur in abundantia clementiæ ac misericordiæ Dei & certis promissis eius. Quid igitur obstat quin ego posim illam propositionem recipere & habere ex fide, hoc ipsum mihi dictante interno lumine fidei & certiorè red dente? Sed (Deo gratia etc.) in Concilio Tridentino definita est, vbi legitur Anathe ma negantibus cõferri gratiam per sacramenta non ponentibus obicem.

Ille vero assertio, quod nequeat homo scire an ipsemet posuerit obicem, est profecto Sceptica, Pyrrhonica & Academica, ne dicā penitus insana: certè indigna super qua constendatur.

Venio ad sacramentum ordinis. Profectò hoc sacramento maximam conferri gratiam, non est christianum ambigere. Per illud enim peculiariter homines asciscuntur in familiam & domum Dei, ut assistant altari, & pro se & pro aliis seruiant ad illuminandum, ad purgandum, ad perficiendum: quæ functio præcipuè ad Episcopos pertinet. Quam ob rem in eorum consecratione abundantiam gratiæ celsitus demittit, sicut Ecclesia prædicat, ita valde est credibile. Eorum n. status debet esse perfectus charitatis, sicut & dubitandum non est fuisse olim plurimos antiquorum Patrum. Nam ferè omnes quodam tempore seruiore spiritus apti erant martyrio, quo & re ipsa vitam finebant. Modo dicere hominem non solum existentem in statu gratiæ, sed in statu perfectioris gratiæ minime posse certam habere notitiā suæ gratiæ, quis ferat?

Quare magnopere mirandum esset si posset ab Episcopis statui talis sententia, neminè posse certum esse præsentis suæ gratiæ, cum in hoc gradu constituti non solum possumus, sed hoc etiam debeamus, hoc est, illa à nobis vita deposcitur, quæ excellentiori sui puritate sit nobis certa atque conspicua: ut qui pro aliis ad orandum & interpellandum præpositi sunt, confidere valeant per noticiam suam cum Deo amicitia & familiaritatis se obtinere. Cui sententiæ D. Gregorius eleganter his verbis assistit. B. Gregorius pulatur: Si ergo, inquit, homo apud hominem de in prima parte quo minime præsumit, fieri intercessor erubescit: quæ pastoralis capiente apud Deum intercessionis locum pro populo arripit, ultimo, qui familiarem se eius gratiæ esse per uitæ merita nescit? Aut ab eo quomodo alijs veniam postulat, qui utrum sit sibi placatus ignorat? Quæ in re est adhuc aliud sollicitius formidandum, ne qui placare iram posse creditur, hanc ipse ex proprio reatu mereatur. Et post pauca: Solerter ergo se quisque metiatur, ne locum regiminis assus-

mere audiat, si in se allicui uitium damnablem regnat: ne is quem crimen deprauat proprium, intercessor fieri appetat pro culpis aliorum. Hæc ille. Nec tam finistrè de nostro statu sentire valeo, vt existimem nullos nunc esse tales: quin arbitror potius omnes, modo non ex ambitione, non ex simonia sacilegio, non honoris aut quauis alia sinistra de causa sint promoti: sed qui cū

Pastores autem timore ac tremore magno sunt præuui orationibus & ieiuniis ordinati: qui ite non præstant pascere semetipsos, sed gregem. Hi enim sunt qui optime norunt in sua conscientia quomodo non illum honorem ambitionis studio quæsiuerunt, sed quod vocati sunt à Deo tanq̃ Aaron. Norunt item quid ab illis Deus exigit, nimirum eximium illum amorem, vt pro ouium salute exponant animas suas, quos ad hoc vocauit vt pascant oues & non semetipsos. Sibi insuper verè sunt consci, se sola obedientia & spiritu charitatis inclinauissent animum ad hoc onus suscipiendū: non quidem vt dominarentur in clero, sed vt forma fierent gregis, & seruient ex charitate. Qui. n. se tales agnoscunt, quomodo non simul in se recognoscent diuine gratiæ assistentiam, cum talis animi dispositio segreget bonum pastorem à mercenario? Legat, obsecro, lector & intelligat Domini parabolam de pastore vero & de mercenario, & perspicue cognoscat solum Christum Pastorem verum & bonū. Nos alii eatenus boni sumus, quatenus eius imitatores fuerimus per auxiliū gratiæ diuinæ. Legat etiam quod præcipit Dominus discipulis suis, vt separaret eorum hierarchiam à principatu gentium, idest, vt qui maior fuerit inter eos, sit minor & seruus. Sed minime mirum si nostro tempore nobis hæc noua sunt, quoniam pauci hodie tales sumus, & tamen tales esse omnes deberemus. Negi enim suis promissis deesset fidelis Deus quin daret ipse quod à nobis exigit quod esse minus perfecti, ita vt valeremus etiam alios instruere ac perficere, sicut ordo ipse noster postulat.

Nolo hunc locum sine graui D. Bernardi sententia pertransire, vt credamus ad pastores Ecclesiæ hoc attingere, idest, habere charitatem perfectam, & illā simul in seipsis sentire. Audiamus, obsecro, illius deuoti Abbatis verba ad pastores. Audite hæc o amici sponsi, si tamen amici. At parū dixi amici: amicissimi sint oportet qui priuilegio tantæ familiaritatis donantur. Non otiose toties repetitum est: Petre amas me? Et in commissione ouium. Et ego id quidem significatum perinde puto, ac si illi dixisset IESVS: Nisi testimonium tibi perhibente conscientia quod me ames, & ualde perfectèq̃

me ames, & plussq̃ tua, & plussq̃ tuos, & plussq̃ te, ut huius repetitionis meæ numerus impleatur, nequaquā suffici Notet Præpias curam hanc, neq̃ te intromittas de ouibus meis, pro quibus sanguis meus effusus est. Hæc D. Bernardus. Certè dura nobis uerba, sed uera, & ex Christi uerbis elicta. Hoc enim à nobis ipsa muneri amplitudo deposcit vt simus perfectè amantes, ac propterea consci perfectæ nostræ charitatis, testimonium perhibente nobis conscientia nostra: & hoc esset gloria nostra. Vnde Apostolus non est ueritus dicere: Quicunque ergo perfecti sumus, hoc sentiamus. Hoc autem uerbum ad Prælatos attinebat quos uocat perfectos, & ad idem sentendum adhortans, indicat eis quales esse deberent, nempe illius perfectæ charitatis quæ foras mittit timorem. Quamobrem Timotheo discipulo suo charissimo commendat sedulo hæc gratiam quam cōsequutus erat per manuum impositionem presbyterii, vt eam excitaret. Videat ergo & consideret prudens & pius lector quod redacti sumus, vt ea nunc in dubium uertantur, an esse possint, quæ secundum scripturæ ueritatem & sanctorum Patrum sententias à multis exiuntur.

Conuenit ut & matrimonii sacramentum non prætereamus, quod si legitime & cum timore Domini, ut oportet, iniretur, experirentur certè ipsi coniuges quantum diuinæ gratiæ consequerentur. Nec enim ab re Dominus sua præsentia nuptias honorauit, & aquam ibi mutauit in uinum. Mysterior hoc certè magnum fuit: & tamen significauit etiā se probare & adiuuare dono gratiæ suæ ac sapientię carnalem copulam, vt de aquis insipidis, quales eramus omnes nos, fieremus per gratiam suam bonum uinum gustabile sponso Domino, & probatum Architricleino Spiritui sancto. Magnum est huius sanctæ copulæ & immaculati thori exemplū Thobias iunior. Verum quoniam in ea tempora incidimus, quando penè corrupta sunt omnia, quia Episcopi non docent plebes suas, nihil mirum si hæc nunc non videantur, & iam nō capiantur: quoniam (vt ait Propheta) non agnoscitur gratia Dei in terra obliuionis.

Restat ultimum sacramentum extreme unctionis, de quo frater Domini Iacobus sic testatur: Infirmum quis in uobis: inducat presbyteros Ecclesiæ & orent super eum, ungentes eum oleo in nomine Domini: & oratio si dei saluabit infirmum, et alleluia ei cum Dominus, & si in peccatis sit, dimittentur ei: Quid hæc dicemus? Fuit homo qui sanctā uitam duxerit in ieiuniis & obsecrationibus nocte & die, quales multos fuisse non est uertendum in dubium: & hic nouerit se iam

De sacramento matrimonij.

De extrema unctione.

iam mortū proximum, & confessus fuerit ex corde peccata sua, & inuenerit se manus habuisse innoxias à sanguine fratris sui, & ab omni re proximi sui: inuenerit semper Deum, absolutionem obtinuerit à sacerdote cum certitudine fidei promissionum Dei, & sumptis in super deuote & cum lacrymis corpus Domini pro viatico sancto, & nouissime vñtionem extremam, & adhuc viuus ac mente sanus & prudens agone mortis tolerauerit patienter, & (vt de multis conspiciere datur) expectauerit Domini aduentum cum gaudio vt seruus fidelis expectans Dominum suum quando reuertatur à nuptiis, & in verbo illo securitatis & totius consolationis pleno animam reddiderit, dicens: In manus tuas Domine commendo spiritum meum: de hoc, inquam; homine cui attestata sit tota vita inculpate atq; innocentē transacta, tot sacramētis circūualato, quæ prouidit nobis benignus Deus vt essent certa atq; infallibilia gratiæ & salutis signa: quis ausit dicere talem nec fuisse, neq; esse certum ponuisse sue gratiæ & certitudinis fidei (nam alia certitudo fingi non potest) an sequam extremum vitæ huius spiritum Deo reddiderit? Hōcine credibile est aut probabile de clementissimo Deo Patre nostro? Hoc si asseritur, quis me prohibeat iterum atq; iterum exclamare, O infelicem prorsus christianorum conditionem. Neq; tamen hoc (licet adeo per se clarum sit) volo absq; testimonio præterire. Beatus enim Ambrosius ad illū ver. psal. 118. Memor fui iudiciorum tuorum à seculo Domine, & consolatus sum: etiā absq; consideratione tot ac tantorum sacramentorum, de omnibus iustis qui cum letitia

B. Ambrosius excedunt è vita, sic ait: Videmus in seculo innocentē leuē ad iudicium festinare, odisse moras, celeritatem affectare iudicij. Beatus inq; ille, qui illud cœlestē iudicium letas expectat. Scit. n. sibi regnum cœlorum, Angelorum consortium, coronam quoq; bonorum repositam esse meritorum. Hæc ille. Quid adhuc querimus? Scit, inquit, non opinatur, sed scit regnum cœlorum esse sibi repositum. Scire autem non noticiā qualemq; sed certam importat, & omnem formidinem ac dubitationē excludit. Et hanc nos defendimus.

Quo in loco etiā fortius arguenter ex doctrina B. Thomæ manifesta de hoc extremo sacramento. Ipse enim docet, eū qui non ponit illi obicem, recipere effectum sacramenti, qui est vt si sint fortē peccata mortalia, eluantur. Hæc est misericordia Christi in membris suis. Homo autem sanus & mentis compos absq; dubio habere potest euidentem sui cordis noticiā, & scire certo se non

habere conscientiam peccati vilius, cuius nō penituerit, nec voluntatem peccandi in futurum, & se deuote pro conditione humana sacramentum suscipere: quod in homine iusto & virtutibus pleno moxq; morituro si q; neget cōtingere, facile cūcta negabit: Quod ergo sic suscipiens non ponat obicem sacramento, nemo nisi proteruus & contentiosis amator poterit non confiteri. Igitur sic suscipiens, & sic se suscipere claro experimento cognoscens, & ex fide efficaciam sacramenti certō tenens, nōnne consequenter certitudinē habebit suæ gratiæ, & hoc ex fide? Profecto aliud asserere repugnat virtuti sacramentorum & naturæ propriæ huius vltimi sacramenti, quo suppletur quodecunq; pro fragilitate humana nobis defuerit, & absorbetur in agone mortis à iustissima Dei misericordia propter Christum, quocum & nos, qui illius membra sumus, comparimur, & ille nobiscum qui Caput est nostrum. Et profecto si qua potest dubitatio incidere, non nisi vel ab infidelitate, vel à modica fide accidit, quia verbis Christi non creditur. Legitur in vita B. Hilarionis à D. Hieronymo cōscripta, quoddam ageret animam, & (vt accidit) propter carnem aliquis eum pauor in illa solutione inuaderet, plenus fide hæc verba pronunciauit: Egredere, quid times? Egredere anima mea, quid dubitas? Septuaginta prope annis seruisti Christo, et times? Et hæc satis quod attingat ad superiorem assertionem de certitudine quæ à sacramentorum perceptione suscipitur.

B. Hilarion.

A S S E R T I O VIII.

Manifestari hanc gratiæ certitudinem non solum à uirtute sacramentorum testificatis per IESVM Christum, sed etiam ab ipsa illorum uirtute, experimēto, ac sensu interno à multis percepta.



TSI CUNCTIS CHRISTIANIS iam illud consistit, in sacramento baptismi & remitti peccata & conferri gratiam: hoc tamen insuper recipiendum est, nonnunq; tātam fieri sensibilibiter circa mores mutationem, vt in hoc admirabili effectū abundantia gratiæ semetipsam clare ostendat. Fateor posse aliquos id in seipis

De Baptismo.

non animaduertere, quia forte nimis tepide & indeuote accedunt, & ideo abundantiam gratiae non consequuntur. At si toto corde venissent & attenderent opus Dei, profecto sentirent & certo sentirent diuinam in seipſis aliter: Excelsi mutationem per repentinos atq; admirabiles gratiae effectus, quos viri sanctissimi cōtestati sunt, vt potē qui manifestis sine in semetipſis ipsa experientia persenserāt. Extat n. gloriosissimi martyris Cypriani elegans de se testimonium, vbi non specialem reuelationem, sed vim & efficaciam sancti Lauacri, quam ipse expertus erat in semetipſo, his verbis eleganter describit. Accipe quod sen-

B. Cyprianus titur (nimirū in Spiritu sancto) antequam discitur, nec per moras temporū longae agnitione colligitur, sed cōspicienda lib. 2. ad Donatum. pendio gratiae maturantis hauritur. Ego cum in tenebris atq; in nocte caeca iacerem, cumq; in solo iacentis seculi nutabundus ac dubius uestigijs oberrantibus fluctuarem, uicē meae nescijs, ueritatis ac lucis alienus, difficile prorsus ac durum pro illis tunc moribus opinabar quod in salutem mihi diuina indulgentia pollicebatur, ut quis renasci deueni posset, utq; in nouam uitam lauacro aquae salutari animatus, quod prius fuerat exponeret: corporis licet manente compage hominem animo ac mēte mutaret. Quin

permissit exuatur quod uel genuinum suū materiam naturalis obduruit, uel usum patum diu senio uerustatis inoleuit. Alta haec & profunda penitus radice sederunt. Quando parsimoniam disce, qui epularibus cecnis & largis dapibus affueuit? Et qui pretiosa ueste conspicius in auro atq; in purpura fulsit, ad plebeium se ac simplicem cultū quando deponit? Fecit illi oblectatus & honoratus, esse priuatus & inglorius non potest. Hic stipatus clientum cunctis, & frequentiore comitatu officiosi agminis honestatus, pernam putat esse cum solus est. Tenacibus semper illecebris necesse est (ut solebat) uinolētia inuitet, inflat superbia, iracundia inflammēt, rapacitas inquietet, crudelitas stimulet, ambitio deleat, libido praecipitet. Haec egomet saepe mecum. Nam ut ipse quā plurimis uitae prioris horribus implicatus tenebar, quibus exui me posse non crederem, sic uirgīs adhaerentibus obsecundans eram, desperatione meliorum, malis meis, uelut iam proprijs ac uernaculis, affuebam. Sed postq; undae genitalis auxilio superioris exui labe deterſa, in expiatum pectus ac purum desuper se lumen inſudit, postq; caelitus spiritus bauso in nouum me hominem natiuitas secunda reparaui, mirum in modum protinus confirmare se dubia, patere clausa, lucere tenebrosa, facultatem dare quod prius difficile uidebatur, geri posse quod impossibile putabatur & ut esset agnosceret terrarum fuisse quod prius carnaliter natum, delictis obnoxio uiuisset: Dei esse coepisse quod iam Spiritus sanctus animaret. Scis ipse profecto, & mecum pariter recognosces, quid detraxerit nobis, quid uē contulerit: moris ista criminum, uita uirtutum. Scis ipse, nec praeco in proprias laudes. Otiōsa

iactatio est, quamuis non iactatum posse esse, sed gratum quicquid non uirtuti hominis adscribitur, sed Dei munere re praedicatur, ut iam non peccare esse coeperit fidei: quod ante peccatum est, fuerit erroris humani. Dei est, inquam, Dei est omne quod possumus: inde uiuimus, inde possumus: inde sumpti & concepti uigore, hic adhuc possumus, futurorum indicia praescimus. Hec ille gloriosus Martyr. An non satis certi sumus tanto illius testimonio, quomodo ab experimento efficaciae huius primi sacramenti certissimus erat adeptus gratiae? Et hoc praedicare non arrogantia, sed confessionis ac deuotionis merito tribuebat.

Eundem baptismi effectum **B. Pater Augustinus** in libro confessionum suarum in semetipſo & in alio qui vna cum illo regeneratus fuerat, ingenue confitetur & contestatur. Narrat enim quomodo vbi primum baptismi sacramentum suscepissent, veteris solitudo uitae ab eorum animis fugata est: in cuius locum repente consideratio diuini consilii super salutē generis humani mirabili cum dulcedine subit, vt de cātibus & hymnis suauisonantibus ecclesiar, mirificos pietatis excitari affectus in corde sentirent. Verum praestat eius verba subiungere. Baptizati (inquit) sumus, & fugit a nobis solitudo uiae prietariae; nec fastidabar illis diebus dulcedine mirabili considerare aliquid diuini consilij tui super salutem generis humani. Quantum fleui in hymnis & canticis tuis suauisonantibus ecclesiae tuae uocibus commotus acriter. Voces illae infusabant auribus meis, & eliquebatur ueritas tua in cor meum, & ex ea aestuabat affectus pietatis, & concurrebant lacrymae mihi bene erat cum eis. Haec ille. Tam mirus ergo & tam repentinus in **B. Augustino** effectus, cuius ipse conscius sibi erat, nonne certam gratiae assistentiam tanq; a clarissima Spiritus uoce manifestabatur? Vtinam haec experirentur qui negant, ne tam duos ultorius se redderet.

Quid dicam de confirmationis sacramentum, quo vires fidei ac spiritus roborantur, vt fiat homo in Christi militia fortior ad ferendam crucē, & ne erubescat Crucifixi Euangelium, sed aperte contestetur in tribulationibus & carceribus & tormentis & pressuris & mortibus, etiam cum interiore Spiritus gaudio? Haec Dei magna beneficia dum praesto sunt, cur, rogo, non scientur ab eo in quo insunt? Scriptum est de Apostolis: ibant gaudentes Apostoli a conspectu Caelij, quod digni habiti essent pro nomine IESU contumeliam pati. Neque id in solis Apostolis finitum est, sed & uiri & mulieres, senes & pueri, & omnis status & conditionis homines innumerabiles ad eos in militia Christi profecerunt, vt fortiter & cū alas

B. Augustinus

De Confirmatione

NOTA

critate atq; hilaritate humanis viribus intolerabilia passi sint tormenta. Dixit quidam: Et facere & pati fortia, Romanum est. Hoc autem non verè. Mutetur vna vox, & dicatur: Et facere & pati fortia, Christianum est. Et tunc sermo erit omnino verus:

Hic autem est proprius sacramenti confirmationis effectus, vt per illud armetur homo vt fortia faciat & patiatur. Istud initio ostensum est in Apostolis; quemadmodum & res ipsa tunc postulabat, in quibus sacramenti huius eximia apparuit efficacia in signo externo ignis & lucis. Nam igni merito charitas comparatur, quæ & ardorem & lucem secum affert. Plurimæ certè sunt ignis proprietates, quæ appositissimè charitati conueniunt. Quapropter Spiritus sanctus venit in igne, vt eleganter B. Dionysius docet. Nos duas tantum prosequemur. Est enim ignis primum mira ac summæ efficaciac, vt contactu faciat sensum. Sentiebatur ergo ab eis qui in corpore illum gerebant, aut potius gerebantur ab eo. Erat autè ignis ille ardens & consummans, sed non destruens neq; consumens. Ignis itè est proprius vt sit lucidus. Propterea dixit illis Dñs: Vos estis lux mundi. Peccatores non possunt dici lux, sed tenebræ. Vnde Apostolus: Eratis aliquando tenebræ: nunc autem lux in Domino. Si Apostoli propter inhabitantem in eis Spiritum erant lux mundi, ita vt etiam alios illuminarèt & incenderent: illis ne ergo solis lux illa non illucebat vt cognoscerent dona gratiæ suæ? Erant ipsi templum Spiritus sancti inhabitantis in illis, & nunquam tantum hospitem cognouerāt? Erant ciues sanctorum & domestici Dei, imò ipsi potius fundamentum ciuitatis in quibus alii superædificabantur: ipsi quidem immediate consistentes super angulari lapide Christo IESU: atque tam nec ipsum Dominum domus & patrisfamilias sibi certò propitium vnquam cognouerunt, nec se super illum, nec alios super se edificatos per Spiritum eòdem fidei & charitatis senserunt, nisi specialis insufflaret reuelatio, quæ illis absidue istam gratiam annuntiaret? Illi erant fontes de quorum ventre fluxerunt flumina aquæ viue, id est, gratiæ Dei, & adhuc ignorabant se tales? Audiamus, quæso, iterum Dominum de lumine huius Spiritus attestantem: Si diligitis me, mandata mea seruare: & ego rogabo Patrem, & alium Paraclætum dabit vobis, ut maneat vobiscum in æternum, Spiritum veritatis, quem mundus non potest accipere, quia non videt eum, nec scit eum. Vos autem cognoscetis eum: Quid est Vos autem cognoscetis eum? Audi. Ipse enim asserit notitiæ causant: quia (inquit) in vobis ma-

nebit, & in vobis erit. Non satis fuit dicere, Manebit, sed dixit: in vobis erit. Tanq; dixerit: Erit intus & conglutinat in spirituali sensu certissime percipitur. Non igitur specialis reuelatio hanc notitiam faciebat, sed illa inherenda Spiritus atq; mansio, vt pulchrè notant expositores.

Dicturus est fortè aliquis, illud fuisse speciale donum Apostolorum. Sed hoc non verè dicit. Quia Spiritus superadditio ordinariè datur (vt dixi) per sacramentum confirmationis, licet non in tanta mensura, quæ Apostolis data fuit, nec in signis illis & prodigiis. Non enim misio illa spiritualis & collatio Spiritus desinit esse in Ecclesia vt hæretici blasphemar: neque desinit vsq; ad consummationem seculi. Sed hoc est peccatum nostrum, qui vilificamus dona Dei, nec seruamus ea, & iam sumus in terra obliuionis. Verum non est hic locus deplorandi.

Attestatur prædictæ sententiæ B. Aug. B. Augustinus stinus contra Donatistas, cuius verba sunt lib. 3. cap. 16. hæc: Neq; temporalibus & sensibilibus miraculis atq; de bapt.

testantibus per manus impositionem modo datur Spiritus sanctus, sicut antea dabatur ad commendationem rudis fidei, & Ecclesiæ primordia dilatanda. Quis enim nunc hoc expectat, ut ij quibus manus ad accipiendum Spiritum sanctum imponitur, repente incipiant linguis loqui? Sed inuisibilis & latenter intelligitur per vinculum pacis eorum cordibus diuina charitas inspirari, ut possint dicere: Quoniam charitas Dei diffusa est in cordibus nostris per Spiritum sanctum qui datus est nobis. Hæc ille. Nota verba prudens lector: Vt possint dicere quoniam charitas Dei &c. Quis autem potest securè dicere illud de quo debeat dubitare aut formidare, vt isti volunt? Ergo diuina charitas intus latenter agens in cordibus piorum, eam securitatem facit: quia etiam (vt ait D. Bernardus) ipsa terribilitudinè infundit.

Accedit vt & fructus magnos sacramenti De sacramento Eucharistiæ. Eucharistiæ quo homo alitur, roboratur & figuratur, ostendamus. Hic est enim cibus ille qui de celo venit, & omne delectamentum in se habet. Vnde & cibus dicitur Angelorum, & verum manna celeste, quod non sunt soli qui gustant. Nouit autem qui gustat non coniectura, sed (vt ita dicā) sententiā spiritus sui. Sic nouerūt viri sancti qui experimento comprobauerunt: de quo etiam multa nobis reuelauerunt. Hic est panis cuius esus aperit oculos manducanti, vt videant præsentiam Domini sui, sicut scriptum est: Cognouerunt Dominum in fractione panis. Cognouerunt quàm dulcis, quàm suauis & bonus is q; recto sunt corde. Audiamus verba eius: Qui manducat meam carnem, & bibit meum sanguinem, in me

NOTA

manet & ego in illo. Et: Qui adheret Deo, unus spiritus est cum illo. Itane igitur desipimus & insensati reddemur incorporati in illo, & manentes in eo tanq̃ verè cōtentī ab illo, & ille manens in nobis tanq̃ continēs nos, vt nullus vnquam nostrum sentiat eius præsentiā in effectibus spiritus sui? Dico sentiat, vt certitudinē significet: quia spiritus etiā habet sensus suos. Verū in experti duri sunt ad credendum. Quod si quis dixerit: Ergo tu expertus es? Respondeo: quanq̃ ingratus Deo, Credidi, propter quod & loquor. Tu verò bone lector, audi non me, sed alios sanctos Dei viros, quid de efficacia huius sacramenti loquatur. Docet B. Augustinus Prophetam de hoc sacramento loquutum fuisse quando dixit: *Gustate & uidete quoniam suauis est Dominus.* Qui igitur accipit sacramentum spiritualiter, videt & gustat, teste scriptura & B. Augustino in eo loco. Notemus ergo verba: *Gustate & uidete.* Nā quibus verbis poterat efficacius euidentiā rei & certitudinem exprimere, quam per duo hæc verba quæ significant certam & euidētem cognitionem duorum præcipuorum sensuum, iustus scilicet & tactus, qui sunt certissimi? Nam gustus ipse se (teste Philosopho) est quidam tactus. Si cuter go qui gustat secundum carnem, nisi sit corrupto & male affecto gustu & stomacho, certò deprehendit & cognoscit quod gustat: ita est etiā secundum spiritum. Habet enim & spiritus gustum suū vnde valeat diiudicare. Quamobrem dixit Apostolus: *Animalis homo non percipit ea quæ sunt Spiritus Dei: quoniam spiritualiter examinantur. Spiritualis autem iudicat omnia, & ipse à nemine iudicatur.*

Ad hæc, Nonnunq̃ viri Dei & timētibz eum, in accipiendo sacramentum contingit sensibiliter, aut alio quouis modo, videre manifesta signa præsentiæ Domini & gratiæ suæ. Legitur enim de B. Bonauertura, quod aliquando cum ipse auiditate multa desideraret Eucharistiā, & haberet hostiam diuisā in patena, anteq̃ manu ipse acciperet ad manducandum, pars hostiæ suæ spōte euolabat & introibat in os eius. Hoc item accidit aliq̃uādo B. Catharinæ Senesi dū seruētissimo desiderio cuperet communicare. Scribit & B. Dionysius de quodam Carpo, quem testificatur nunq̃ sacrificare solitum absq̃ euidēti aliquo signo ac miraculo. Quomodo ergo ex his externis signis, iuxta puritatem cōscientiæ ac feruorē cordis, non consequantur sancti viri pro aliquo saltem tempore certitudinem suæ gratiæ vnde ea nequeant dubitare? Sed hoc in loco nobis quidam sese oppo-

nunt aientes: Nōne Diabolus potest etiā Obiectio. immittere gustus suos? Certè non istos: At similes. Admittatur. Non igitur signum certum erit hoc quod in gustu inuenitur, sed fallax. Respondeo, vt suo capiantur laqueo: Nōne vos confitemini hominem posse scire suam gratiam per reuelationem? At in reuelationibus etiā potest inesse deceptio, sicuti frequenter inest: quia similes reuelationes facere potest Diabolus, qui transfiguratur se in angelum lucis. Quare si hoc argumento mouemur, non erit ulla miraculorū certitudo: quia similia veris potest facere Diabolus. Nā Saluator prædixit de pseudoprophētis venturis, qui facient signa & prodigia, ita vt in errorem inducantur, si fieri potest, etiā electi. Ecce ergo perit attestatio miraculorum, & fides reuelationum, si huiusmodi tam leuibus ac fallacibus moueamur exemplis. Et cōsequenter tollitur fidei veritas, cum a reuelationibus particularibus factis hominibus, & per miracula confirmatis fides exorta sit & confirmata. Vnde aiebat Dominus: *Si non uenissem & locutus eis non fuisset, peccatum non haberent.* Et iterum: *Si opera non fecissem in eis, quæ nemo alius fecit, peccatum non haberent.* Quare dicendum est, Sicut non negatur certitudo reuelationum & signorum cum vera sunt, propterea quod etiā Diabolus reuelat & signa facit: ita si quando per eiusmodi gustus possit homo decipi non debet negari gratiæ assistentis certitudo: per gustus illos qui veri sunt & à Deo. Et ratio est in promptu: quia Diabolus habet in huiusmodi terminos suos, vt nequeat vera signa & miracula edere, nec veram & perfectam consolationem internam dare: sed tantum secundum apparentiam, quam propriæ affectiones pariunt, & quam probè norunt viri spirituales. Et simili modo non potest vera reuelationes immittere, nec veros gustus. Neque enim desunt probationes veri spiritus, & discretionis signa certa, vt Spiritus veritatis à spiritu erroris & falsitatis secernatur. Hoc testabatur B. Antonius. D. Antonius. qui nec habebat pro re difficili adesse discretionem spiritu homini nolenti decipi, quemadmodū B. Athanasius scripsit in eius vita. Sicut enim facile probatur verum aurū & argentum ab iis qui sunt in eo artis genere periti: ita probantur spiritus à spiritualibus viris qui omnia diiudicant, nisi velimus frustra esse dictum: *Probate spiritus an ex Deo sint.* Et Apostolus: *Omnia probate, quod bonum est tenete.* Quod si probatio fiat legitime, manifestum redditur eos solos qui decipi velint, deceptū iri. Si autem nolimus decipi, non decipies

mur: sed agnosceamus veritatem. Humilitas certe & abiectio sui iudicii, & obedientia facili probat Spiritum verum à falso. Vnde & Dominus aiebat: *Qui voluerit facere voluntatem eius qui me misit, cognoscat de doctrina utrum ex Deo sit, an ego à meipso loquar.* Sic est in eo qui habet gustus internos. Si n. simplex fuerit anima eius, et voluerit facere voluntatem Patris, sicut Dominus dixit, & amauerit veritatem, non autem semetipsam, sed veritatem: ipsa veritas manifestabit proculdubio seipsam illi. Quare corrunt exempla à quibusdam allata de Monialibus & quibusdam mulieribus quæ deprehensæ sunt à Demonio ludificatæ. Nā cum res discutitur, etiā causæ deceptionis earum deprehenduntur: vt magis veris reuelationibus aspileantur, quæ cum habeant suas circumstantias, quas nouit homo verè spiritualis, nunq. fallunt. Meminimus scripturæ sacræ de illis Magis Pharaonis, qui p. suas incantationes fecerunt quædam signa sicut Moses & Aaron, ita vt etiā illorum virgēs viderentur in draconem conuerti: sed attendendum quod virga Moyses eorum virgas deuorabat. Verit. etiā aquam in fana guinem Moses: verterunt & malefici. Fecit ebullire ranas: fecerunt & illi similiter. Sed vbi viderunt cyniphe à terra p. Moysen educatas; tentarunt & illi similiter facere, sed non potuerunt. Vnde confessi sunt digitum Dei sibi esse, idest, Spiritus omnipotentiam. Ita in re proposita, dico esse quædam signa, ad quæ non potest se extendere diabolica potestas. Sunt & reuelationes similiter & gustus spirituales, quos Diabolus donare nō potest: quia per eos excitantur viri sancti ad exercitiū salutariū virtutum humilitatis, obedientiæ, charitatis, & patientiæ. Has virtutes odit Diabolus: quoniam hæc aperunt deuotæ animæ veram Dei ac sui notitiā, vt nec error esse possit nec formido, vt ait D. Bernardus.

Dicit iterum aliquis: Atqui nunc & in omni seculo apparet multos esse deceptos, qui tales gustus sibi videbantur habere: qui etiā testificabantur se probauisse, & certō deprehendisse tales spiritus fuisse à Deo. Et nos dicimus iterum atq. iterum, Spiritum verè humilem nō posse decipi: & qui se idonee probat atq. internè vt debet, & exuens proprios affectus scrutatur profunda cordis sui, & cōsultat spirituales viros, & credit senioribus & expertis, præsertim prælati suis: talis, inquam, non decipietur vnquam. Istud Ioānes Cassianus testatur, qui hæc esse omnium sanctorū Patrum sententiā asseuerat. Viri n. experti & quorū nō seipsos, sed veritatem aman-

tes, quos docet ipse spiritus humilitatis non fictus, benè probant quā verā sint etiā iuxta spiritū intellecta Verba illa CHRISTI dicentis: *Palpate & videte, quoniam spiritus carnis & ossa non habet, sicut me videtis habere.* Quid est non habere carnem & ossa, nisi non habere communicationem cum homine? Talis est Diabolus, quicum non conuenimus, & q. ipse non habet carnem sicut nos habemus, & propterea non suggerit homini vilia, & quæ sunt charitatis: quia non diligit carnem nostram, quā spreuit existens in cælo ab initio, & magno post odio semper est prosequutus. Nec habet ossa, idest, virtutes robustas sicut Christus, de cuius carne & ossibus cōspati sumus. Ossa enim nostra secundum spiritum sunt robur ac diuinæ virtutes, quæ tunc nobis verè adsunt, cum infirmitatem nostram consistemus, vt sic mereri valeamus virtutem Christi habitare in nobis. Quare pulchrè aiebat Apostolus: *Libenter gloriabor in infirmitatibus meis, ut inhabitet in me virtus Christi.* Cum enim infirmor, tunc potens sum. Qui ergo decipiuntur, hi sunt qui non palpant vt videant. Decipiuntur qui non infirmantur, idest, qui nō cognoscunt quod ex se caro sunt infirma & putrida & nihil valens. Qui igitur non humiliantur vsq. ad profundissimas abyssos, sed aliis se præferunt, & sua iudicia faciunt certa & stabilia cum sint in tenebris, ii sunt qui volunt omni modo superare & supergredi fratrem suū siue iure siue iniuria: quia non quærun nisi quæ sua sunt; & non quæ IESV Christi: imò quæ non sua sunt rapiunt, & sibi iniuria vendicant quæ IESV Christi sunt. Hi sunt, inquam, qui facile decipiuntur, & (quod peius est) qui nolūt scire se decipi, vt queant recepto meliori iudicio resipiscere. Qui verò visitantur à Deo atq. palpant Ossa Christi & carnem, dum agnoscunt dignationem eius & immensam humiliationem in susceptione carnis nostræ, & ipsi similiter humiliantur & afficiuntur amore erga sermonē eius, & ossa fortitudinis eius tangunt volentes in eo fortes esse, & in eo gloriarī, non in seipsis, vt gloria sit Dei, non eorum propria: hi sunt qui fructum diuinæ visitationis accipiant, humiliantes se tantō magis, tantōq. magis spernentes semetipsos, & gratias de muneribus diuinis incessanter agentes, & in operibus charitatis erga Deum & proximum se exercentes, magis in dies ac magis inflammati & incensi dilectione, hi sunt, inquam, qui certō palpant & vident & gustant.

Addo quod & verè admonet B. Bernardus, nō deesse quibusdam speciale quoddam

donum, quod discretionis spirituum vocat Apostolus, quo possint certo discernere id quod est à Diabolo, ab eo quod est à Deo absq; alia speciali reuelatione. Vnde Apostolus de seipso aiebat, quod nō ignorabat astutias Satanæ. Neque verò mirandum est si pleriq; hos gustus minimè sentiunt, aut leui indicio sentiant: quia non sunt omnium, sicut nec sincera fides est omnium. Et multo minus est omnium sollicitudo spirituali gratiarum. Vnde non omnes ad illud sanctissimum sacramentum ea puritate accedunt quā oportet & dignum esset. Quamobrem & B. Paulus hoc in Spiritu prauident aiebat: Idcirco inter uos multi infirmi & imbecilles & dormiunt multi. Quod si nosmetipsos diiudicemus, non utiq; iudicaremur. Vbi significare voluit, sicut omnes exponunt, quod homo si vult, habet facultatem explorandi & iudicandi conscientiam suā: non vt seipsum autoritatis iudicio iudicet, cū Apostolus de huiusmodi iudicio dicat: Sed

Iudicium autem neque meipsum iudico: Sed vt iudicio discussionis cognoscat, ac certo sciat de seipso ad utilitatem suam quid lateat in proprio corde, vt expurget fermentum malum si illud deprehenderit, ad euitandum iudicium Dei tremendū: quoniam si seipsum sic iudicaret homo, teste tanto Apostolo, nō à Deo iudicaretur. Quare autem non iudicaretur à Deo, nisi quia iudicium ipsius fuisse rectum? Quomodo autem potest esse rectum, nisi homo posset nosse se sufficienter peccata sua, ea saltem quæ separant à Deo? de quo etiam inferius disceremus. Nota acute lector argumentum, & proba, si sentis vigorem.

Notandum.

De penitentia

Venio nunc ad fructus sacramenti penitentiae quos Dominus Deus ab his exigit quibus peccata remittit. Vidimus enim ac bene nouimus nonnullos homines verè penitentes, qui statim expurgantes verus fermentum & facti noua conspersio, nouam subito vitam sunt aggressi, nouam conuersationem arripuerunt: quia nouum appetitum & gustum acceperunt à Deo per sacramentum. Qui n. prius erant nō dico incontinentes, sed intemperati effecti sunt. Et similiter qui prius iracundi, redditi sunt confestim mites & mansueti. Blasphemabant paulo ante Deum & B. Virginē & sanctos omnes: mox incipiunt derepente benedicere, prædicare, laudare cū dulci genitu, & venerari sanctorum cineres suppliciter. Prius erant amatores ludorum, spectaculorum, commensationum, ebrietatum: postmodum facti sunt ocores cunctarum carnalium rerum, & amatores & conuersi virtutis.

tum omnium. Hoc legimus de quibusdam sanctis, qui subito mutato tenore vitæ, in res penitinis probati sunt. Et possemus aliquos nostri seculi quos bene nouimus, inducere si res ipsa vrgentius ita exposlaret. Hæc igitur tanta tamq; subita mutatio, quam homo in seipso etiam dum est in ætate feruore experitur, nunquid venire potest ab ipso natura viribus? Quis illud ausit dicere, nisi forte aliquis Pelagianus? At homo verè & christianè philosophus hoc nunquam ex philosophia asseuerabit. Nunquid ergo hoc opus Diabolo cum blasphemia Spiritus sancti tribuimus? Absit. Illa ergo Beati Pauli conuersio, qui de lupo factus est ouis, de persecutore christiani nominis factus est prædicator & testis, qui cum prius blasphemus esset & plenus ininarum & cædis in discipulos Domini, derepente laudator & mitis effectus, tolerans tor passionum, persecutionum & tantorum exinorum quæ vel ipsemet numerat: illa, inquam, tanta conuersio poterit tribui Diabolo? Quis tantam non horreat vel cogitare blasphemiam? Igitur oportet velimus nolimus fateri, digitum Dei, & dexteræ Excelli esse hanc mutationem. Non ergo simus du riores corde quàm Magi Pharaonis, qui ingenuè veritatem confessi sunt dicentes: Digitus Dei est hic. Sic & nos toto corde fateamur hic esse Dei digitum, & mutationem dexteræ Excelli. Neque dicamus, hoc fuit opus Dei singulare in Paulo, qui singulariter vocatus est Vas electionis. Nam & aliorum multorum fuere conuersiones, est non tanti miraculi, reddentes tamen testimonium certum & minimè fallax adeptæ gratiæ. Illi enim publicani, illæ meretrices, & quotquot Christus ipse dignatus est de lege sua ore proprio erudire, credibile est quod sermē omnes insinuerit conuersi fuerint, & à conuersione sua certissimum acceperint suæ gratiæ argumentum. Viuis enim erat ille sermo & efficax, & penetrabilior omni gladio incipiti. Vnde quidam iam experti dicebant: Non iam propter uiam loquelam (ad Samaritanam loquentes) creauimus. Ipsi enim audiuiamus, & scimus quia hic est uerè Saluator mundi. Et illi duo: Nonne cor nostrum erat ardens in nobis dum loqueretur nobis in uia? Et verè in Ecclesia nunq; defuerūt egregiæ conuersiones, quas mundani homines est primum admirentur, parum tamen considerant, sed ferè vniuersis qualis accessit, talis reddit ad propria. Quidam verò suggerente Diabolo, dum huiusmodi conuersiones hominū insperatas vident, aut famulati tribuunt, aut atræ bili, seu (quod deterius est) etiam despo-

rationi. Quæ omnia facile credunt mundani, quia mundani sunt. Sic aliquando de me prædicabant quidam, cum consilium Domini voluntaria deliberatione sequutus, spreto omnibus quæ possidebam & quæcunque me possedurum in hoc mundo sperabam, dedi nomen & manus professus medicitatem sub Patriarcha nostro B. Dominico. Sed, ut ait Apostolus: *Animalis homo non percipit quæ Dei sunt*; Stultitia enim sunt illi. Porro ad quosdam qui erant conuersi aiebat: *Eratis aliquando tenebræ: nunc autem lux in Domino*. Sed quis est, obsecro, qui possit de tenebris lucem excutere, nisi solus ille qui impenituit tenebris, & dixit: *Fiat lux*? quo solo dicto facta est lux. Quod si qui verè conuertitur ad Deum fit lux de tenebris, qui fieri potest vt lux existens non sit sibi manifestus, dicente Apostolo: *Omne quod manifestatur, lux est*? Et vide, quæso, mutationem, quam idem Vas electionis explicat illis:

Ad Rom. Gratia autem Deo quod serui fuistis peccati: obedistis autem ex corde in eam formam doctrinæ in qua traditi estis. Quem ergo fructum habuistis in illis in quibus nunc erubescitis? Considera prudens lector, in illis mutatam vitam rationem. Anteq̃ conuerterentur ad Christum, insipientes & effrontes etiam cum volupate peccabāt probantes malum quasi bonum. Postmodò vero sola peccatorum recordatione exhorrētes erubescēbant: quod omnibus verè conuersis contingit.

D. Bernardus Vnde B. Bernardus profert illā sententiam sepe dictā: Sanè nouum superuenisse spiritū, cerissimè noua conuersatio contestatur. Quin idem B. Bernardus in serm. de quatuor modis orādi, loquens de verè penitente & conuerso, cui dicit Dominus: *Confide fili: remittuntur tibi peccata tua*: et spiritaliter tractans illud quod in scribas & phariseos murmuratores obiecit Dominus, in hunc modum exposuit: *Vi sciatis, inquit, quia potestatem habet filius hominis in terra dimittendi peccata: tunc ait paralytico: Surge, tolle lectum tuum, et ambula*. Et tu ergo si iam surgis desiderio supernorum, si grabbatum tollis, corpus scilicet à terrenis eleuans uoluptatibus, ut iam non feratur anima concupiscentiis eius, sed magis ipsa (ut dignum est) regat illud & ferat quod non uult: si demū ambulās, quæ retro sunt obliuiscens, & ad ea quæ ante sunt te extendens, desiderio & proposito perficiendi; curatum te esse NON DVBITES. Non enim surgere poterās, si non aliā quatenus onus esset alieniū, & nec grabbatum tollere, nisi exoneratus magis: quia nec ambulare seruire cōuersationis cum peccatorum graui mole possibile est. Propter quod fiducialiter iam postulare potest qui eiusmodi est. Hæc ille ibi: quæ quo pacto conuenire possint cum incerta & occulta remissione peccatorum quam isti prædicant, ipsi viderint.

Hic vir plenus Spiritu tantum abest vt incertū faciat & occultam, vt præcipiat non esse dubitandum homini tollenti grabbatum & ambulanti. Quod si hoc multi non experientur, id accidit quia nimis tepide & diffidenter vadunt, vel non surgūt, nec veraciter conuertuntur, nec super se grabbatum tollunt. Et qui audiunt eorum confessionem non instruant, neq̃ ostēdunt vitiorum turpitudinem, & virtutum pulchritudinem, nec docent eos virtutem Dei & benignitatem, sed nimia indulgentia nutriunt eorum diffidētiā & socordiam. Et hæc de sacramento penitentiae satis.

*De sacramentis
to ordinis.*

Non libet effectū sacramenti ordinis præterire, præsertim Episcopalis, ad mei saltem doctrinam & excitationem, in quo perfectū gratiæ munus etiam ad alios purgandos, illa minandos, ac perficiendos suscipitur. Deus enim cum aliquem ad aliquod munus vocat, ea proculdubio præstat quæ ad illud munus obeundum requiruntur. Ergo homo perfectus vt alios valeat perficere, hoc ipse in seipso non sentit, quo alios debeat impartiri? Et cum illa munera se videat implere quæ sunt veri pastoris propria, quæ ardua sunt & supra omnes facultates posita, adhuc suam in se diuinam gratiam ignorabit? Absit vt hoc fieri valeam.

Dicit quis, Quænam sunt hæc pastoris propria munera? Respondeo, quid possem propria dicere proprium esse veri pastoris, nisi quod quænam sint. est proprium charitatis, nō querere quæ sua sunt, sed quæ IESV Christi, non pascere seipsum, sed gregem? Pascit autem semetipsum homo quum de honore & gloria sui gradus & nominis gaudet atq̃ extollitur: quum delectatur potestate & imperio amans dominari in clero, salutari & honorificari hominibus, primas & honoriores & pinguiore ecclesias ambitione conquirere, prima subleua, primos accubitus in templis, in mensis, in compitis vitarum ambire. Pascit item semetipsum dum lana & corio & lacte suarū ouium molliter induitur, ac suauiter atq̃ opipare saginatur: dum epulatur quotidie splendide da pibus pretiosis & copiosis. Mitto ornatus lectorū, stragulas vestes, & byssina, & serica, & multiplicia mollicula corporis vestimenta. Mitto domos amplissimas, & earum suppellectilia ingentia, quæ in domibus Regum & secularium Principum iam vix inuenias. Mitto alias pompas & reliqua cōmoda quæ Principes Gentium, requirūt, ac mūdi huius homines magnificiunt. Hæc igitur impense procurare, omniq̃ studio iis intendere, & nullam aut certe vix vllam non dico sollicitudinem

NOTA

dinem, sed rationem aut etiam cogitationem habere de grege, quem plerique nunquam de facie nouerunt, nulla iusta de causa absentes, ita ut aduentanti atque irruenti lupo securè in prædam pateat mellissus grex: puto non esse aliud quam verè semetipsum pascere & nequaquam gregem. Qui autem huiusmodi sunt, quid mirum si in se agnoscere Dei gratiam non valent, cum sint in statu periculossimo, & (quod est omnium malorum pèsinum & infelicissimum) illud non sentiant nec pendunt?

At è conuerso, illi qui verè sunt pastores & pascunt non semetipsos, sed gregem sibi credunt, qui non ambientes, sed vocati tantquam Aaron, ipsum quidem honorem suum & glorià quæ est ab hominibus primum despicunt: opus autè ipsum humiliter aggrediuntur mente, & secundum sapientiam non munda huius, sed Christi, ministrare cupiunt potius quam ministrari: seruire potius quam do minari: vigilare assidue super gregem, & custodire vigilans noctis, instituendo doctrinam, nutriendo prædicatione, animando & promouendo exhortatione, continendo virga, si opus fuerit, in obediencia fidei & officiis charitatis, reuocando ad causas quod viderint deuium & aberrans, quod infirmum consolando, quod ægrotum sanando, quod contractum alligando, quod in faucibus lupi ac leonis penè deuoratum, inde fortiter quasi dauidica manu eripiendo, deprecando & intercedendo orationibus & suspiriis: denique sollicita cura modis omnibus intendendo ne quid commissi sibi gregis sua socordia aut negligentia & quouis incuria abducatur, & macetur & pereat. Hi tandem sunt veri pastores, non mercenarii, qui vita & exemplo conspiciunt nemini dant ullam offensionem, aut occasionem ad blasphemandum opus Dei: qui adeo de salute ouium sunt solliciti, adeo de earum periculo & interitu constanter, ut in eam quandoque charitatis ascendunt abundantiã, ut cum Apostolo cupiant anathema esse à Christo pro ouibus suis: et similiter cum Mose orent ex corde: Aut dimitte illis, aut dele me de libro uiuentium. Et qui possint cum eodem Apostolo dicere: Omnia sustinco propter electos, ut & ipsi salutem consequantur. Et: Laborem usque ad vincula. Iterum cum eodem in illum cordis venire affectum ut valeant exclamare: Filii mei quos iterum parturio, donec formetur Christus in uobis. Et verè dicere: Omnia omnibus factus sum, ut omnes lucrificam. Quis infirmatur & ego non infirmor? Quis scandalizatur & ego non uxor? Qui igitur hæc & facere, & quæ huiusmodi sunt cum veritate dicere poterunt, quomodo poterit

non certo scire atque agnoscere gratiam suam, & quidem ingentem gratiam? Est autem certum fuisse multos, qui & si non eorum abundanter ut B. Paulus & Moses, sufficienter tamen atque idoneè in eum charitatis gradum peruenerunt ut parati quoque fuerint animam suam ponere pro ouibus suis, quod & scriptis & factis tandem probarunt. Nota est historia de magno antistite B. Ambrosio, quanta fortitudine ac fiducia summorum Imperatorum indignationem atque impetum fregerit, suisque iussis subegerit: quanto zelo ac seruire spiritus pro ouium salute & ecclesie iustificatione accensus fuerit. Qui hæc ignorat, legat eis ad Theodosium & Valentinianum epistolas, & clarè agnoscat non iam hominem neque nescium sui status loquentem, sed in quo & per quem Deus spiritus loquebatur.

Scribit & de B. Basilio Nazianzenus in sua funebri. Coram Præsidente assistebat Basilius pro causa catholice fidei: iactabat ille quæ sue erant potestatis. Basilius quasi ignarus: Quenam (inquit) tuæ sunt potestatis? Et ille: Bonorum publicationes, exilia, tormenta, mors. Tum Basilius: Si non aliud horum, nihil ad nos attinet. Bona enim eius qui nihil possidet, publicari nequeunt. Exilium non ad illum spectat qui loco circumscriptus non est. Omnis ciuitas & domus in quâ incido, mea est, uel Dei potius, cuius ego hospes sum & incolat. Tormenta uero, quid à me auferre possunt, cum nullum mihi corpus residuum sit, cuius solummodo tu Dominus existis. Mors mihi benefactor erit: celeriter enim me ad Deum mittet, cui uiuo, & cuius negotia administratio, & cui iam pridem occubi, & ad quem à longe festino. Hæc Magnus ille Basilius. Nunquid hæc uerba sunt ignorantis gratiam suam, an potius sentientis omnem ipsius gratiæ vigorem, quo spernitur quicquid est charum humano cordi? Nunc audi quid Præfex è conuerso in illum. Nullus (inquit) mihi basilius tam audacter respondit. At Basilius: In nullum fortassis Episcopum incidisisti. Omnino pro talibus decernas, hoc egisse modo. In alijs præfex modesti sumus, & omnibus rebus quis humiliores: ita enim mandatum iubet: nec solum contra tantam potentiam, sed nec contra homines uiles suspericulum attolimus. Vbi uero Dei periclitatur negotium, cunctis alijs conuenit, ad illum solum respicimus. Gladij uero, bestie, & ungule carnes dissecantes, potius deliciae nobis sunt, quam tormenta: ac ideo iniuriæ offere, minare, & omnia quæ uolueris perage, ac potes sate frui. Sed & Rex hæc audiuit: nunquam nos adiges aut efficies ut astipulemur impietati, etiam si grauiora adhuc sacris minuitur. Posses uero Præfex ita eum loqui audiuit, ac uiri causam examinanti, illorum tam imperterritum & constantem deprehendit, à se dimisit, non iam minabundus, sed cum reuerentia quadam ac secessione. Ipse uero cito potuit ad Regem festinanti,

D. Basilius.

moda

inquirens: Visti finis Rex in ecclesie huius negotio. Vir enim ille minis est superior, verbis robustior, persuasior, fortior. Alium quandam ignobiliorum tentare oportet: hunc autem vel palam cogere, aut nequaquam peccare ut subigatur minis. Hæc de Basilio, ut nō sciat lector acutus q̄ sit necesse verum Episcopum perfectæ charitatis esse, quæ mundi timorem expellit, & hanc in semetipso sentire eum res ipsa postulat, & zelo gloriæ Dei peccatus vincti sacerdotis incenditur. Hanc formam deuotus Pater Bernardus videns (sicut iam superius diximus) in exemplo Principis Apostolorū, eleganter ac mirifice docuit q̄ homo ita demum hoc tantum onus sine periculo suscipere potest, si conscientia hoc illi clare dicante, senserit se amare Christum plusquam sua, quod habuit prima confessio: & plusq̄ suos, quod habuit secūda: et plusq̄ seipsum, quod habuit tertia quādo contristatus est: quia naturalis amor hoc facit. Sic tritis fuit anima Domini nostri vsq̄ ad mortē. Hæc ergo tunc fuit responsio & cogitatio illius mox futuri Principis Apostolorum iam verē conuersi ad Christum. Fleuerat. n. amari, & senserat manum & clementiam Dei videri, vt posset aliis compati, & alios confirmare: Confirmat enim quod dixerat se amare illum: imō fortius confirmat, aiens: Domine tu omnia scis. Ac si explicatius dicat: Quid a me petis qui nosti omnia? Ego verō, teipso teste; nunc assero quod te amo. Non. n. sum vltimus ille nunc qui eram paulo antea quando de prædicante nos omnes nocte illa scandalum de tua cruce passuros; ego præ ceteris nimium audax, aduersus testimonium tuū me extuli dicens nō in quietâ serutatione, sed in conturbatione mentis meæ: Et si omnes in te scandalizati fuerint, sed non ego: quod erat mentis malè compositæ certissimum signum. At nunc primò interrogatus Num te diligam plusquam ceteri, non hoc mihi arrogo vt me ceteris anteponam, sed simpliciter aio in conscientia pura: Ego amo te. Neq̄ contra tuam illam præfensionem aut protestationem pergit hæc mea confessio. Dico enim nunc & assero quod tu omnia scis: et hanc tuam scientiam modo contestor, contra quam alias peccauit: quoniam a lumine tuo nunc video lumen, & confirmo quod ego te amo, & hūc amorem quando dabimur, te adiuvante, te ipsa declarabo. Præfensit enim iam mihi video quid a me exigas. Tisor, sed non recuso: infirma est caro, sed spiritus te largiente reperitur promptus, & te sequar vsq̄ ad crucem. Hæc mente agitabat. B. Petrus exemplum pastorum omnium, cum esset illi committen-

da ouium cura. Hoc perspicies Dominus dignatus est illi curam committere, et suam illi crucem significare. Dixit enim: Pascere oues meas. Amen amen dico tibi, quoniam es inferior cingebas te, & ambulabas quod volebas: Quando autem senseris; extendes manus tuas, & alius cinget te, & ducet quod tu non vis. Hoc autem dixit significans quia morte esset clarificaturus Deum. Ecce quomodo hac trina confessione (vt dixere gloriosi doctores Ambrosius & Augustinus, & ante eos & post eos alii multi) magnus ille Apostolus trina suæ negationis culpam circumscripsit atq̄ deleuit. Ideo. n. antea negare permittus est, quia contra præscientiam & protestationem Christi de seipso præsumpsit, et quia etiam se aliis prætulit, vt sic meruerit etiam præ aliis negare. Nunc verò doctior redditus, nec se prima præfert, & Domini sententiæ suam de seipso postponit notitiam: imō dum illam in testimonium vocat, secundum illam temperat suā & confirmat. Itaq̄ vt prior ille falsus feruor in præsumptione meruit vt Christū negaret coram Iudæis, sic hæc sobria, quæta, & simul constans sui amoris confessio promeruit vt coram mundo, idest, in Vrbe mundi domina, illum confiteretur in cruce. Quare iam magna ratione persuasum esse bonis mentibus reor, vt huius status conditio, quæ perfectionem exigit charitatis, exigit item suæ charitatis notitiam, quæ est a Deo. Confiteretur obsecro quæ scribo a lectore animo sedato & pacifico, ne tenebræ cor offuscent. Scio verè dictum a B. Thoma valde difficile esse agnoscere se esse purgatum, atq̄ ideo tutius esse reculare curam episcopatus, quam acceptare. Attamen hoc quoque notet lector vigilans, non dixisse B. Thomam impossibile esse agnoscere, sed valde difficile. Nec dixit, Agnoscere se esse in gratia, sed agnoscere se esse purgatum, videlicet ad idoneitatem tanti officii, vt valeat purgare alios: quod est multo amplius quam nosse esse se in statu gratiæ. Illud. n. perfectionem significat: & tamen vbi difficultas asseritur, possibilitas nō negatur. Sed quoniam ita refriguit in multis charitas, huc tandem (O nos miseros) ventum est, vt dum plurimi hoc donum non in seipsis sentiunt, nec etiā id a quoquam sentiri posse arbitrentur. At hoc certe non est æquum iudicium. Credere siquidem debemus sanctis scripturis, & inde, non ex nobis ferre iudicium. Aut si ex nobis, non ab eo quod fortè mihi & tibi propter tepiditatem nostram accidit: sed ab eo quod ex consecratione & præstantia tanti munus est debemus, & ab eo quod de aliis longè feruentio-

B. Thomas in
quolib. 5. art.

22

Caetanum.

ribus decens est nos credere. Quamobrem Caetanum postq̃ manifestè dixit quòd bonus homo & pius, qui Dei prouidentiam experitur in semetipso, habet à Spiritu sancto sufficientissimum testimonium suae gratiae, videt multos posse pati scandalum, quia pauci hoc in seipsis deprehendunt, pulchre haec verba ad rem propositam pertinentia adiecit: At si non tantum proficimus ut testimonium hoc habeamus à Spiritu sancto & nostro: studemus ad efficiendum in nobis prout proutudinem exequendi ea quae Spiritus sunt, et mortificandi quae carnis & mundi sunt, ne defimus gratiae tanti testimonij. Haec ille, profecto quàm opportunè nissimè: sed multo ante illud ad rem propositam plenus his praeceptis ac doctrinis Beatus Bernardus dixerat: Tepe scimus in processu temporis à seruire conuersionis nostrae, paulatim refrigescit charitas, abundat iniquitas, ut consummemur carne, qui spiritu caperamus. Inde, n. est ut minus sciamus quae à Deo donata sunt nobis in deuoti pariter et ingrati. Haec ille, vt videas vnde accidat multis ignoratio donorum Dei in seipsis. Quae res si à viro sancto reprehenditur in quolibet, quanto magis in illis quos Spiritus sanctus posuit christiani gregis pastores! Itaq; non ab re, neq; citra huius mysterij insinuationem Pastores in nocte sancta Natalis Domini promeruerunt ipsi ante omnes angelicam audire vocem peculiariter illis dicentem: Annuncio vobis gaudium magnum, quia natus est vobis hodie Saluator. Et ipsi quidem audito nuncio gerentes typum spiritalium pastorum, memorantur transisse in Bethleem, & vidisse mysterium vt possent & ipsi alijs postea nunciare. In qua historia mystice significatur, quòd pastores ouium Christi vigilando super gregem suum angelicas visitationes recipiunt de Verbo, & certiores primi redduntur, quia datur eis transire in Bethleem, & in angustum stabulum Christi, vt videat ipsi suis oculis Saluatorem. Alioqui quia confidentia valebunt praedicare Verbum caro factum est, & gratiam Dei, quam prius ipsi nunq̃ propius perspexerint in semetipsis, nec certo experimento persenserint, imò nec nosse potuerint? Profecto nihil homini prudenter cogitanti, nihil inq̃ hoc potest videri absurdius. Qui vero rem tenet, discat quantum absit ab illo qui esse deberet, si charitatem in se ardentem non sentit. Hic certe ad pascendas Christi oues intrusus est, aut semetipsum ambiendo intrusit, nec ascendit per ostium, sed aliunde.

Quocirca non ab re increpauit Dominus phariseos, quòd Dei notitiam non haberent in semetipsis. Attende quæso pie lector ad verba, quae vnam hoc tempore ad multos

non pertinerent. Dixit. n. Qui misit me Pater ipse testimonium perhibet de me, neq; uocem eius unq̃ audistis, neq; eius speciem uidistis, & uerbum eius non habetis in uobis manens etc. ac si expressius dixisset. Haec est ratio cur uocem Patris non audistis internè spirantem, & sui speciem insinuantem in dono gratiae suae: quia recusatis uerbum eius, quod non uultis capere. Caueamus igitur ne accidat tanta dissidentia de notitia gratiae nostrae ob hoc ipsum qd non exerceamus eam, & non abundamus fructibus eius manentes in uerbo vitae. Quare uel non inest charitas, uel consopita multis curis non excietur in nobis. Quapropter non absq; causa Apostolus Timotheum in hunc modum hortabatur: Admoneo te ut resuscites gratiam Dei, quae est in te per impositionem manuum mearum. Resuscitatur autem gratia in exercitio bonorum operum, maxime erga proximum & fratrem: sicut econuerso torpet otio & languore. Non enim dedit nobis Deus Spiritum timiditatis, sed uirtutis & dilectionis & sobrietatis. Et quidem sic opus erat. Qui enim ad alios purgandos, illuminandos, ac perficiendos eligitur, nonne is perfectus esse debet? Sed audi acute lector optimam rationem, qua euincitur haec certitudo etiam necessaria aliquo tempore in pastoribus. Omnium theologorum sententia est, ministrantes sacramenta, quod maxime est opus Episcoporum, teneri absq; mortali peccato esse. Ergo cum ad hoc se accingunt Episcopi, tenentur scire se à peccato mortali immunes esse. Quòd si scire non possent, non citra scrupulum possent securè ministrare: quod non esset aliud nisi torquere conscientias. Si dicant: Satis est probabiliter hoc existimare. Verum si haec existimatio falsa fuerit, & ita cum peccato administrat, peccabit nihilominus Episcopus, quia cum peccato ministrat. Non enim dicit lex: Si probabiliter credas se esse absq; peccato, tunc potest ministrare. Sed, si peccatum mortale non habuerit. Si dicatur, eum qui ita se probat vt probabiliter credat se esse absq; peccato, verè immunem esse à peccato: tunc ergo ea probabilitas ad certitudinè adducet. At hoc ipsum est quod dicimus nos. Non hic multa dicam de efficacia extremae unctionis, per quam etià peccati reliquiae absorbentur. Est enim uidere in multis post hoc sacramentum susceptum nonnullam corporis allevationem atq; alacritatem, & beatae signa laetitiae, vt multis modis quàm ex hac uita recedunt, non tam gratia quam gloriae clarè ostendant certitudinem. Nonnulli, in psalmorum uerba erumpunt, modo unū

NOTA

De sacramentis
to extremae
ctionis.

modo alium versiculum recitantes, vultu: In manus tuas commendo spiritum meum: Aut illum: Latus fuit in his quæ dicta sunt nishi, in domum Domini ibimus: Aut illam: Quam dilecta tabernacula tua Domine virtutum: concupiscit & deficit anima mea in atriâ Domini &c. Hæc & alia cum fide certissima exprimentur a iustis qui cum gaudio nō quasi morientes, sed quasi de morte ad vitam egressi recedunt: quæ non ii soli norunt qui pie legunt sanctorum historias, sed etiam qui vere religiosi assidue morientibus, qui innoceñter vitæ cursum peregerunt, & Domino fideliter seruiert: Non enim solius Apostoli est illa vox: Bonum certamen certavi, cursum consummavi, fidem tenui: Quod reliquum est repositum est mihi: coronam iustitiæ, quam reddet mihi Dominus in illa die iustorum. Non solum autem mihi, sed & iis qui diligunt adveniant eius: Sicut enim habuit ille imitatores multos, sic & multi sunt in quos competunt illa verba, sed & iis qui diligunt adveniant eius: *non solum autem mihi, sed & iis qui diligunt adveniant eius*. Quam obrem manifestum est: mediocrum illius qui tam audacter contra nos, imò contra eundemissimam veritatem scripsit, scilicet quemlibet virum optimum experiri metum mortis & damnationis suæ cum in ultimo vite spiritui cogitat ante tribunal Dei sibi mox esse ascendendum. Etenim si istud admitteretur, ubi, quæso, verum esset B. Pauli dictum, quod Christus liberauit nos à timore mortis & itaq; si quis tunc in viros optimos inruit timor, carnis est timor, non spiritus: Nam malum præsens quod sentit caro, non potest ipsa ex se nō perhorrescere: sed mox à spiritu superatur qui clamat: Bonum est dissolui & esse cum Christo. Vnde deuotus ille Bernardus in sermone spiritus exclamabat: O uita secunda ubi absque formidine mori expectatur, imò exoptatur cum dulcedine, & excipitur cum deuotione. Et B. Gregorius lib. 3. Mor. cap. 2. sic ait: visionem districte iudicis iustis uidentibus expectat: iniustus uenire formidat. Iste namq; labores suos considerans, mercedem retributionis querit, et causæ suæ meritum sciens, præsentem iudicis expectat, cumq; ui ueniat in flammâ ignis dans iudicium impijs, & contemplationis suæ speciem in uisionem deserens, piffimo ardore concupiscit. Hæc B. Gregorius ibi. Et paulo post tractans illud Apostoli: Non solum mihi, sed & iis qui diligunt adueniant eius, his uerbis exponit & ac si dicat, sed & omnibus qui sibi de bona operatione sunt consci: Adueniant enim iudicis non diligunt nisi qui in causa sua se habere iustitiæ meritum sentiunt. Hæc ille, quibus profecto audax contradicens prolutum egregie refellitur.

NOTA

ASSERTIO VIII.

A uirtute synderesis & conscientie certis deprehendi possent certitudinem quem probamus.



NON EST DVBIUM naturaliter inesse nobis habitum, quem vocat Synderesim: a Deo nobis inditum, quo valeamus probare operationes nostras utrū rectæ sint an prauæ: villas facilius, & ab istis ablineamus. Non negamus tamen naturaliter hanc lucem propter peccati originis & uitæ consequentia magis quære in nobis esse obcuratam: Ad fidem adueniente, quæ corda purificauit, excitauit & roborauit hoc lumen, ut per illud certis valeat homo & nosse & diiudicare proprias operationes. Non enim est nobis absconditus hic magnus ac primus gratiæ effectus, qui est purificatio cordis per fidem. Nam cum fide iustificamur, per gratiæ infusionem purificantur corda nostra, sicut scriptum est: *fide purificauit corda*. Hoc autem non est aliud, quàm innouari uoluntatem, & ex mala effici bonam per inheretiam illi gratiæ seu charitati. Non namq; apud me differt charitas à gratiâ nec ad rem de qua nō agimus quicquid refert: *nonne idem*; an uero realiter inter se differant. Potest autem seipsum homo explorare atq; nosse hanc in se factam innouationem, & diuinitus esse factam agnoscere, dū certis uidet quæ illi prius placebant seclera atque facinorosa, iam ea nedum non placere, sed uehementer displicere. Et econuerso ea sunt gratissima quæ antea plurimum fastidiebant: ut obseruatio mandatorum Dei, honor eius & gloria. Hoc uero esse non posse nisi à Deo; qui solus potest de immundo facere mundum; certa coniectura deprehendit, quæ gignit non opinionem, sed certitudinem ex lumine fidei, cum huiusmodi repentinas mutationes nec Diabolus, nec liberi vis arbitrii possit efficere. Homo igitur sic mente purificatus per aduenientem gratiam, potest oculum mentis super uoluntatem suam reflectere, & aperte ex eius actibus uidere iam sibi licitum esse ut cum Propheta dicat: Defecit caro mea & cor meum: Deus cordis mei, & pars mea Deus in æternum. Quoniam ecce qui elogant se à te peribunt: per distili omnem fornicationem ab te. Mihi autem adhaere Deo bonum est, ponere in Domino Deo spem meam. Sed aiunt, Esti purificata sit anima, tamen

Astrum, i. s.

non potest certo in seipsa cognoscere puritatem suam. Vnde dictum est: *Prauum est cor hominis & intractabile, & quis cognoscat illud? Ego Dominus scrutans corda & renes.* Item B. Iohannes Evangelista de Domino asserit, quod non credebat semetipsum quibusdam, qui tamen credebant in nomine eius videntes signa quae faciebat. Adiecit enim rationem, dicens: *Ego quod ipse nosset omnes, & quia opus ei non erat ut quis testimonium perhiberet de homine: ipse enim sciebat quid esset in homine.* Ex his autem locis volunt isti probare, non posse hominem certo nosse quae sint intrinseca sui cordis; etiam si habuerit mundum cor. At hoc & falsum & periculosum se dicitur. Quis enim satis sanus dixerit mundum cor esse prauum, nisi hanc prauitatem non actualem ponat, sed habituales, non in mente qua seruitur legi Dei, sed in carne propter eius concupiscentiam? Nec habet scriptura illum sensum ut homo non possit scrutari cor suum, sed solum a nemine alio quam ab ipso Domino, posse cognosci. Nonne docet nos Apostolus posse spiritum hominis quae sunt hominis interiora cognoscere? Nemo, inquit, nouit quae sunt hominis nisi spiritus hominis qui in ipso est. Docet posse aliquem habere conscientiam bonam, postquam ad illam comparandam hortatur Timotheum, dicens: *Habens fidem & conscientiam bonam, quam quidam repellentes, circa fidem naufragauerunt.* Qui autem conscientiam bonam habet, quid obstat ne agnoscat se habere illam, quae non potest esse bona absque gratia Dei?

Obiiciunt: Nemo nosse potest se habere conscientiam bonam: quoniam multi putant se bonae conscientiae esse, qui tamen falluntur. Quodnam, obsecro, genus collectionis est istud? Quia nonnulli falluntur, ideo nullus scire potest? Quis haec vel tantillum peritus admiserit? Certè hi qui vetè falluntur non habent conscientiam bonam. Si enim haberent bonam, non fallerentur. Falluntur autem, quia sui cordis interiora non accurate explorant: imò nec volunt explorare, neque credere ipsi conscientiae, sed cogere eam ut sibi sit mendax. Quare & si vera dicere velint, & quietè agere, & veris sermonibus accipere, interrogati isti de certitudine nunquam dicent ex conscientia se esse certos synderesi prohibente: sed affectione decepti & obsecrati dicent se de conscientia dicere. Non dico hominem suae conscientiae exploratorem cogniturum cuncta secreta & interiora sui cordis, & quid possit, & quantum possit: sed dico saltem ab eo nosci posse se non habere malam voluntatem, nec esse criminis vilius

reum coram Domino; conscientia hoc illi certè dictante, cum manifesta sint, teste Apostolo, opera carnis: quae voce cuncta mortalia peccata comprehenduntur. Alioqui nimis misera esset humana conditio, & frustra dedisset nobis Deus Synderesim, cuius iudicium de operationibus nostris non esset certum, nec possemus cognoscere quum peccamus nos peccare & coram Domino reos esse, cum in hoc tamen peccatum consistat, dum cognoscimus malum, illud nihilo secius reluctantè per synderesim conscientiam eligimus. Ipsa namque synderesis (ut eleganter B. Thomas declarat) testis est factis, ut noscat verum animo & consensu factum sit aliquid, an non factum. Deinde iudex est factorum, hoc est, verum quae facta sunt, bene an male facta sint: & verum intentione mala an bona. Denique consultrix est & inuestigatrix eorum quae sint vel facienda vel cauenda. Huic igitur synderesi si lux fidei adiungitur & ardor charitatis quae sanctum Dei timorem secum habet, non potest esse dubitandum quin tantò minus poterit falli conscientia huiusmodi hominis ita formati (si tamen legitime exploret interna sui cordis coram Deo cum sancto veritatis amore, & odio vitiorum & suipsum) quanto esset maior & infallibilior lux quae desuper descendit de Caelo, quae cum homine simul agnoscitur. Si aliter statuimus, necesse est confiteri Deum in statu gratiae non satis homini prouidisse, qui tamen non desuit in statu naturae. Si enim dedisset homini Deus synderesim & lumen charitatis quae etiam bene vtens posset decipi, & non certo comprehendere aut obedientiam mandatorum aut prauaricationem, nonne Deus deceptor esset, aut saltem opertum suorum artifex imperfectus? Sed absit impia haec cogitatio de optimo & omnipotente Deo, cum Dei perfecta sint opera, & ipse longè absit ab omni confecto & deceptione. Vnde & scriptum est de Sapientia, quod inuestiganti se manifestabit seipsam. Et certè si non aliud, hoc ipsum nomen quod dicimus CONSCIENTIA, certitudinè importat. Quamobrem ipsi erudit qui hoc nomen declarant, ita aiunt: Conscientia est sui scientia aut certissima scientia, & veluti certitudo eius rei quae animo nostro inest, siue bona sit, siue mala. Haec ab eruditis.

Ad haec, quid nos docere voluit Apostolus ubi aiebat: Si nosmetipsos diiudicauerimus, non utique diiudicemur, nisi quod si iudicio discussionis explorauerimus interna nostra per conscientiam docente synderesi, ipsum Dei iudicium euitemus? Hoc autem cum veritate non potuisset.

Notandum

potuisset dicere Apostolus si per conscientie vires non possemus rectum & certum de peccato, saltem morali, profertur iudicium. Iudicium enim quod non posset esse certum, non satis esset ad evitandum iudicium Dei rectum & verum. Quamobrem B. Basilius in psal. 48. ait: Ignorant qui nullius rei quæ sit distantia rationi, sibi esse conscius, is conscienter loquitur: Cur timebo in die mala? Et B. Ambrosius in psal. 118. volens mundæ conscientie testimonium & eius potentiam declarare quàm sit certum, sic ait: Qui bene sibi conscius est, non turbatur, utique dicens: Heredes sumus Dei, coheredes autem Christi. Et Paulus post de viris qui ob innocentiam suam tranquillæ sunt conscientie, testatur eos amare adventum Domini, odisse moras, celeritatem affectare iudicii. Id autem quamobrem, nisi quia teste conscientia in Spiritu sancto, certo & absque ulla formidine norunt se esse innocentes? Ecce & B. Chrysostomus illa Apostoli verba: Gloria nostra hæc est, testimonium conscientie nostræ, in hunc modum exponit: Conscientia nostra quoniam non potest condemnare nos quasi factis improbis a recto discesserimus, etiam si innumera patimur acerba, etiam si undique feriamur ac periclitemur, sufficit nobis ad solatium, imò non tantum ad solatium sufficit nobis pura conscientia, verum etiam in hoc ut coronemur, dum præbet nobis testimonium quòd nihil commiserimus mali, sed iuxta Dei placitum hæc perpetuam ob virtutem, ob philosophiam, ob mulierum salutem. Itaque prima illa consolatio veniebat à Deo & hæc autem ab ipsis, & à uitæ rectitudine simul indulta est, eòque vocat illam gloriationem, quòd ipsorum propria virtute parta esset. Hæc ille. Et B. Ambrosius: Iccirco Paulus hominum spernebat iudicia, quia sibi nihil cõscijs erat. Unde & dixit: Gloria nostra hæc est, testimonium conscientie nostræ.

D. Chrysostomus.

B. Gregorius.

Et B. Gregorius in libro epistolarum nono ad Theonitum patriciæ de virtute conscientie sic ait: In omne quod agimus aut ex tra de nobis dicitur, recurrere ad arcana mentis debemus: & si omnes vituperent, liber est tamen quem conscientia non accusat: quia si omnes laudent, liber esse non potest quem accusat conscientia. Et lib. 12. Mor. cap. 28. prope finem, exponens illud Salomonis: Lucerna Domini spiraculum hominis, his verbis interpretatur: Lux gratiæ quæ desuper venit, spiraculum homini præstat ad uitam: Quæ videlicet lux omnia secreta ventris inuestigare dicitur: quia occultis mentis penetrat, ut ea quæ de seipsa latebant animam, ante oculos eius stenda reducat. Hæc ille. Quid apertius de vi conscientie, quæ omnia secreta ventris. i. mentis dicitur penetrare? Hæc ipsa conscientia tutus ad Secundum B. Augustinus scripsit: Senti de Augustino quicquid libet: sola me in oculis Dei conscientia non accusat. Et in prima B. Ioannis epistola Tractatu quinto ait: Nemo in

terroget hominem: Redeat unusquisque ad cor suum: si ibi inuenierit charitatem fraternam, securus sit: quia transit à morte ad uitam. Et sequenti tractatu inquit: Rememoratur ergo ad conscientiam, de qua dicit Apostolus: Nam gloria nostra hæc est, testimonium conscientie nostræ. Rememoratur ad conscientiam, de qua item dicit: Opus autem suum probet unusquisque, & tunc in semet ipso tantum gloriam habebit, & non in altero. Opus ergo suum probet unusquisque nostrum, utrum de uena charitatis emanet, utrum de radice dilectionis rami bonorum operum pullulent. Opus autem suum probet unusquisque, ait, & tunc in semet ipso gloriam habebit, & non in altero: non quando illi perhibet testimonium lingua aliena, sed quando perhibet conscientia propria. Hoc ergo hunc commendat. In hoc cognoscimus quia ex ueritate sumus, quòd opere & ueritate, non uerbis tantum et lingua diligimus. Et coram ipso persuademus cordi nostro. Quid est coram ipso? Vbi ipse uidet. Et post multa: Ergo si uis nosse quia accepisti Spiritum sanctum, interroga cor tuum, ne forte cum sacramentum habeam, uirtutem sacramenti non habeam. Interroga cor tuum: si est ibi dilectio fratris, securus esto. Non potest esse dilectio sine Spiritu Dei, quia Paulus clamat: Charitas Dei diffusa est in cordibus nostris per Spiritum sanctum qui datus est nobis. Hæc D. Augustinus: quibus verbis rectam conscientiam mirifice commendat, & tanquam minimè dubiam manifestè supponit posse hominem per sui cordis & conscientie interrogationem noscere habere Spiritum sanctum & charitatem, de cuius radice rami bonorum operum pullulant. Et ubi per conscientie testimonium fraternam dilectionem habere se inuenit, securum uult eum esse, idque sufficere coram Deo.

Non omitam pulchra & B. Bernardi sententia testimonio pro notitia conscientie & securitate quæ inde venit: Etenim in illo eleganti libro de interiore domo, cap. 2. in hunc modum effatur: Multi querunt scientiam, pauci uero conscientiam. Si uero tanto studio et sollicitudine quæreretur conscientia, quanto queritur secularis scientia, & citius apprehenderetur, & utilius retineretur. Cogitatio namque conscientie sensus est consummatus: et qui custodit illam, semper erit securus. Hæc ille ibi, & alia non minus clara de certo conscientie testimonio. Et capite sequenti ait: Conscientia bona titulus est religionis, templum Salomonis, ager benedictionis, hortus deliciarum, autem reclinatorium, gaudium Angelorum, arca fœderis, thesaurus regis, aula Dei, habitaculum Spiritus sancti, liber signatus & clausus, & in die iudicii aperendus. Nihil est iucundius, nihil tutius, nihil diutius bona conscientia. Premat corpus, trahat mandus, terreat Diabolus, & illa erit securus. Bona conscientia securus erit quoniam corpus morietur: securus quoniam anima cor am Deo præsentabitur: securus quoniam utrumque in die iudicii ante tribunal terrificum iusti iudic

D. Bernardus

B. Augustinus

eis statuetur. Futura beatitudinis non est utilius remedium, nec certius testimonium bona conscientia. cum mundus omni uolubilitate circumrotetur, ploret, rideat, pereat, transeat: nunquam marcescit bona conscientia. Subijciatur corpus in poena, in ieiunijs maceretur, uerbis lanietur, oculis disendatur, gladio trucidetur, crucis supplicio affligatur, et secunda erit conscientia. Et capite secuti ait: In speculo conscientie status exterioris et interioris hominis cognoscitur. Anima non nouit se, quae sine speculo est. Speculum mundum, clarum, et purum totius religionis bona conscientia. Sicut enim mulier quae uiro suo suae amico placere desiderat, in contuitu speculi imaginem oppositam redditentis, decorem et pulchritudinem faciei componit: sic anima in quibus ab imagine ueritatis discedit, uel in quibus uestigia creatricis imaginis recipiat, in conscientia religit et intelligit. Et in primo sermone ad Milites templi exclamatur: o uita secunda ubi pura conscientia. Quid his potentius? Et tamen in uniuerso illo libro nihil aliud agit. Beatus etiam Prosper quam pulchre ait: o quantum securitatis habent qui sibi ipsi bene de uirtute sunt conscij. Videat qui uult in libro de uita contemplatiua, & notet uerbum securitatis, utrum dubitationem aut formidinem admittat.

B. Prosper.

Huic autem validissimo conscientie testimonio non solum sacre literae & christiani Doctores, uerumetiam Paganorum sententia mirum in modum attestantur. Hinc enim tritum illud: conscientia mille testes. Et illud: hic murus athenus esto, nil confite sibi, nulla pallescere culpa. Quid uero est esse murum athenum, nisi ita fortem & constantem habere animum ut nihil metuatur? Alioqui homine conscientie praeus sibi conscio nihil est formidolosius. Interrogatus namque Bias unus de septem sapientibus Graeciae, quid esset optimum in hac uita, respondit: Mens sibiipsi conscia reuerentia. Vnde & Cicero dixit: Nulla re tam laetari soleo, quam officiorum meorum conscientia. Et alibi: Conscientia bene actae uita, multiorumque benefactorum recordatio iucundissima. Hoc autem non esset si certitudinem non asserret, & in ea bene ac legitime, id est, coram Deo explorata, posset esse deceptio.

Ad haec, argumentor in hunc modum. Iudicium quod in postrema dierum uel pro nobis uel contra nos erit, a conscientia nostra testimonio praecedet, ut docet Apostolus ad Romanos cap. 2. Illud autem iudicium oportet constituere uerum. Non ergo fallitur conscientia. Et ne quis dicat Apostolum loqui de iudicio conscientiae tunc futuro quando Dominus ipse arguet, occurrit Origenes & alii plerique, qui locum illum de iudicio conscientiae quod ipsa facit hoc tempore quando

hic sumus, intellexerunt, & recte. Vnde ait Origenes: Sciendum quod in illa die cogitationes accusabunt animas uel defendent: non utique cogitationes illae quae tunc erunt, sed illae quae nunc sunt in nobis, quarum notae quaedam & signacula relinguntur in corde nostro uelut in cera, quae in oculo pectoris nunc posita, reuelari in illa die dicuntur. Hae ille, quem & B. Thomas probat. Et certe non aliter sensum Apostoli locus ille exprimeret. Vnde & B. Bernardus in eodem libro, capite 28. sic ait: Vnicuique est liber sua conscientia, & ad hunc librum discutiendum & emendandum omnes alij inuenti sunt. Anima cum de corpore egreditur, nullum alium praeter conscientiae suae librum secum portare poterit, atque in illo cognoscat quod debeat ire, & quid debeat recipere. Et alibi sermone tertio in fine de aduentu Domini ait: Diligit Deus animam quae in conspectu eius & sine intermissione considerat, & sine dissimulatione diiudicat semetipsam, itaque iudicium non nisi propter nos a nobis exigit: quia si nosmetipsos iudicauerimus, non utique quae iudicabimur. Propterea Sapienter ueretur omnia opera sua, scrutatur, discentit & diiudicat uniuersa. Honorat quippe ueritatem quod & se & sua omnia in eo statu quo ueritas habet, & agnoscat ueraciter, & humiliter confiteatur. Audi denique manifestus a te iudicium exigi post iustitiam. Cum feceritis, inquit, omnia quae praecpta sunt uobis, dicite, Serui inuitiles sumus. Hae ille. Quibus quid, quaeso, addi potest ad id quod intendimus? Nec tamen dicimus, sicut B. ipse Bernardus admonet in serm. 2. in festo omnium sanctorum, hominem per conscientiam perfecte posse rimari & nosse seipsum: sed dicimus eum, an grauatur mortaliter, ex actu prauo nosse posse. Alioqui homo semper maneret anxius & perplexus, & uerus christianus inferior esset cunctis creaturis, qui postus sub precepto & sub poena mortis aeternae si prauaricaretur, nunquam tamen certus in hac uita reddetur se non esse reum ipsius mortis aeternae. Quid uero aliud praedicat ipse Lutheri impietas, eum dicat neminem scire se non assidue peccare propter occultissimum superbiae vitium? Et tamen ille huius incertitudinis malo aliqua saltem uia, licet fallaci, occurrere studuit, nempe per eam quam fingit salutis certitudinem a sola fide: quia non obstante reatu mortis aeternae, ait fide certo succurrere per imputatam Christi iustitiam. Nos autem non ex fide sola hanc gigni certitudinem defendimus, sed ex uera innocentia & charitatis operibus.

Non me lateo enim Apostoli locum: Gloria nostra haec est, testimonium conscientiae nostrae, & B. Bernardo exponi non de testimonio quod reddat ipsa conscientia sibiipsi, sed quod in ea sit illi redditum a Spiritu sancto, cum, ut

D. Bernardus

ait, non qui seipsum commendat ille probatus sit, sed quem Deus cōmendat. Est ergo testimonium conscientie nō perhibentis, sed percipientis. Cum enim veritas applaudit, cū iustitia attestatur, De sine dubio commendantis est vox & Spiritus sancti testimonium perhibentis, ac si decerati viriliter militi Rex pro cuius amore & honore decernat, propē assistens lætus applaudit, laudet fortia facta proximam clamās esse victoriam, parata iam præmia, & coronam polliceatur æternam. Quo testimonio etsi gloriatur quidem probatus & strenuus miles, minime tamen quiescit: quin potius tanto actius viriliusq; decernat quanto certius videt propinquum & felicē certaminis exitum, & certamini illustriorem coronam repositam. Itaq; dum adhuc militant, gaudent vtrq; electi Dei, sed tantum de primitiis Spiritus, qui & infirmitatem eorum adiuvat virtute sua, & pusillanimitatem suā cōsolatur attestatione. Hæc D. Bernardus. Et licet quantum ad modum intelligendi locum cum Apostoli illum: *Gloria nostra hæc est &c;* non videatur sequi communem aliorum interpretationem, tamen recipio ut vera quæcunq; dixit: & ex eis nostram conclusionem necessario consequi assevero. Nam si testimonii cōscientie christiani ad hoc ut agnoscat se esse filium Dei sic intelligitur quod ipsa conscientia hoc testimonium accipit à Spiritu sancto, sicut & verissimum est (nam aliter hoc non posset venire in conscientiam, cum hic effectus sit supra sensum) velim modo scire, vtrum ipsa conscientia quæ hoc testimonium accipit à Spiritu sancto, non queat etiam illud perhibere ipsi homini talem conscientia habet. Quis hoc neget? Hoc.n. est quod B. Paulus dicit, qd Spiritus phibet testimonii spiritui nostro. Græcè aut sic legitur *ἐν τῷ πνεύματι συμμαρτυρεῖ τῷ πνεύματι ἡμῶν*. i. Spiritus cōtestatur cū spiritu nostro: ut sit vtriusq; simul testimonium & Spiritus Dei informantis spiritum nostrum, & spiritus nostri etiam ab eo informati. Quamobrem tantum abest ut nobis obster Diui Bernardi sensus, ut etiam maxime faueat, & in idem tandem recidat.

Nec dicat mihi aliquis, eos qui hoc modo sciunt, habere reuelationem à Deo. Fateor id quidem: nec propterea sequitur eam esse reuelationem specialem quam isti volunt, cū possit ad omnes qui strenuè militauerint pertinere, ut declarat D. Bernardus. Neque.n. prohibetur cuiq; ne strenuè militet, imò omnibus dicitur: *Regnum celorum vim patitur, & uis lenti rapiunt illud*. Ex: Oportet per multas tribulatio-

nes introire in regnum Dei. In huiusmodi autem est certissima Dei consolatio ignota mundo & incredibilis, qui nec potest illa nosse, quia nō est illi cura de Deo, nec ipsi Deo de illo. Sancti autem in suis angustis ac pressuris illa valdè ac vehementer sentiunt, iuxta illud: *Secundum multitudinem dolorum meorum in corde meo consolationes tue lætificauerunt animam meam*. De qua & B. Paulus 2. ad cor. 1. *Sicut abundat passionibus Christi in nobis, ita & abundat per Christum cōsolatio nostra*. Et hoc est alioquin Dei, de quo B. Ambrosius multa egregie in psal. 118. quæ omnia cum lōgum esset hīc recitare, ad primarium locum remitto lectorem.

Redeo ad conscientia puritatem quam nobis intueri licet, & ex illa capere certissimā gratia inherens noticiam ipso Dei Spiritu cum nostro nobis interius contestificante. Addo enim ad hanc rem fortius corroboranda iam superius citatum testimonium Dilecti discipuli qui ait: *Filioli non diligamus uerbo neq; lingua, sed opere & ueritate*. In hoc cognoscimus quod ex ueritate sumus, & in conspectu eius suadebimus corda nostra: quia si non reprehenderit nos cor nostrum, fiduciam habemus ad Deum: & quicquid petierimus accipiemus ab eo: quia mandata eius custodimus, et ea quæ placita sunt coram eo facimus. Vim ipsam horum verborum, quæso, diligenter perpendamus. Docet ille Dilectissimus discipulus noticiam huiusce rei, uidelicet nos esse natos ex Deo qui est veritas, hinc venire si diligamus non lingua, sed opere & ueritate. Et hinc venit ut in cōspectu eius suadeamus corda nostra, sive cordibus nostris, vt exponit B. Augustinus. Et quid est quod suademus cordibus nostris, nisi quod ex ueritate sumus? Porro hæc suasio nunquid inanis est & fallax, aut puerilis? Audiamus Dilectum discipulū potius testificantem quod hæc suasio sit in cōspectu Dei, qui est summa lux, & odit omne fictum & fallax. Sed unde colligamus nos diligere opere & ueritate, audite: *Quia, inquit, si non reprehenderit nos cor nostrum, hoc est, si cōscientiam bonam habuerimus, fiduciam habemus ad Deum*. Quam autem fiduciam? An fallacem, & quæ possit esse inanis? Sic.n. isti docent, qui posse haberi fiduciam apud Deum concedunt, sed habere certitudinem negāt. Verum audiamus quid dicat Dilectus: *Fiduciam, inquit, habemus ad Deum: & quicquid petierimus accipiemus ab eo: quoniam mandata eius custodimus*. Ecce quomodo si non reprehendit nos cor nostrum inde habemus nos mandata Dei custodire. Si.n. non custodiremus mandata Dei, profecto reprehenderet nos nostrū cor. At dum non reprehendit, sequitur à

posteriori mandata Dei nos custodire: & p hoc puram habere conscientiam. Ex hac autē puritate conscientie venit fiducia, quæ habet secum certitudinem fidei. Certitudo namq; fiducia non est alia quàm certitudo fidei, ne quis se decipi patiatur. Nam ex fide surgit fiducia si sint cætera paria. Vnde B. Thomas fiduciam appellat fidei robur. Et licet fiducia ad futura bona se extendat, tamen præsentem gratiam præsupponit. Quomodo enim iure sperabit certo futura qui de præsentibus non est certus? Et vt hanc fiduciam talem esse possis agnoscere, attende quod scribitur: *Et quicquid petierimus accipiemus ab eo: quia mandata eius custodimus.* Ecce igitur quanta bona eueniunt à certa serenitate conscientie, si tamen illam, vt possumus, diligenter explorauerimus & probauerimus.

Potuissem si euoluere volumina sanctorum necessarium duxissem, tot sententias pro certitudine conscientie legitime exploratæ, & eius certo testimonio congerere, quantas vel immensum chartarū volumen vix potuisset capere. Aliquo magna esset Christiani hominis fluctuatio ac perplexitas. Certum est enim quoties presbyteri animarum curam habentes, in peccato mortali aliis sacramenta exhibent, toties illos mortaliter peccare. Quis igitur posset esse paratus, qui si nō confert peccat, cum teneatur propter curā conferre: si autem conferat, nunq̃ potest fieri certus, sed faciendo officium suū erit semper dubius ne peccet? Non me latet quomodo his in locis possint quidam suis cauillis occurrere per humanam illam suam certitudinem quā cum dubitatione sociant & formidine, & nihilominus pacare conscientias volunt: quo diffugio an lectori prudenti satisfaciant & gestem afferant, ipsi viderint. Ego postremo loco his tergiversationibus ibo obuiam, & quā non secum consistit, vt potē non sentientes veritatē, Deo largiente manifestabo.

ASSERTIO. X.

A natura et excellentia ipsius doni, quod est charitas, satis persuaderi eius quoq; doni certitudinem.



I de nobilissimis habitibus qui sunt in nobis siue naturaliter siue acquisiti, verum est illud quod docet Philosophus, Impossibile, siue absurdum esse eos latere nos: quanto hoc magis locum habere debet in supernatu

ralibus habitibus, qui naturalibus sunt longe digniores ac nobiliores, & præcipue fidei habitus & spei & charitatis? Nā hoc accepto, neminem scilicet nosse, imō nec cognoscere posse hos habitus in seipso, nonne mancam facimus magis gratiam, quā naturam? Nōne merito obicere possent qui fidem nostram derident, nos in incertum currere, & pugnando aerem verberare? Nā cum Dominus testet hanc nobis se dedisse dona quasi arrham, hoc est, initium & partem futurorū bonorum, quomodo sperare futura poterimus, quorum arrham nos tenere (& si iam teneamus) nec scimus nec scire possumus? Sunt fortē dicturi nos posse probabiliter cognoscere. Sed is respondetur: Pari ergo modo probabiliter noscemus nunc illam gloriam quam speramus. Nam qualis est arrhæ notitia, talem & totius pretii notitiam esse oportet dum sumus in via. Inconuenientissimum est enim & absurdissimum, ipsum totū præmium quod adhuc non tenemus, certitudine fidei nos cognoscere: arrham verō quam possidemus, aut à qua potius possidemus, solummodo probabiliter. Qua de causa dixit Dominus: *Si terrena dixi vobis & nō creditis: quomodo si dixerō vobis cælestia credetis?* Terrena sunt quæ aliqua secum testimonia ferunt in terris quæ sentiuntur, vnde & ad cælestia credenda excitamur. Mirabor equidē mirum in modum si istiusmodi rationes nō vehementer moueant hominem non proteruum.

Necq; valet si quis dixerit, apud vnūquēq; in genere esse fidem quōd ista gratia & arrha sit in Ecclesia, non autē habet fidem quōd sit in seipso, aut in hoc vel in illo. Non valet, inq̃, quoniam Spiritus qui datur vt arrha, nō Ecclesiæ in communi, sed particularibus hominibus datur: vt ideo Ecclesia ipsa habere dicatur, quia particulares homines id habēt, non autem econuerso. Homo enim dicitur verē currere, quia Meuius aut Sempronius currit: non econuerso sicut in generibus & speciebus dicimus quod iccirco Meuius est animal rationale, quia homo rationale est animal. Datur autem arrha illa particularibus hominibus, vt ipsi interim operentur in spe, & fidem æternorum teneant. Qui si illā in seipsis experimento non sentiant, quomodo inde possint spem veram concipere?

Præterea, Hæc certitudo in vniuersali, si in nullo particulari deprehendi potest, nōne merito redderetur suspecta fides nostra ne esset commentum aliquod confictum? Finis gamus enim esse hominem peregrinum qui

NOTA

diceret se esse regem, & habere nobilem ciuitatem, ad quam etiam multos euocaret: neminem tamen eorum quos euocaret posse suis oculis ciuitatem ipsam perspicere, etiam si fuerit in eam introductus, sed tantisper accipere signa quadam & argumeta sua receptio- nis & nouae ciuitatis: & polliceretur cunctis qui in hac ciuitate bene se gererent, quod ipse translaturus esset eos aliquando in aliam ciuitatem multo & incomparabiliter pulchriorem, in qua esset futura immortalitas ac immensa & sempiterna beatitudo, cuius futurae beatitudinis ipse interim vult arrham dare in hac prima ciuitate, simul autem vult omnes ciues certo credere quod multi iam arrham istam acceperint: nullus tamen eorum certo posset scire in seipso neque quod vere sit ciuis, neque quod arrham acceperit, nisi quadam co- iectura aut probabilitate non certificante.

Quis, obsecro, tales huius regis pollicitationes non haberet merito de veritate suspectas?

Ad hac, si potest homo nosse se habere fidem infusam, vt B. Thomas & ipsi Thomis- tae ex sententia D. Augustini fatentur, quid est causa cur non queat nosse etiam se habere charitatem? Si enim dignitas quaeritur (quod maxime & sapientissime ponderat Philosophus) profecto charitas maior est fide.

Præterea; cognoscens fidem, cur non etiam cognoscat qualem habeat fidem vtrum scilicet viuam an mortuam, ab effectibus ipsius fidei, quæ si viuæ est, per charitatem operatur? Nam B. Iacobus permittit posse ex operibus bonis ostendi alius fidem viuam, id est, formatam charitate. B. Petrus pariter hortatur vt ex bonis operibus obmutescere faciamus ora detrahentium, vt ex illis operibus nos co- siderantes, glorificemus Deum in die visitatio- nis.

Docet item certam fieri electionem & vocacionem nostram ex bonis operibus. Qui ergo fieri potest vt non agnoscamus eam, quæ ita certa fuerit vt etiam ab aliis possit in nobis considerari? Nam quod a quibusdam dicitur nos quidem intrinsece posse ex actibus propriis fidei fidem ipsam infusam, quia est in intellectu, non autem ex actibus ipsius charitatis charitatem, quæ est in voluntate: voluntarie dicitur. Si enim ex actibus fidei fidem possumus cognoscere informem ac mortuam,

cur non etiam illam viuam seu viuæ fidei actus sint longe nobiliores & efficaciores ad ostendendam fidei viuacitatem, quam actus fidei mortuæ, quæ est sine charitate, ad cognos- cendum quod sint actus fidei infusæ, & non pos- tuius fidei quam & Demones habent?

Ad hac; Si homo ex actibus intellectus

potest nosse quæ sunt in eo infusæ, nonne do- num Spiritus sancti, quod est sapientia, des- bet posse cognosci? Quod si ita est, cognos- citur ergo & charitas consequenter, cum hoc sapientia donum non sit absq; charitate, vt ipse B. Thomas docet.

Ad hac, cum alia diuina dona gratis da- ta, quæ per seipsa non faciunt hominem Deo gratum, Deus nihilominus nota faciat etiam inimicis suis, hanc enim vnam gratum facientem, quæ scire suis amicis multo magis præstaret, tenebit absconditam ne reuelet eam salte fidei lumine? Quis credat? Itaque ergo durior erit aut parior amicis quam inimicis? Ecce ait Apostolus: *Scientia inflat: charitas autem edifi- cat.* Si autem dum scientiam infundit certo noscimus eam (vt patet) de qua tamen pericu- lum est ne inflamur: quomodo igitur ferat ignorare nos charitatem qua non solum non inflamur, sed contra edificamus, & insuper ab eius noticia (quæ admodum superius abunde probatur) est vehementius ad redamandum inci- tamur? Nā scire Deum in nobis esse, ipsius do- num est. Quod si nouimus, nonne vt grati si- mus ab ea noticia longe efficacius promouemur?

Quis istud nisi infang mentis ausit negare? Præterea, ipse B. Thomas docet, Ad hoc vt homo iustificetur, quod fit per infu- sionem gratiæ, requiritur ab eo motum liberi arbitrii in ipso instanti infusionis gratiæ, quo motu ipsam gratiam liberè acceperit. Quo- sumpto, argumetur hoc pacto. Nullus pos- test acceptare gratiam, nisi sciat sibi donari gratiam. Et nullus potest in quouis instanti acceptare gratiam, nisi sciat in illo instanti ea sibi donari. Si ergo requiritur motus liberi arbitrii acceptantis gratiam in ipso instanti infu- sionis: planè sequitur, eam gratiæ infusio- nem infunditur sciri posse, ac per hoc scire potest homo se esse in gratia. Mouetur enim tunc liberum arbitrium a Deo vt acceperit.

Illud est pariter ex doctrina B. Thomæ, quod quando homo iustificatur, gratia pri- mum infunditur, & ex illa fluunt virtutes & dona, id est, fides, spes, & charitas. Cum vero iuxta eiusdem sancti doctoris doctrinam possit homo certitudine fidei nosse se habere fidem infusam statim vt est iustificatus; & fides infusa non est tunc absq; charitate: quia do- na hæc simul infunduntur cum gratia, ind- ex ipsa gratia fluunt: Ergo si est certus de fide infusa, certus erit consequenter etiam de gra- tia & charitate. Videat, obsecro, Thomista, quomodo B. Thomas expresse dicit, Ideo fide vocari gratiam præuenientem, quia primus motus in iustificatione, motus fidei inuenitur

& in illo primo gratia manifestatur. Si igitur per illum actum primum manifestatur gratia Dei, scitur ergo: alioqui frustra manifestaretur si nullo fieret manifestatio.

ASSERTIO XI.

Ex ipsa charitatis natura quam nos docent scripturae, posse hominem Dei sanctum facile & certo nosse se esse in charitate.



VM Charitas nihil aliud sit quam divinus amor, quaedam Spiritus sancti participatio, & amicitia inter nos & Deum Patrem & Dominum IESUM Christum, & quoddam vinculum quo colligamur cum illo, dicente Evangelista: Deus charitas est, & qui manet in charitate, in Deo manet & Deus in eo. Et alius: Qui adheret Deo, unus spiritus est. Cum inquam charitas amicitia sit, vt verè est: & amicitia coniunctio postulet, vt res ipsa docet etiam si pro hoc philosophorum & theologorum deesset autoritas, quæ non deest: hic ergo coniunctus & hæc familiaritas quomodo poterit continere secreta amoris, & certa, veræ mutæque benevolentiae signa? Nam, quid ardentius cupit amicus & amator quam amare, & ab eo quod ipse amat, vicissim etiam amari, & propterea suum inimicum explicare, atque ostendere amorem, cum nemo nesciat, ex hac amoris notitia & amore ipsum crescere, & amicitiam solidari: tenacius & confirmari? Hæc qui negat, mea certe sententia non amatur: & is qui nescit, expertus est verè amicitia.

Philosophus enim hanc notitiam, mutui amicorum amoris ponit in ratione amicitia ita expresse, vt doceat non esse amicitiam nisi de mutuo amici inuicem diligant non latentes, hoc est, sciant reciprocum suum amorem. Vade & B. Ambrosius de illa scribens amicitia quæ humana est, sic ait: Seruate, filij, inuicem fratribus amicitiam, qua nihil est in rebus humanis, pulchrius. Solatium quippe uitæ eius est, ut habeas cui pectus aperias tuum, cum quo arcana participes, cui committas secretum pectoris, ut colloces tibi fidem virum, qui in prosperis gratuletur, in tristibus compatitur, in persecutionibus adhortetur etc. Vide reliqua, ex quibus planè colligitur illud maxime proprium

esse amicitia, communicare secreta & arcana pectoris, & dolere simul & gaudere. Quod si hoc habet humana amicitia, non habebit etiam diuina? Eritne illa potior ista ac perfectior? Absit. Quid enim ait Dominus? Tam non dicam uos seruos, sed amicos. Seruus enim nescit quid faciat Dominus eius. Vos autem dixi amicos, quia omnia quaecumque audiui à Patre meo, nota feci vobis. Ecce quomodo vim amicitia Dominus nobis ostendit in communicandis arcanis mentis sitam esse. Quid autem charius esse potest amico quam communicari sibi amici amorem? Verum audiamus iterum D. Ambrosii alia Domini verba: Vos amici mei estis si feceritis quæ ego præcipio vobis, sic exponente: Dedit formam amicitia quam sequamur, ut faciamus amici voluntatem, ut aperiamus secreta nostra amico quaecumque in pectore habemus, & nos illius arcana non ignoremus: ostendamus nos illi pectus nostrum, & ille nobis aperiat suum. Ideo inquit, Vos dixi amicos, quia omnia quaecumque audiui à Patre, nota feci vobis. Nihil ergo occultat amicus si uerus est: sed effundit animam suam, sicut effundebat mysteria Patris Dominus IESVS. Ergo qui facit mandata tuum Dei, amicus eius est, & hoc honoratur nomine. Qui est unanimes, ipse amicus est, quod unitas animorum in amicis sit: neque quisque desertibilior quam qui amicitia leserit. Hæc ille. Vbi nota illud esse amici maxime proprium, omnia scilicet secreta cordis aperire amico. Si omnia, quoniam non etià hoc? Imò quoniam vel non hoc in primis manifestat, nimirum quod eum amat, cum istud primum debeat esse vt longè magis gratiosum, ita & magis charum & iucundum & gratum amanti? Absit ergo vt amicus noster Deus illud retineat, quod maxime expressum esse ipsa ratio & ius amicitia postulat. Alioqui audi quæso lector rem prorsus miseram, præposteram, penitusque peruersam. Homo fidelis, prauicator tamquam & flagitiosus, probe nescit ex fide odium Dei contra se, nec illum patitur Deus nescire. Hoc autem ad eum finem facit vt ille mereatur, vt peniteat, vt conuertatur & uiuat. Et fidelis homo obtemperans mandatis eius & ambulans spiritu cum illo, non cognosceret ex fide amorem? Deus ergo indicat certo odium suum inimicis vt conuertantur, & amicis non ostendit amorem suum vt consolationem accipiant, vt magis excitetur ad redamandum, & magis sollicitè in dies ambulandum cum Deo suo? Quis hoc sibi valeat persuadere? Cur, si sicut illi certo scilicet odium certitudine fidei, ita & isti eadem certitudine fidei non sciunt eius amorem? Imò tanto maiore certitudine, quanto mente offuscatorie sunt qui in tenebris peccatorum viuunt, quam qui in luce? Nam cur, quæso, qui bene ambulant

Aristoteles
8. eth.

B. Ambrosius
de officiis.

filii lucis dicuntur & ambulare in luce, nisi quia spirituales sunt, & lumen Dei vident, quod eius charitas secum portat?

Ad hæc, Nōne hoc datur amicitia, nobilitare amicum, cūque facere gloriosum in populo? Nunquid verò hoc non facit Dominus amicis suis saepe numero etiam in hac vita, cum per illos operatur virtutes & signa & prodigia, ut cognoscat mundus eos esse Dei amicos? Id certe nemo negare potest: quoniam multis talia donauit Deus per quæ probaret eos amicos suos: & homines hoc videntes & admirantes obseruaret eos, & glorificaret celestem Patrem. Vnde Dominus: *Qui credit in me, opera quæ ego facio & ipse faciet, & maiora horum faciet.* Sic glorificabat Dominus Petrum, cum ad eius umbram sanabat agrotos, & ad eius dictum mortuos suscitabat, & non qualibet virtutes per B. Paulum faciebat, cuius & sudariola & semicinctia sanabant infirmos. Neque hæc de Apostolis tantum creduntur, verum etiam de innumeris aliis qui talia facientes habebant manifestissima inhabitantis in seipsis gratiæ signa, cum videret Dominum Deum dignari testimonium redde ipsorum sanctitati. Vnde & in canonizatione Sanctorum quæritur miracula quæ sit testimonia virgientia comprobandæ sanctitatis. Deus enim non potest esse testis mendaciorum.

Ad hæc, Inter amicitia officia primum & maximum videtur esse colloquium & conuiuium inter amicos. Pari modo inter Deum & homines est colloquium per orationem nostram per quam ipsi Deo iungimur. Modo ut sit perfecta oratio plura requiruntur, ex quibus manifeste potest colligi cōuenientissimū esse orantē cōuenienter sicut postulat Deus & sancta scriptura docet, oportere scire se esse in gratia. Nam primum quidem quod requiritur est principium vnde oratio exprimitur, ut sit in spiritu & veritate, hoc est, à spiritu charitatis procedat, qui facit nos poscere, gemitibus inenarrabilibus: quia tales precatores & adoratores querit celestis Pater. Peccatores autem non possunt orare in spiritu, cum recesserit ab eis.

Dicit quis, Quid hoc ad notitiam gratiæ? Ex eo n. quod Dominus ait, oportere orare in spiritu & veritate, nō recte inferitur eum qui orat in spiritu & veritate, posse hoc ipsum scire, videlicet se adorare in spiritu & veritate. Imò ex hoc satis inferitur: quoniam si hoc à me postulat Deus ut adorem in spiritu, sciat ipsa Veritas docet, derisissimum est sanè nullum hominem posse experimento scire

& sentire quod sic adoret, & sic oret in spiritu quemadmodum Deus requirit ab eo, & sic etiam orando nutantem habere cogitare & scrupulosam conscientiam, quæ res redderet maxime frigentē orationē. Quod si quis dixerit: Potest homo id saltem probabiliter scire per signa & coniecturas, & hoc satis est: Certe non propterea tollit absurdū. Nam quod non facit certitudinem, sed dubitationem admittit aut formidinem, sollicitam & anxiam reddit animam, & illius in primis qui magis amet. At hoc præsertim in re tanta est incouenientissimum. Quid enim potest homo verè ac sincere amans magis cupere quam scire se amari? Quod si nesciat, & se scire nō posse existimet, nōne in immensum meritis contristabitur, & eo magis quod magis amabit?

Ad hæc, edocti sumus quid orando debemus asserere in spiritu. Et primum quidem, Deum esse patrem nostrum. Deus autem pater noster est specialiter propter spiritū adoptionis, quem non habet qui extra gratiam est. Nam propriè oratio hæc Dominica Christianorum est & in gratia existentium. Non.n. verè vocat patrem qui spiritum adoptionis quo quis filius est, amisit. Nunc verò mirabile est prorsus neminem hominum eorum qui orant, scire id quod asserit verum esse: ut cogamur dicere neminem orantem ad Deum esse perfectè veracem. Verax enim est ille non qui solummodo verum dicit, sed qui verum dicens scit etiam se verum dicere. Alioquin si quis verum dicens putat se falsum dicere, mendax est. Quod si trepidat ac formidet, non omnino verax est. Et similiter ille non verax est qui illud per verbū assertionis profert quod non pro certo constituit, sed dubitet aut opinetur.

Ad hæc, Oratio continet gratiarū actiones. Oportet enim orantem in primis gratias agere de acceptis beneficiis & donis, & de maioribus donis etiam ingentiores gratias. Nullum verò est maius donum quam charitas (teste B. Paulo) de quo dono accepto deberet homo maximè gratias agere. Quomodo autem id faciat, si nesciat unquē se hoc accepisse, nec scire possit ex fide? Quis sanæ mentis absurdum non sentiat? Dicent: Agat gratias sub conditione, si accepit. At hoc non est simpliciter agere gratias. Dicit alius paulo argutior: Agat gratias tanquā si verè accepit: quia certum est non stultus per Deum quo minus acceperit. Non infior etiam istud Deo deberi: sed nec sic erit unquē plena gratiarum actio. Et maximè indignum est ut pro minoribus donis liceat nobis plenè gratias

Vide B. Cyrilianū in sermone de oratione Dominica.

tas agere: pro eo autem solo quod multo maius erat, & dignum vt intensus gratiae de illo ageretur, non liceat. Quamobrem longe aliter Sancti se gerere consueverunt. Egerunt. n. simpliciter gratias Deo de accepta gratia & donis: & sic docet suos filios orare sancta mater Ecclesia in psalmis, & hymnis, & canticis spiritualibus: Vnde & B. Bernardus expressè nostrae sententiae attestans, in hunc modum scripsit: Porro ad quartum genus orationis,

D. Bernardus quod est gratiarum actio, per paucos attingere credo: & quò varius, eò pretiosus est. Multam enim prorsus gratiam inueniet apud Deum: quem iuxta promissionem suam exaudit anteq̃ inuocetur, & testimoniu reddet spiritui eius spiritus quem habet ex Deo, quoniam exauditum est desiderium eius: ita ut certus iam non orare, sed gratias agere possit. Sic enim habes in Lazari resurrectione, ubi Dominus, licet prius nihil orasset, Pater, inquit, gratias ago tibi, quia audisti me. Haec ille.

Ad haec, In oratione etiam id solè peti, quod certè petere ex corde non potest nisi ab eo qui sit in gratia: quale est illud: *Aduce- niat regnum tuum*. Homo enim peccator non potest diligere ac desiderare, & propterea nec petere hunc aduentum. Qui etiam am- bigit de gratia sua, qua fronte petet aduentu hunc: quo sibi plurimum meruit? Absurdu similiter videtur, neminem posse id intrepide petere vt oporteret. Dominus tamen esse pe- tendum docuit, & hoc certe sine trepidatione. Alioqui quae nam esset oratio illud pe- tens de quo trepidaret? Et similiter absur- dum est non posse nos illud toto corde dilige- re quod à nobis diligendum esse monemur: est enim contra verba scripturae. Nonne B. Paulus asserit manere eos tantam mercedem qui diligunt aduentu eius? Talis erat ipsemet qui desiderabat mori & esse cum Christo. Et verè Christus nō liberaisset nos in hac vi- ta à timore mortis si nunq̃ in hac vita posse- mus esse certi de gratia Dei: quod est contra verbum eiusdem Apostoli ad Hebraeos scri- bentis, & cōtra id quod certè apparuit in mul- tis & innumerabilibus Christianis qui absq̃ vilo timore excesserunt ex hac vita. Nec ob- stat si quando caro tremere & agonizare vi- deatur, ipsam mortem reformidans, quoniam modò & in Domino nostro apparuit. Hoc enim non secundum Spiritum erat, qui erat promptissimus. Nec me later esse quandoq̃ & bonorum virorum metum in excessu, qui siue pusillanimitate cordis, siue à tentatione daemōnis, siue à cogitatione stricti & rigoro- si iudicii Dei non queunt in illo articulo non aliquantulum trepidare: verum confestim

serenantur si sancti sunt. B. Martinus Dia- bolu astatem circūspiciens ausus est dicere: *B. Martinus, Quid hic aditas cruenta bestia? Nihil in me funestum reperies, sed sinus Abrahae me laevis suscipiet.* Qua verò confidentia hoc dixisset, nisi Dei gratiam in seipso certam sensisset?

Ad haec, In oratione iubemur petere cō- fidenter, nihil haesitantes quin simus impetrā- turi. At hanc confidentiam quis potest ha- bere nisi sciat se gratum Deo? Qui enim de eius odio dubitauerit, quomodo poterit non merito haesitare ne exaudiat? Bene enim dixit Cacus ille, imò ille iam videns: *Scimus quòd Deus peccatores non audit.* Licet quidam ex- positores non recipiant verbum Caci vt ver- rum, idq̃ sine causa.

Ad haec, Oratione vnitur homo cū Deo. Est. n. oratio, eleuatio mentis in Deum. Hu- iusmodi vnio sepe per charitatem & actualem quādam admirabilem dilectionem, quam be- ne & plenè norunt viri perfecti qui expe- riuntur. In ea ergo vnione vnde eccl̃as ple- rumq̃ oritur, quis neget aduenire notitiam certam gratiae Dei, praesertim in his qui dono Spiritu sancti habent spirituum discretionē, & nouerūt à fructu suae deuotionis & humi- litatis verae, non fictae, non esse deceptionē in oratione sua, sed veritatem? Quare & Dionysius Carthusianus non valuit in hoc casu negare certitudinem gratiae: nec hic ta- men est proprie illa reuelatio quam excipit.

Ad haec, multa petimus in oratione, & exaudimur, ex quibus certo argumēto pos- sumus colligere gratiam Dei existentē in no- bis: vt quando petimus hominu peccatorum conuersionem, & vitā illorum mutationem. Legimus enim de B. Dominico & aliis san- ctis, dum hic in terris agerent, suis orationi- bus conuertisse multos ad fidem, aut ad vitā religiosam & sanctam. Scimus autem: quòd Deus in huiusmodi non audit peccatores? Factae sunt & à sanctis viris orationes, quibus impetrant sanitatem agris, gressum claudis, auditum surdis, pacem visum, & alia huiusmo- di multa. Et dubitabunt adhuc isti de gratia sua? Certè non conueniunt ista cum lucē veritatis.

Nec obiciat mihi quisq̃ haec ipsa etiā à mul- tis operariis iniquitatis fieri, qui & pphetant & daemōnia eiciunt, & multas virtutes ope- rantur, sicut testis est Dominus. Nam, vt cri- ter interpretes recte aūt, sanctis viris ob illo- rum fidem vitam & operum merita ac suppli- cationes Dominus largitur haec dona opera- di signa & prodigia, vt & ipsi clarificentur, sicut Pater clarificauit Filium. Sic orauit Abrahā:

p Lot: & similiter Iob p amicis orauit & obtulit. Aliud est de operariis iniquitatis, quibus mira quædam aut miracula facere conceditur vel vt Christus clarificetur, nō illi: vel vt veritas quam illi prædicant, confirmetur.

Ad hæc, Oramur: *Dimitte nobis debita nostra, sicut & nos dimittimus debitoribus nostris.* Hoc si oramus ex corde, proculdubio exaudimur. Habet enim specialiter promissionē hæc oratio à verbo Christi dicentis: *Si dimiseritis hominibus peccata eorum, dimittet vobis Pater cælestis delicta vestra.* Si dimittit peccata Deus, cōferet ergo gratiam: quia non est mediū statum cum Deo. Vnde ipse: *Qui non est mecum, contra me est.* Quod si quis dixerit: Nemo potest certō scire an ipse ex animo dimiserit fratrem suo: videat qui hoc dixerit an ipse id credat. Quod etiam si fortē credit, non dicam videat num satis sanus sit: quia certō nec hoc poterit discernere. Inueniuntur enim homines qui propter Deum nō solum dimittunt atrocissimas sibi factas iniurias, vt cum vindicare possint non vindicent tamen, sed contrā etiā bene faciunt inimicis. Et isti nō sciūt se dimittere? Dauid ergo quoties Sauli persequenti & sitiēti sanguinē eius pepercit, & hoc propter Deum vt ipse testabatur, nō certō hoc sciuit? Cur igitur cū Deo loquens tam fiducialiter orat? Memento Domine Dauid & omnis mansuetudinis eius? Periculosa est certē hæc euasio.

ASSERTIO XII.

Ab egregijs atq; heroicis charitatis effectibus et operibus, ijs præsertim quæ habent promissionem, certō nosci posse inuentiam charitatis.



Vnde dixit B. Gregorius: Si amor Dei est, magna operatur. Et hoc de diuino amore. Nam si amor humanus & mundi hoc facit, quid faciet diuinus amor? Est autem magnus amor effectus patientiæ & longanimitatis in sustinendo. Caritas enim in primis patiens est seu longanimitas, benigna, nō æmulatur, nō agit perperam, non inflatur, non irritatur, non quærit quæ sua sunt, non gaudet super iniquitate, congaudet autem veritati: omnia suffert, omnia credit, omnia sperat, omnia sustinet. Hæc certē opera non sunt nature, nisi fortē velimus Pelagianorum dogma sus-

citare. Illud verō certissimū est, viā spem ab iis charitatis operibus oriri quā in patientiā & longanimitate completur. Viua autē spes certitudinē habet: quoniam spes iustorū certa est, non autem eorum qui sunt iniusti, sicut scriptum est: *Ingrati spes tanquā hybernalis glacies tabesceat, & disperiet tanquā aqua superflua.* Innititur enim spes & eius certitudo (vt ait D. Thomas, imō ipse Apostolus) in misericordiā & auxilio Dei & simul in meritis operum nostrorum. Vnde ad Hebræos: *Cupimus autē unumquemque vestrum eam rem ostendere sollicitudinem ad expletionem spei usque in finem.* Ecce quomodo per opera ipsa bona & merita expletur, id est, perficitur spes in finem. Quidam verō expōnunt, ad plenam spei certitudinem usque ad perfectionem. Itaq; merita sunt quæ spem certam faciunt, illam quæ incedit usque ad interiora velaminis, ingrediens sancta sanctorum in cælis. Spes enim viua à meritis gignitur, quæ si ignorantur, talem in nobis spem parere non possunt. Vnde hoc manifestē declarans Apostolus ait: *Iustificati igitur ex fide, pacem habemus ad Deum per Dominum nostrum Iesum Christum, per quem habemus accessum in gratiam istam, in qua stamus, & gloriamur in spe gloriæ filiorum Dei.* Non solum autem; sed & gloriamur in tribulationibus, scientes quod tribulatio patientiam operatur: patientia verō probationem: probatio autem spem: spes autem non confundit, quia charitas Dei diffusa est in cordibus nostris per Spiritum sanctum qui datus est nobis. Nota, quæso, verba diligenter bone lector. Primum ait *Scientes*, non ait opinantes, scientiam more scripture accipiens p notitia quæ est ex fide. Deinde ait spem quæ à patientia et probatione procedit, non confundere. Id verō quam obrem, nisi quia qui habet eam spem, certitudinem tenet in corde, vt à præsentī quod sentit, futurū sciāt quod sperat? Vnde sequitur: *Quia charitas Dei diffusa est in cordibus nostris.* Hinc enim venit certitudo, vt rectē dixerit B. Bernardus: *Idē spes nō confundit, quia charitas certitudinem infundit.* Sed cuius rei certitudinem? declarat ipse. *Per hanc enim (ait) ipse Spiritus testimonium perhibet spiritui nostro quod filij dei sumus: quod certē non est aliud quam esse in gratia. Quid hīc amplius desideramus?*

Quare miratus sum non parum quorundam sententiam dicentium se non negare certitudinem spei, sed certitudinem fidei. Quasi verō certitudo spei non veniat à fide, vt rectē declarat B. Thomas, cum fides sit substantia sperandarū rerum. Nec potest spes in futurā beatitudinem extendi nisi accipiat à fide, quā nōscit quā iam arthā tenet, quæ est gratia assensu, de qua sperari potest & gloria. Vnde

Sap. 16.

De Spe nuda

Apostolus dicebat: Nos *spiritu ex fide spem iustitiæ expectamus*, hoc est, ex fide infusa quæ spiritus infundit: vel ex fide quæ spiritum vitæ secum habet, & hoc est tandem ex fide viuâ. Vniuersa autē scriptura quum de spe loquitur, de illa loquitur quæ virtus theologica est & spes viuâ sociam habens charitatem: nō autem de illa quæ sit mortuâ & informis, in qua certitudo esse non potest: qualis est in ea spe quam tēatio & probatio fouit atq; erexit. Vnde homo per oculos fidei videt sui probationem à Deo, & audet cum humilitate incedere per illam spem vsq; ad interiora velaminis. Quare & in scripturis sanctis spes de qua loquitur, quæ bonis operibus iniūtur, his epithetis connotatur: Viua, bona, beata, firma, inconfutibilis, ex qua gaudium, pax, atq; solatium magnum in anima creatur, & illud quidem ineffabile. Quod sanē ab iis minime sentitur qui ad terrenas voluptates & vitæ fluxu commodi cogitationes suas omnes & studia postpositis saluiferis operibus trāsfertunt. Illi soli experiuntur & probant qui meditationibus dediti, cū Propheta possunt exultare & dicere: *In pace in idipsum dormiam & requiescam: quoniam tu Domine singulariter in spe cōstitisti me*. Et amplius: *Signum est super nos lumen vultus tui Domine: dedisti letitiam in corde meo*. Quo circa sapienter B. Ambrosius, & post illum Magister sententiarū docuerunt à charitate venire spem quæ certitudinem habet. Vnde & D. Thomas in q. de verit. spem illā demum habere certitudinē docet, quæ fundatur in conscientia recta. Quanquam hoc prius dixerat B. Augustinus. Ille enim sperat, inquit, qui bonā conscientiam gerit. Quem uerò punxit conscientia, retrahit se à spe, & non sibi sperat nisi damnationem. Vt ergo speret regnum, habeat bonam conscientiam: & ut habeat bonam conscientiam, credat & operetur: quia quod credit, fidei est: quod operatur charitatis est. Hæc ille. Et amplius de bona conscientia inquit: Per hanc appropinquamus Deo, & quanto magis opera virtutum crescunt: tanto ipsa spes magis crescit, & in illud desiderium mentem iustū impellit ut dicat: *Cupio dissolui, & esse cum Christo*. Hæc ille.

Ad hæc, pollicitus est Dominus: Qui reſoluerit patrem et matrem &c. centuplum accipiet, nimirum vt Marcus expreſſit, in hoc ſeculo, et vitā eternā poſſidebit. Hoc autem centuplū quod in hac vita accipitur etiam cum perſecutionibus, non eſt aliud quā abundantia gratiarum. Nam B. Bernardus & D. Thomas in ea ſunt ſententia vt exſiſtente eos qui hanc viam perfectionis ingrediuntur renunciantes omnibus bonis, continuo mereri perfectam

peccatorum omnium remiſſionem petinde ac ſi baptiſmo abluti renouarentur ad vitam. Horum ego ſententiā non ſecus credidi & credo ac ſi Angelus de cælo annunciaſſet: quia & benignitas Dei & factum ipſum grande, & adhuc poſt horū ſanctorum doctrinā ponderatum ipſius Chriſti teſtimonium, mihi illis ſatis perſuaſerunt. Quid enim aliud eſt illud centuplū quod iis promittitur in hoc mūdo? Hoc igitur verbo ſtante, ſi quis id quod diximus fide recipiat tanq; à Domino pronunciatum, nōne certus erit ſuæ innocentiae, præſertim ſi duo addantur ſacramenta, vt fieri cōſueuit, videlicet penitentia & Eucharistiæ?

Obiciet aliquis: Leuiſ eſt ad credendum, ſi quia duo doctores aut etiam plures hoc dixerint, eam illis fidem habueris quæ debetur ſcripturæ. Ego verò reſpondeo, me fidem hanc meam ſcripturæ exhibere, non hominibus: quia illi doctores in ſcripturis fundantur, & rationibus validiſſimis. Eſt autē optima ratio in promptu. Nam qui dimittit omnia, & ſemetipſum abnegat, quid in hac vita amplius poteſt dare Deo? Hoc B. Gregorius holocauſtū vocat per omnia placens & acceptabile Deo. Si enim eleemoſyna extinguit peccatum, etiam ſi non omnia bona erogentur amore Dei: quid faciet erogatio bonorum omniū, ac ſimul caſtratio propter regnum cælorum, & deniq; propriæ voluntatis ac libertatis abiectio? Quod ſi q; dicat nō poteſt homo ſcire an verè reliquerit omnia ex corde. Reſpondeo, cur ergo qui proſiſtēt, interrogati an ita faciāt & an hoc Deo promittant, reſpondent ita ſe facere, atq; id etiā promittere? B. Petrus in Euangelio hoc planè profeſſus eſt dicens: Ecce nos reliquimus omnia, et ſecuti ſumus te. Nec reprehendit eum Dominus dicens: Imo nescis an hoc feceris, aut vtrum pura mente feceris: ſed confirmās verè ac rectè factum reſpondit: Amen dico vobis uos qui ſecuti eſtis me &c. Et quia obiter hic meminimus hominem me interrogantem, an ego certō ſcirem me eſſe in gratia: nunc illi reſpōdeo, ea die qua emiſi vota mea coram Deo abrenunciāns omnibus bonis meis, poſt abſolutionem ſacramentalem & perceptionem Eucharistiæ, me tum firmiter credidiſſe nihil haſtando me obtinuiffe gratiā à clemētīſſimo Patre Deo, & fuiſſe mihi remiſſa, penitus omnia peccata: quo in loco non eſt cauſus vllus de intentione miniſtri. Atq; addo (poſtq; in hoc volunt vt ego deſipiā) ſi opus eſſet & expediret, cōſidens in Dei promiſſione & in conscientia ſimplicitatis mee, quam certō noui & noſco, ob illud factū fuiſſe me

B. Augustinus
in psal. 31.

gratiam affectum, propter Domini promissionem, etiam iureiurando assererem. Quid autem dicendum esset de multis qui postquam venerunt & reddiderunt assidue vota sua Domino, in multa patientia & perseverantia & obedientia, in persecutionibus, per uigilias, per ieiunia, per laudes & orationes die ac nocte in timore ac tremore operantes sibi salutem, & multos locupletantes predicando, monendo, hortando, & alia charitatis opera faciendo, & assidue sacramentis confessione & Eucharistia se purgando: quid, inquam, de huiusmodi dicemus? An quoddam nunquam habuerint spiritum certitudinis gratiae suae ad opera quae adiuti gratia Dei fecerunt, attendentes; & hoc ipsum cognoscentes, neque semetipsos extolles, sed Domino gratias agentes? Si hoc ita est, ut neque tot concurrentibus testimonibus homo certior fieri possit: certe infelix supra modum est conditio nostra.

Ad haec, Quid dicemus de multis qui à Spiritu sancto in horridas Eremos sunt impulsii, focii ferarum in cauernis & speluncis terrae habitantes, quorum pabulum herba cruda, aqua potus, vestis melota, quibus (ut ait Apostolus) dignus non erat mundus, qui conspexerunt se vicisse illum cum omnibus pompis eius, & carnem crucifixisse cum delictis & concupiscentiis suis, & frequentes retulisse de Satana tentatore victorias? Nonne ob haec facta certo ac merito non solum praesentis gratiae assistentiam, verumetiam penè dixerim futurae gloriae securitatem sentire poterant à testimonio Spiritus inhaerentis?

Ad haec, ut iam diximus, sunt praeter iam enarrata, quaedam opera huius virtutis, quae est charitas, verè heroica & manifestè excellentia non solum commune hominum facultatem, verumetiam omnino humanas vires, cuius generis est admirabile illud Abraham opus parati occidere filium supra modum dilectum: & illud Davidis parcere persecutori insensissimo, idque in eo ipso persecutionis furore. Et illud prothomartyris Stephani orare ex toto corde pro lapidantibus. Denique quales fuerunt innumerabiles gloriosorum Martyrum agones & horrenda supplicia in quavis aetate, sexu, & hominum conditione, pueri, puellae, adolescentes, iuvenes, senes, diuites, pauperes, sapientes, insipientes, qui tamen omnes loquebantur in conspectu Regum & non confundebantur, quibus saepe numero ipsi iniuriam cedebant feræ bestiae, ce debat ignis, cedebant tortores atque carnifices vel in hoc ipso, quoddam plus ipsi pati, quam illi inferre valuerunt. Haec autem eximia facta,

cum non nisi à diuina charitate queant procedere, nonne certissimum de ipsa inhaerente charitate reddunt testimonium, quam in suis cordibus certissimo experimento sentiebant qui illis tormentis cruciabantur, etiam pro illis qui cruciabant orantes? In quibus. n. tantus charitatis ignis fervebat ut & alios incenderet; qui fieri potuit ut ipsi illum non sentirent? Verè dixit B. Gregorius: ille securus amat, qui propter Deum illum amat à quo se intelligit non amari. Et B. Chrysostomus ad illa verba: Propter te mortificamur tota die, ait: Fieri minime poterat ut qui Euang. homines essent, in infinitas mortes tolerarent.

Sed surrexerunt qui dicerent etiam martyres quantumvis cruciatos non potuisse certo scire suam charitatem: quia illam quam asserimus pro certo signo martyrium tolerantiam, etiam haeretici aspernuntur sistant pari animi alacritate & gaudio. Sic scripsit ille qui primus edito libello contra certitudinem gratiae disseruit. Verum quoniam hoc est falsum & impossibile, & ab aliis magistris etiam iure reprehensum, & quia derogat multum fidei nostrae, cui martyrium attestatur (nam martyres testes sunt christianae veritatis. Propter quod B. Hieronymus verè dixit: Si fides Christi vera non esset, nunquam sanguine defenderetur) opus est paulo diligentius haec scrutari, & à principiis veritatem eruere, & doctrinam veram ac differentiam magnam inter verum martyrem & falsum ostendere, & hanc differentiam posse nosci ab ipsis causis & ab effectibus demonstrari.

Videndum ergo primum quid nam sit quod faciat verum martyrem. Est inconfessio cum esse verum martyrem, qui prudens & suae mentis compos eligit extrema pati, idque in testimonium diuinæ veritatis libenter & cum gaudio interno Spiritus sancti, pacatus animo, & amore Dei propter Christum. Si verum hominem deest, non est verus martyr. Videamus ergo nunc quid falsus martyr differat à vero, cum hoc sit utrique commune, videlicet extrema pati. Diferat autem falsus martyr à vero, eo quod suae mentis compos non est, & ideo non libere in hoc periculum incurrit. Qui enim huiusmodi sunt, iam suae potestatis non sunt, sed captiui tenentur ad ipsius Diaboli voluntatem, ut B. Paulus testatur. Quare illa electio non est libera & verè spontanea ac ratione probata, sed extorta est ac ferè coacta. Est enim impulsus contra rei naturam.

Nec dicat mihi aliquis, similiter esse in vero martyre, qui praeteritum in illo opere etiam magis agitur quam agat, sicut scriptum est:

Quid inter verum & falsum martyrem interfit.

Qui filij Dei sunt, Spiritu Dei aguntur. Et Dominus: Ego dabo vobis os & sapientiam &c. Et: Non estis vos qui loquimini, sed Spiritus Patris vestri qui loquitur in vobis. Respondetur enim quod hæc motio Spiritus Dei quo agimur, logē differt ab impulsu illo Diaboli quo filij eius aguntur. Nos non iccirco minus agimus nec minus libere quia a Spiritu Dei agamur: sed contra vt magis libere & vt magis etiam libenter agamus, ideo agimur. Nec enim propterea dicit Dominus: Non estis vos qui loquimini, vt existimaremus illud in nobis sine nobis agi, cum supponat nos loqui: sed vt credamus illud quod loquimur aut agimus non esse ex nobis quasi ex nobis, hoc est, ex viribus nostris naturalibus, sed a virtute quam accepimus ex alto. Vnde Apostolus vbi dixit quod spiritus filiorum clamat Abba Pater: ipse ibidem addidit quod nos clamamus Abba Pater. Mouemur ergo a Deo, vt ab ipso moti iuxta modum naturæ nostræ, scilicet non vt sine sensu & electione, sed vt libere moueamus nosmetipsos: quia ipse per Spiritum suum adiuvat suggerens nobis multo ampliores vires quam habeamus ex nobis ipsis ad mouendum nos. Ipse enim Spiritus est Spiritus veritatis, & est Spiritus charitatis, lucis & ardoris, quo simul & illuminamur & incendimur. Est enim fortis sicut mors dilectio. At Diabolus totus tenebrosus est, qui non potest illuminare, sed obtenebrare. Et dñs a Diabolo mens agitur, innaturali obedientia & minus libere agitur, vt sit potius impulsus violentus. Nec propterea sic ab illo acti non peccant, quoniam hæc in eos potestatem Diabolus habet & exercet a libera ipsorum voluntate atq; electione. Filij autem Dei sunt sicut celi, qui etsi mouentur a natura spirituali & superiori, non tamen innaturaliter, cum habeant naturalem obedientiam in illum motum. Itaq; magna est primum hac in parte differentia inter verum & falsum martyrem, id est, in consideratione principij vnde quisq; mouetur.

Differt etiam secundo loco in testimonio. Cum enim quisq; eorū testetur, vnus tamen attestatur vero, alius falso quasi vero existenti. Et cum nemo possit recte attestari vero, nisi cognoscat illud esse verum: verus Christi martyr non solum attestari vero, sed illi vero quod nouit esse verum, & perfecte nouit. Alioqui si quis forte non credens, aut in fide non firmus vellet attestari pro veritate fidei, puta (vt quorundam proferamus exemplum) quia in hac fide natus esset, aut vt ostentaret suam animi fortitudinem propter gloriam: non recte neq; secundum virtutem atq;

testaretur, sed vel leuiter ac temere, vel insipienter & vitiose. Erata nō esset verus Christi martyr: quia sibiipsum attestaretur, non Christo. Nec esset testimonium fide dignū: quia non ex scientia. Sicut si quis attestetur cuius veritati, si non verē illam nouerit & plenē sed audiuisset forsan, tamen magno spiritui videatur testari tanq̃ certo sciens, non tamen legitimus est testis, qui omnino credendū sit. Ita homo non habens plenitudinem lucis qua certius & plenius noscat ea quibus attestatur, non potest verus esse martyr, nisi superaddatur de luce. Quare non omnes qui fidem profitentur apti sunt ad martyrium, & si forte temeritate quadam agitati videantur sibiipsis prompti. Deus enim vult testes qui sciant, hoc est, qui sint certiores quam ferat communis imbecillium fides. Et ob eam causam dixit aliquando discipulis suis: Quō ego uado uos non potestis uenire modo. Et: Omnes uos scandalum patiemini hac nocte. Cur enim erant scandalum passuri, nisi quia adhuc erant in fide infirmi? Et quare non poterant tūc sequi illū, hoc est, ad crucem ire & mortem, nisi quia etsi absq; fide non essent, tamen nec perfecte credebant, nec perfecte amabant, quod tamen ipsi tunc non cognoscebāt, nec Petrus quidem, cui specialiter dictum est: Quō ego uado non potes me sequi modo: sequeris autē postea. Ipse enim ceteris audacior dixit: Quare non possum te sequi modo? Animam meam pro te ponam. Et similiter dixerunt omnes. Verū melius norat Christus quid esset in corde eorum, q̃ illi: Placuit Domino, adesse illis in animi preparatione votum martyrii, sed non placuit q̃ seipsos iudicauerint de facto potentes ad illud sustinendum. Considera ergo lector, vt non est omnium fides, ita non omnium q̃ sunt fideles est martyrium verum: quia perfectē hoc genere testimonij testari non possunt, quod est pati extrema dum variis & inmanibus cruciatibus & tormentis examinantur. Elegit ergo Dominus Apostolos suos qui testificarentur eius veritati, quos ipse impleuit Spiritu lucis & ardoris, & voluit vt plenissime scirent ea de quibus testimonium erat reddituri. Et ideo ipse dixit: Sed accipietis uirtutem superuenientis Spiritus sancti in uos, & eritis mihi testes in Ierusalem & in omni Iudæa & Samaria, & usq; ad ultimum terræ. Primo dixit: Accipietis uirtutem &c. Deinde dixit: Et eritis mihi testes; factis declarans quomodo ab illa uirtute Spiritus accepta idonei testes efficiebantur. Et adeo hoc obseruauit, vt de his quæ erant sensu perceptibilia uoluerit habere illos testes quod oculis propriis uiderat, & manu (quod dicitur)

contractauerant, ut sic de iis legitime testificarentur. Ideo apertius aliis dixit: *Quem uenerit Paracletus quem ego mittam uobis, Spiritus ueritatis, ille testimonium perhibebit de me, & uos testimonium perhibebitis, quia ab initio mecum estis.* Vide ut duo complectitur de quibus futuri erant testes, ut conuenienter testificarentur. Alterum spectabat ad ea quae erant diuinitatis & sola mente percipiebantur: & haec desiderabant plenitudinem notitiae reuelatae a Spiritu. Et ideo promittit mittere Spiritum testificantem. Alterum uero pertinebat ad ea quae sensibus percipiuntur, ut fuerunt gesta Christi, & propterea haec dixit: *Quia ab initio mecum estis.* Qua de causa cum uellent in locum Iudae unum subrogare ex multis discipulis, dixit B. Petrus: *Oporet ergo ex his uiris qui nobiscum sunt congregati in omni tempore quo intrauit & exiit inter nos Dominus IESVS incipiens a baptismo Ioannis usque in diem qua assumptus est a nobis, testem resurrectionis eius nobiscum fieri unum ex istis.* Sic ergo fecit eos testes Christi suis omni exceptione maiores, ut de visu testari possent. Dico de visu tam corporaliter quam spiritualiter. Unde Dilectus in persona omnium eorum dixit: *Quod erat ab initio, quod audimus, quod uidimus oculis nostris, quod perspeximus, & manus nostrae contraxerunt de Verbo uiae &c.*

Vide igitur nunc quid intersit inter martyrem uerum & falsum. Verus. n. martyr attestatur ueritati quam certo percipit, & ita certo ut nec dubitet nec in ea luce valeat dubitare, tametsi mille tormentis exagitetur: quia uidet fidem suam quam credit, esse a Deo, & Deum ostendere certa luce testimonio sua esse credibilia nimis, sicut scriptum est. Et ideo Apostolus aiebat: *ideo nos tantam habentes impositam nubem testium etc.* Et alibi: *Fidelis sermo & omni acceptione dignus.* Fidelem sermonem uocat qui ex Spiritu Dei ueniens meretur fidem, & dignus est cui omnino habeatur fides. Talis est ergo uerus martyr quantum ad certitudinem testimonii. Falsus autem martyr cum non attestetur ueritati, quo modo nolle potest se attestari ueritati? Quod si quis dixerit: Videtur sibi quod attestetur ueritati: non abnuimus. Verum nunquid satis est ad testem legitimum uideri sibi se attestari ueritati? Minime, sed oportet insuper eum hoc certo scire. Cum uero nesciat, non potest tanto animo reddere testimonium, quantum ille qui hoc certo nouit. Multum. n. interest inter uideri sibi scire, & uere scire, non philosophice. Ille cui sic uidetur, si sapit & cogitet, non coquiescit in illo uideri. Hic autem non sicut quiescit, cum sciat, nec potest non quiescere: & ideo erectiore ac maiore animo testimonium profert pro cognita & perspecta ueritate.

Verum nec adhuc contentus disputator silebit, sed dicit: Illa apparentia ueri in haeretico eundem effectum facit ut se ingerat morti, quem facit ipsa Christi ueritas cognita catholico. Sic accidere solet in homine avaro & fure quod certo existimet aliquod monile quod uidit, esse monile aureum, cum tamen non sit. Hic profecto tam auide curret ad suffragandum, etiam cum periculo mortis, ac si uere esset aureum. Nam illi in sua existimatione qua mouetur, aureum est. Respondeo, palam claudicare istiusmodi exemplum. Homo. n. haereticus ex aduerso contra persuasiones nem suam habet sibi propositam Ecclesiae sanctae in primis & multorum ac sapientum sententiam: quae si perinde appareret apud eum qui monile aureum esse putet, ut multi qui probabiliter haberentur periti dicerent illud non esse aureum: impossibile esset (ni penitus insaniret) ut posset quasi certus in ea persuasione persistere. Peristeret autem imperio uoluntatis quasi pertinax, non quasi certus.

Præterea, cum a Deo lux & fortitudo uero martyri praestetur ad sufferendum, non autem martyri falso, impossibile est ut pari animo & aequali constantia falsus martyr subsistat. Furor. n. illum, non fortitudo impellit: temeritas, non prudentia. Non placet autem Deo sacrificium sine fide, nec testimonium sine notitia: alioqui excusarentur haeretici martyres, qui dicere possent: Ita nobis apparet: sed egregie a B. Paulo confutatur, qui uult omnes captiuum reddere intellectum in obsequium fidei: quod non rationabiliter exposceret, si uere ullus posset ita esse certus suae falsitatis, sicut est suae ueritatis Christianus. Confutatur & a ratione manifesta, quae non probat ut homo testificetur quasi plene sciens, qui tamen nesciat. Plena. n. notitia potissimum ab eo exigitur qui cum dispendio uita perhibet testimonium. Nam sic sibi uideri & sic sibi apparere, non potest ex rei natura ita facere intellectum quiescere ut concludat se posse ualide testificari. Nec est. n. ullus uere haereticus, qui non sit (ut ait Apostolus) etiam subuersus & proprio iudicio condemnatus: quoniam in te illi non clara (cum non possit falsitas esse clara) innuitur prudentiae suae contra sententiam sapientium. Hoc uero recte iudicare potest idem homo qui ab errore conuertitur. Ecce B. Paulus qui antea tam acris erat Christiani nominis persecutor propter ignorantiam ueritatis, cum postmodo ab eo errore liberatus cepit nosse ueritatem, nonne multo stabilior factus est in ueritate de facie agnita, quam esset prius in sua illa ignorantia.

tia, tamen sibi videretur olim veritatem tenere? Hoc si non fuisset, quomodo potuisset certo statuere se prius aberrasse? Multum ergo interest inter christianum martyrem & hæreticum hac parte: tantum certe quantum inter illum qui mouetur à re non vera sed a parente sibi vera, & illum qui à re vera mouetur & cognita etiam vera, ac certo perspecta: quod profecto adhibita diligentia & exploratione legitima internosci potest.

Differt autem tertio loco & quammaxime; falsus martyr à vero. Nō. n. libens hic, nō paucus, neq. cū interno spiritus gaudio sese immolandum tradit sicut verus martyr, tum quia à Damone illulus agitur potius quam agat: tum verò quoniam nō est conscius nec esse potest se pati pro veritate, vt sic animum suum in opere virtutis heroicæ solari possit. Addo deniq. q. non habet spem viam aduenientis salutis, sed arthram inferni. Quare miratus sum valde illum Magistrum qui contra certitudinem gratiæ scripsit, in hunc modum ausum esse scribere: Experimenta cōperimus nonnullos hæreticos ob suam leuitatem & ignorantiam & quam offendant sanctimoniam, tanta esse animi serenitate & certitudine ex parte subiecti, quanta sunt multis Catholicis. Ita ut apud illū leuitas & ignorantia & ostentata sanctimonia tantam animi serenitatem ac certitudinem faciant in subiecto, hoc est, in mente hominis, quantam faciunt solida grauitas & prudentia & scientia ac vera sanctitas. Nam idem Magister alibi ait: Vidimus plurimos multo maiore alacritate festinare ad rogum, quam aliquis forte Christianus iret damnatus à Turcis. An negare poteris quin ille tam certus apud se sit, tamq. securus, licet non tutus, quam est quispiam forte ex Christianis existens in charitate? Alias quomodo exuri se uiuentem, & bullienti oleo submergi tam exultabundus gauderet? Et alio opere suo De natura & gratia sic ait: Hæreticus tam firmo tamq. excelsio animo dabit uitam in obsequium, ut putat, Christi, quam legitimus Christianus. Hæc ille: quæ certè & falsa esse & irrationabilia, & cum iniuria nostræ fidei & uetorum martyrum affirmari, ne quid grauius dixerim, non dubito. Non. n. est pax impijs, dicit Dominus: & scia ac perturbata conscientia, qualis est impiorum, nō potest eam animi serenitatem & alacritatem parere quam iste prædicat. Nec uerè is dicitur firmus & excelsus animus q. furore agitur, ac tenebris inuoluitur. Quicunq. autem negat hæretici animum densis obuolui tenebris, ipse uerè tenebris oppletus est. At Christianus qui patitur plenus est luce fidei, plenus spei, plenus seruire charitatis, quibus uirtutibus qui perfectus est, uerè fortis est. At huius rei iudicium

non est omnium, sed spiritualium uiuorum qui iudicant omnia, ut ait D. Paulus. Audi ergo pie lector B. Bernardum huic nostræ ueritati mirum in modum adimplantem. Is enim loquens de supplicio quorundā sui temporis hæreticorum, sic ait: Mirabantur aliqui q. non modo patienter, sed & læti (ut uidebatur) ducerentur ad mortem, sed qui minus aduertunt quanta sit potestas in ser. 66. f. 66. Diaboli non modo in corpora hominum, sed etiam in corda q. semel permissus possederit. Nonne plus est sibi met hominem iniicere manus, quam id libet ab alio substinere? Hoc autem in multis potuisse Diabolum frequenter experti sumus, qui seipsos aut submerserunt, aut sese spenderunt. Et post pauca: Nihil ergo simile habet constantia martyrum & pertinacia horum: quia mortis contemptum in illis pietas, in istis cordis duritia operatur. Hæc D. Bernardus. O si daretur utriusq. cor spectare cōminis & christiani & hæretici, quantum in corde christiani conspiceremus beatæ lucis, quantum uerè excelsi animi, quantum tranquillæ serenitatis & suauissimæ dulcedinis iucundissimæq. lætitiæ, cum & palmā & præmia claro & certo fidei oculo iam spe consummata ipse conspiceret? At econuerso, quantum tenebrarum, quantum turbinis & procelle, quantum fellis & amaritudinis exhalare cor hæretici cerneremus, tamen non nunq. sp. c. vultu fortè valeat simulare: quod quoniam simulatum est, uixq. v. confictum, facile internosci pot. Neq. n. fieri posse arbitror quin ex aliquibus simulis erupāt signa animi purbati & conscientie coincuntatæ & cauteriatæ: quod (vt aliquo exēplo rem illustremus) satis intelligi potest à martyrio Hieronymi Pragensis hæretici, etiam iuxta testimonium Pogii Florentini, qui infelicem eius excessum quadam epistola descripsit, ubi & omnes suæ eloquentiæ nervos intendit, ut quæ erant indignatio ac furor, quasi uirtutem atq. animi fortitudinem nobis ostentaret. Recitabo pauca. Induxit hominē de duris carceribus venientem ante conspectum Concilii ac Patrum, multa pollentem facundia, de quo post nonnulla in eius laudem, inquit: Multos salubres persirinxit, multos ledorij, multos persepe in re macta ridere coegit iocando in illorum obiurgationes. Hæc Pogius. Audisti hactenus, bone lector, christianas uirtutes in salubris, ledorij, & iocis. Non legerat vir ille Pogius B. Petrum Apostolū q. ledorias in homine christiano vetat & vituperat. Vbi enim ait: Non reddentes maledictum pro maledicto, græca voce vsus ledoriam dixit. Saltem proprietatem uocis tenuisset. Certe ledoria est apertū & mordax & amarulētum conuicium nulla urbanitatis specie uelatum, ut eruditi interpretantur. Hæccine est chri-

D. Bernardus
in ser. 66. f. 66.
per Cant.

Hieronymus
Pragensis
hæreticus
et uir
tyr. diaboli.

Pogius Florentinus.

1. Pet. 3.

stiana modestia & placabilitas? Audi nunc & in re seria & grauissimi ponderis, iocum: Narrat Pogius eum cū rogaretur quid sentiret de sacramento, respondisse: *Antea panem, & postea corpus Christi*. Et cū quidā obieciſſet: *Aiunt te dixisse, post consecrationem remanere panem: tū ille, A pūd pistorē, inq̃, panis remanet*. O io: cum importunissimū & viri parum de veritate solliciti, & ante ora Patrum irreuerentis: Et cuidam ex ordine Prædicatorum actius inuehenti: Tace, inquit, hypocrita. Considera prudens lector viri animum plenum impatientia & iracundia, reddentēq; signa certa martyris Diaboli. Nunquid à Christo hūc modum didiciſt conuiciandi, aut ab vllō vero Christi martyre? Adiecit quod & præcipuū quēdam suū aduersariū nunq̃ nisi eam nem & asinum appellauit. Deniq; cum à multis interrumpere tur dum diceret, & ipsius sententias carperent, neminem illorum intactū reliquit, paritēq; omnes vlciscens, vel erubescere coegit vel tacere. Hęc ille Pogius tanq̃ à constante viro profecta nobis enarrat, quę sola possunt illum impotentia, immodestia, superbia, & animi perturbati tergiuersitoris ac mendacis euincere. Certum est enim Iohannē Husitam obſtinato animo tenuisse, manere panem post consecrationem in Sacramento, & hunc articulum cum suo defensore fuisse damnatum in anterioribus Conciliis & summorum Pontificū decretis: & nihilominus ipso Pogio teste ille infelix Hieronymus cum ad rogum descēderet, Iohannem illum Husitā miris laudibus extulit, appellās eum virum bonum, iustum, & sanctum, & illa morte indignum. Nonne hoc solum poterat redarguere istum Stantē martyrem, & mēdacē planē atq; apertē ostēdere? Quę res q̃ conueniat vero martyri, facile est viro christiana prudētia iudicare. Sed nō est omnium gēnas distinguere, & veras à falsis dignoscere, p̃sertim eorū qui in ethnicorū historiis & poetarū fabulis virtutes perquirendas putāt.

At in nostris veris martyribus licet fortē internā lætitiā quam Spiritus intus operatur, carnis dolor aliquando obumbrēt, foris tamen nihil ab illis ineptum, nihi insipies, nihil impatiens, nihil fictum, nihil coactum, nihil deniq; non perfectē christianum prodire potest. Quod si homines huius seculi hæc non obseruauerunt, non permittant se falli similitudine falsa, sed intelligant sicuti in rebus & animi conceptibus, ita etiam in actionibus nostris cōtingere veritatem & falsitatem. Quę admodum enim est aurum verum & aurum falsum, quod tamen apparet verum: & simi-

liter ratiocinatio vera & ratiocinatio falsa, quæ tamen apparet vera, & inter hæc lata est differentia quam facile periti cognoscunt: ita pariter est in animi moribus & in actionibus nostris. Ve autem pleriq; non artifices falsa specie delusi in illis decipiuntur, hoc est, in rebus & ratiocinationibus: ita & in actionibus nostris iudicandis contingit allucinatio. Bene autē expertis, & ex ipso artificio diligenter explorantibus impossibile est cōtingere deceptionem. Et iccirco nō datur verū martyrem p̃ Christi nomine patientē allucinari. Differt deniq; verus martyr à falso (quod maxime facit ad certitudinem gratiæ) quoniā ipse & pro Christo patitur, & certō se ite p̃ pro Christo: & ideo iam quasi præsentem spē certissima videt coronam, iuxta Domini promissum: *Beati qui persecutionē patiuntur propter iustitiam, quoniam ipsi cū regnum celorum*. Quorum neutrum de falso martyre dici potest, quem B. Paulus subuersum esse & proprio iudicio condemnatum pronūciat. Alioqui si certō sentiret falsus martyr se pati amore Christi, profecto certus esset in se esse Christi charitatem. Nemo enim fine Christi charitate potest verē pati extrema propter Christum, dicente illo: *Sine me nihil potestis facere*.

Verum ad hoc responderunt ex aduerso, non tū constanter, vt euenire cōsuevit qñ nō tenetur veritas. Dixerūt. n. quidā etiam martyres ipsos ad noscendā certō gratiā suā indigere speciali reuelatione. Et addiderūt, oēs martyres specialem reuelationē habuisse. Qm̃ verō hæc ex voluntate potius q̃ ex ratione & autoritate dicuntur, indignum esset nos ob eiusmodi cōmenta esse felicitos. Ipsa martyrum testimonia, q̃ apertē se propter Deum & Christum morti occubere ex conscientia, nō ex speciali reuelatione testabātur, cōsuetant humana hæc commenta: item ratio ipsa manifestā. Sin. iubemur propter Christum animā ponere, quis vnq̃ rationabiliter ponet q̃ ignoret an propter Christū illam ponat? Nullus ergo nisi temerē hoc præceptū impleteret. Et vbi est illa vox psalmi à B. Paulo in suum vsum citata: *Quoniā propter te mortificamur tota die, estimati sumus sicut oues occisionis?* Hęc est vox martyrum q̃ propter Christū se morti tradi nō metuūt asserere corā Deo. Dicunt, satis esse vt probabiliter & opinatiue existimēt se ponere animā pp̃ Christū. Ergo hoc exigit à nobis Deus ut in opinione quiescamus, idq; in ipso vero & nō opinatiuo dispēdio uitę & periculolō animę? O miseram, iterum atq; iterum dicam. O miseram Christiani hominis cōditionem ac militiam si sic veritas se haberet.

Verum sunt argutuli quidam qui fatent
certo quidem nosse martyrem se pati ppter
Christum, nescire tamen vtrum ex charitate
infusa, an verò ex quadam dilectione acquisi-
ta, aut per auxilium Dei speciale excitatum,
non à dono infuso. O' vana hominū comen-
ta. Quis verus theologus & de scriptu-
ris sapiens & serio cogitans, hunc casum eue-
nire posse admittat? Sed demus nos illum.
Sit ergo homo fidelis q amore Christi sine
charitate (vt volunt) eousq; prorumpat vt
animam suam ponat pro illo: quæro, an
hic dicetur esse dispositus ad recipiendum do-
num charitatis, an non? Si neget, quid est
quod negari non valeat? Sin autem idonee
dispositus asseritur, donabit igitur illi charita-
tem Dominus. Et cum ipse homo certo sen-
serit se dispositum evidentiâ facti, certo etiam
nosset notitiâ fidei se habere charitatem. Nisi
quis fortasse dicat, Deum vt sit quispiam dis-
positus, requirere etiâ amplius quàm vt ani-
mam propriam ponat propter Christum.
Quod si etiam hoc dicant, cogitent (rogo)
quid est quod dixit Dominus: Maiorem charita-
tem nemo habet quàm ut animam suam ponat quis pro
amicis suis. Detur ergo iste casus: Sit aliquis fi-
delis nihil sibi conficius, & recens à sacerdote
absolutus, & sacro cibo corporis Dñi cor-
roboratus, & mox ad martyriam raptus, lu-
bens & cum gaudio suscipiens illud propter
Christum amore naturali, vel acquisito (ut
volunt) nondū sibi infusa charitate. Quæro
de viro hoc: Quod ibit ex hac vita excedens?
Certè non in vitam æternam: quoniam sine
charitate inuenit: igitur in æternas flamas.
Homo igitur qui pro Christo moritur & ni-
hil conficius sibi, resectus sacramentis, puniet
æterno supplicio? Eant ergo & hæc præ-
dicent populus, & experientur vtrum sint in-
uenturi aures quæ ab hac prædicatione non
abhorreant.

Stet igitur certissima sententiâ, opus extres-
mum veri martyris, vtpotè certissimū diuinę
charitatis effectū, certissimū signum esse in-
hæreticis diuinæ gratiæ atq; iustitiæ. Alioqui
stultè & insipienter obtulissent se neci tot mar-
tyres, si ignorasset se illud facere ex charitate
ac propterea de præmio fuissent incerti.

Nec obstat instantia de martyre hæretico;
de quo satis liquet illū nō pati propter Chris-
tū estī forte hoc illi videat. Vnde B. Augu-
stinus de falsis martyribus perspicue ait, quodd
et si nomen Christi profiteantur, non tamen
propter ipsum moriuntur: siquidem & aliqui
catholicorum nō propter Christum, sed ad
iactantiam & humanam gloriam passi sunt.

Si enim suam conscientiam legitimè, idest,
coram Deo explorassent (vt idem Beatiſſ. idem tract. 6.
Pater testatur) profecto agnouissent se non in epiſt. can. B. loa.
verè pati pro Christo, qui seipsos ab vnuerſi
sali fraternitate, quæ est Christi Ecclesia, sepa-
rassent. Quid est. n. quod facit hæreticum
nisi, vt sancti doctores tradunt, error, cum
perinacia, qui proprii honoris aut alicuius
temporalis commodi gratia contra fidem
Ecclesiæ defenditur?

Potuisse & alia multa testimonia p hac
veritate producere. Verum in re tam persua-
sibili abundare, omnino superfluum duxi:
psertim verò quoniam si cui superiora nō sunt
satis, nihil poterit esse satis. Addo quod qui
postremo scripsit, in hoc articulo de vero & F. Andrea
falso martyre, & magna inter eos & clara disse-
rentia, nostram, imò catholicam sententiam
aduersus primū disputatorem defendit, sicut
& in plerisq; aliis aduersus eundē meritò par-
tes nostras tutatur. Vega.

ASSERTIO XIII.

Quod aduersus hanc certitudinem quam asserimus,
nulla pontificia aut synodalis determinatio, nulla Vniuers-
sitatum seu Magistrorum censura militat.



PROTVLERE
quidam summi Pon-
tificis Innocentii De-
cretale de purgatio-
ne canonica, vbi di-
ctum illud Iob: Etiam
si simplex fuero etc, iuxta
vulgarem horū sen-
tentia interpretari vi-
detur. Sed oportebat prius Decretalis illius
casum & verum sensum explicare. Incum-
bebat cuidam vt se canonice de obiectis crimi-
nibus purgaret, id q; vt fieri consuevit, iure
iurando se illa crimina non perpetrasse. Ille
verò dolose mutans formam iuris iurandi, iu-
rare volebat se ab eis criminibus esse immuni-
tate sentiens se iccirco esse immunem, non
quia non ea commisisset, sed quia penitentia
esse deleta arbitrabatur. Innocentius autē
Pontifex dolum inesse animaduertens, con-
tra hanc iurandi formam in hunc modū
scripsit: Potius præsumimus q; alia de causa volebat sub
præscripta forma iurare, videlicet q; immunis erat ab illis Innocentius
criminibus de quibus fuerat infamatus, tanquā dimissus Papa
per penitentiam iam esset immunis ab illis. Sed hoc iu-
rare non parua temeritatis existeret; cum B. Iob dicat:
Etiam si simplex fuero, hoc ipsum ignorabit anima mea:
idēd præscriptam purgationis formam reprobanus tanq;

indiscretam, temerariam, & ineptam. Hæc Innocentius, vnde sumunt ipsum Pontificem sic intellexisse locum B. Iob, sicut ipsi exponunt, Cum videlicet non possit quis scire suam à peccatis innocentiam, dicente B. Iob: *Etiam si simplex fuero &c.* iccirco dixit talem purgationem per tale iusiurandum temeraria esse.

Nos autem dicimus, Si recto oculo verba Pontificis considerentur, ex eius superius citatis verbis nihil aliud haberi, nisi quod tale iusiurandum erat temerarium, & illa purgatio similiter temeraria, indiscreta, & inepta. Probatur autem indiscreta purgatio illa & inepta, etià si certo ille sciuit sibi à Domino remissa fuisse peccata. Aliud. n. est se esse fortè purgatum atq; immunem à peccatis coram Dño, aliud verò coram hominibus: id quod tum ibi requirebatur. Nam quemadmodum si fur aut homicida infidelis baptizaretur, esset proculdubio immunis à peccato suo coram Deo, nec propterea tamen euaderet iudicii ciuile: ita in casu illo. Nō. n. satis erat ei viā penitentiae se purgatum esse coram Deo, nisi coram hominibus purgatus haberetur: imò illo ipso testimonio grauabatur. Qui. n. dicit sibi aliquid fuisse dimissum à Deo per penitentiam, hoc est forte valeat in foro poli: vbi tamen iudex est homo qui arcana cordis nō videt, minime valet. Quod verò illud iusiurandum fuerit temerarium probat Innocentius ex sententia illa B. Iob, tanq; hoc pacto arguens. Si Iob cum esset sanctus & sciret suam perpetuam innocentiam, talis nihilominus erat coram Deo vt sciens illam nollet tamen scire aut agnoscere (sicut locum illum exponit B. Gregorius) quanta est rei & peccatoris temeritas, qui ausit etiam iureiurando asserere se esse à peccatis immunem? Adde quod esse immunem à peccato non solum cōtinet esse remissum culpæ reatum primū æternæ mortis, verumetiam omnem peccati penam, sicut patet de David. Et ideo benè dictū est etiam ab exemplo B. Iob, illud iusiurandum fuisse temerarium, etiam si homo posset esse certus de sua gratia coram Deo. Ibi enim fama bona coram hominibus quærebatur. Hactenus igitur offensū esto verba Innocentii nihil prorsus facere aduersū nos. Illud verò tanq; ex superuacuo addimus: quod etsi forsā Innocentius aliud senserit, non obligauit nos ad illam interpretationem recipiendam. Nec enim quodcumq; sancti Pontifices etiam in suis decretis enuntiatiue, aut opinatiue magis quam decisiue loquunt, illud haberi debet quasi decisiue ac determinatum, vt ipsimet nobis attestant. Nam

audi obsecro te prudens lector. Ipsemet Innocentius in cap. Literas, de restitutione spoliatorum, cum propoſita esset quædam quæstio circa quam erat oraculum Clementis Papæ, non habuit oraculū illud pro determinatione: imò nec ipse voluit determinare, nec ex suo responſo quicq; præiudicare contrariis opinionibus, idq; prudenter. Magnū esset. n. ac verè nimis durum, ex quouis proſolato Pontificum alligare intellectū sapientū. Non. n. semper & in omni verbo affuit illis Spiritus. Quare prudentes Pontifices non facile nec nisi ex magna causa, & multa inquisitione ac discussione præmissa, consuevere quicquam decidere aut pro decisis habere; quod non apertum fuerit & clarum in scripturis sanctis, aut Patrum communi consensu receptum ac traditum, vt non quicquid illis visum fuerit, habeant aut non haberi velint explorato atq; cōperto. Alioqui in re propoſita cur magis sequi debeamus Innocentii interpretationem, quā illam B. Gregorii, cū vterq; Pontifex Rom. fuerit? B. Gregorius autem etiam doctor Ecclesiæ, & in interpretatione scripturarum admirabilis, & singulari quadam prærogatiua illum librum Iob interpretatus est. Quocirca quidam eorū parum æquus disputator nobis aduersum nos. Nam illud sibi sumit quod nobis in pari, imò etiam in multo meliori causa non concedit. Vult. n. nos teneri Innocentii Pontificis auctoritate ob id quod obiter illud dixit (quanq; nec illud dixisse constat) se autem Alexandri Papæ certiore sententia teneri non vult. At hoc non est veritatem colere, sed sophistam potius agere, à quo vitio theologum disputantem longè abesse decebat.

CONCILIUM autem Tridentinū contra nos aliquid decreuisse, falsò existimari ab aduersariis speciali libello demonstrauimus, & in præfatione nostra ad has assertiones repetiuius ppter ignaros intentionis Patrū, quæ fuit contra Lutheranos tantum, nō contra Catholicos vlllos, sicut Reuerēdis. Legati sæpius cōtestati sunt, & in Actis est memoriæ commendatum. Quod autem cum lutherano errore nedum nihil confine habeat vlli nostra assertio, sed è diametro pugnet, ita manifestum feci, vt nec qui ex aduerso cōtra nos scripserunt valuerint insinuari, sed ambo confiteri tandē coacti sunt. Quod verò verba ipsa & titulus Decreti, sicut in præfatione diximus, hoc plurius manifestè declarēt, patet. Titulus. n. hic est: CONTRA INANEM HAERETICORVM FIDVCIAM. Quis autem inanem fiduciā ausit illā asserere;

Concilium
Tridentinum

Dicta Pontifi
cum non sēper
obligant

Catholica
fides.

quā & scripturā & sancti Patres, ut superius multis locis ostendimus, commendant atque præcipiunt? Verba autem ipsa Decreti plane indicant de ea fide loqui Patres cui non possit subesse falsum, quæ est catholica fides. Nos autem non certitudinem fidei catholicæ in proposita questione defendimus: certitudinem tamen, & quæ valeat & debeat in nonnullis auferre omnem dubitationem & formidinem Spiritus sancto testante interius cum eorum spiritu. Proprie autem fides cui non potest subesse falsum, catholica fides est, cui ratione communis & probati obiecti per Ecclesiam, subesse falsum non potest. Hoc vero obiectum quoddam vel ille finis adepti gratiam, est particulare obiectum, nec ab Ecclesia probatum, sed fide particulari suscipitur: circa quod potest homo falli, quia huic obiecto potest subesse falsum.

Ad hæc, Si hanc interpretationem non recipiant, sed absolute omnem certitudinem negare velint esse possibilem, & de ea loqui Decretum, innumeris Sanctorum & scripturarum testimoniis obruuntur, quæ supra in plerisque Assertionibus produximus: imò simpliciter Decretum illud, etiam iuxta aduersariorum doctrinam & confessionem, falsum inuenitur. Ipsi .n. docent, saltem ex reuelatione speciali posse haberi hanc fidei certitudinem cui non possit subesse falsum. At Decretum negat absolute haberi posse, nihil distinguens, nihil excipiens. Sed omne minus prudentem qui rem actam ago, & propter nescio quos plus iusto & plus satis videri possum sollicitus. Hic igitur merito quiescam.

Quoddam tandem & Parrhisensium & Louanensium censuras aduersus lutheranā circa hoc doctrinam quidā adduxerint quasi nostram doctrinam damnauerint, importunum omnino fuit. Ecce in Parrhisensi censura primo ponuntur hæc Lutheri verba: *Pessime docent theologi quando dicunt nos nescire quando sumus in gratia. Et continenter apponitur censura his verbis: Hæc propositio intelligendo nescire certitudinem fidei de qua loquitur scribens, est falsa, sacris doctoribus dissona, & sanctæ intelligentiæ scripturæ.* Hæc illa Vniuersitas. Et simili modo aliam Lutheri positionem damnat, nimirum hanc: *Caveat omnis Christianus ne unquam incertus sit An Deo placeant opera sua. Qui .n. sic dubitat, peccat & perdit opera sua cuncta, frustra quoque laborat.* Hæc Lutherus. Censura vero ait: *Huiusmodi consilium, loquendo de certitudine ut supra, est temerarium, perniciosum, et sacris eloquiis minus conforme.* Hæc ibi. Quis autem hic primum nō videat nihil esse quod contra nos faciat? Non .n. simpli-

citer damnatur sententia quæ ait hominem scire posse certitudinem fidei se esse in gratia, sed damnatur intelligēdo de certitudine fidei de qua loquitur Lutherus. At hæc certitudo fidei lutheranæ tantum distat à nostra fidei certitudine, quantum distat celum à terra. Lutherus .n. dogmatizat nos sola fide absque ullis operibus bonis obtinere gratiam, quam non possumus amittere nisi sola infidelitate, & hinc adducit certitudinem gratiæ, videlicet à certitudine suæ illius fidei. *Quia .n. (inquit) cerio scimus nos credere, ideo certi sumus nos esse in gratia.* Hic est vnus ex articulis fidei ipsius Lutheri. *Quicumque cerio & nihil titubans credit se esse absolutum, erit absolutus, quicquid sit de contritione & quouis alio opere charitatis.* At nos & conuerso pugnamus acriter aduersus hæc omnia, statimque certitudinem gratiæ non in sola conscientia fidei, sed in legitima sacramentorum susceptione, & in conscientia bonorum operum ac perfectum insignium & heroicorum, & iugitimore atque obedientia mandatorum Dei ex fide. Et propterea manifestè consequitur, quod Parrhisensis Vniuersitas damnando præcisè ac disertè lutheranam illam fidei certitudinem, non solum non damnat hanc nostram, sed potius ipsa Vniuersitas (quam scio esse doctissimam) ostendit se nolle damnare, cum optime nos, certitudinem hanc quam nos defendimus nec repugnare sacris doctoribus, nec sanctæ scripturarum intelligentiæ: quod ex superioribus citatis de sacra scriptura & sanctorum Patrum sententiis quam latissime patet. Scio ego viros eius Vniuersitatis doctores, nec eos quidem obscuro nominis, sed valde claros, hanc nostram sententiam etiam in suis scriptis pbauisse: sed quia aduersarii, eorū autoritatē reiciunt, & habemus argumenta fortiora & quasi redudatā, cōsulto omitimus.

Louanensis autem censura in hunc modum statuit: *Fides qua quis firmiter credit, & cerio statuit Censura Louan.*
propter Christum sibi esse remissa peccata, siquæ possessum non.
rum uitam æternam, nullum habet in scripturis testimonium. Verissimum est hoc omnino. Nam palam lutheranam illam fidem indicat & iure damnat, ex qua sola prædicant non solum præsentem gratiam reddi certam, verum etiam vitæ æternæ possessionem: hoc idem nos et anathematizamus. At illud quod eadē censura subiecit, nobis mirificè fauet. Subiecit enim: *Tamen si firma & certa spe debemus expectare in hac quidem uitā per sacramentum baptismi & penitentiae remissionem peccatorum, & in futuro seculo uitam æternam.* At hoc certe nō potest recte fieri & expectari, nisi ab his qui cōscii fuerint se esse in gratia Dei. Alii .n. nō possunt habere spem

Lutherus.

Censura Parrhisien.

firmam ac certam. Nam qui dubitat similis est fluctuanti: & qui non est in charitate, vnde potest elicere spem certam ac firmam, cum teste Apostolo, spes ob eam causam non confundat, quia charitas Dei diffusa est in cordibus nostris per Spiritum sanctum qui datus est nobis: id quod declarat B. Bernardus ait: Ideo spes non confundit, quia charitas certitudinem infundit.

Pro nobis ergo potius statuunt ambarum gloriosissimarum Vniuersitatum censure. Si quidem positum nostra de certitudine gratiæ magis opponitur lutheranæ doctrinæ quæ sua contradictoria. Lutherus. n. certitudinem gratiæ prædicat venire à sola fide, & illa quidem catholica quam omnes habere tenentur. Nos autem contra è diametro non à sola fide, neque catholica fide. Ille item neque à sacramentis, neque ab operibus charitatis posse hominem certum reddi suæ gratiæ asseuerat: Nos autem similiter oppositum è diametro astruimus. Quare qui hac parte nobis aduersantur, manifestè cū Lutheranis cōsentiant. Imò dicere ausim, tantò deterius quæ illi in hoc articulo aberrant, quantò leuioris est erroris nimium arrogare fidei, quæ simul derogat fidei, sacramentis, & operibus. Clara sunt hæc nimium & aperta, quibus needum video esse responsum, nec arbitror posse à quoque idoneè responderi.

Vnū obiter addam cōsideratione dignissimum, quod scilicet quantum possum meo qualicumque ingenio attingere, illa opinio de incertitudine gratiæ locum hæret lutheranæ patefecit. Quia. n. cōmunis animorum cōceptio refragatur, quæ non potest admittere nos perpetuò esse debere ambiguos, & conscientiam tanto dubio ac formidine usque ad mortem torqueri, in eo præsertim in quo statuitur summa rei: propterea astutus ille, imo verius à Demone instructus, inuenit illam à sola fide certitudinem, quia iam docuerat eam ab opibus haberi non posse. Nescit. n. homo (ait ipse) vtrum cōtinuè peccet, pro occultissimū superbiæ vitium.

Qui ergo Luthero præter modum aduersatur, ponit omnino incertitudinem præterquam specialem reuelatione Dei, & hæc operari fidem negant, contra D. Bernardum. Nos autem media ac regia via incedentes, dicimus hominem posse quidem certum esse suæ gratiæ, non tamen à sola notitia eorū quæ sunt catholici fidei, neque ab ea fide quæ Lutherus prædicat & beatificat: sed scripturarum & sanctorum Patrum doctrinæ sequenti, à sacramentorum certa virtute, & à conscientia bonæ voluntatis non admittentis dolum in lumine Spiritus sancti testantis: Itè à perpetuo tenore recte & inculpate vite, à timore Dei sancto, & à desiderio & zelo glo-

riæ eius & aduētus eius. Denique à luce magna clarissimorum operū quæ facta sunt in Deo. Est. n. & in operibus sua quædam lux, quæ illis testimoniū perhibet. Vnde Dominus iubebar: Sic luceat lux vestra coram hominibus ut videant opera vestra bona, & glorificent Patrem vestrum qui in cælis est. Quare quæ hæc certitudo non adit omnibus, aut etiā sibi adesse plerique non sentiant, hoc vel à praua vita est, vel à multa tepiditate & inconsideratione & paruo exercitio fidei. At iusti ac perfecti qui sunt solliciti ambulare cū Deo suo, & peregrinari verè sunt in hoc mūdo, cogitatione & auditate recedentes in patriam, habent certum in corde testimoniū Spiritus, quo perspicue noscunt se & diligere & diligere, qui ut ster cora deputant omnia mundi huius bona, & arthra se tenere futurorū non ambigunt: & cū hanc fiduciam habeant, non propterea cessant cū timore ac tremore suā salutem operari. Neque. n. notitia hæc timorem sanctum excludit, sed potius augeat. Et contra, ipse timor sanctus quantò maior, tantò magis certitudinem operatur, ut eleganter D. Chrysostomus & B. Gregorius testantur.

ASSERTIO XIII.

Quod qui contra hanc certitudinem quam defendimus, scriptis contendunt, ita disputant ut nostris partibus (quod veritati magnopere attestatur) multo magis fauerit.



ESTIMONIA ILLUD quod in causa controuersa ex aduersariorum verbis elicitur, cum valde virgeat, & mira Dei prouidentia nobis in questione disputata omnino faueat, nullo modo est omittere. Duo celebres in sacra theologia magistri, qui cæteris vehementius contra gratiæ certitudinem & verbo & scriptis editis suam sententiam tueri conati sunt, iuxta hæc postremam nostram assertionem ita scripserunt, ut cū vellēt nrā destruere, misissent nobis fuerint attestati: quod ex eorū disputationibus multifariam colligi potest.

Primo quidē siue prudenter ac de industria, siue incogitater ex deceptione ignorantis positionem nrām, statim controuersiam cōmutarūt. Nam qui prior illorū scripsit, ita questionem proposuit ac si nos certitudinem fidei catholici, aut eā certitudinem quæ citra sit intensiue quanta est fidei catholici certitudo, defederemus: cū planè ac disertè à nobis recitata in Synodo sententia protestati fuerit, nos non catholice fidei certitudinem defendere, sed eam quæ etiam non sit fidei catholici, sit nihilominus fidei certitudo, quemadmodum plerique Doctorum &

sanctorum Patrum nuncupare non dubitarunt: de qua re & superius latius, & aliis tribus libellis lectorem admonui.

Secundo adiuvant causam nostram tractatores, dum differentes ita rem egerunt, ut nisi de eorum mente certi essemus, suspicari quis merito potuisset, eos nobiscum collusisse, quando vel manifeste falsa sibi sumunt, ut ex iis falsis concludant: vel ex veris sumptis nihil aduersum nos obtineat. Nam qui prior scripsit, nervos argumentorum in hoc tantummodo intendit ut per ea solam fidei catholice certitudinem oppugnaret, iuxta falsum possum a se controuersis statum.

Ad hæc, Idem disputator ut ex falsis veritatem expugnaret, pro re comperta & clara quasi dignitate sibi hoc sumpsit: Fides infusa non potest extendi ad ea que sunt facti, non in scripturis expressa aut in Ecclesia determinata. Et hic fuit inuictissimus eius (ut ipsi appellare solent) Achilles. Gaudeo equidem, ab eo q posterior scripsit, quicq mecum ea in parte sensit, hanc dignitatem tanq manifeste veritati aduersam merito fuisse reprobata.

Erat & aliud commune utriusq argumentum. Disseruit. n. Habere huius rei certitudinem minime nostra interest: quin potius ad ruinam faceret: quod dictum, ut evidentissimè falsum, in sexata assertionem iam efficaciter explosimus.

Ad hæc, pari modo velut dignitate quandam viri isti sibi sumperunt: Nullum potest in homine iusto esse suæ charitatis & gratiæ inditum ita evidens, ut non sit etiam commune existentibus in peccato mortali. At nos istud dogma & contra scripturas & sanctorum sententias militare, fideiq nostræ summo pere derogare, in citatis libellis nostris & abundius in citata assertionem demonstrauimus. Et circa sacramenta, quæta, (obsecro) sibi sumperunt quasi certa ac per se nota, ut incertitudinem effectuum eorum demonstrarent, quæ tamè nullas sanæ doctrinæ theologus queat admittere? Sed hæc item superius discussa sunt & reprobata plus satis.

Tertio, & in hoc nostras partes verè plurimum adiuerunt, q nec scripturis, nec sanctorum sententiis, nec fortissimis rationibus quas pro nobis adduximus, idoneè responderunt. Hoc adeo manifestum est, ut qui posterior scripsit, tandem in nostram sententiam veniens, & vi veritatis palinodiam recinens, inge-

nue id falsus fuerit his verbis: Mature omnibus hinc inde pensatis, probabilius profectò esse crediderim, posse aliquos viros spirituales tantopere in exercitiis spiritualibus & in familiaritate diuina proficere, ut absq ulla temeritate possint certi & absq ulla hesitatione credere se inuenisse gratiam et remissionem peccatorum suorum apud Deum. Hæc ille. Et postq plurima argumenta pro hac sententia adduxit, adiecit: Possunt nimirum ista argumenta (ni fallor) sufficere ad confirmationem præfate sententiæ, & eam communiter possumus pluribus argumentis ex illis quæ pro certitudine fidei de nostra iustificatione facta sunt. Loquitur de illis quæ nos produximus, de quibus ait: Certè non plene multis ex illis satisfis, nisi concedamus possibilem esse iustis aliquam certitudinem de sua gratia alienam ab omni metu & formidine. Hæc ille: quibus etià addidit plura sanctorum testimonia, quæ nos in superioribus assertionibus commemorauimus.

Quarto, Non minus fauet nostræ sententiæ q ipsi tractatores in plerisque quæ maxime ad re pertinebant, inter se non cõsenserunt. Imò nec vili eorum secum contulisse, facile ex suis ipsorum & nostris scriptis, vbi frequenter huius rei lectorem admoneo, comprobatur: quod totum potentia veritatis & claræ lucis est adscribendum.

Deniq illud feliciter nobis astipulatur, q si eorum disputationes ad summam redigimus, facile iudicabit acutus lector circa principale questionem ambos ferè penitus in nostram sententiam concessisse. Consentitur nambo aliquam dari certitudinem, & quidem fidei certitudinem, quanq non catholice. Et licet ambo quandoq negauerint hanc esse certitudinem fidei, ut diuinæ fidei certitudinem, interdum tamen & hoc cõcedunt. Nam ille prior in hunc modum scripsit: Si uis coarctare nomen ut dicatur diuina fides ex parte causæ, scilicet quia gignitur ea fides à Spiritu sancto, nihil mea refert etc. Qui autem posterior scripsit, postq sapius iam fidei certitudinem negasset, probauit tandem doctrinam Ioannis Bachonis; qui dixit certitudinem consequentem fidem. Et adiecit: Quod si hoc putas esse satis ut uocetur certitudo fidei, non admodum repugnabo: sed ut pax sit, & omnes in unum conueniamus, dabo quod uis & me uolensq uictusq remittam. Hæc ille: ut videat prudens lector quantarum sit virium veritas, cui etiam maxime aduersantes, dum rem diligentius ac maturius tractant, mirificè attestantur.

Benedictus Deus.

NOTA

NOTA

REGESTVM

A B C D E F G H. Omnes sunt terniones præterq H qui est duernio.

Impressum Romæ in officina Antonii Bladi Typographi Apostolici
Mense Nouembris Anno M. D. LI.



UNIVERSIDAD DE SEVILLA



600149690

